

Ն. ՏԵՐ-ՂԵՒՈՆԻԵԱՆ

ԾԱՅՐԵՆԻ ԼԵՋՈՒԻ



Գ.

Ե.

Գ. ՏԱՐԻ

491.99-8
 Կ-45

1911

3-817a

3-45

18 MAY 2010

ՄԱՅՐԵՆԻ ԼԵԶՈՒ

ՊԱՍԱԳԻՐԲ ԲՆԹԵՐՅԱՆՈՒԹԵԱՆ

ԵՐՐՈՐԴ ԳԻՐԲ

3378

ԵՐՐՈՐԴ ՏԱՐՈՒԱՅ ՈՒՍՈՒՑՄԱՆ ՆՈՒԹԸ ՀԱՅՈՑ ԼԵԶՈՒԻ ԴԱՍԱԽԱՆԴՈՒԹԵԱՆ
ԺԱՄԱՆԱԿ

ՏԱՄՆԵԻԵԹԵՐՈՐԴ ՏԻՊ

Արժանապատ 14-դ սպագրուքիւնից, որ բոլլատրուած է կով. Ուս. եղանի Հոգաբար-
ձական Խորհրդի կողմից որպէս ձեռնարկ՝ Հայերէն լեզուն դասաւանդելու ժամանակ.

Ա Շ Խ Ա Տ Ա Ս Ի Ր Ե Ց

ՆԻԿՈՂԱՅՈՍ ՏԷՐ - ՂԵՒՈՆԴԵԱՆ



Թ Ի Յ Լ Ի Ս
ՏՊԱՐԱՆ ՄՆ. ՄԱՐՏԻՐՈՍԵԱՆՑԻ, ՊՈՒՇԿԻՆԵԱՆ ՓՈՂՈՑ № 3.
1911

Մ Ա Յ Ր Ե Ն Ի Լ Ե Ջ Ո Ւ Ե Ր Ր Ո Ր Ի Տ Ա Ր Ի

Հ Ա Տ Ո Ւ Ա Ծ Ա Ռ Ա Ջ Ի Ն

Պ Ա Տ Մ Ո Ղ Ա Վ Ա Ն Յ Օ Ր Դ Ո Ւ Ա Ծ Ն Ե Ր և ո Ն Ր Ա Ն Ց Հ Ա Մ Վ Պ Ա Տ Ա Մ Խ Յ Ա Ն Չ Ա Փ Ա Ր Ե Ր Ա Վ Ա Ն
Գ Ր Ո Ւ Թ Պ Ի Ն Ն Ե Ր :

1. Տ Ա Ն Ի Ց Դ Է Պ Ի Ո Ւ Ս Ո Ւ Մ Ն Ա Ր Ա Ն

Արամը մի ութ տարեկան տղայ էր: Ծնողներն ուղարկում էին նրան ուսումնարան: Մի առաւօտ, ուսումնարանի գնալիս, նա միտքը փոխեց. չէր ուզում դասի գնալ. կամենում էր խաղալ: Օրը գեղեցիկ էր. արեգակը փայլում էր և տաքացնում. թռչուններն անուշիկ երգում էին: Շուրջը նայեց Արամը, բայց մարդ չտեսաւ. կանաչ հովտի վրայ իւր հասակակիցներից ոչ ոք չկար: Արամը մտեցաւ մեղրաճանձին, որ թռչկոտում էր ծաղկից ծաղիկ:—«Մի՞րոն մեղու, ասաց մանուկը. եկ միքիչ խաղանք»:

—Չեմ կարող, պատասխանեց մեղուն, ես մեղը եմ ժողովում ծաղիկներից:

Արամը միքանի բայլ առաջ գնաց: Շունը ուրախ ուրախ վազվեցում էր հօտի շուրջը:



39969-67

«Շնիկ, այ լաւ շնիկ, եկ միքիչ խաղանք»:

— Ժամանակ չունիմ. ես պահպանում եմ իմ տիրոջ ապրանքը, որ գայլը չյափշտակէ կամ գողը չգողանայ:

Երեխան առաջ անցաւ և տեսաւ մի փոքրիկ թռչուն: — «Սիրուն թռչուն, միքիչ խաղանք, ուրախանանք միասին»:

— Ես տխուր չեմ, որովհետեւ գործ եմ շինում. ես դեռ պէտք է մամուռ, խոտ, բուրդ հաւաքեմ և բուն շինեմ իմ ապագայ ձագուկներին համար:

Արամն սկսեց ձանձրանալ. ոչ-ոք չէր կամենում խաղալ նրա հետ: Նա մօտ վազեց առուակին, որ հոսում էր հովտի միջով, նայեց նրա կարկաչուն ալիքներին և ասաց.

«Ինչպէս տեսնում եմ, միայն դու ես, որ գործ չունիս անելու. ուրեմն եկ միքիչ խաղանք ես և դ՛ու»:

Առուակն ուռցրեց մէջքը և բարկացած պատասխանեց.

— Ո՞վ չունի գործ. ծոյլ, ծոյլ տղայ. չե՞ս տեսնում, որ ես գիշեր ու ցերեկ աշխատում եմ: Ո՞վ է ջուր տալիս կենդանիներին ու բոյսերին. ո՞վ է լուսնում կտաւիքը. ո՞վ է պտտացնում ջրաղացի անիւները. ո՞վ է հանգցնում հրդեհները, եթէ ոչ ես: Տեսնում ես՝ ես մի բոպէ էլ հանգստութիւն չունիմ. ուրեմն ձեռք վեր առ ինձանից և դնա՛ գործիդ:

Արամն ամանչեց և շտապով գնաց ուսումնարան:

Ուղղագրութիւն 1. Վանկեցէք առաջին երկու նախադասութիւնների բառերը. ուր որ հարկաւոր է՝ ը աւելացրէք: Վանկի հիմքը ձայնաւոր տառն է. բաղաձայն տառերը, վանկելիս, կպչում են նախորդ կամ յաջորդ ձայնաւորին:

2. Տողադարձի ժամանակ միշտ պէտք է ամբողջ վանկ անցկացնել. ու տառը, եթէ մենակ է, առանձին վանկ է կազմում, իսկ եթէ մօտը ուրիշ ձայնաւոր ունի, կցւում է այդ ձայնաւորին

և նրա հետ միասին մի վանկ է կազմում՝ մե-դու, մե-դուա-պան. ա-ռու, ա-ռուակ:

3. Վանկելիս, ուրեմն և տողադարձի ժամանակ, յ տառը իր մօտիկ ձայնաւորից չի կարելի բաժանել, Հայ-աս-տան և ոչ Հայաս-տան, որովհետեւ եթէ բաժանելու լինինք, նա կընկնի յաջորդ վանկի սկիզբը և, ըստ կանոնի, կըկարդացուի որպէս հ:

4. Գործողութիւն ցոյց տրուող բառերում ցննել վերջաւորութիւնը միշտ վանկելու էք անբաժան՝ կար-դա-ցնել և ոչ կար-դաց-նել, բուսց-նել, կանգնեց-նել:

5. Ն և ը տառերը բառի վերջում հարևան բաղաձայնի հետ առանձին վանկ են կազմում՝ ձեռք-ձեռքն. ծունկ-ծունըր:

2. Թ Ռ Չ Ն Ի Կ Ն Ե Ր

Շատ էի սիրում մանուկ հասակում
Ես թռչունների սիրուն ձագերին,
Եւ որսում էի նոցա մեր այգում
Կանաչ, ցօղապատ թրփերի միջին:

Ես հիւսում էի անխոնջ եռանդով
Փափուկ մամուռից ջրնքուշիկ բըներ.
Հոգս էի տանում կարեկից սըրտով
Մերկ ճուտիկներին ցերեկ ու գիշեր:

Բայց անա նոքա թեւաւորուեցան
Եւ ազատ օդում ձախրել են ուզում.
Ես բաց եմ անում դուռն ու պատուհան,
Որ ուրախ թռչեն, վըխտան թրփերում:

Թըռչում են նոքա, երգում, ճըլվըլում.
Անհուն ցընծութեամբ լըցւում է հոգիս:
Եւ նորից նոցա ես յետ եմ կանչում.
Նոքա գալիս են—ունկընդէր խօսքիս:

Ուղղագրութիւն 6. «Ես սիրում էի թռչունի ծագերին՝ փոխանակ—«ձագեր» կամ «ձագերը»: Ես մորթեցի մի հաւ. ես հաւ մորթեցի և ես մորթեցի հաւը, բայց ոչ՝ հաւին:—Մարդկանց յատուկ և հասարակ անունները, որոշեալ յօդով, հայցական հոլովում նման են լինում տրականին. մնացած գոյական անունների հայցականը նման է ուղղականին:

7. Չափաբերական գրուածքների մէջ, վանկերի հաշիւը պահելու և ներդաշնակ կարգալու համար, ը ձայնաւորը սովորապէս գրուած է այնտեղ, ուր նա առանձին վանկ է կազմում՝ «քընքուշիկ բըններ», «որ ուրախ թըռչեն, վըխտան թըփերում»:

3. Ա Ր Մ Ի Ն Է

Արմինէն հինգ տարեկան մի աղջիկ էր, երբ մեքենան կտրեց նրա աջ թևը: Մանկիկը շատ հեծեց, լաց եղաւ, շատ ցաւ քաշեց ու արցունք թափեց: Բայց Աստուած խղճաց նրան. գտնուեցան բարի մարդիկ, սպեղանի շինեցին և վէրքը կապեցին:

Անցան օրեր: Արմինէն մեծացաւ: Նա ամեն առաւօտ ուսումնարան էր գնում: Որպէս ուշադիր մանուկ՝ նա ոչ միայն լաւ կարդում էր, այլև գեղեցիկ գրում էր ձախ ձեռքով: Վարժապետները շատ էին սիրում նրան և պարգև ու նշան էին տալիս:

Մի օր թագաւորի ամուսինը, որ մի բարի կին էր, գիւղի միջից անցած ժամին, կանգ առաւ և գիւղապետին խնդրեց, որ մի փոքրիկ, բայց խելացի աշակերտ բերեն իւր առաջ: Մարդ զրկեցին, Արմինէին բերին վարժարանից:

Աղջիկը թեազուրիկ, բայց ուրախ ու համարձակ եկաւ կանգնեց թագուհու առաջ: Ազնիւ տիկնոջ աչքերը լցուեցան. նա գգուանքով առաւ նրան իւր գիրկը, համբուրեց և ասաց. «Աղջիկս, գոհ եմ, որ գու այդպէս լաւ գրում ես ու կարդում. դրա փոխարէն կամենում եմ վարձատրել

քեզ. ասա, ի՞նչ տամ քեզ՝ մի նոր գիրք, հագուստ, թէ՛ խաղալիք. գուցէ դու կամենում ես, որ ես քեզ համար շաքարեղէն ուղարկեմ, կամ օղեր ու զարդեր ընծայեմ... Շիտակն ասա, մի վախենար. ի՞նչ որ խնդրես, պիտի տամ»:

Արմինէն, որի սիրտը լցուած էր ուրախութիւնից, բաց արաւ բերանը և խնդութեամբ կանչեց.— «Մի թե տուէք ինձ, Տիկին»:

Ուղղագրութիւն 8. Արմինէ, Գայիանէ, Հուսիսիմէ. Արմենուհի, տիրուհի և Տիրուհի, Վարդուհի, աշակերտուհի. Պերճանոյշ, Հայկանոյշ, Սիրանոյշ. Սանդուխտ, Հայկանդուխտ: Վերջայարմասնիկները՝ է, ուհի, անոյշ, դուխտ—միակ իգականակերտ մասնիկներն են Հայոց լեզուի մէջ:—Հայոց լեզուն առարկայի սեռը ցոյց տուող վերջաւորութիւններ չունի. գոյական անունների սեռը մեր լեզուի մէջ իմացուած է բառի ներքին նշանակութեամբ:

4. Մ Ա Ն Կ Ա Ն Ը

Ուրախութիւն քեզ անպակաս,
Ո՛վ դու մանուկ սիրելի.
Ծլիս, ծաղկիս ու ծերանաս,
Տալով պտուղ արժանի:

Որպէս ծաղիկ, մանուկ, քաղցր ես,
Եւ շնորհագեղ որպէս օր.
Մանուկ-մանուկ, ինձ չըխաբես,
Միշտ կաց այդպէս լուսաւոր:

Նայիր վերև, տես, ի՞նչ սիրուն
Այնտեղ փայլում են աստղեր,
Ե՛ւ անթիւ են, և՛ շողշողուն,
Որպէս երկու քո աչեր:

Այնտեղ, հոգեակ, բնակւում է
 Մեր սուրբ Հայրը երկնքի,
 Նա է, որ մեզ ուղարկում է
 Ե՛ւ կեանք, կ՛ սէր, կ՛ հոգի:

Ուղղագրութիւն 9. «Որպէս երկու քո աչեր»: Երկու աչք, երեք մշակ, չորս աշակերտ. երկու սիրուն աչեր, երեք աշխատաւոր մշակներ, չորս քաղցրաքարոյ աշակերտներ: Թուական որոշողների մօտ որոշեալը միշտ գրւում է եղակի. բայց եթէ թուական որոշողի և առարկայի մէջ ընկնում է մի այլ որոշող, ապա որոշեալը գործ է ածւում յոգնակի:

10. Երկնքի Հայր—երկնաւոր Հայր. քարի տուն—քարէ տուն. հիւսիսի բնակիչ—հիւսիսային բնակիչ:—Գոյական անունների սեռական հոլովը գործ է ածւում յարաբերական ածականի տեղ:

5. ՅՐԻԴՐԻԿՈՍ ԹԱԳԱՒՈՐԻ ՍՊԱՍԱՒՈՐԸ

Պրուսիայի Ֆրիդրիկոս թագաւորը մի օր իւր սենեակի մէջ սաստիկ զբաղուած էր. նա քաշեց զանգը, բայց սպասաւորը չերևեցաւ: Թագաւորը վերկացաւ, դուռը բաց արաւ և տեսաւ, որ սպասաւորը տախտի վրայ ընկած՝ քնած է: Մօտ գնաց, որ զարթեցնէ: Այդ միջոցին աչքովն ընկաւ մի նամակ, որ սպասաւորի գրպանից կիսով չափ դուրս էր ընկած: Թագաւորը մեղմօրէն դուրս հանեց թուղթը, որ իմանայ թէ մէջն ի՞նչ կայ գրած: Նամակումն ստուած էր.

«Իմ անգին որդի, անչափ շնորհակալ եմ, որ այս անգամ էլ չուշացրիր ուղարկել ինձ քո ամասկանի կէսը. դու քո ծնողասիրութեամբ քաղցրացնում ես մօրդ ծերութեան օրերը. հաստատ յոյս ունեցիր, որ Աստուած դրա փոխարէն պիտի օրհնէ քո կեանքը»:

Նամակը կարդալուց յետոյ, թագաւորը ոսկով լցրեց մի քսակ և նամակի հետ դրեց սպասաւորի գրպանը. ապա

դարձաւ իւր սենեակը և աւելի սաստիկ հնչեցրեց զանգակը: Սպասաւորը զարթնեց ու ներս վազեց:

«Լաւ էիր քնել», նկատեց թագաւորը:

Սպասաւորը կամենում էր իրան արդարացնել. շփոթման մէջ ձեռքը տարաւ գրպանը և անգիտակցաբար դուրս հանեց քսակը: Ոսկիները տեսնելուն պէս՝ գոյնը թռաւ:

—Տէր արքայ, ասաց սպասաւորը, թագաւորի ոտներն ընկնելով. չգիտեմ ով է դրել գրպանումս ոսկով լիքը քսակը. երևի մահս եմ կամենում:

«Բանեկամ, պատասխանեց թագաւորը. Աստուած շատ անգամ իւր բարիքը հասցնում է մեզ, երբ մենք քնած ենք լինում: Առ այդ քսակը, ուղարկիր մօրդ, ողջունիր իմ կողմից և ասա, որ անհոգ լինի. այսուհետև ես պէտք է խնամք տանեմ նրան: Իսկ դու, սիրելիս, վատահ եղիր, որ ինձ մօտ բաղդաւոր պիտի լինիս»:

Ուղղագրութիւն 11. մեղմօրէն, մարդկօրէն, քաջօրէն...

Արիապէս, մեծապէս, այսպէս, այդպէս, այնպէս...

Յովհաննէս, Վրդանէս, Արիստակէս...

Աբէլ, Նաթանայէլ, Իսրայէլ, Էմանուէլ...

Գայէն, Ռուբէն, Բաբելէն, Սուբէն...

Գինեւտ, հացաւտ, ծաղկաւտ, մրգաւտ...

Գարեղէն, փայտեղէն, հողեղէն, մսեղէն...

Հայերէն, տաճկերէն, ուսերէն, պարսկերէն...

Թագընկէց, գահընկէց, պատընկէց, շանթընկէց...

Ջրօրհնէք, տնօրհնէք, երբէք, բերէք, տարէք...

Վերօյիշեալ վերջայար մասնիկները դիտեցէք. նոքա միշտ և ամենայն տեղ է-ով պիտի գրուին:

6. «ՉԱՐԸԴ ՏԱՆԵՄ»

Իմ նանը, սրդիք, մի շատ լաւ կին էր.

Ժամ ու պատարագ նա շատ կըսիրէր.

Թէ արթնանալուց, թէ քուն մտնելուց՝
 Ինձ համար նա միշտ աղօթքներ կ'անէր.
 Ինձ էլ աղօթքի իւր հետ կըտանէր.
 Ու թէ պատահէր՝ հիւանդանայի,
 Կամ անակնկալ փորձանքի գայի,
 Նա, գորովալից ոգևորութեամբ,
 Կրծքին փարելով, միշտ կըհարցնէր.
 — «Ասա, զաւակս, ի՞նչըդ կըցաւի,
 Ասա, դէ, նանը քո չարըդ տանի»:
 Իմ խեղճ նանիկը իւր ամբողջ կեանքում
 «Չարըս էր տանում», չէի հասկանում:
 Ա՛խ, իմ մայրիկը, սիրո՞ւն մանուկներ,
 Այնքան բարի էր, այնքան անձնըւէր,
 Որ վերջը, իրաւ, իմ «չարը տարաւ»,
 Սիրած գաւակին որբ, մենակ թողաւ:

Ուղղագրութիւն 12. «Կըսիրէր, կըտանէր, կ'անէր» — փոխանակ՝ սիրում էր, անում էր, տանում էր. կըցաւի — փոխանակ՝ ցաւում է:

13. «Թէ արթնանալուց, թէ քուն մտնելուց» — փոխանակ՝ արթնանալիս, քուն մտնելիս, կամ՝ արթնանալու, քուն մտնելու ժամին:

14. Բայի հետ կը մասնիկը գրում է կից կամ անջատ: Բարւօք է կից գրութիւնը, ինչպէս որ ձայնաւորով սկսուող բայերի հետ կից է գրում (կ'ասեմ, կ'անեմ, ուրեմն և կըգրեմ, կըբերեմ):

7. ՄԻ ՀՈԳԻ ԵՐԿՈՒ ՄԱՐՄՆԻ ՄԷՉ

Երուսաղէմ քաղաքի տեղը երբեմն մի մշակուած վարելահող էր և այն հողաբաժինը, ուր կառուցած է տաճարը, պատկանում էր երկու եղբօր, որոնցից մէկն ամուսնացած էր, միւսը՝ ամուրի: Հնձի ժամանակ նրանք իրանց խուրձերը կապեցին և երկու հաւասար դէզ բարձրացնելով, թողին դաշտումը:

Գիշերը ամուրի եղբայրը մտածում էր.

— Եղբայրս կնոջ ու որդոց տէր է և նրանց պէտք է կերակրէ, ուստի իրաւացի չէր լինիլ, որ նրա և իմ ունեցածը հաւասար լինէին: Գնամ, իմ բաժնից միքանի խուրձ վեր առնեմ և ծածուկ աւելացնեմ նրա բաժնին. եղբայրս չի տեսնիլ և չի ընդդիմանալ ինձ:

Այս ասելով՝ նա գնաց և իւր մտածածը կատարեց:

Նոյն գիշերը միւս եղբայրն արթնանալով՝ իւր կնոջն ասաց.

— Եղբայրս ինձանից փոքր է և, ամուսնացած չլինելով, ոչ-ոք չունի, որ իրան օգնէ ու մխիթարէ. ուստի իրաւացի չէր լինիլ, որ նրա և իմ ունեցածը հաւասար լինէին: Գնամ, իմ բաժնից միքանի խուրձ վեր առնեմ և ծածուկ աւելացնեմ նրա բաժնին. եղբայրս չի տեսնիլ և չի ընդդիմանալ ինձ:

Այս ասելով՝ նա էլ գնաց, իւր մտածածը կատարեց:

Հետևեալ առաւօտ եղբայրները դաշտ գնացին և շատ զարմացան. երկու դէզն էլ հաւասար էին և անփոփոխ: Նրանցից ոչ մէկը չկարողացաւ իմանալ այս հրաշքի պատճառը:

Հետևեալ գիշերը դարձեալ նոյնպէս արին... Եւ այսպիսով նրանց դէզերը ոչ պակասում էին, ոչ աւելանում: Վերջապէս մի գիշեր, այս գաղտնիքն իմանալու համար, երկուսն էլ արթուն մնացին և, երբ խուրձերը շալակած տանում էին միմեանց դէզի վրայ դնելու, յանկարծ իրար տեսան:

Այդ պատճառով մարդիկ օրհնեցին այդ երկու եղբայրների արտը և Աստուծու տաճարը այնտեղ շինեցին:

Ուղղագրութիւն 15. կնիկ, կնկայ, կնկանից, կնիկ, կնոջ, կնոջից. որդիք, որդոց, որդիներ, որդիների. չի տեսնիլ, չի դիմա-

նալ—չի տեսնի, շի դիմանայ—չի տեսներ, չի դիմանար: Աստուած, Աստուծոյ. Աստուած, Աստուծու, Աստուծուց:

16. Դէզ—գիզել. կէս—կիսել. վէճ—վիճել. գէշ—գիշատիչ. գէտ—գիտուն. գէր—գիրանալ. գէմք—գիմել. գէնք—գինուել. գէպք—գիպուած... Այն բոլոր բառերը, որոնց մէջ, ածանցուելիս, է հնչիւնը փոխուում է ի հնչիւնի, գրուում են է տառով:

8. Հ Ա Յ Ը

Յրանսխացոց թագաւորին յայտնում են, թէ նրա իշխաններէց մինը ծեծել է մի երկրագործ գիւղացու: Թագաւորը հրամայում է, որ յանցաւոր իշխանին ճաշի հրաւիրեն: Ճաշի սեղանի վրայ թագաւորի հրամանով դարսում են բազմատեսակ կերակուրներ, բայց հաց չեն դնում:

Իշխանը գալիս է ճաշի: Նա շատ է զարմանում, երբ տեսնում է, որ սեղանի վրայ հաց չկայ: Այդ միջոցին թագաւորը ներս է մտնում և ասում է.

«Ի՞նչպէս է, իշխան, կերակուրները լաւ են, հաւանում ես»:

—Աքանչելի են, տէր թագաւոր. պատասխանում է իշխանը. բայց ներեցէք, եթէ համարձակուում եմ նկատել. սեղանի վրայ հաց չկայ, իսկ դա ամենագլխաւորն է, առանց որի չի կարելի ապրել:

«Ուղիղ է ասածդ, վշտացած նկատում է թագաւորը... Եւ քանի որ ապրելու համար հաց է պէտք, ուրեմն իմացիր լաւ վարուել այն մարդկանց հետ, որոնց շնորհիւ հաց ենք ուտում ես և դո՛ւ»:

Ուղղագրութիւն 17. հրամայել, հրաւիրել, հարկ, համար. յայտնել, յանցաւոր, յարգ, յամառ: հ և յ տառերը բառի սկզբում կարգացւում են միապէս—միենոյն հնչիւնն ունին:

18. Բառի մէջը յ կարգացւում է որպէս ամփոփ ի կամ որպէս ոռւսաց օ—յայտնել—յախտնել, հրամայել—հրամախել...

9. Հ Ա Ս Ո Յ Ի Ե Ր Գ Ը

Ահա ծագեց կարմիր արև,
Տաք և պայծառ է օրը.
Դէ՛հ, քաշեցէք, սիրո՛ւն եզներ,
Առաջ տարէք արօրը:

Վարը վարենք, աղօս փորենք,
Խնձր աղօսներ հողի մէջ.
Սերմը ցանենք, որ հունձ հընձենք,
Յորեն դիզենք կալի մէջ:

Կըգայ ձմեռ, մենք վախ չունինք,
Ուրախ կ'անցնի մեր օրը.
Ուտելու միշտ պաշար ունինք,
Երբ վեք լինի մեր հորը:

Դէ՛հ, քաշեցէք, սիրո՛ւն եզներ,
Շուտով վարենք արտերը.
Թո՛ղ որ չասեն մեր դրացիք՝
Ծոյլ են Հայի եզները:

Ուղղագրութիւն 19. դէ՛հ, ախ, վայ, աւաղ, էյ... ձայնարկութիւնները բաժանուում են նախադասութեան միւս անդամներից ստորակէտով:

20. Ծագեց, ծագեցաւ. խօսեց, խօսեցաւ. պատժուեց, պատժուեցաւ. հագաւ շորերը, հագնուեց, հագնուեցաւ. տեսաւ, տեսնուեց, տեսնուեցաւ. պառկիլ, պառկեցի, պառկեցայ. զարթիլ, զարթեցի, զարթեցայ. զարթնիլ, զարթնեցի... (բայերի տարբեր գործածութիւնները պէտք է ուշադրութեան առնել և նրբութիւններն ըմբռնել):

10. ԲԱՐԵՆԻՆՆԻՆԻ ԽԱՓՇԻԿԸ

Մի հնդկացի խափշիկ ծխախոտ խնդրեց հարևանից:

Հարևանը ժլատ մարդ չէր, ձեռքը գրպանը տարաւ և դուրս հանեց մի բուռը ծխախոտ: Միւս առաւօտը հընդկացին դարձեալ եկաւ հարևանի մօտ և տուաւ նրան մի հատ արծաթի դրամ, որ գտել էր ծխախոտի մէջ:

«Ինչո՞ւ չպահեցիր այդ դրամը քեզ մօտ, ասաց այնտեղ պատահող սպիտակադէմ մարդը. քեզ ծխախոտ տուողը դրամն էլ է տուել»:

Խափշիկը ձեռքը դնելով սրտի վրայ՝ ասաց.

—Այս տեղումս երկու մարդ կայ՝ մինը բարի, միւսը չար: Բարի մարդն ինձ ասաց. «Այդ փողը քոնը չէ, ուրեմն տար, տիրոջը տուր»: Իսկ չար մարդն ասաց. «Երբ տուել են քեզ այդ փողը, ուրեմն նա քոնն է»: Բարին վրայ բերեց. «Չէ, միմիայն ծխախոտն է քոնը և ոչ փողը»: Չարը նորից ասաց. «Ի՞նչու ես նեղութիւն քաշում. գնա, դրանով օղի առ, խմիր»: Ես չգիտէի, թէ ինչ անեմ և պառկեցայ քնելու: Բայց բարի և չար մարդիկ ամբողջ գիշեր դադար չէին տալիս ինձ և կուռում էին: Առաւօտեան ես զարթեցայ և յետ բերի փողը:

11. Ա Ի Ե Տ Ա Ր Ա Ն

Ամեն անգամ երբ թերթում եմ
Ես էջերը Սուրբ-Գրքի,
Միշտ վշտացած մտածում եմ՝
Ո՞ւր է սէրը մարդերի,
Որ Փրկիչը սուրբ կտակով
Մարդկութեանը աւանդեց,

Խաչի վըրայ Իւր արիւնով
Գիր կենդանի գրոշմեց:

Մարդիկ վաղուց մոռացել են
Խաչ ու քարոզ կենդանի,
Աւետարանն ուրացել են,
Էլ Սուրբ-Գիրքը գին չունի.
Ամենայն գիրք միշտ կարգում են,
Միրոյ գիրքը չըկամին.
Ո՞ւր, չըգիտեմ, որոնում են
Բախտը իրանց խեղճ կեանքին:

Ուղղագրութիւն 21. Ո՞ւր է սէրը մարդերի՝ փոխանակ—
մարդկանց: մարդ, մարդու, մարդուց. մարդիկ, մարդկանց, մարդ-
կանցից:

22. Գիր կենդանի՝ փոխանակ—կենդանի գիր, մի գիր, մի
գրուածք, որ միշտ կենդանի կըմնայ: «Միրոյ գիրքը չըկամին»՝
փոխանակ—չեն կամենում կարգալ այն գիրքը, որ սէր է քարո-
զում, չեն կամենում կարգալ Աւետարանը: Սէր, սիրոյ, սիրուց:
Յողնակի չունի:

12. ԱԳԱՀՈՒԹԵԱՆ ՊՏՈՒՂԸ

Երեք մարդ, միասին ճանապարհորդելիս, գանձ գտան
և բաժանեցին իրանց մէջ: Նրանք պէտք է շարունակէին
ճանապարհը. բայց որովհետև ուտելու պաշարը վերջացել
էր, իրանց փոքրահասակ ընկերին ուղարկեցին քա-
ղաք՝ ուտելիք գնելու: Սա գնաց և ճանապարհին մտա-
ծում էր. «Ես այժմ հարուստ եմ, բայց աւելի հարուստ
կըլինիմ, եթէ կարողանամ ընկերներին բաժինն էլ ձեռք
դրել: Եւ այս դժուար չէ. կըթունաւորեմ այն ուտելիքը,
որ պիտի գնեմ, իսկ իմ մասին կ'ապեմ, թէ ճաշել եմ քա-

դաքում. ընկերներս առանց կասկածելու կ'ուտեն թունա-
ւորած կերակուրը և կըմեռնեն»:

Միւս ընկերներն էլ ուրիշ կերպ էին մտածում.

«Ինչո՞ւ պէտք է մենք անպատճառ բաժին տանք այն
պատանի մարդուն. մի՞թէ չենք կարող գործ դնել մեր
սուր դանակները, որ մեր հարստութիւնն աւելի կատա-
րեալ լինի. ուրեմն գայ թէ չէ՝ սպանենք նրան»:

Պատանին բերաւ թունաւորած կերակուրը: Ընկեր-
ներն սպանեցին նրան, իրանք էլ մեռան թոյնի ներգոր-
ծութիւնից: Գանձը մնաց անտէր:

Ուղղագրութիւն 23. Ճանապարհորդելիս—ճանապարհորդե-
լու ժամանակ, երբ ճանապարհ էին գնում:—«Գնալիս, գալիս,
կարդալիս, գրելիս, ուտելիս»... ապառնի դերբայի մի առանձին
ձևը, որ վարում է որպէս ժամանակական մակբայ:

24. «Գայ թէ չէ, տեսնես թէ չէ, լսես թէ չէ»—երբոր գայ,
հէնց որ գայ—երկրորդական նախադասութիւններ են ժամանա-
կական մակբայի փոխարէն՝ գալուն պէս, տեսնելուն պէս...

25. Թունաւորած, թունաւորուած, գրած, գրուած. սպանած,
սպանուած... Անցած դերբայի ներգործական և կրաւորական
ձևերը անխտիր գործ են ածուում միմեանց փոխարէն:

12. ԳԻՒՂԱԿԱՆ ԵՒ ՄՇԱԿ

Գեղշուկ ծերուկն, իւր մշակը հետն առած՝
Իրիկուն դէմ տուն էր գալիս դաշտերից.
Մի արջ ելաւ ծերի դիմացը յանկարծ,
Երբ անցնում էր մութ անտառի նա միջից:
Ծերուկն էլ՝ «նւն-վնյ» կանչելը չըկարաց.
Արջը նրան տակը կոխեց ու գոռաց.
Նստեց վրան, շուռ-մուռ տրւեց, քաջբըշեց,
Ամեն կողմից զարնուրելի կըծստեց:

Խեղճ ծերուկի բանը վատ էր, ի՞նչ անէր.

«Մըրտոյ եղբայր, հասիր, հասիր», կանչում էր:

Մըրտոն կացինը առաւ՝

Կայծակի պէս մօտ վազեց,

Արջի գլխին մոլեգին

Կացնի բերնով հարուածեց,

Յետոյ հանեց դաշոյնը,

Կընստակից ներս ցըցեց

Եւ ահուելի գազանի

Թոքն ու սիրտը խոցոտեց:

Արջը օռնաց ու վայր ընկաւ կիսամեռ.

Արիւնի մէջ տապալուելով հեծում էր:

Փորձանքը անցաւ:

Ծերուկն ոտք՝ ելաւ

Ու խեղճ Մըրտոյին

Ի ը ֆ ը ե լ սկսաւ:

Մեր քաջ Մըրտոն ապշեցաւ,

Իարձաւ, ծերուկին ասաւ.

«Ինչո՞ւ կըբըֆրես դու ինձ, մահտեսի»:

— Ինչո՞ւ կըբըֆրեմ, այ յիմար, քեզի՞.

Իմ սիրտս այրւում է. դու ուրախացիր.

Չես տեսնում՝ արջի մորթը փըշացրի»:

Ուղղագրութիւն 26. Մրտոյ, Մրտոյի, Մրտոյից, Մրտոն.
քահանայ, քահանայի, քահանայից, քահանան... ոյ և այ վերջա-
ցած գոյականները, դիմորոշ յօդ առնելիս, յ տառը կորցնում են:
Ոտք՝ ելաւ՝ փոխանակ ոտքի ելաւ:

14. Հ Օ Ր Խ Ր Ա Տ Ը

Մի հայր հինգ որդի ունէր: Նա միշտ խրատում էր
նրանց, որ սիրով ու համերաշխ ապրեն: Բայց որդիքը



հօր պատուէրը չէին կատարում: Մի անգամ հայրը կանչեց բոլոր որդիներին և, մի ցախաւել ձեռքին, մօտեցաւ ամենից մեծին: «Կոտրիր, որդի, այս ցախաւելը», ասաց հայրը:

Որդին չարչարուեց, բայց չկարողացաւ կոտրել:

Հայրը դիմեց երկրորդ որդուն, բայց նա էլ չկարողացաւ կոտրել: Միւս եղբայրներն էլ չարչարուեցան, բայց չկարողացան:

Հայրը քանդեց ցախաւելի կապերը և ամեն մի ճիւղոտ առանձին տուեց եղբայրներին: Նրանք կոտրատեցին — մանրեցին ճիւղոտները:

Հայրն ասաց. «Դուք էլ, որդիք, նման էք այդ ցախաւելին. եթէ համերաշխ լինէք և սիրով ապրէք, ձեզ ոչ ոք չի կարող վնասել, իսկ եթէ բաժանուիք և առանձին-առանձին գործէք, ամենքը ձեզ կըյաղթեն, կ'ոչնչացնեն»:

Ուղղագրութիւն 27. Կանչեց բոլոր որդիներին՝ փոխանակ — որդոցը. որդի, որդու, որդիք, որդոց: Քանդեց ցախաւելի կապերը՝ փոխանակ — բացեց, յետ արաւ, լուծեց.

28. Ուտէր, ասէր, խօսէր, երգէր. կ'ուտէր, կ'ասէր, կ'երգէր. կ'ասէր, կըբերէր, կըխօսէր, կ'երգէր, կ'ուտէր: — Բայերի մէջ էր և էք վերջաւորութիւնները միշտ է-ով են գրուում:

15. ԿԱՊԻԿ ԵՒ ԱԿՆՈՅ

Կապիլի մէկը ծերացել, աչքի ոյժը պակսել էր.

Բայց մարդկանցից լրսել էր,

Թէ այդ չարիքն ունի ճար.

Ճարն էր՝ ակնոց դրնել աչքին անպատճառ:

Այս որ լսում, հինգ-վեց ակնոց է գընում

Այս կողմ, այն կողմ դարձընում:

Մէկը առնում, գըլխի վըրայ է գնում,

Յետոյ իջեցնում, պօչի վըայ հագըընում

Հոտոտում է ու լիզում է ապակին,

Բայց ակնոցից շահ չի տեսնում իւր աչքին:

«Գետինն անցնի, գոռում է նա զայրագին.

Խենթ է, ս՛վ որ լրսէ մարդկանց ասածին.

Անա՛ ինչ որ գովեստ արին ակնոցի,

Սուտ է եղած. ես էլ, խենթըս, հաւտացի»:

Կապիկն վշտացած սրտի խոր ցաւով

Ակնոցը ուժգին տալիս է քարով

Եւ փշուր-փշուր

Անում ինչպէս ջուր:

Ուղղագրութիւն 29. Գովեստ արին ակնոցի (տրական հ.):

Գովեցին ակնոցը (հայցական հոլով):

Որդին պատիւ տուեց հօրը (տրական):

Որդին պատուեց հօրը (հայցական):

16. ՔԱՄԻՆ ԵՒ ԱՐԵԻԸ

Մի անգամ արեգակն ու հիւսիսային ժանտ քամին վէճ բաց արին, թէ նրանցից սրն է ուժեղ: Երկար վիճեցին նրանք. վերջապէս վճռեցին, որ իրանց ոյժը փորձեն այն ճանապարհորդի վըայ, որ նոյն ժամին մօտից անցնում էր: «Նայիր՝ թէ ինչպէս կ'ընկնեմ նրա վըայ, ասաց քամին, և մի ակնթարթում կըխլեմ նրա վերարկուն»: Այս որ ասաց, սկսեց փչել՝ ինչքան ոյժ ունէր: Բայց որքան շատ էր աշխատում քամին, այնքան աւելի պինդ էր փաթաթւում ճանապարհորդը վերարկուի մէջ. նա, ի հարկէ, դժգոհում էր վատ եղանակից, բայց միևնոյն ժամանակ աւելի շտապում էր առաջ գնալ: Քամին բարկացաւ, կատաղեցաւ և թափեց խեղճ ճանապարհորդի վըայ անձրև ու ձիւն: Նզովելով քամուն՝ ճանապարհորդը վերարկուի թևերը հագաւ, վերելից էլ գօտին կապեց: Հիմա հասկացաւ

քամին, որ էլ չի կարող նրա վերարկուն խլել: Արեգակը, տեսնելով իւր հակառակորդի անգորութիւնը, ժպտաց, դուրս նայեց ամպերի յետքից, ջերմացրեց, ցամաքեցրեց երկիրը, դրա հետ միասին և խղճուկ, սառած ճանապարհորդին: Արեգակի ճառագայաներով տաքացած, նա քաջալերուեց, օրհնեց արեգակը, հանեց վերարկուն, ծալեց ու կապեց թամբին: «Տեսնում ես, ասաց այն ժամանակ հեզիկ արևը բարկացկոտ քամուն. քաղցրութեամբ ու բարութեամբ աւելի բան կարելի է անել, քան թէ բարկութեամբ»:

Ուղղագրութիւն 30. Քամի, քամոտ. ոյժ, ուժեղ. զօր, զօրեղ, անգօր. միտք, մտաւոր, անմիտ. հեզ, հեզիկ. զիր, գրաւոր անգիր:

Բառերը սկզբից կամ վերջից աննշան մասնիկներ են առնում և իրանց նախնական նշանակութիւնը փոխում են, ածանցւում են (նախատիպ և ածանցական բառեր. վերջայար մասնիկ. նախայար մասնիկ):

17. * *

Կանաչ տերևով ծառը ծածկըւեց
 Եւ կոկոններով քընքուշ հագնըւեց.
 Կենսատու ցօղով մարդարտանման
 Ուռձանում էր նա շքնչովը գարնան:
 Բայց նրբա դալար շիւղերին մօտիկ
 Թագնըւեց դաժան ծեր-սառնամանիք:
 — «Է՛յ, տո՛ւր ինձ, ասաց, մանուկ կոկոններ.
 Չես տալ, տես, զօրով ինքըս կըխլեմ...»
 «Ա՛խ, թո՛ղ տուր հանգիստ դու իմ բողբոջներ,
 Գոնէ բացուէին նրբա ծաղիկներ...»,
 Սառնամանիքին ծառը շքնչաց
 Եւ ողջ էութեամբ արմատից դողաց:

Եւ անա կամաց-կամաց բացուեցան
 Անուշ բուրմունքով քընքուշ կոկոններ,
 Եւ արեգակից ջերմ փայփայուեցան.
 Իսկ թռչունների անհոգ երամներ
 Հընչեցին ուրախ անուշիկ երգեր:
 Յանկարծ ծառի մօտ թըռաւ չար քամին.
 — «Է՛յ, տո՛ւր ինձ, ասաց, սիրուն ծաղիկներ,
 Կըյափշտակեմ, թէ չէ, այս ժամին...»:
 «Ա՛խ, խնայիր ինձ և մի արգելիւր
 Իմ ծաղիկներին պողատու լինել...»,
 Կատաղի քամուն ծառը շքնչաց
 Եւ սարսափելով վախից դողդողաց:

Բայց անա մատաղ պտուղներին խակ
 Զերմութիւն տըւեց ամբան արեգակ,
 Եւ ծառը զուգուեց հասուն մըրգերով:
 Մօտեցաւ նըրան յուշիկ քայլերով
 Մատղաշ պատանին՝ տապիցը նեղուած.
 — «Ա՛խ, տո՛ւր ինձ, ասաց, անուշիկ մըրգեր.
 Զօրով չեմ խըլիլ երախայրիքներ»:
 «Ա՛ռ քեզ, պատանի. անա իմ ճըղներ
 Քեզ են ըսպասում վաղուց անհամբեր,
 Որ գաս, հեշտացնես նըրանց անուշ բեռ»:
 Եւ ծառը սիրով նըրան ողջունեց
 Ու խոնարհելով ճըղները կախեց:

Ուղղագրութիւն 31. Կանաչ տերևով ծառը ծածկըւեց, հագնըւեց. փոխանակ ծածկուեցաւ, հագնուեցաւ: Բանաստեղծութիւնների մէջ ու տառը եթէ պէտք է առանձին վանկ կազմի, ածանցւում է -ի և իրանից առաջ առնում է ը գիրը:

32. Նախայար մասնիկների թիւը սահմանափակ է՝ չտալ, չբերք, անմիտ, տգեղ, ակամայ, առարկայ, արտագրել, քաղա-

ձայն, ըստցառիկ, գերբնական, դերասան, ենթակայ, հակառակ, համաձայն, մակբայ, յարատև, ներհակ, շաղկապ, վերաստուգել, տարբեր, տրամադիր, պարագայ, ստորագրել, վերագրել, փոխադրել:

18. ՆՐԲԱՄԻՏ ԶՈՒԼՀԱԿԸ

Մի թագաւոր նստած էր իր գահի վրայ: Հեռաւոր երկրից մի դեսպան եկաւ և, առանց խօսելու, թագաւորի գահի շուրջը մի կլոր գիծ քաշեց ու լուռ ու մունջ մի կողմը բաշուեց—նստեց:

Թագաւորը այս մարդու արարմունքից ոչինչ չհասկացաւ. կանչեց իր իշխաններին. նրանք էլ մի բան չհասկացան: Թագաւորը շատ վատ դրութեան մէջ էր: Նրա համար մեծ ամօթ էր, որ իւր տէրութեան մէջ մի խելօք մարդ չէր գտնուում՝ դեսպանի արածը հասկանալու համար: Թագաւորը սաստիկ նեղացած՝ յայտնեց ամենքին, որ եթէ նրան պատասխան տուող չգտնուի, էլ ոչ-ոքի կենդանի չի թողնիլ:

Թագաւորի կողմից խնդրակներ ման եկան ամեն կողմ, և վերջը մի տան մէջ գտան մի ջուլհակ (ոստայնակ): Տեսնում են, որ այն մարդը մի տեղ նստած՝ միաժամանակ երեք գործ է շինում.—համ իւր կտաւն է գործում, համ երկու երեխայի օրօրոց է օրօրում, համ էլ տանիքի վրայ ցորեն է փռել ու մօտը մի ճիւղոտ անկել. երբ ինքը իր կտաւի թելերը շարժում է՝ կտաւը գործւում է, օրօրոցները օրօրում են, այն ճիւղոտի շարժուելուց էլ տանիքի ծաերն են փախչում, ցորենից հեռանում:

Նրանք այս բանի վրայ շատ են զարմանում: Յետոյ նրանք պատմում են, թէ հեռաւոր երկրից մի մարդ եկաւ, թագաւորի գահի շուրջը մի գիծ քաշեց, բայց ոչ ոք չկա-

րողացաւ իմանալ, թէ դրանով ի՞նչ էր ուղում ասել: «Վերկաց, գնանք. եթէ դու նրա միտքն իմանաս, թագաւորը քեզ մեծ պարգևներ կըտայ»:

Ջուլհակը միքիչ մտածում է, յետոյ առնում է երկու վէզ ու մի վառիկ և գնում է հետները: Հասնելով թագաւորի մօտ, վէզերը հանում է և ձգում դեսպանի առաջը: Գեսպանը գրպանից մի բուռը կորեկ է հանում ու շաղ տալիս գետնին: Ջուլհակը բաց է թողնում վառիկը, որ իսկոյն սկսում է կացահարել կորեկը:

Այս բանը տեսնելով՝ դեսպանը տրեխները հագնում է ու սուսուփուս դուրս գնում:

Թագաւորը ջուլհակին հարցնում է, թէ այդ ի՞նչ արիր: Ջուլհակը պատասխանում է. «Այդ մարդը եկել էր ասելու, թէ մեր թագաւորը գալիս է քեզ հետ պատերազմելու, քո երկրին տիրելու. խոնարհում ես թէ կըուով ես ուղում պատասխանել: Ես նրա առաջը վէզեր ձգելով՝ հասկացրի, թէ դուք մեզ համար երեխաներ էք. գնացէք, վէզի խողացէք. դուք սվ, մեզ հետ կուտոցն սվ: Նա իր շաղ տուած կորեկով ուղեց հասկացնել, թէ մեր զօրքերն անթիւ, անհամար են. դուք ի՞նչ կարող էք անել: Եւ երբ ես բաց թողի վառիկս, որ նրա բոլոր կորեկը կերաւ, դրանով պատասխանեցի, թէ մեր մի մարդը ձեր հազար մարդուն կըջարդէ. գնա, պատմիր քո թագաւորին»:

Թագաւորը, այս բացատրութիւնը լսելով, մեծամեծ պարգևներ տուեց ջուլհակին և ուղեց նրան վէզերի պաշտօն տալ: Բայց ջուլհակը պարգևները մի մասովը բաւաւանացաւ և թագաւորին ասաց. «Ո՛չ, թագաւոր, թող որ ես ջուլհակ մնամ. միայն այս եմ խնդրում քեզանից. չմոռանաս, որ հասարակ արհեստաւորի մէջ էլ կըգտնուի այնպիսին, որ նեղ օրում քեզ պէտք կըգայ: Վէզերներդ

ինչ պատիւ ուզում ես՝ տո՛ւր, միայն ջուլհակին ու կօշկակարին էլ մարդու տեղ դիր»:

Ուղղագրութիւն 33. Թողնել, փոխանակ՝ թողուլ կամ թողել: Հեռաւոր երկրից մի մարդ եկաւ, մի գիծ քաշեց—փոխանակ մի մարդ է գալիս, մի գիծ է քաշում...

34. Դիտեցէք վերջայարները՝ շրջան, վազկան, սողուն, թռչուն, նախատինք, բաժինք, դարմացումն, ողբումն, գոչիւն, մոնչիւն, կտորց, կապոց, պահարան, տեսարան, ծառաստան, բուրաստան, Հայաստան, Ռուսաստան (ստան—աշխարհ):

19. ՆԱՄՈՒՍ ՈՒ ՂԵՅՐԱԹ

Դեռ թոթովախօս մի մանուկ էի
Եւ եօթ տարեկան անգամ չըկայի,
Երբ ինձ աւանդեց հայրս իմ անուս՝
Մի սրբազան խօսք—և դա էր՝ «Նամուս»:

Դըպրոցի շէմքին դեռ ոտ չըդըրած,
Դեռ նոր էի գերք ես ձեռքըս առած,
Երբ մօրս համբոյր թըրջեց իմ ճակատ
Ու պատուիրեց ինձ անել միշտ «Ղէյրաթ»:

Բայց կարճ մնացի ուսումնարանում.
Աղքատի բաղդը, դէ, ի՛նչ է լինում...
Հօրս պատուէրով սովրեցի արհեստ,
Սիրեցի նրա վաստակը համեստ:

Եւ այն օրից յետ,
Երբ ընկերացայ մուրճ ու սալի հետ,
Քըրտինքը դէմքէս ծորում է կաթ-կաթ
Ու ինձ յիշեցնում նամուս ու ղէյրաթ:

Ուղղագրութիւն 35. Դիտեցէք հետեւեալ բառերի վերջայարները և նոցա նշանակութիւնը որոշեցէք. դպրոց, դպրանոց. աղքատանոց, հնգանոց, տասնանոց, կապոց, պահոց. որսորդ, ճամբորդ. պահապան, այգեպան. արքունի, ծերունի. մատանի, հովանի, լեզուանի. դեղնուց, սպիտակուց. հագուստ, պահուստ, պահեստ. ծնունդ, խառնուրդ:

20. Վ Ե Հ Ա Ն Ձ Ն Ո Ի Թ Ի Ի Ն

Մի շատ հարուստ մարդ, ծերութեան օրերում, ցանկացաւ իւր ունեցած կայքը բաժանել երեք որդոց մէջ: Իւրաքանչիւրին իւր մասը տալուց յետոյ՝ նա ասաց. «Մնում է էլի մի շատ թանկագին գոհար. ես այն կըտամ ձեզանից նրան, ով մի վեհանձնութիւն կ'անէ: Իսկ դրա համար ես ձեզ երեք ամիս ժամանակ եմ տալիս»:

Շուտով որդիքը ցրուեցին. նրանք ման եկան զանազան քաղաքներ և երբ հօր ուղածը կատարեցին, կրկին վերադարձան տուն: Նրանք սկսեցին պատմել հօրը իրանց արած վեհանձնութիւնները:

Անդրանիկ որդին ասաց.

— Իմ ճանապարհորդութեան ժամանակ մի օտարական յանձնեց ինձ իւր բոլոր հարստութիւնը, և թէպէտ նա ինձանից ոչինչ ստացական չառաւ, բայց ես կրկին հաւատարմութեամբ վերադարձրի նրան իւր գոյքը:

— Ո՛րդեակ, պատասխանեց հայրը. դու արել ես այն՝ ինչ որ պէտք է անէիր, և այն մարդը, որ ուրիշ տեսակ կըվարուէր, խաբեբայ կըլինէր. ազնիւ լինելը մարդուս համար մի պարտականութիւն է: Քո արածի մէջ վեհանձնութիւն չկայ:

Յետոյ խօսեց միջնակ որդին.

— Իմ ճանապարհորդութեան միջոցին մէկ օր ես անց էի կենում մի լճի եզերքով. մի փոքրիկ երեխայ ջուրն

ընկաւ: Ես իսկոյն օգնութեան հասայ և, չխնայելով իմ կեանքը, ազատեցի նրան:

— Շնորհաւորում եմ, ասաց հայրը. բայց դարձեալ այդ գործի մէջ վեհանձնութիւն չկայ: Քո արածը կարեկցութիւն է, բարեգործութիւն է, բայց ոչ վեհանձնութիւն:

Վերջապէս խօսեց կրասեր որդին:

— Մի օր ես իմ թշնամուն տեսայ խորը քնած մի անդունդի ծայրին: Ամենաթեթև շարժողութիւնն անգամ կարող էր նրան անդունդը գլորել. բայց ես նրան զարթեցրի մեղմաբար և ազատեցի վտանգից:

— Ո՛հ, զաւակս, ազադակեց բարի ծերունին. զոհարը քոնն է: Ո՛րպիսի վեհանձնութիւն՝ լաւութիւն անել հակառակորդին, մահից ազատել թշնամուն:

Ուղղագրութիւն՝ 36. Յրուեցին, փոխանակ ցրիւ եկան, ներգործական՝ ցրել—ցրիւ տալ. կրաւորական՝ ցրուիլ. չէզօք՝ ցրիւ գալ: Չխնայելով իմ կեանքը—կեանքս վտանգի ենթարկելով:

37. Զարթեցրի մեղմաբար. քաջաբար, արիւրար. ուժգին, լալազին. ուղղակի, յանկարծակի—մակրայակերտ վերջայար մասնիկներ են:

38. Նկատեցէք թէ ինչ նշանակութիւն են տալիս հետեւեալ բառերին վերջայար մասնիկները՝ երկնային, դաշտային, արևելեան, արևմտեան, հայկական, գիւղական. քարէ, քարեայ, քարեղէն, աղի, պղնձի, արծաթի, ընկուզենի, խողենի (միս), գառնենի (միս և մորթ):

21. Մ Ա Ր Դ Ը Ե Ի Հ Ր Է Շ Ը

(Հեքնաթ)

ա. Շատ տարի առաջ՝ հին ժամանակը, երբ հրաշքներով լի էր աշխարհքը,

Իւր ամուսինով և զաւակներով

Ապրում էր մի մարդ իւր առուտուրով:

Ուրախ ու զրւարթ էր նրա կեանքը,

Պատճառ՝ միշտ սսկով լի էր քսակը:

Բայց յանկարծ բախտը երես դարձրեց,

Եւ մեր խեղճ մարդը բոլորն կորցրեց՝

Ուրախ կեանք, և՛ փառք, և՛ հարստութիւն,

Եւ նրանց յետ էլ քաղցր առողջութիւն.

Ընկաւ անկողին, խիստ հիւանդացաւ,

Ոյժ և զօրութիւն նրանից հեռացաւ.

Չէր կարողանում ոտի վրայ կանգնել,

Մինչև որ նրան իւր կինը չօգնէր:

Դժբախտ-տարաբախտ նրա խեղճ կինը

Ստիպուեց կերակրել այժմ իւր տունը.

Գիշեր ու ցերեկ պէտք է աշխատէր,

Որ իւր որդիքը սովից ազատէր:

Ամիս ամսի վրայ սյսպէս անց կացաւ,

Վերջապէս կինը իսպառ ձանձրացաւ.

«Ի՞նչ ես վայր ընկել, ասում էր մարդուն,

Գլխիս ցաւ դառել, խլել ես իմ քուն.

Մինչև էրբ պէտք է այսպէս չարչարուեմ,

Կեանքս մաշելով ես քեզ կերակրեմ.

Վէր կաց, մարդ ես, զնա՛, գլուխդ քնորին տուր,

Եւ որդոցդ համար ճարէ կերակուր»:

Պատասխան տրւեց խեղճ հիւանդ մարդը.

— Բաւական է ինձ իմ դառը վիշտը.

Քանի ունէի, էրբ բան խնայեցի.

Առողջ ժամանակ էրբ ծոյլ մընացի.

Իսկ այժմ աղքատ եմ և մարմնով տրկար.

Խղճա՛, մի տանջիր դու ինձ անգաղար:

Բայց կի՛նը երկար էլ չհամբերեց
 Եւ հիւսնդ մարդուն տանից դուրս արեց.
 «Գընա՛, ուր կ'ուզես, գլխիցս հեռացիր.
 Դու իմ խեղճ անձը լաւ չարչարեցիր.
 Չիմա ինչքան էլ լաս ու աղաչես,
 էլ տուն չեմ թողնիլ, քանի աղքատ ես»:
 — Լա՛ւ, ասաց մարդը ձայնով տխրազին,
 Կ'երթամ, կըկորչեմ, ո՛վ դու անգուլթ կի՛ն.
 Կտոր հաց, գոնեան, տուր, հետըս ասնեմ,
 Որ ճանապարհին քաղցած չըմեռնեմ:

բ. Կի՛նը դուրս բերեց, տըւեց երկու հաց.
 Եւ մեր խեղճ մարդը հեռացաւ, գընաց,
 Իւր շար բախտիցը գանգատ անելով,
 Թողեց իւր տունը անհաստատ քայլով:
 Ինքն էլ չըզիտէր, թէ ուր էր գնում.
 Միայն միշտ առաջ քայլում էր տըրտում:
 Վերջը դադրելով՝ մի քարի վըրայ
 Նըստեց, որ սակաւ մի հանգըստանայ:
 Այնտեղ նկատեց՝ որ ճանապարհին,
 Նրանից ոչ հեռու ընկած էր գետնին
 Մի մազից հիւսած երկար սև պարան,
 Որ նա վեր առաւ, ասելով այս բան.
 «Սա ինքնըստինքեան մի չնչին բան է,
 Բայց խեղճիս համար շատ թանկագին է»:
 Այսպէս ասելով պարանն փաթաթեց
 Եւ իբրև թանգ բան ծոցումը պահեց:
 Յետոյ, սակաւ ինչ հացով ու ջրով
 Իւր տըկար մարմնին զօրութիւն տալով,
 Նորից վեր կացաւ, կամացուկ քայլով
 Առաջ ընթացաւ նոյն ճանապարհով:

Այսպիսով անցաւ նա բաւական տեղ,
 Մինչև որ հասաւ մի աղքատիկ գեղ,
 Ուր անց կենալիս՝ տեսաւ շատ հաւեր:
 Հաւերից մի՛նը հանդարտ նըստած էր
 Կիտած աղբի վըրայ ու ձու էր ածում.
 Եւ մեր խեղճ մարդը դըրեց իւր մտքում,
 Որ բռնէ նրան ու հետը տանէ,
 Միքանի շահով քաղաքում ծախէ:
 Ահա այդ մտքով նա կամաց-կամաց,
 Ձու ածող հաւին ըզգոյշ մօտ գնաց,
 Բայց հէնց այն կողմը իւր ձեռքը մեկնեց՝
 Վեր թռաւ հաւը և մէկ ձու թողեց:
 Թողած ձուն իսկոյն վեր առաւ մարդը,
 Դըրեց գըպանը, օրհնեց իւր բախտը.
 — Է՛հ, փա՛ռք Աստուծոյ, ասաց ինքնիրան,
 Այս մէկ հաւի ձուն, սա էլ է մէկ բան:
 Էլի առաջ գնաց մի կարճ ժամանակ,
 Վերջապէս տեսաւ մի փոքրիկ գետակ,
 Որ դուրս էր բըղխում մօտիկ անտառից,
 Մերթ հանդարտ գնալով, մերթ փըրփըալից:
 Յոգնած, վաստակած մեր մեղաւորը
 Շատ ուրախացաւ, երբ տեսաւ ջուրը.
 Իսկոյն մօտ գընաց, որ պարզ ցուրտ ջըրով
 Փոքը ինչ հովանայ, մէջ լողանալով:
 Զրի աւագոտ ափերի վըրայ
 Նըստոտած էին միքանի կըրայ.
 Մօտեցող մարդուն երբ նըրանք տեսան,
 Ըշտապ վագեցին, ջուրը թափուեցան:
 Միւսների նըման շուտ հասնել ջըրին
 Զըյաջողուեցաւ նըրանցից մէկին:
 Մարդը մօտ գնաց, վեր առաւ նըրան,

Իւր գրպանի մէջ տըւեց բնակարան.
 Ինքն էլ լողացաւ, հագաւ շորերը,
 Եւ յետոյ գնաց դէպի անտառը,
 Որ շատ հեռու չէր, և մի ժամի մէջ
 Արդէն զընում էր խիտ անտառի մէջ:

գ. Շատ զընաց, թէ քիչ, վերջապէս նըստեց
 Մի աղբիւրի մօտ և շատ մտածեց,
 Թէ ինչպէս անէ, որ իւր խղճալի,
 Անբախտ դուրթիւնն ուղղէ մի կերպի:
 Յանկարծ դըլըրդաց բոլոր անտառը,
 Թընդաց, որոտաց հովիտ ու լեռուր,
 Եւ հանդէպ լեռան սև ու մութ այրից
 Դուրս եկաւ մի հրէշ, որ հին դարերից
 Բնակւում էր այնտեղ և սպանում, լափում,
 Ով այրի մօտով անցնել չէր վախում...
 Ահա այդ հրէշը դուրս եկաւ այրից
 Եւ խեղճ մարդու վրայ գողաց հեռըւից.

«Բարսիվ քեզ, բարսիվ, դու համեղ կտոր,
 Որին կ'ընդունէ իմ պատուական փոր.
 Արդէն կըլինի մի ամբողջ ամիս,
 Որ ես չեմ կերել մարդու անոյշ միս»:

— Այդ ի՞նչ խօսքեր են, գարշելի գազան...
 Դու յանդգնում ես ասել ինձ այդ բան.
 Ապա այդտեղ կ'աց և դու կըտեսնես՝
 Ո՛ւր կըջրպըրեմ մարմնիդ երկու կէս:
 Ասաց և անվախ մօտ գնաց հրէշին
 Եւ խիստ բարկացած նայեց երեսին:

«Ոչ-ոք մինչև այժմ—գոչեց գազանը—
 Չէ համարձակուել ասել այդ բանը
 Ինձ, որի ձեռքից դեռ մինչև այսօր
 Ազատ չէ մնացել ոչ մէկ մեղաւոր:
 Բայց որովհետև մեծ-մեծ բըրդում ես,
 Արի մեր ոյժը փորձենք դու և ես.
 Ե՛կ, գօտեմարտենք, և ով որ յաղթուի,
 Թո՛ղ նա յաղթողին կերակուր լինի»:

— Թէպէտ այդ բանում ես քեզ կըյաղթեմ,
 Եւ մինչև վիզըդ գետին կըխըրեմ,
 Բայց քեզ կարող եմ ևս աւելի
 Հասարակ կերպով յաղթել, գարշելի:

«Լաւ, համաձայն եմ, ցոյց տուր շընորքդ
 Եւ իսկոյնևեթ կատարիր խօսքդ»:

— Ի՞նչ ես ըշտապում, ասաց նրան մարդը,
 Երեք բան կ'անեմ, թէ կ'անես հատը,
 Ես այն ժամանակ քեզնից յաղթուած եմ.
 Իսկ եթէ չանես, գլուխդ կըջարդեմ.
 Մէկ մազ ես հանեմ, մէկը դո՛ւ հանէ,
 Չափենք ու տեսնենք՝ ում մազն երկայն է:
 Եւ ո՛վ աւելի երկայն մազ ունի,
 Թո՛ղ նա մեր մէջը յաղթողը լինի:

Թէ որ կարենաս ինձպէս չոր քարից
 Գոյն-գոյն շուր քամել, դու յաղթել ես ինձ:

Եւ ում մարմնի վրայ մեծ միջատ լինի,
 Թո՛ղ որ նա միւսի գլուխը շարդի:

«Լաւ», ասաց իրէջը ու մի մազ հանեց
 Եւ ուրախ-ուրախ մարդուն դէմ արեց:
 — Մ'ոք է—ասաց սա—և հանեց ծոցից
 Գլտած պարանը հիւսած սև մազից:

Հրէշըն երբ տեսաւ հիւսած պարանը,
 Ահից, զարմանքից բաց մնաց բերանը.
 Բայց իսկոյնևեթ նորից սիրտ առաւ
 Եւ խիստ կատաղած մի քար վեր առաւ
 Ու երկու ձեռքով այնպէս պինդ սեղմեց,
 Որ աւազի պէս նըրան փըշըրտեց:

Մարդն էլ իւր կողմից մէկ քար վերցրեց
 Ու հրէշից ծածուկ զրպանից հանեց
 Հաւից խլած ձուն, և հէնց որ սեղմեց,
 Իսկոյն երկու գոյն հիւթը դուրս ծորեց:

«Մյոք երկու փորձով—կանչեց հրէշը—
 Դու ինձ յաղթեցիր. ցոյց տուր ուրիշը»:

Մարդը դուրս հանեց զրպանից կրիան՝
 — Ահա միջատըս, ասաց, գորշ գազան.
 Յոյց տուր ինձ իսկոյն սրա հատը, տեսնեմ,
 Թէ չէ գըլուխդ երկու կէս կ'անեմ...
 Ո՛ւր ես փախչում, էյ. չէ, կաց, գորշելի,
 Կաց, որ ընդունես մահ սարսափելի...
 Բայց լաւ իմացիր, ուր կ'ուզէ գընաս,
 Երբէք ինձանից չես մնալ անվնաս:

դ. Իրաւ որ հրէշը, սաստիկ զարմացած
 Մարդու արարքիք, իսկոյն փախաւ-զնաց:

Սա էլ այն կ'ուզէր. ուրախ մտաւ այրը,
 Անցաւ մի ծայրից մինչև միւս ծայրը.
 Տեսաւ լի արկղեր ոսկով, արծաթով,
 Գոյն-գոյն ակներով, մարգարիտներով.
 Ախոռների մէջ սիրուն ձիաներ
 Պատրաստ էին նրա տանել հարուստ բեռ:
 Նա էլ ժամանակ գուր չըկորցըրեց,
 Գլտած գանձերը ձիերին բարձեց,
 Դուրս եկաւ այրից, փառք տըւեց Աստուծոն
 Եւ պատրաստուով էր դառնալ դէպի տուն,
 Երբ յանկարծ տեսաւ հեռուից հրէշըն
 Վազելիս դէպ՝ այր, մի աղուէս ուսին:

ե. Բայց թող դեռ պատմեմ, թէ ինչպէս եղաւ
 Որ հրէշը յանկարծ կրկին յետ դառաւ:

Մարդուց փախչելով՝ կարճ միջոցի մէջ
 Հասաւ հևալով մինչ անտառի վերջ,
 Ուր մի կաղ աղուէս պատահեց նըրան
 Ու զլուխ տալով ասաց նա այս բան.
 «Բարով քեզ, բարով, իշխան ահաւոր,
 Դու մեր անտառի հօր թագաւոր.
 Բայց ինչի՞, ասն, այդպէս տըրտում ես.
 Խնդրում եմ վիշտըդ ծառայիդ յայտնես.
 Գուցէ կարող եմ մէկ բանով պէտք դալ
 Եւ քո տըտմութեան շուտով վախճան տալ»:

Հրէշը կարճ կերպով, միքանի խօսքով
 Պատմեց աղուէսին, թէ ինչ փորձանքով
 Մտիպուած է փախչել, թողնել տուն ու տեղ,
 Յաղթուած մի մարդուց իրանից զօրեղ:

«Այդ ինչ եմ լսում, կանչեց աղուէսը.
 Թոյլ, անգոր մարդուց սնց պիտ' քեզ պէսը
 Փախչի, վախենայ, թողնէ տունը, գնայ.
 Ասա՛ ինչ կ'ասէ, ով այդ իմանայ:
 Հաւատա՛ ինձ, տէր, նա քեզ խաբել է.
 Իւր հնարքներով աչքըդ կապել է.
 Ե՛կ, դու ինձ լըսիր, իսկոյն յետ դարձիր,
 Ձեռք ընկած որսը զուր մի կորցընիր.
 Քանի գեռ ուշ չէ, շնուտ արա, գընանք.
 Գիտեմ՝ պատուական ընթրիք կ'ունենանք:
 Շատ ցանկանում եմ մարդու միս ուտել,
 Պատճառ՝ այս ոտըս մարդիկ են կոտրել»:

Աղուէսի խօսքերն հրէշը լսելով՝
 Իսկոյն յետ դարձաւ, արագ քայլերով
 Վազեց դէպի այր: Բայց ճանապարհին
 Աղուէսն ետ մընաց ու խընդրեց հրէշին
 Որ ետ չթողնէ իւր կաղ ծառային՝
 Շատ ծանր բեռ չէ, շալակէ ուսին:
 Այսպէս շալակած —ինչպէս փոքր առաջ
 Արդէն ասացի — հրէշը քաջ-քաջ
 Եւ արագաքայլ դէպ' այրն էր վազում,
 Ուր մարդը կանգնած նրան էր սպասում:

Սա մէկ ըոպէսում իւր կտրուկ խելքով
 Արդէն որոշեց, թէ ինչ հընարքով
 Այս երկրորդ անգամ ազատուի հրէշից,
 Եւ այս պատճառով գոչեց հեռուից.
 — Ա՛յ դու խաբերայ, անսլիտան աղուէս,
 Այսօր ինձանից անշուշտ մահ կ'առնես.
 Հաւանոցումըս որ քեզ բռնեցի,

Այն պայմանով միայն կեանքըդ խնայեցի,
 Որ դու ինձ համար երկու հրէշ բերես.
 Դու էլ խոստացար. այժմ, սեւերես,
 Այսքան սպասեցի, միայն մէկն ես բերում.
 Դա առանց քեզ էլ ինձ էր պատկանում:

Հրէշն երբ լըսեց մարդու խօսքերը,
 Բիզ-բիզ կանգնեցան նըրա մագերը.
 «Որո՞ւմանկ աղուէս, որոտաց, մեռիր.
 Դու միայն այն մտքով ինձ այստեղ բերիր,
 Որ երկրորդ անգամ սրա ձեռը մատնես,
 Որից մի անգամ հազիւ պըրծայ ես»:
 Ասաց ու բըռնեց աղուէսի ոտից
 Եւ սաստիկ ուժով նետեց իրանից,
 Իսկ ինքը փախաւ: Մարդը ազատուեց,
 Ծունկ չոքեց իսկոյն, Տիրոջ փառք տըւեց,
 Յետոյ վեր կացաւ այնպէս ուրախ-զուարթ,
 Կարծես թէ երբէք չէր ցաւել մի մատ:
 Բարձած ձիանները գըտած զանձերով
 Իրարու կապեց ու ուրախ սրտով
 Հեծաւ նժոյզ ձին ու կամաց-կամաց
 Առաջ քըշելով դէպի տուն գնաց:

Հ Ա Տ ՈՒ Ա Ծ Ե Ր Կ Ր Ո Ր Գ

ՆԿԱՐԱԳՐԱԿԱՆ ՅՕԳՈՒԱԾՆԵՐ ԵՒ ՆՐԱՆՑ ՀԱՄԱՊԱՏԱՍՈՒԱՆ ՁԱՓԱՅԵՐԱԿԱՆ
ԳՐՈՒԹՅՈՒՆՆԵՐ *):

21. ԳԱՐՆԱՆ ՍԿԻԶԻԸ

Ձատկից յետոյ Արարատեան նահանգում ով լինի, աչքին մի նոր բան կ'երևի. բոլորը ծառ ու տունկ է. կանաչները նոր գուրս եկած, ցնծին են տալիս այգիներէ ափերումը. ուռի ծառերը՝ բաց արած իրանց լեզուակ տերևները, գարնան մեղմ քամուց խշխշալով՝ իրար են դիպչում, հէնց իմանաս իրար բարեւում են. պտղատու ծառերն իրանց կարգին՝ սրը կօկոնել է, կարծես շարած մարգարիտ լինի, որն էլ ծաղկել է եօթանասուն տարեկան ալեորի նման: Մանուշակն ու յասմիկը իրանց անուշ հոտերով քաղցը քուն են բերում այգու մէջ զբօսնողին. մանուշակը պատիկ հարսի կամ համեստ աղջկայ նման գլուխը կախ է գցել, մտել է խոտերի տակը, որ մի գուցէ երևալը հպար-

*) Բոլոր յօդուածներէ համար ուսուցիչը պէտք է պատրաստէ ուղղագրական և քերականական վարժութիւններ, ընդարձակելով և լրացնելով այն գիտելիքները, որոնք առաջ են բերուած նախընթաց հատուածի մէջ. աշակերաններն էլ, նախ ուսուցչի ղեկավարութեամբ և ապա ինքնուրոյն կերպով՝ պիտի կազմեն այն բաների ցուցակը որոնց առաջին անգամ են հանդիպում ուսանելի նիւթի մէջ:—Այս ամենը պիտի կազմի գրաւոր աշխատութիւններէ մի անհրաժեշտ մասը:

տութիւն համարուի. իսկ յասմիկը, իւր թփի վրայից ճիթ-ճիթ կախ ընկած ու հոտով աշքարհքը լցրած, հէնց իմանաս թէ կանչում է անց կացողին, որ առանց իրան ու իւր պարկեշտ քրոջը տեսութիւն գալու, անց չկենայ, չզնայ: Վարդն էլ ձմեռուան մերկութիւնից դուրս եկած՝ հագել է կանաչ-ատլաս շորեր և իւր ոսկէ կոճակի նման կոկոններովը իմաց է տալիս, թէ ես ուղարկել եմ ինձանից առաջ իմ քոյր մանուշակին որ ձեզ ուրախացնէ, մինչև որ ես էլ կըզամ իմ մէկէլ ընկեր ծաղիկներէ հետ:

Այսպէս ամեն բան իրանց կարգին ընկած՝ մեծ ուրախութիւն էին բերում մարդու վրայ կարմիր կիրակի օրուան առաջին շաբաթ օրը: Սարեակներն էլ՝ ծառի ճղներին կանգնած, կարմիր արեգակի դիմացը, հազար ու մի տեսակ ճլվլացնում էին ու իրանք ածում, իրանք պարում:

23. ԳԱՐՆԱՆԱՄՈՒՑ

Քեզ ողջոյն զուարթուն, առուգահասակ գարուն,
Քեզ ողջոյն բիւր անբուն տալիս է Հայոց Տուն:
Անուշաւանի սօսիք տերևով,
Ծըտերն ծառից իրանց ճըռուողով
Օրհնում են գալըդ, երկնքի դեսպան,
Դու ես մեր կեանքի պաշար ու պաշտպան:
Երբ հեզիկ մօտեցար Մասիսի սարերին,
Բքածին ամպերը տարագիր գընացին.
Հին լեռը բացեց իւր թաւոտ կուրծքը.
Քեզ կանաչ դիպայ սփռեց հովիտը.
Սիրահար սոխակը իւր վարդի յետքից
Վազեց Արարատ՝ շինել իւր բունը...
Շատ երկար Հայաստան քո գալուն ըսպասեց,
Ծաղկեցաւ նա ալեօք, շատ լացեց, արտասուեց...

24. Ս Ա Ր Գ Ն Ա Լ Ը

Երբ գարունը բացւում է, հայ գիւղացիք սարն են տանում տաւարը: Աղբիւրների գլխին, ծաղիկների մէջ վրաններ են տնկում և տաւարը ներս անում այս անմահական դրախտը: Առաւօտը, երբ անկողնիցդ վեր ես կենում, հազար սարի ծայրին ամպն ու ծուխը միմեանց հետ խառնուած՝ երկինք են բարձրանում ու ցօղը անձրևի հետ նստում է մարգիւտի շրերի ու երեսների վրայ: Կանայք կթի տաւարի հետ են՝ կաթն են ժողովում, իւղ և պանիր շինում. տղամարդիկ տաւարն արօտ են քշում, կամ բուրդն ու գործուածքը, իւղն ու պանիրն են տանում փողոց, ծախում, իրանց տան պակասութիւնը լրացնում:

Էլ ի՛նչ ասել կուզէ, որ հարս ու աղջիկ այստեղ կուշ ու ձիգ անելով չեն ման գալիս կամ երեսները կախում, ինչպէս տանը: Այստեղ մէկ ընտանիքի պէս են և ում օբէն (վրանը) մանես, ամենքը առողջ, ուրախ ու զուարթ են. այն օդի ու ջրի մէջ, այն ծաղիկի ու կանաչի հոտն ու համն առնողի հողին ու գոյնը ի՛նչ կըլինի ասա: Երբ սարումը հիւր է պատահում, էլ շաբաթով ու ամսով չեն թողում, որ հեռանայ. աղբիւրների քչքչոցը, ջրերի խըշխըշոցը, ծառերի սրլըլոցը, թռչունների ծըլվըլոցը, հովուի սրինգը, գառան, ոչխարների ու տաւարի բառաչը՝ այս բոլորը կարծես քեզ ասում են. «Դրախտ ես ուզում, այստեղ կաց, այսպէս կաց. սիրտդ անմեղ, միտքդ խտակ»:

25. Գ Ա Ր Ո Ի Ն

Ո՛հ, ինչ անուշ և ինչպէս զով
 Առաւօտուց փչես, հովիկ,
 Ծաղկանց վըրայ գուրգուրալով՝

Եւ մազերուն կուսին փափկիկ.
 Բայց չես հովիկ՝ իմ հայրենեաց
 Գնա, անցիւր սրտէս ի բաց:

Ո՛հ, ի՛նչ աղու և սրտագին
 Ծառոց մէջէն երգես, թռչնիկ.
 Սիրոյ ժամերն ի յանտառին
 Զմայլեցան ի քո ձայնիկ.
 Բայց չես թռչնիկ իմ հայրենեաց,
 Գնա, երգէ սրտէս ի բաց:

Ո՛հ, ի՛նչ մրմունջ հանես, վտակ
 Ականակիտ և հանդարտիկ.
 Քո հայելուդ մէջ անապակ
 Նայեն զիրենք վարդն ու աղջիկ.
 Բայց չես վտակ իմ հայրենեաց,
 Գնա, հոսէ սրտէս ի բաց...:

26. Գ Ա Շ Տ Ո Ի Մ Ը

Ո՛րքան հիանալի է լայնատարած դաշտը. ի՛նչ հրաշալի ընդարձակութիւն, ի՛նչ բազմազիմի տեսարաններ ես նշմարում չորս կողմդ: Ահա հարուստ վարելահողերը — արտերը՝ աշխատասէր գիւղացու քրտուների վաստակով փարթամացած, տատանում են իրանց պտղալից հասկերը: Ճորենի, գարու, հաճարի, վուշի արտերը՝ օրօրուելով, բաղցը ժպիտը երեսին, ողջունում են միմեանց. մեղմ գեփիւռը խաղում է նրանց վրայ և երկրագործը՝ կանգնած մօտակայ թումբի գլխին, գուարճանում է, տեսնելով իւր արտերի հէրանց գնալը *): Արեգակի ճառագայթները փողփողում են նրանց վրայ:

*) Արտերի ալիքանման տատանումը քամու առաջ կոչւում է հէրանց գնալ:

Բայց անձ մի մուլթ ստուեր երկչոտութեամբ սահեց արտերի երեսով. դա մի կտոր ամպ էր, որ զովարար ողջոյն մատուցանելով արտերին, եկել էր իմանալու, թէ արդեօք ծարաւ չէ՞ն նրանք և իրանց ծաղկած հասկերի դատարկ պտղամանները լցնելու համար կարօտ չէ՞ն իւր օգնութեանը: Գիւղացին ձեռքերը տարածեց. «Ա՛ստուած իմ, դարձեալ մի առատ անձրև, և այնուհետև ես կարող եմ անվրդով ննջել ցերեկուան տաժանելի աշխատանքից յետոյ»: Աստուած լսեց բարի գիւղացու ջերմ աղաչանքը և մեղմ անձրևը, երեկոյից մինչև առաւօտ, ջրեց ամբողջ դաշտերը:

Գիւղացին ուրախացաւ. այժմ նա հաց կ'ունենայ իւր ընտանիքի և դարման իւր անասունների համար: Այդ անասուններն էլ շատ են հարկաւոր նրան: Գրանց կաթը նա ուտում է, դրանցով հերկում է երկիրը, մինչև անգամ դրանց աղբով հողը պարարտացնում է: Վարուցանքի համար հիւթալի սևահող է հարկաւոր. դատարկ աւաղի կամ կաւի վրայ հացաբոյս չի բուսնիլ: Կան այնպիսի տեղեր, ուր ի հնուց բոյսերի և կենդանիների մնացորդների փտելուց սևահող է գոյացել. այնպիսի տեղերում գիւղացին համարձակ սերմ է ձգում. բայց կան և այնպիսի նիհար տափեր, ուր հարկաւոր է արուեստական կերպով հողը պարարտացնել՝ ամեն անասկ կենդանիների աղբ ածելով, որովհետև աղբից սև հող է գոյանում:

27. Վ Ա Ր Դ Ի Ո Ս Տ

Աստ գու ինձ, ստորդ վարդի,
Ո՛ւր ես ծըլել, սէր ծաղկել,
Ո՛ր հովիտի կամ սր դաշտի
Չարգարանք ես դու եղել:

Արդեօք եղել ես Եղեմում,
Եւ ջրել է քեզ Եփրատ,
Կամ սնուցել է իր ծոցում
Քեզ ծերունին Արարատ:

Ո՛ր անգութի ձեռն է քաղել
Քեզ քո թըփից մայրենական,
Կամ սր անգութն է քեզ տընկել
Այս աշխարհում պանդխտական:

Կամ թէ այն թուփ, քո օթևան,
Թառամեցաւ քեզ համանման,
Թէ՛ սոխակները քաղցրածայն
Մխիթարում են միշտ նրան:

Բաց դու չունիս մըխիթարիչ,
Ո՛վ թագունհիդ ծաղիկների,
Չունիս դու քեզ սիրոյ երգիչ՝
Թառամում ես երկրիցդ հեռի:

28. ԱՆՏԱՌԸ ԵՒ ՆՐԱ ՕԳՈՒՏՆԵՐԸ

Մտնենք այս ընդարձակ անտառը. այստեղ մենք կը տեսնենք շատ ու բազմատեսակ ծառեր՝ հացի, բոխի, թխկի, հաճարի, սօսի, լորենի, կաղնի և այլն: Սակաւ չեն նաև վայրենի պտղատու ծառերը՝ տանձին, խնձորին, դիւին, հոնին: Անտառում բուսնում են նաև շատ թփեր, բանջարեղէններ, խոտեր և անտառային ծաղիկներ: Անտառից մարդս մեծամեծ օգուտներ է քաղում: Բացի նրանից, որ այնտեղ արածում է նրա տաւարը և իւր վառելափայտն այնտեղից է ստանում, անտառը մի մեծ և անփոխարինելի օգուտ ևս ունի՝ ծառերը մաքրում են օդը: Բացի դրանից

անտառն արգելում է ջրի շուտ ցամաքելուն և օդի խոնաւութեան մէջ հաւասարակշռութիւն է պահպանում:

Գարնանը, երբ ձիւները հալուում են, ջուրը բոյսերի արմատների և մամուռի մէջ պահուելով, արագ չէ սահում, այլ նրա մեծագոյն մասը, մեղմը հալուելուց և դանդաղ ընթացքից հողի տակ մտնելով՝ շուտով չէ շօգիանում: Թէ որքան մեծ նշանակութիւն ունի անտառը, երևում է նրանից, որ երբ որևէ լեռան վրայից անտառն անխնայ կտրատում են, ամբողջ պտղաբեր նահանգներ մերկ անապատ են դառնում. օդը զրրկուում է իւր նախկին փափկութիւնից, իսկ ձիւնից և անձրևներից գոյացած հեղեղները կատաղաբար ծածկում ու աւերում են դաշտերը: Անտառների անհաշիւ կտրատելուց մեր երկրի շատ արգաւանդ սարեր և դրախտանման դաշտեր կորցրել են իրանց նախկին գեղեցկութիւնն ու փարթամութիւնը և ամայի անապատի ձև են ստացել:

29. * *

Երբ-որ ճնշում է քո սիրտը մի վիշտ,
Մի վիշտ հոգեմաշ, ծանրը և յամառ,
Ապա մարդկանցից խուսափիր դու միշտ,
Ուղղիր քո գնացքը դէպի մութ անտառ:

Անտառն ու ժայռերն էլ են ընդունակ
Նոյնպէս բառերով վիշտ արտայայտել.
Չէ՞ որ շատ անգամ մըրրիկն ու կայծակ
Նրանց կուրծքն ու սիրան են պատառոտել:

Նըրանք մարդկանց պէս չեն խօսիլ քեզ հետ,
Որ լոկ բառերով տան մխիթարանք,
Այլ ցաւակցելով՝ քո դանգամներին
Չայնակից կըլինի նըրանց արձագանք:

Գարունը քանի գնաց, տաքացաւ. մայիսի կիսին կ'ասէիր օգոստոս ամիսը լինէր... Այն այգիները, որոնք մի քիչ ջրբաղնի են, էլի կանաչի ծեղ երևում է նրանց մէջ. իսկ ինչ ներքի այգիների դրութիւնն է, Աստուած հեռու տանի, — կ'ասես թէ ամայի անապատ լինին. կանաչ տեղ երագումդ չես տեսնիր: Աշտարակի որ փողոցովն անց ես կենում, ամենի բերանիցն էլ լսում ես, թէ այս տարի մենք ունեցած-չունեցածներս պիտի վաճառենք, եթէ մի քանի օր էլ այսպէս գնայ: «Աստուած մեր մեղքը մեր երեսովն է տալիս. չորային լինելը բաւական չէ, թըրթուրն էլ մի կողմիցն է ծառերը սուսգ անում. խնձորենիքը, ծիրանիքն ու շորենիքը կ'ասես թէ մի-մի քրդի տաղաւար լինին, այնպէս են բռնուել թրթուրի ձեռիցը: Տնաշէններ, մեր քրիստոնէութիւնը վերացել է, հաւատներս բոլորովին պակասել. ամենայն տարի այս ժամանակ սուրբ Գէորգի մասունքը երկու անգամ բերած էինք լինում, այս տարի սուրբն էլ ենք մտքից գցել, Աստուածն էլ հետը: Այս մեր կոտորուած երեսայքն էլ Նուրին գոնէ չեն ման ածում, որ գուցէ Աստուծու սիրտը քաղցրանայ, մի լիս ու ճար անի մեզ»:

Այսպէս խօսում էին իրար հետ միքանի մարդ, ծանծապանենց դանը կանգնած, երբ-որ Գարեգինը շտապելով անց էր կենում այնտեղից: «Կանգնիր, կանգնիր, կանչեց, նրանցից մինը. Գարեգին վարժապետ, ախար էս ինչ պատուհաս է. դրի սև ու սպիտակը դուք էք հասկանում. ինչ է ասում գիրն էս տարուան համար՝ անձրև պիտի գայ, թէ չէ՝ ձեռքներս լուանանք, յոյսներս կտրենք, ետ նստենք»:

«Ի հարկէ չի գալ, ասաց Գարեգինը. մի տեղ որ ջերմեռանդութիւն չլինի, սուրբերի պատիւը վերանայ,

Աստուածը մոռացուի, թափօր չլինի, այնտեղից Աստուած չի հեռանալ: Վաղը ականջներդ ձէնի պահեցէք, պատրաստ կացէք, առաւօտեան զանգակի ձայնը որ լսէք, դուրս եկէք, որ սուրբ Գէորգի մասունքը պէտք է բերենք. գուցէ մի փարատութիւն ընկնի»:

Միւս օրը, արևը մի փոքր բարձրանալուց յետոյ, զանգակները քաշեցին: Տիրացուները հագան ժամաշապիկները, սրը քշոցը վեր առաւ, սրը խաշվառը, որն էլ մոմերը բռնած՝ առաջ ընկան: Գարեգիւնն էլ, նրանց կարգի գցելուց յետոյ, շարականը խորտեց, տարաւ. տէրտէրներն էլ, շուրջառները ժամհարի կոնատակը տուած, գնացին դէպի Մոզնու ուխտատեղին:

Ժողովուրդն էլ մեծ ու փոքր, մայր ու մանուկ, բոլորը տէրտէրների յետևից մասունքի առաջը դուս եկան: Վանահայր վարդապետը, երբ որ ժողովրդի կամքն իմացաւ, փառաւորուի ինքը, խսկոյն պատրաստուեց, գնաց ժամի դռները բաց արեց, մասունքները խորանից հանեց, տէրտէրների հետ ինքն էլ շուրջառաւորուած, ամենքը մի-մի մասունք վեր կալած, շարական ասելով, խաշ ու խաշվառով, մեծ հանդէսով եկան դէպի Աշտարակ: Հէնց որ գիւղին մօտեցան, շերմեռանդ ժողովուրդը, որ այգտեղ սպասում էր, գլուխները բաց, արտասունքն աչքերին, թափուեցին առաջը: Կանայք ու մարդիկ, ձեռները երկինք բարձրացրած, աղաղակում էին. «Ո՛վ սուրբ Գէորգ, քո գօրութիւնին մատաղ, մեր տէրն ու պահապանը դու ես, այս տաք ջրին մի հով շուր ածա՛, մեր լաց ու աղաղակը լսի՛ր, մեր երեխաներին խղձա՛»: Այնուհետև հոգևորական դասը, բոլոր ժողովրդի հետ՝ գիւղի չորս կողմը խափօր տալուց յետոյ, սուրբ Գէորգի աջը տարան եկեղեցի և սեղանի վրայ բազմեցրին:

Երեք օր սուրբ Գէորգը քնաց Աշտարակ: Երեք օրից

յետոյ՝ սուրբ Գէորգի մասունքը ինչ հանդէսով որ բերել էին, նոյն հանդէսով ետ տարան:

Այն իրիկունը, երբ սուրբ Գէորգի մասունքը տարան, մի փոքրիկ ամպ Արագածի գագաթից վեր կացաւ, դէպի Մասիսը գնաց: Ամպը քիչ-քիչ շատացաւ, երկնքի երեսը թղպեց ու կէս ժամից յետոյ մի այնպիսի անձրև եկաւ, որ աշխարհ շինեց ցելս ու ըստ լալս. երեք օր միմեանց վրայ չկարուեց անձրևը. այգիներն էլ կշտացան, տաւարի վրօտն էլ լաւացաւ, քարքարուտ տեղերն անգամ մէկ թիղ կանանչեցին, բոխն էլ դուս եկաւ, արտերն էլ լրանց կարգին յառաջ եկան: Թրթուրը հօ՛ այնպէս փչացաւ, որ նշանն էլ չէիր գտնիլ: Ամեն մարդու բերանից փառք ու շնորհակալութիւն էր լինում Աստուծուն. ամենքն ուրախ էին, ամենքի սիրտը տեղն էր ընկել:

31. Ե՛կ, ԳԱՐՆԱ՛Ն ԱՆՁՐԵՒ...

Ե՛կ, գարնան անձրև, թափուի՛ր յորդառատ
Ցրբտացած երկրի սառ կըրծքի վըրայ.
Թ՛նդ նորից երկիրն շունչ քաշէ ազատ,
Թ՛նդ նորա կըրծքին ջերմ կեանքը եռայ:

Երկնք նա տանջուեց դառնաշունչ ձմրան
Ցուրտ կապանքներում, քեզ ըստասելով.
Նա շատ համբերեց, կենսատու գարնան
Քաղցր կարօտը ջերմ փայփայելով:

Թափուի՛ր, այ անձրև, ինչպէս մարգարիտ,
Ինչպէս երկնառաք ցօղը կենսաբեր,
Ուռղի՛ր դաշտեր, անտառ ու հովիտ,
Կանաչով պատիր լեռներ ու ձորեր:

Թ՛նդ յորդանալով աղբիւր ու զետակ,
 Մառցէ շրջթաներ անաճ խորտակեն,
 Դուրս գան ամբերից, վազեն համարձակ,
 Ազատ խոխոջան, ազատ կարկաջեն:

Թ՛նդ քեզ լոյս-արև ժրպտայ սիրավատ
 Եւ որպէս երկնից հաշտութեան նըշան՝
 Քո կաթիլներում փայլուն ու պայծառ
 Նա սիրով կապէ կարմիր ծիածան...

Ե՛կ, գարնան անձրև, թափուի՛ր յորդառատ
 Յըրաացած երկրի սառ կըրծքի վըրայ.
 Թ՛նդ նորից երկիրն շունչ քաշէ ազատ,
 Թ՛նդ նըրա կըրծքին ջերմ կեանքը եռայ:

32. Ա Մ Պ

Յուզիսի տօթային օրերից մէկն էր: Արեգակը անխնայ կերպով այրում էր: Հրաբորբոք օրը անտանելի էր: Ամեն առարկայի վրայ տիրում էր թմրութիւն և տաղտկութիւն: Թռչունները լռել էին. ծառերը ցած էին թողել իրանց ոստերը. թառամել էին սիրուն խոտերը և կպել էին գետնին: Այլևս լսելի չէր լինում դաշտային ծաղիկների ուրախ շշուշը. նրանք խոնարհեցրել էին իրանց գլուխները և կամաց-կամաց մեռնում էին ծարաւից: Կովերը, ձիերը, այծերը հազիւ հազ շարժւում էին: Չորս կողմում ամեն ինչ լուռ էր, ոչ մի ձայն չէր լսուում...

Մի կողմում, օդի ջերմութեամբ լցուած տարածութեան վրայ, երևում էին խրճիթներ, այնտեղ մարդիկ տըխրութեամբ նայում էին դէպի ժլատ երկինքը, որ նրանց անձրև չէր տալիս: Այդ սգաւոր գիւղերի մէջ այլևս չէն

լսուում ոչ ծիծաղ, ոչ կատակներ և ոչ ուրախ երգեր: Մինչև անգամ երեխաները, թուլացած օրուայ տապից, մոռացել էին իրանց խաղը, սուս էին կացել և թափուել էին մարագներում:

Երաշտութիւնը սարսափելի դժբախտութիւն է շինականի համար, որ ապրում է միայն դաշտային դառն աշխատանքով: Երաշտութիւն—դա մի դանդաղ մահ է հազարաւորների համար, մահ աղետալի և սովատանջ: Նա աղքատացնում է մինչև անգամ նրանց, որոնց մօտ փոքրիշատէ պահպանուել է ուտեստի հին պաշարից... Շինականները հասկանում են այդ և տրտմութեամբ են նայում երկնքին:

Ամբողջ երկու ամիս նրանք ողորմութեան են սպասում երկնքից,—բայց դեռ ոչ մի կաթիլ անձրև չկայ... Այրուեց խոտը. այրուեցան անտառները. նիհարացան, լղարեցին տաւարները: Մարդիկ յուսահատուած թափառում են որպէս ուրուականներ...

Արդէն միքանի անգամ բարի քահանան սուրբ մատուցներ, խաչ ու պատկեր իւր հետ առնելով՝ հանդատան կատարեց անտառների և դաշտերի շուրջը, Աստուծուց անձրև խնդրելով: Շինականների ջերմեռանդ բաղմութիւնը հաստատ հաւատով և արտասուլխառն աղօթքներով շրջապատել էր նրան: Զօրաւոր է հաւատը այդ խեղճ ու համբերող մարդկանց մէջ:

Ահա բաց-կապտագոյն երկնքի վրայ երևաց ամպի մի փոքրիկ թափանցիկ պատառ: Նա նմանում է մի սպիտակ թաշկինակի, որ հազիւ է նշմարւում: Նա կամաց լողում է, կարծես վախենալիս լինի... Տառապեալ շինականները տեսան նրան և նրանց վշտալի սրտերում ծագեց յոյսի մի պայծառ նշոյլ... Մօտ է փրկութիւնը սովատանջ մահից... Բայց փոքրիկ է ամպիկը, գուցէ մի

բոպէից յետոյ կորչի երկնքի անսահման կապուտակութեան մէջ... Ո՛հ, նա չի դաւաճանիլ. նա կըցօղէ երկիրը բարեբեր անձրևով:

Սպիտակ ամպիկը մեղմ սիրով նայում է անբախտ գիւղերի վրայ, տխուր խրճիթների վրայ, և հետզհետէ աճում է, հաւաքում է իւր ուժերը, որ վրկէ սովառանջներին:

— Ի գուր ես աշխատում, փաղաքշելով ասում է նրան արեգակի կիզող ճառագայթը. թնոյ նրանք տանջուին, դու ինչո՞ւ ես հող տանում նրանց կեանքի համար: Դու կանգնած բարձրում, փայլում ես ոսկու մէջ, իսկ նրանք այնտեղ, ներքևում, թաւալուում են փոշիների մէջ: Քեզ ի՞նչ պէտք են նրանք: Դու կ'ոչնչանաս, կըմեռնես, նրանց ազատելով: Մի՛թէ աւելի լաւ չէ քեզ համար՝ լողալ երկնքի կապուտակութեան մէջ, խաղալ մեզ հետ, սլանալ հողմերի թևերի վրայ և գուարճանալ կեանքով:

Իսկ սպիտակ ամպիկը դէմքը խոժորեց և դժգոհութեամբ երեսը շուռ տուեց արեգակի ուրախ ճառագայթներին: Նա սկսեց աճել և միին գոյն ստանալ: Վերջապէս բոլորովին ծածկեց արեգակի շողշողուն ճառագայթները և ականջ չդրեց նրանց ձանձրալի խրատին՝ թէ կըմեռնես, կ'ոչնչանաս... Ինչո՞ւ ես դու հող տանում ուրիշների համար, մտածիր միայն քո մասին... ապրիր միայն քեզ համար...

Ամպը ականջ չդրեց իւր օդային բարեկամին և շուտով այնքան աճեց, որ դարձաւ անազին սև մէզ, որ սիրալիր կերպով ցած էր իջնում թշուառացած դաշտերի և տխուր ծառերի վրայ: Լսելի եղաւ խուլ դղրդիւն, որ հետզհետէ սաստկանալով, սկսեց որոտման մի հարուածը միւսի ետևից աւելի բարձրաձայն տարածել նիհար անտառների, հեռաւոր լեռների մէջ և, օձի նման գալարուելով, նշմարուեց կայծակը... մի անգամ ևս, մի անգամ ևս... Տեղաց առատ գովացուցիչ անձրև: Երկար հեղուում

էր նա, ուռգելով ամեն մի արմատը սոչորուած խոտերի, տխուր խնձորենու, համբերատար ընկուզենու, սգաւոր ուռենու, և նրանք ազանութեամբ ծծում էին նրա գովացուցիչ կաթիլները... Ծառերն սկսեցին ազատ շունչ առնել. խոտերը կանաչ գոյն ստացան. ծաղիկները վեր բարձրացրին իրանց գլխիկները. թռչուններն սկսեցին ծլվլալ. երեխաները դուրս թափուեցան դէպի փողոցները և սկսեցին վազող վաակներից լճակներ կազմել: Կեանք ստացան գիւղերն ու դաշտերը:

Ամպը, կատարելով իւր բարի գործերը, ճշմարիտ է, մեռաւ, ցած թափուելով փրկարար անձրևի ձևով, բայց նա մեռաւ հաճելի մահով: Նրա կեանքը սպառուում էր ժպտալով, երբ նայում էր գուարթացած ծառերին, սլայծառ խոտաբոյսերին, ուրախ ծաղիկներին: Եւ նա, կորչելով երկնքի ընդարձակ տարածութեան վրայ, զգում էր, որ մեռնում է ոչ առանց օգուտ բերելու. կանանչ խոտը, յարութիւն առած բնութիւնը, շինականների ուրախ դէմքերը—նրա գործերն էին:

Այնուհետև ամպը բարակ շերտով սկսեց առաջ լողալ. թռչունների ուրախ ձայները, ծաղիկների ու դաշտային խոտաբոյսերի սօսափման անուշ մեղեդին առաջնորդում էին նրան, մինչև նա անսկատելի կերպով անհետացաւ երկնքի անսահման կապուտակութեան մէջ: Նա կորաւ այնտեղ, վերևում, իսկ կաթիլների ձևով սկսեց ապրել այստեղ, ներքևում, ամեն մի թուփի, բոյսի, ամեն մի փոքրիկ կենդանու մէջ...

33. Ա Մ Պ Ե Ր

Հայոց երկնքով ամպեր են վազում
Սխտ քամու ձեռից.

Սև-սև ամպերը սարերի նման
 Անցնում վերերից:
 «Կացէք, այ ամպեր, ինչո՞ւ էք փախչում,
 Անձրև չէք թափում:
 Մեր ծարաւ արտեր օրեր են համրում
 Ու ձեզ սպասում:
 Քամի, դո՛ւ քամի, խղճա՛ արտերին,
 Թո՛ղ այդ ամպերին,
 Կանգնեն ու թափեն անձրևի շիթեր,
 Ջրեն մեր արտեր:
 Քամին հանդարտեց, մեղմ անձրև թափուեց,
 Արտերը ջրեց:
 Արտը բարձրացաւ, ցօղուն արձակեց
 Ու հասկեր բռնեց:
 Գիւղացին գնաց, տեսաւ ու խնդաց,
 Խնդաց ու ասաց.
 «Փնօք Քեզ, ո՞վ Աստուած, որ տուիր մեզ հաց.
 Չենք մնալ քաղցած»:

34. ԱՄԱՌԸ ԵՐԵՒԱՆՈՒՄ

Ա

Ճաշուայ շոքն անց էր կացել: Սար ու ձոր գլուխները նորից բարձրացրել էին, որ փոքր շունչ առնեն: Արե՛գակը Մասիսի քամակիցը աչքը հանդարտ բաց էր արել, մունջ-մունջ երևանու բերդին էր մտիկ տալիս և ուզում էր, որ կամաց-կամաց մայր-մտնի:

Թանձր խաւարը, սև մառախուղը եկել, բոլոր դաշտերի, ձորերի երեսը բռնել, օդը ծանրացրել էր:

Թռչունը տեղիցը չէր ուզում շարժուել, հաւը բնիցը

գլուխը հանել: Ամեն տեղից ոտքը խաղաղուել, ամեն տեղից ձայն ու ձոր լուուել, պապանձուել էր:

Ջուր ջրոդը առուի վրայ էր թեք ընկել, քնած մնացել, վարուցանք անողը՝ հանդումը, այգեպանը իւր ծառի տակին՝ շուաքումը քուն մտել, հանգստացել: Մարդ, կին, մանուկ գիւղերումն էլ չէին երևում:

Հօտադներն իրանց գուլթանի լծկանը բաց էին թողել, լուծը յետ արել ու մէկ ստուերի տակ գուլթանը մէկ կողմը, եզները միւս, ջրերի ափին վէր էին թափուել, քաղցը քուն մտել: Նախիրը մէկ դաշտում, ոչխարի հօտը միւս. շուաք տեղը նստել, ծնօտ ծնօտի էին քսում, փրնչացնում, արոճ անում: Հովիւն էլ, գլուխը մէկ քարի վրայ դրած, ննջել, աչքը կպցրել էր, որ շօքը քաշուի թէ չէ՝ վեր կենայ, հօտը իրիկնահովին մէկ լաւ խոտաւէտ տեղ տանի, արածացնի:

Արթուն շների մէկը այս ցցի վրայ, մէկը միւս թմբի ծայրին, կամ հովուի ոտի տակին՝ գլուխը դրել, նօթերը կիտել, մարաղ է մտել, որ թէ գող, գայլ, գազան սիրտ անեն, մօտենան, մէկէն-իմէկ վրայ թռչի, պատառ-պատառ անի, իւր տիրոջ ոչխարները պահի: Մէկ կանաչ խոտ, մէկ դալար թուփ կամ մէկ ծաղիկ ո՛չ մէկ տեղ չէր երևում, որ մարդ հոտն առնի, կամ երեսին մտիկ տայ, սիրտը բացուի ու իւր ճանապարհի երկարութիւնը մոռանայ... Այսպէս էր սար ու ձոր, դաշտ ու հանդ չորացել, խանձուել, պապանձուել: Միմիայն խոտերի ցօղուններն ու թփերի սուր-սուր ծայրերն էին այստեղ-այնտեղ ցից-ցից գլուխին բարձրացրել, տխուր, տրտում, մուրուրուած, պաշարուած կանգնել, մնացել:

Սև-սև գիշակեր ագռաւները կամ վախլուկ տուլաշներն էին հէնց մենակ մնացել, որոնք այստեղ մէկ քարափի ծայրի, մէկ բուրջի գլխի, կամ թէ չէ՝ ճանապարհի մի-

Չուճ իրար գլխի հաւաքուել, նստոտել, կամ պառայա էին գալիս, իրար կտցահարում, իրար թևերից քաշում, որ մէկի գտած որսը ձեռիցը խլեն, բաժին անեն:

Օձ, կարիճ, մողէս, բզէզ ու ինչ կերպ գազան ասես՝ մորեխ, մժեղ, հանգէս էին բաց արել, որը մէկ թփի տակից, որը մէկ քարափի գլխից, որը խոտերի միջին՝ կամ մաց-կամաց ժաժ գալով, պոչ ու գլուխ իրանց քաշելով, կամ ծլունգ լինելով, էլ յետ սուս անելով, կամ գետնի, ապառաժի վրայ սողալով, փշտացնելով, շուպցնելով, փըշ-շացնելով, ծվվալով, ծղրտալով, սան էին ելել, ուզում էին իրանց արևի ձէնն ածեն, որն էլ իւր բնի առաջին արևակող անելով, գլխները հանել, մունջ-մունջ ականջ էին դրել, սուր-սուր աչքները ցցել, պելացել, այս կամ այն կողմն էին մտիկ տալիս, որ ոտքը խաղաղուելիս՝ դուրս գան, միքիչ շունչ քաշեն, իրանց կերը ճանկեն, էլ ետ իրանց բունը մտնեն, էլ ետ գնան քնեն, հազստանան:

Բագի պատածակի արանքից կամ քարի ծայրից էլ մէկ անձար բու, գլուխը վէր թողած, քիթ ու պոռնկ կիտած, ծանրացած, գետնին էր նայում, իւր սև օրը ողբում: Հաւի թշնամին ուրուրն էլ՝ թևերը փռած, ճանկերը սրելով, բացուխուփ անելով, կտուցը սրբելով կամ կուրծքը քըջըջելով, երկնքի երեսին, գլուխը կրծքի տակին քաշ գցած, սուր աչքերն այս կողմն այն կողմն էր գցում, պտըտում, պատրաստում, որ մէկէն-իմէկ ական թօթափել, վայր վազի հաւի լխպոր ճուտերի գլխին, որոնք մօր թևերի տակին կամ մօր գլուխը քորելով, թևը քաշելով, ծվծվալով, կտկտալով, կամ կտուց կացի տալով, մօր կուրխտալուն, ծվվալուն ականջ դնելով, սուսուփուս նըստում էին իրար հետ, կամ քշուջ էին անում...

Բ

Այսպէս մեռել-լուել էր բնութիւնը ու ոչ մէկ շփոթումէկ տեղից չէր լուում: Միմիայն հեռու տեղից մէկ բարակ քամի երբեմն-երբեմն փչում, ծառի տերևները սըլ-սլացնում, ժաժ էր գցում ու գոլ-գոլ մարդի երեսին, բերնին քնքուշ ձեռը քսում, շուտով անց կենում ու փշերի, խոտերի, քարափների, ձորերի մէջը մտնում:

Ինչպէս ծխի մէջ խրուած՝ հեռու տեղից դաշտի գիւղերը, հանդերը, փոսերը մթնած, լուած, ինչպէս սև ամպի կտորներ կամ այրուած, խանձուած տեղեր, այստեղից, այնտեղից սևին էին տալիս ու խանիխուսն երևում:

Արաքսը, ինչպէս մէկ նետ օձ կամ արծաթի գօտի, արևմտեան կողմիցը, ձորերի միջիցը իւր սուր, լուսափայլ ճակատն ու գլուխը բաց էր արել ու մրմունջ, լուռ, հանդարտ գալիս՝ Մասիսի փէշին միքիչ խփում, շփում էր ու էլի խեթ-խեթ նայելով, նրան սպառնալիք տալով, ձէնը-ձոր անելով, գլուխը պտըտելով, գնում, Զանգու ու Գաննի գետերը իւր ծոցն առնում և խաղալով, խայտալով, վըշ-վըտալով՝ հեռանում քոյրերի հետ ու պոռնկ պոռնկի, լանջ լանջի, քամակ քամակի տուած, իրար գլխի, երեսի ձեռ քսելով, փաղաքշելով, հանաք անելով, աչքերը խփում, նղղում ու Շարուրի տափարակ ծոցումը ծեծուած, ջարդուած քուն մտնում:

Այս տխուր հրապարակի չորեքշուրջը՝ աչքդ որ բաց չես անում, մէկ էլ ես տեսնում, որ երբեմն երկինքն ամպակալած՝ ուզում է որ սար ու ձոր ոտնատակ տայ, Արագածի, Մասիսի ու միւս սարերի գլխին բամբաչի, գետին խցկի, որ համարձակում են իրանց գազաթն այնպէս բարձր վեր քաշել, որ բոլոր ամալերը վերևը ոտը բռնելու տեղ չունենալով, իրանց երկինք մօրիցը խռոված, վէր են

գալիս ու նրանց գլխին քուլայ-քուլայ դիզուում ու այնպէս իրար վրայ նստում, որ շատը, տեղ չունենալով, միւսներին քռինչ է տալիս, բոթբոթում, դուրս է գցում ու նրանց տեղը բռնում:

35. Կ Ա Ր Կ Ո Ի Տ

Անցել էր գարուն, ամառ էր մտել, բիւր անթիւ բարիք գիւղացուն բերել. կանաչ արտերի ցորենն ու գարին, կորեկն ու հաճար ուռել ու լցուել, ոսկեգոյն ներկուել, և այգիների խնձորն ու տանձը, դամբուլն ու ծիրան հասել, կարմրել, ծառերը բռնել. իսկ սեխաստանի սեխն ու ձմերուկ, դդումն ու գազար փորերն ուռցրել, մեղրի համ առել...

Գետը պարզուել էր, խոտը երկարել, հօտեր, նախիրներ դաշտերը փռուել. ծառերի գլխին և կամ արտերում թռչունք բուն դրել, ձագուկներ հանել...

Սողում էր օձը խոտերի միջին. մեղուն թռչկոտում ծաղկից դէպ' ծաղիկ. կրիան էլ վիզը հանած պատեանից, քաշում, քաշկըրտում թփերի տակին...

Պայծառ էր օրը. պայծառ էր երկինք. ուրախ են թռչունք, անասունք, մարդիկ...

Բայց այն ի՞նչ ամպ է, որ սարի գլխից գալով, գալիս է ու իրան յետքից, կարծես շղթայած, քաշում է բերում մեծ ու սև ամպեր՝ ամեն տեղ փռում...

Մի բոպէ ևս, խորին մթութիւն ամեն ինչ պատեց. որոտաց երկինք, երկիր դղրդաց. փայլակն ու կայծակ իրարու խառնած, մարդկանց սրտերը ահ ու դող գցեց: Մռնչաց քամին, շարժուեցին ծառեր. կաթեց, կաթկաթեց, յորդ անձրև թափուեց. անձրևի ետքից սառցէ գլնդակներ, շրը՛խք ու շրը՛խք, երկիր գորուեց: Թափուում

է, թափուում, սար ու ձոր ծածկում. սչ դաշտ հարցնում, սչ այգի ասում:

«Ա՛խ, կարկնւտ, կարկնւտ, կանչում են մարդիկ... Այս ի՞նչ պատիժ է, խնայէ, երկինք»...

Ծերը ծնկաչոք, արտասուքն աչքին, Աստուած է կանչում խնայել երկրին. պառաւը հանած երկթէ կասկարան բակն է շարտում ու նզով կարդում. հարս ու աղջիկներ, պատի տակ շարուած, սուր դանակներով կարկուտ են կտրում՝ երկնքին նայում. իսկ նրանց մօտը մշակ երկրագործ յուսահատ կանգնած, ձեռը իւր ծոցում, անխ-անխ է քաշում, գլուխը շարժում...

Բայց հանդերի մէջ այս ինչ շփոթ է ու իրարանցում... Հօտը ցրուել է, նախիրը փախել, ձիերը խրանել, դէս ու դէն ընկել. թռչունքը թռել, բունի մէջ պահուել, հովիւ, հորթարած, փայտհատ, կովարած, ամենքն էլ իրանց գործերը թողած՝ թփերի տակին մնացել են սառած...

Դադարեց կարկուտ, որոտը լռեց. ամպերի ձեղքից արևը նայեց. երկիրը ժպտաց, նորից փայլ առաւ, բայց տխուր փայլ էր, որ նա ստացաւ:

Այգեպանն վազեց իւր այգին մտաւ, դէս ու դէն նայեց, մնաց քարացած. — ծառեր տերևթափ, ճիւղեր կտորատուած, բոլոր պտուղներ կարկտահար եղած: — «Վայ իմ աշխատանք, ափսոս իմ այգի», ատաց հեռացաւ, աչքերը լցուած...

Արտատէրն գնաց, իր արտը հասաւ: Թուլացան ոտներ, սևացան աչքեր, երբ տեսաւ հասկը շարդուած, փշրուած, հողին հաւասար, անգութ հեղեղից աւազով ծածկուած. «Կորան իմ յոյսը, փչացաւ իմ արտ», ասաց ու գնաց սիրտը մորմոքուած...

Դրսում մնացած թռչունքն էլ թռան, գտան իրանց բուն. բայց ան, ինչ տեսան. բունը աւերուած, ձագուկներն ընկած, չորսից միայն մէկն ողջ էր մնացած. իսկ այն միւսները թափուած ցելսի մէջ, անշունչ ընկել են, աչքները փակել՝ սրի գլուխը, սրի թևիկը կարկրաբայ ջարդուել:

Ծըլվըլաց թռչունը, սրգաց իւր ձագուկ,
Դէս ու գէն ընկաւ՝ արեց ողբ ու սուգ...
Այսպէս ամեն տեղ, որ մի ժամ առաջ
Տիրում էր յոյս, կեանք, ցնծութիւն անբաւ,
Այժմ յաջորդեց, կարկրաի շնորհիւ,
Յուսահատութիւն, տառապանք ու ցաւ...

36. Ա Ղ Օ Թ Ք

«Տէր, եթէ զըթունս իմ բանաս՝
Բերանս իմ երգեսցէ զօրհնութիւնս քո»:

Գիշեր ու ցերեկ, Տէր, Քո սուրբ անուան
Մենք պիտի լինինք յաւէտ փառաբան,
Թէ արև ծագէ, — քարոզ Քո փառաց,
Թէ գիշեր հասնի, — պարգևդ ողորմած.
Մենք խոնարհ հոգով Քո մեծ բարութեան,
Կանգնած ենք՝ պատրաստ լինել սրբաբան:

Բայց մարդիկ վաղուց, մոռացած Քո խրատ,
Դահիճ են դարձել եղբարցն հարազատ.
Ուրացած անմահ խօսքըդ մարդասէր,
Հգօրն աշխարհին դարձել է արդ տէր.
Եւ փոքրը չունի այլևս բերան՝
Կարդալ սաղմոսը Քո օրհներգութեան:

Ընդունիր արդ, Տէր, մեր խոնկն աղօթից,
Տնւր մեզ վայելել խոստացած բախտից՝
Թէ վաստակեալներն ու բեռնաւորներ
Պիտի գտանեն հանգիստ երկնանուէր.
Եւ բաց մէր շըթունք, Տէր Ադովայի,
Երգել օրհնութիւնն Քո անբաւ փառքի:

37. Ա Յ Գ Ե Կ Ո Ի Թ

Յերեկը գիշերին յաղթելով՝ ցրիւ տուեց նրա թանձր մութը. մարդկանց քունը փախաւ-գնաց աշխարհի տակը. Սուրբ-Սաշի մեռելոցին, երկուշաբթի օրը, արևը դեռ նոր էր իւր գլուխը հանել, որ հինգ-վեց հարիւր հոգի կարբըցիք ու հանավանքցիք, կթոցները շալակներին, մի երկու ցամաք հաց միջին, մօտեցան Աշտարակի այգիներին: Աշտարակցիք այսօր մի մարդ են ուղարկում բանուորներ բռնելու: Դեռ արևը նոր էր բարձրացել, որ այնքան բանուորներից մէկը չմնաց. բոլորը ցրուեցան այգիները: Քաղն սկսուեց: Սաղողի տեսակները՝ իծապտուկը, քիշմիշին, ասկեսարին, մսխալին, կոթոռնիշը, եգնաշքը, ծիլալը, եգանդարին, մէկ խօսքով՝ ինչքան պատուական խաղողներ կային, բոլորը թլթլում էին, բոլորը քաղող էին կանչում: Կեանքը եռում էր այգիներում: Քաղող քաղողի, ուտող ուտողի, տանող տանողի էր: Աղբատների շունետների աչքն էլ լիքն է այդ օրերը: Սրանից յետոյ, մինչև այգեկութի վերջը, ինչ որ այգետէրերի դրութիւնն է, Աստուած ոչ շհանց տայ. մարդ որքան էլ հարուստ լինի, հագին այնպիսի ցնցոտի կըլինի, որ ծըլաքներն ուռնու տերևի պէս երկար-երկար քաշ ընկած կըլինին. բոլորը պատառոտուել են խաղողի թփերի մատներիցը կամ տաշտակներիցը: Կանայք որոնք տանն են

քնում, առաւօտանց շտապելով իրանց բանը կըպրծնեն ու՝ դէպի այգին. մէկ խօսքով՝ մի մաքուր շոր չես գանիլ, որ շիրտ եղած, կուպր դարձած չլինի: Հէնց որ քաղից պրծան, բոլոր խաղողը ջուկջուկեցին. պահունին տուն տաւան՝ կախան անելու, իսկ մնացածը հնձանը հաւաքեցին: Քաղը վերջանալուց յետոյ խաղողատէրերը և նրա վարձուորները ոտները հանեցին, իստակ լուացին, Աստուծո՛ւ անունը տուին, մտան առագաստի մէջն ու խաղողը տրօրեցին. տրօրելուց յետոյ դիրք գրին, ժողովեցին և վրան տախտակներ շարեցին, որ քամուի:

Մարդու սիրտ փառաւորում է, երբ որ քաղցուն, աշտարակցու սրտի ուրախութիւնը, նրա տարեկան ապրուստը, առու է լինում առագաստի միջով ու թափուում տաքարը: Աշտարակցու սրտին զանգի ձայնից քաղցը է թւում այն զընգզընգոցը, որ լսում է տաքարից՝ քաղցուն նրա մէջը լցուելիս. բայց մանաւանդ սրբան մեծ է լինում նրա ուրախութիւնը, երբ որ, մին էլ ես տեսնում, տաքարը շրթունքներից հետ լցում և քաղցուն եկած տեղիցը յետ է դառնում, առագաստումը լճանում, իմաց տալով իւր տիրոջը, թէ ինձ կըլըր, պրծիը, կարամներդ լցրնւ: Քանի ու քանի փառք և գոհութիւն է վեր ուղղում մարդ այդ ժամանակ դէպի Արարիչը:

38. Ա Շ Ո Ւ Ն Ք

Աշունքացաւ: Արարատեան դաշտի կանաչ այգիները, որոնք մարդու սիրտ ուրախացնում էին իրանց գեղեցիկ տեսքով ու անուշ հոտով, Աստուծուց փռած կանաչ խալիչաներով, հազար տեսակ ծաղիկներով, հիմա այն գրութեան էին, որ մարդու սիրտ չէր տալիս, որ նրանց վրայ նայէ. խաղողի թփերը, որ մի օր գլուխ գլխի կպցրած՝

իրանց սաթի նման ողկոյզներով մարդիս բերանի շուրը բերում էին ու նրա երեսին ծիծաղում, հիմա մեռած մարդկանց գերեզմանների նման հողի կոյտերով էին ծածկուած: Ծառերը, որ մի թեթև քամուց իրանց տերևներով տարուբերում ու մարդու տխրած սիրտն էլ բաց էին անում, հիմա մերկացած, մի տերև էլ չես գանիլ վրաները—չոր-չոր չոփերն են երևում միայն բիզ-բիզ: Ջրերի ափերը, որ բազմերանգ խոտերի և ծաղիկների շատութիւնով մարդու ախորժակը բաց էին անում, հիմա հէնց իմանաս թէ ութ օրէն մեռած մարդու երես են դարձել: Ամեն բան էլ փոխուած՝ մի տխուր տեսարան է ներկայացնում:

Բայց գործի տէր մարդիկ նոր են սկսում ուրախանալ, այգու բաներից պրծել են ու դադարել. ունեցող-չունեցողն էլ հիմա տանիցը մաքուր հագնուած է դուրս գալիս: Մարդ չկայ, որ իրան կարողութեան չափ զինի չունենայ: Ով որ հոգս ունի, ծախում է զինին ու իրան տունը նորում, ձմեռուայ պատրաստութիւնը տեսնում: Մի գիւղացի իւր ցորենի աւելորդը, միւսը իւր զինու ու արաղի մի մասը, երրորդը իւր ձեռատունկ ծառաստանի կտրուածքը՝ ամեն մարդ իւր առատութիւնից մի բաժին վաճառում, իրանց միւս պակասութիւնները ծածկում են: Ում հասած աղջիկ կամ աղայ ունի, շտապում է հարսանիք անել: Գիւղացու ուրախութիւնները, մեծ մասամբ, աշնան սկզբներումն են լինում:

39. Ձ Մ Ե Ռ

Բարիկենդան էր: Ձիւնն եկել, զիգուել, սար ու ձոր բռնել էր: Պարզըկայ զիշերն այնպէս էր գեալիւր սառցրել, որ ամեն մէկ ոտը կոխելիս՝ հազար տեղից տրաք-տրաքում,

ճրճըռում, ճաքճըքում էր և մարդու մարմինը սրսրուացնում, ճայն տալիս: Ամեն մէկ ծառի ճղներից, ամեն մէկ տան բաշից՝ հազար տեսակ սառուցի լուլայ, հազար տեսակ ճիւնի քուլայ՝ կախ էին եղել ու բիզ-բիզ իրար վրայ սառել: Հէնց գիտես սար ու ձոր կամ նոր էր ծաղկել, կամ նոր ծերացել՝ մահուան դուռն ընկել: Թռչուն, գազան, անասուն, սողուն՝ որը փէտացել, այստեղ-այնտեղ վայր էր ընկել, որն էլ վաղուց, ամսով առաջ, բունը մտել՝ ճայնը կտրել, պաշարը վայելում, գարնան գալուն էր սպասում: Գետերի, առուների երեսը սառուցը մէկ գնդ եկել, հաստացել, իրար վրայ դիզուել և այնպէս էր ջրի, աղբիւրի բերնին հուպ տուել, որ մօտերին կանգնողը միմիայն նրանց խուլ ճայնն էր լսում, որ սառուցի տակին տխուր տրտում քլքլում էր ու էլ յետ այստեղ, այնտեղ կամաց-կամաց ճայնը կտրում, պապանձւում, սառչում:

Արեգակն այս առաւօտ որ քնատեղիցն ու աղօթարանիցը գլուխը չբարձրացրէց ու աչքը աշխարհի վրայ չզցէց, շողքը (ճառագայթները) սարերի գագաթին, դաշտերի գլխին այնպէս էր փայլում, պսպղում ու սառցի ձնի հետ խաղում, ծիծաղում, կանաչ ու կարմրին տալիս՝ որ հէնց իմանաս ազամանդ, գմրուխտ, եաղութ ու հազար տեսակ անգին քարեր լինէին՝ դաշտերի, սարերի գլխին, երեսին, կրճքին փռած: Սարերի սառը բուքը, ձորերի դառնաշունչ քամին այնպէս էր հրապարակ բաց արել գոռում, փչում, հոսան անում, ձիւնի թեփը իրար գլխով տալիս, որ ճանապարհորդի քիթ ու պոռնգը կպցնում, ճաքացնում, երեսը պատում, գլխին հազար անգամ խըփում, աչք ու բերան լցնում, շատին էլ կամ ձորերը գցում, խեղդում կամ ձնումը թաղում, շունչը կտրում, կամ ոտ ու գլուխ փէտացած, ճանապարհից խուկում, սալ ու ձոր գցում, խեղդում կամ քարէքար էր տալիս:

40. ԻՄ ՀԱՐԵՒԱՆՆԵՐԸ

Տունը, ուր ես բնակում եմ, մի բարձր և երկար շինութիւն է: Նա շատ նոր չէ և գտնուում է Շուշի քաղաքի մի հեռացած ծայրում, բաժանուած միւս տներից մեծ ու խոր ձորով, որ սկսում է նրա հիւսիսային կողքից: Այդ ձորը շատ մուայլ տեսք ունի: Գարնանային հեղեղները տարէցսարի քանդում, խորացնում են նրան. դարիվայրը, որ սկսում է տան պատերի մօտից, աւելի և աւելի ուղղաձիգ է դառնում:

Իմ վարձած երկու սենեակների առջև կայ մի փոքրիկ դատիկոն: Այդտեղից երևում է մեծ բլուրը, որի գարիվայր լանջերի վրայ խիտ կուտակուած են տները: Բայց միշտ իմ ուշադրութիւնը ամենից շատ դրաւում է մեր տան ներքին յարկը: Այդտեղ ամեն անգամ աչքիս երևում է սևացած մուայլ պատը մի փոքրիկ պատուհանով և նոյնպիսի դռնով, որ բացւում է դէպի ձորը: Սկզբում ես կարծում էի, թէ այդտեղ նկուղ է, ուր պահւում են անպէտք բաներ: Բայց շուտով իմացայ, որ դա բնակարան է մի փոքրիկ բնասնիքի՝ մի այրի մօր և մի փոքրիկ աղջկայ: Վերջինիս շատ անգամ էի տեսնում շէմքում նըստած, գլուխը ցած գցած, մենակ խաղալիս: Նրա անունը Հեղինէ էր...

Բարձր, երկար տան միւս սենեակներում կենում են միքանի ուրիշ արնկիցներ: Ահա դրանք էին իմ հարևանները:

Չմեռն է:

Տխուր ու ցուրտ օրերը անփոփոխ յաջորդում են միմեանց:

Չիւնն ու ցեխը բոլորովին արգելում են տանից դուրս

գալ: Տաք վառարանը թմբացնում է անդամներդ, իսկ ձմեռային երկար գիշերները բոլորովին ծուլացնում են մենակ մարդուն, որ սովոր է անփոփոխ ընկերութիւն վարել մի կոյտ զբոսերի և մի գրչի հետ միայն: Չմեռը իւր սառը կնիքը դրել է այդ մշտական ընկերների վրայ:

Տաղակալի միանմանութիւնը մաշում է ինձ: Ի՛նչ կըլինէր դրութիւնս, եթէ հարեան սենեակում չապրէր մի բազմամարդ ընտանիք, բազկոցած գլխաւորապէս փոքրիկ արարածներից: Մի պատ միայն բաժանում է ինձ նրանցից,—բարակ պատ, որ սակայն չէ կարողանում անջատել իմ հոգին այն ուրախ, անհոգ և մշտածիծաղ կեանքից, որ նրա միւս կողմումն է տիրում: Լուսաբացին այնտեղ արդէն ոտքի է լինում կանգնած այդ աղմուկաւոր աշխոյժ կեանքը, որ լուծ է միայն ձմեռային գիշերուայ կէսին: Անընդհատ լսում են ծիծաղի, ուրախութեան, ոստիւնների ձայներ, լսում են մանկական երգի կցկոտուր, խառնիխուռն հնչիւններ. երբեմն լինում է և պար: Ծիծաղում է ընտանիքի մայրը, ծիծաղում են երեխաները, ուրախութեան ձայներ է արձակում խուլումունջ փոքրիկ տղան: Ուրախութիւնը սրտի գործ է, անպատճառ լեզու չի հարկաւոր նրան արտայայտելու համար:

Այդ կենդանի աղաղակների ժամանակ գործել չի կարելի, և ես լուռ նստում եմ և ականջ դնում. լսում եմ պատի քամակին տիրող իրարանցումը, որ հոգում է օրուայ ապրուստը և հէնց այդ պատճառով զուարթարար, հրապուրիչ է ինձ համար: Լսում եմ և ինքս էլ ուրախանում, մինչև անգամ սկսում եմ երգել: Բայց լինում է ժամանակ երբ երգեցողութիւնը խանգարում են ծանր ու զոյշ քայլերը, որոնք անցնում են սենեակիս մօտով: Ընտանիքի հայրն է դա, որ գալիս է սուս ծանր աշխատանքից հանգստանալու: Եւ յոգնած անդամներին ուրիշ հանգստու-

թիւն չկայ, բացի այդ աղմուկով լիքը սենեակը: Երջանիկ մարդ:

Երեկոն մօտենում է: Մոխրագոյն ամպերի տակ հեռը հետէ հաստատում է խաւարը: Ես դուրս եմ գալիս դատիկոն՝ ծառայիս կանչելու համար: Չիւնի առատ տալափը թափւում է մեծ եռանդով. ձորը արդէն մթնել է, աւելի ևս տգեղացնելով իւր կերպարանքը: Կիսամթութեան մէջ ես նկատում եմ մի մարդկային պատկեր, մի ուրուական, որ ձորի խորութիւնից բարձրանում է նեղ գառիվեր շաւղով, որ դեռ նշմարելի է ձիւնի մէջ: Նրա մարմինը խոնարհուած է մի ծանրոցի տակ, քայլերը դողդոջուն. նա քաշ է տալիս իւր անագին ասիական կօշիկները, միևնոյն ժամանակ ոյժ է գործ դնում յետևից եկողի համար էլ, որ կպած է նրա կանաչի հագուստի փէշից: Ծառային մոռանում եմ, ուշադրութիւնով նայում եմ այդ պատկերին, որ նոյնինքն աղքատութիւնն է: Անձ նա բոլորովին դուրս եկաւ ձորից և կանգնած է փոքրիկ դռան առաջ: Դա ներքին յարկի բնակչուհին է, այն միայնակ կինը: Գլխի վրայ կրում է լուացքի անագին կապոցը. իսկ նրա յետևից եկողը աղջիկն է՝ Հեղինէն: Փոքրիկ արարածը լռիկ-մնջիկ հեկեկում է. նրա գլուխն ու գէմքը փաթաթած են ցնցոտիներով. նա հիւանդ է:

Խեղճ...

Նրա համար պառկելու մի տաք անկիւն չկայ... ո՛չ մի տեղ...

41. Ս Ա Ռ Ն Ա Մ Ա Ն Ի Ք

Ձրմեռ է, ձրմեռ, սիրուն երեխէք,
 Ձրմեռն է, և դուք դողում, մրսում էք.
 Բայց դուք մենակ չէք. ես էլ եմ մրսում,
 ես էլ եմ ձեզ պէս դողում, սարսըռում:

Եւ գիտէ՞ք արդեօք ի՞նչ է ձմեռը,
 Այդ պատկառելի համարուած ծերը:
 Ո՛հ, մի հարցնէք, ես սարսափում եմ,
 Երբ զըրա՛ արարք մէկ-մէկ յիշում եմ.
 Այդ անիրաւը, ուր ոտք է դնում,
 Մահ է տարածում ամեն կողմերում.
 Երեսին առած ծերունու գիմակ,
 Մեզնից ծածկում է բուն դէմքն այլանդակ:
 Շատ ժամանակ չէ ինչ որ դա եկաւ,
 Եւ դուք լաւ տեսաք, թէ ինչեր արաւ.
 Դըրա երկիրդից գետը քար կարեց,
 Քրչքրչան առուն լրոեց, պապանձուեց,
 Դալար բոյսերը թրոան, փէտացան.
 Նախշուն հաւերը թրոան, հեռացան.
 Բայց էլի շատին իր ճանկը զըցեց,
 Բուք բորան արաւ, բոլորին խեղդեց,
 Սիրուն վարդենու թուփը չորցըրեց,
 Սոխակի լեզուն տակիցը կըտըրեց...
 Զըրադաց չըկայ—ջուրը սառել է.
 Ճանապարհ չըկայ—ձիւնը կապել է.
 Թէ մարդ, թէ տաւար միակերպ քաղցած,
 Ողբում-լալիս են, մահուան դուռն ընկած:
 Օրը կարճացել, գիշերն երկարել,
 Լոյսը նուաճուել, խաւարն է տիրել,
 Երկինքն ամպապատ, գետինքը սառած,
 Գարունը հեռու, ցուրտը կատաղած...
 Այսպէս է անձ սոսկալի ձմեռան
 Ալիքով ծածկած պատկերը դաժան...
 Յուրտ է, սաստիկ ցուրտ, սիրուն երեխէք.
 Եթէ ինձ նման դուք էլ մըրսում էք,

Եկէք՝ միասին մի հնար գըտնենք,
 Զըմռան ճանկերից մեր գլուխն ազատենք.
 Ես իմ բազմամեայ հասակիս փորձով,
 Դուք ձեր մանկական անարատ մտքով,
 Եթէ կամենանք, խելք-խելքի կըտանք
 Եւ, ինչից ասես, կըրակ կըստանանք—
 Կրակ լուսատու, պայծառ, անըստուեր,
 Որ տաքացնէ սառնեղէն սըրտեր,
 Որ կենդանացնէ գօսացած ձեռներ,
 Որ հալեցընէ սառցապատ լեռներ...

անդամները, որոնցից կազմուած էր մարմինը, ծանրացան
և աւելի վատթար վիճակի մէջ կ'ընկնէին, եթէ չհասկա-
նային, թէ որքան անմիտ է իրանց վարմունքը:

— «Ո՛չ, վատ է այս տեսակ ապրելը», մտածեցին
նրանք, հաշտուեցան և սկսեցին ըստ առաջնոյն միասին և
միաբան գործել: Այնուհետև ամբողջ մարմինն էլ ուղղուեց,
նորոգուեց և առողջ, ուժեղ զիրք ընդունեց:

Հ Ա Տ Ո Ւ Ա Ծ Ե Ր Ր Ո Ր Դ

(ԿՆՆԴԱՆԱԿԱՆ ԱՇԽԱՐՀՈՑ)

42. ՄԱՐԴՈՒ ՄԱՐՄՆԻ ԱՆԴԱՄՆԵՐԸ

Մի անգամ մարդու մարմնի անդամները վիճեցին մի-
մեանց հետ և վճռեցին այլև չծառայել իրար: Ոտներն
ասացին՝ ինչի՞ մենք պէտք է կրենք մեզ վրայ ամբողջ
մարմինը. թո՛ղ նա իրան համար ուրիշ ոտներ շինի և ման
գայ, որքան կամենում է: Ձեռները նոյնպէս ասացին՝ մենք
այլևս չենք կամենում ուրիշների համար ծառայի պաշտօն
վարել, շինեցէք ձեզ համար ուրիշ ձեռներ և թո՛ղ նրանք
գործեն: Բերանը փրնթփրնթաց՝ հապա ես յիմար եմ, ինչ
է, որ ոչինչ օգուտ չունենալով՝ ստամոքսի համար սկսեմ
կերակուր ծամել, որ նա յետոյ, պարոնի նման ձգուած,
մարսէ նրան. չէ, թո՛ղ իրան համար ուրիշ բերան գտնէ.
Ես այսուհետև էլ չեմ կամենում նրան ծառայել: Աչքերն
ևս շատ էին զարմանում, որ իրանք պէտք է նայեն ամ-
բողջ մարմինն և շարունակ հսկողութիւն անեն:

Այսպէս խօսեցան միմեանց հետ մարդու մարմնի բո-
լոր անդամները և վճռեցին այլևս միմեանց չծառայել:
Բայց զիտէք ինչ պատահեց: Որովհետև ոտները չէին կա-
մենում ման գալ, ձեռները դադարեցին գործ շինելուց,
բերանն էլ չէր ուտում և աչքերը փակուեցան, ապա ամ-
բողջ մարմինը, անսնունդ և անշարժ մնալով, սկսեց թու-
լանալ, նիհարիլ և փոքր էր մնացել, որ մեռնէր: Բոլոր՝

43. ԿԱՐԱՊԸ, ՁՈՒԿԸ և ԽԵՉԱՓԱՐԸ

Երբ ընկերաց մէջ միութիւն չըկայ,
Ոչ երբէք նրբանց գործն առաջ կ'երթայ.
Գործ էլ մի կոչիր դու այն աշխատանք,
Այլ անտանելի վիշտ ու շարշարանք:

Մի օր Կարապը, Ձուկն ու Խեչափար,—
Ձեմ զիտում ինչպէս— որ գտան իրար,—
Մի բեռնաբարձ սայլ տանիլ կուզէին,
Երեքը մէկէն լծուեցան սայլին.
Երեքն էլ արիւն-քրտինք են մտնում,
Սակայն իւր տեղից սայլը չէ շարժում:
«Ձարմանք, ասում են նրբանք մէկ-մէկու.

Ձըզիտենք ինչո՞ւ
Ձենք կարողանում շարժել այս սայլը.
Ո՛չ ճամբան է վատ, ո՛չ ծանրը բեռը»:
Հապա չէս ասիլ՝
Կարապն ըսկսեց զէպի վեր քաշիլ,
Խեչափարը յետույետ,
Ձուկն իւր կողմից զէպի գետ:

Ծուռը ո՞վ էր, կամ թէ ո՞ւմ էր իրաւունք,
 Այն թողունք,
 Բայց բանն այս է որ
 Հէնց մինչև այսօր
 Սայն այնտեղ է բեռնովը.
 Այսպէս կ'ասէ Կրիւովը:

44. Ա Ր Ա Մ Ը

(Արտարիւն գգւյարուք)

Արամը շատ շուտ զարթնեց, բացեց իւր աչքերը՝ վարագոյրները՝ երկար ու թուխ արտեւանունքը. նրա յետեւից շարժուեցին, բարձրացան աչքի ծածկոցները—շարժական կրպները: Արեգակի ճառագայթները ներս մտան սենեակը, լուսաւորեցին պատուհանում դրած ծաղկամանը և պատի վրայ կախած փոքրիկ գանգրաւոր մանուկի պատկերը, որոնց վրայից արտափայլելով՝ ընկան Արամի փոքրիկ աչքերի ուսպի վրայ, անցան ջրային մասի միջով և պատկերացան ցանցաթաղանթի վրայ: Այնտեղ նետարդային մոխրագոյն թելերը յափշտակեցին նրանց և հաղորդեցին գլխի ուղեղին, որի միջնորդութեամբ իսկոյն ամենայն բան իմացաւ տանուտէրը—հոգին:

«Ա՛, արդէն լուսացել է և ինչպէս գեղեցիկ առաւօտ է», ասաց Արամը և իսկոյն վեր թռաւ անկողնուց: Նա ձեռներով շփեց իւր գեղեցիկ, դուրս ցցուած ճակատը և արագապէս սկսեց հագնուիլ: Հագնուելուց յետոյ նա շտապով ձեռներն ու երեսը սառը ջրով լուացաւ և մաքուր երես-սրբիչով սրբեց: Արամը սառը ջրի շօշափումից աւելի ևս գուարթացաւ, կենդանացաւ:

Այդ բոլորէին էր, որ օդի արագ հոսանքը ներս մտաւ

նրա ականջը, ցնցեց խողովակի առաջը կապող թմբկամալը և նրա յետեւից շարժուեցին երեք փոքրիկ ոսկրնե-րը՝ մուրճ, սայլ և սասանդակը: Այս փոքրիկ շփոթու-թիւնը ականջի հեղանիւթին շարժողութիւնն պատճառեց, որի մէջ քնքուշ նետարդը՝ այդ շարժողութիւնից գրգռուե-լով, յանձնեց նրա տպաւորութիւնը ուղեղին: Արամը ե-ռանդագին կոչեց. «Ա՛խ, ինչպէս քաղցր է երգում մեր պարտէզում թռչնակը»:

Արամը մօտեցաւ լուսամուտին, գլուխը դուրս հանեց դէպի պարտէզ և կամենում էր գուարճանալ թռչունի գեղեցիկ երգով. բայց այդ բոլորէին ծաղկային անուշահոտ փոշիով լիքը օդը, ներս մտնելով նրա մաքուր քթածա-կերից, շօշափեց այնտեղ տարածուած լորձային մաշկը: Ծաղկի փոշիները գրգռեցին նրա մէջ ճիւղաւորուած նետար-դերը, իսկ սրանք այդ տպաւորութիւնը հաղորդեցին մայր ուղեղին և իմացրին նրան, թէ ինչ է պատահում իւր շուրջը: Լեզուի նետարդերը շարժուեցին և Արամը ուրա-խագին բացականչեց. «Ի՛նչ գեղեցիկ անուշահոտութիւն է բարձրանում մեր պարտէզի ծաղիկներից»:

Արամը կամենում էր դուրս գնալ պարտէզ, փունջ կապել այդ անուշահոտ ծաղիկներից. բայց այդ բոլորէին օդը մերձակայ սենեակից մօտեցրեց նրա շրթունքներին և լեզուին սուրճից, սերից և պատրաստի նախաճաշիկից բարձրացած խոնաւութիւնը: Նրա բերանում առատ լոր-ձունք գոյացաւ. բերանի և լեզուի ծծիկներից նետարդերը ձեռնարկեցին այդ խոնաւութիւնը, հաղորդեցին գլխի ուղեղային գանգուածին և տանուտէրը—հոգին, կարծես, ասաց Արամին. «Նախաճաշիկը պատրաստ է, իսկ դու ու-տելու ցանկութիւն ունիս»: Արամը ուրախ մտաւ սեղա-նատուն, վագեց, ողջունեց իր մօրը. նրա ձեռների նետար-դերը շարժուեցին և ահա նա մատներով շօշափեց, թէ

նրքան փափուկ է այն հացը, որ նա վերցրեց և սկսեց ախորժակով ուտել: Նախաճաշելուց յետոյ նա գուարթագին խաղում եւ վազվզում էր պարտէզում և ծաղիկներէ տեսքով ու նրանց անուշահոտութեամբ զմայլում էր:

45. Գ Ա Ր Ե Գ Ի Ն Ը

(Գ յ ո ռ յ Ս)

Գարեգինը երբ ծնուեց, շատ փոքր էր և թոյլ, ինչպէս առհասարակ թոյլ են լինում բոլոր նորածինները: նրա գլուխը այս ու այն կողմն էր տատանուում, որովհետեւ դեռ ոսկորներ չունէր: Գլխի աճառները (ղլրճ-ղլրճուկները) իրանց ասեղնաւոր ծայրերով դեռ չէին միաւորուել միմեանց հետ: Սկզբումը Գարեգինը միայն ճշում էր, իսկ փոքր ժամանակից յետոյ աւելի բարձրաճայն էր ցանկութիւն յայտնում ուտելու. նա այնպէս գոռում ու լաց էր լինում, որ կարծես ողջ տունը իրանն է. միևնոյն բանը նա անում էր, երբ անհանգիստ էր պառկած լինում, կամ երբ նրա բարակ ու կարմիր մաշկը փոքր ինչ ցուրտ էր զգում: Նրա բերանի, լեզուի ու շնչափողի կապերը դեռ այնքան ամրացած չէին, որ կարողանային շրջապատողներին հասկանալի ձայնով արտայայտել նրա զգացմունքները: Գլխի ուղեղն էլ դեռ այնքան ամրացած չէր. առհասարակ նրա գլուխը դեռ կանոնաւորուած չէր, այդ պատճառով էլ չէր կարողանում նրան գործ ածել, ինչպէս իրան պէտք էր և յարմար: Գարեգնի բերանում դեռ ատամներ չկային. շրթունքները ձգուած էին դէպի ամենայն բան, որ մերձենում էր նրանց:

Բայց սակաւ առ սակաւ նրա վերին անշարժ ծնօտի և ստորին շարժական ծնօտի վրայ լնդերքն սկսեցին ուռչիլ

ու կարմրիլ և նրանց տակից դուրս երևեցան առաջին երկու կտրող ատամները, որոնք սպիտակ էին և գեղեցիկ: Այն ժամանակ Գարեգինը աւելի էր աշխատում ամեն բան բերանը կոխել, որովհետեւ նրա լնդերքը սաստիկ քոր էին գալիս: Գարեգնի մարմնի մէջ այդ ժամանակ շատ ֆոսֆոր ու կիր էր ժողովուել. նրա աճառներն սկսել էին պնդանալ, ոսկոր դառնալ. հոգին ևս սկսել էր իր առաջին գործողութիւնները: Գարեգինն սկսեց ճանաչել հօրը, մօրը, ժպտալ նրանց երեսին... Բայց միևնոյն ժամանակ նա այժմ աւելի էր յիւանդանում, նիհարանում, գոռում, լաց լինում: Այն սպիտակ ոսկորները, որոնք իրանց արմատից ծլում-շարւում էին նրա ծնօտի վրայ, ինչպէս երևում է, շատ էին անհանգիստ անում նրան:

Գարեգինը փոքր առ փոքր մեծանում էր: Աստիճանաբար նրա գլուխը կանոնաւորուեց, կոյրացաւ, դուրս ցցուած ճակատից սկսած դէպի բարձր՝ գագաթը, ծոծրակը և քունքերի մի մասը զանգրաւոր մազերով ծածկուեցին, որոնց արմատները գլխի մաշկի մէջ եղած մածուցիկ հիւթը ծծելով՝ ամրապէս հիմնաւորուեցին: Այսպէս փոքր առ փոքր նրա երկու ծնօտների վրայ ատամներ դուրս եկան, որոնց երեսները ծածկուած էին մաքուր և սպիտակ էմալով (արծնապակի): Գարեգինն էլ այն մանուկը չէր. նրա դէմքն աւելի խոհուն կերպարանք էր ստացել: Նրա փափրիկ, վարդագոյն շրթունքներն այժմ պարզ արտասանում էին ո՛չ թէ անկապ բառեր, այլ ամբողջ պարբերութիւններ: Այժմ ո՛չ թէ նա չորերթթաթ էր անում, կամ առաջուայ պէս կարասիներից բռնելով էր ման գալիս, այլ ազատ ու համարձակ թռչկոտում էր ու խաղում:

Ահա Գարեգինը նստած է սեղանի մօտ և պատրաստում է իւր դասերը. նա այժմ գիտէ, որ թէև ինքը շատ

մեծ չէ, բայց մարդ է, որովհետև այնպիսի հոգի և այնպիսի մարմին ունի, ինչպէս միւս մարդիկը: Նա գիտէ և այն, որ իւր գլուխը բաղկանում է միջանի մասերից, որոնցից առաջին մասը կոչւում է դէմք, վերին մասը — գագաթ, յետին մասը — ծոծրակ, իսկ կողմնային մասերը — քունքեր: Դէմքն ունի ճակատ, յօնքեր, աչքեր, քիթ, այտեր, թշեր, բերան և ծնօտ. վերջինս բաղկացած է վերին և ստորին ծամելիքից, որոնց վրայ շարուած են սպիտակ ատամներ: Ատամների թիւը (չափահասներինը) 32 է: Ատամները բաժանւում են՝ առաջնատամների, որոնք կտրող էլ են կոչւում. նրանց աջ և ձախ կողմումը գտնւում են ժանիքները, իսկ ժանիքներից յետոյ — սեղանատամները, իւրաքանչիւր ծնօտի վրայ հինգ-հինգ ամեն մի կողմից: Առաջնատամներով կտրում են ուտելիքը, ժանիքներով նրան բռնում կամ պատառոտում են, իսկ սեղանատամներով մանրացնում են նրան, որպէս երկանով, ուստի դրանք ազօրիք էլ են կոչւում:

Այս բոլոր բաներն այժմ Գարեգինը լաւ և զիտակցաբար իմանում, հասկանում է, նոյնիսկ կարող է հաղորդել ուրիշներին. բայց երբ նա աւելի կրմեծանայ և իւր կըրթութեան վրայ հիմնաւորապէս ուշք կըդարձնէ և երբ նրա վերջին սեղանատամներն էլ դուրս կըգան, որոնք կոչւում են հասունութեան ատամներ, այն ժամանակ նա շատ բան կըգիտենայ և աւելի հիմնաւորապէս:

46. Մ Ա Ն Ո Ի Կ Ի Ն

Ինչո՞ւ այդպէս ամբողջ օրը Չարշարւում ես, անչափ տանջւում, Միթէ քեզ էլ մի՞նողորարը Ծանր է գալիս, ծանր է ազդում:

Դու մանուկ ես. դեռ քեզ շատ օր թոստանում է քո արևը.

Դու դեռ ժպտան, խաղան անհոգ եւ հեզ ընկիր մօրդ զիրկը,

Ու թոթովիր մի երգ սիրուն Քո մանկական անուշ ձայնով,

Ու միշտ յիշիր դու այն անուն, Որ պաշտում է քեզ իւր սիրով:

Մայրդ է, որ օր ու զիշեր Անթարթ աչքով քեզ է հսկում,

Եւ կարգալով շատ աղօթքներ, Երկար օրեր է միշտ խնդրում:

Խաղան, մանուկ, թըրթռալով, Քնիր, զարթիր սիրահեղիկ.

Մայրդդ կ'երգէ քեզ փարեւով, Որ շատ ապրիս դու երջանիկ:

47. Ա Ր Շ Ա Ի Ի Ր Ը

(Ն ե ռ ք ի ն գ ո թ ա ռ ա ն ն ե ռ)

Արշաւիրը առաւօտեան վաղ վեր կացաւ մի բաժակ կաթ խմեց, հետն էլ մի կտոր հաց կերաւ ու գնաց ուսումնարան: Նա վեր էր առել իւր պայուսակը, որի մէջ դրած էին նրա գրքերն ու միւս դասական իրեղէնները, և մտածում էր այդ օրուան դասերի վրայ. իսկ հացը, որ նա կերել էր, այդ բոլորին ճանապարհորդում էր նրա մարմնի մէջ: Ատամները լաւ ծամել էին նրան, լորձիւնի բշտիկները նուրբ լորձիւնով պատել, իսկ փափուկ լեզուն շտապով ներս էր մղել որկորի մէջ: Ճանապարհին նա քիչ մնաց որ ընկնէր շնչափողը, բայց փոքրիկ մսեայ

խցանը — կատիկը ծածկեց նրա անցքը և ծամած պատառը սահելով գլորուեց դէպի ցած և ընկաւ այն մսեայ պարկի մէջ, որ ստամոքս է կոչուում: Այդտեղ տաք էր ու մութը և որ կողմը դառնում էր, ամեն կողմից նրան շրջապատում էր ստամոքսային տհաճելի հիւթը, որ կողքից պատրաստում է կարծր փայծախը: Բայց նրան չէր վիճակուած երկար ժամանակ շրջել այնտեղ, որովհետեւ իւր ընկեր կաթի հետ ստամոքսային հիւթի մէջ լուծուելով՝ դարձաւ մի տեսակ թանձր խիւս: Խիւսը ստամոքսի ստորին դռնով ցած իջաւ. այդտեղ նրա հետ խառնուեցին լեղիի կաթիլներ և աւելի կերպարանափոխուած՝ նաղիքներով առաջ գնացին: Այդ ուղին առաջ լայն անցք էր. փոքր առ փոքր նա նեղանում ու նեղանում էր և հէնց ինքը հիւթն էլ աստիճանաբար փոխուում էր: Այդ նեղ անցքերից անցնելիս՝ նա կարմիր զգեստ էր հագել և իբրև արիւն այլևայլ երակներով վազում էր դէպի մարմնի ամեն կողմերը: Արիւնը որքան հեռանում էր, այնքան իւր պիտանի մասերով սննդելով մարմնի այլևայլ մասերը, ինքն ստանում էր նրանց անպէտք հիւթերը և նրա կաթիլներն աստիճանաբար մզանում էին: Կարծր ոսկորներին մօտենալով՝ նա իւր դեղին գիճուկներն ինքն իրանց սնունդը տուեց — ֆօսֆօր և կիր: Եւ անհ նա բոլորովին մզացած, ամբողջ մարմինը ման եկած, ուղեղի մեծագործութիւններին և շարունակ սեղմուող ու բացուող մկնամսերի գործունէութեանը ականատես լինելուց յետոյ, վերջապէս թափուում է այն աւազանը, որ երկու մուտք ունի և երկու ելք, և որին մարդիկ սիրտ են անուանում:

Սիրտը ձևով տանձի նման է: Կաթիլ առ կաթիլ վերեկից ու ներքեկից ներս են մտնում ու դուրս են գալիս այդ մսեղէն պարկից արեան կաթիլները և նրա դռնակներն ուրիշ գործ չունին, բացի փակուելն ու բացուելը: Սիրտը

մսեղէն միջնապատով բաժանուում է երկու հաւասար մասերի՝ աջակողմեան և ձախակողմեան, որոնցից իւրաքանչիւրը նոյնպէս երկու բաժանմունք ունի՝ վերին և ստորին: Անմաքուր արեան կաթիլները թափուում են սրտի աջակողմեան վերնասենեակը և, հրելով ու բանալով փոքրիկ դռնակը, մտնում են աջակողմեան սրտախորշը: Բայց սիրտը անմաքուր արիւն չի սիրում, ուստի մկնամսերի անդադար սեղմուելով մի այլ ճանապարհով հալածում է նրան դէպի այն ընդարձակ թևերը, որոնք կազմուած են բազմաթիւ բշտիկներից: Մարդիկ դրանց թոքեր են անուանում: Այդտեղ կաթիլները հանդիպում են օդին, որով լցւում ու դատարկւում են թոքերը: Օդը քթի և բերանի խողովներից նարագապէս մտնելով, անցնում է դէպի թոքերի բշտիկները, շուտափոյթ նայում է նորեկ հիւրերին, որոնք փաթաթուած են մուգ վերարկուի մէջ, մօտենում է նրանց և նրա այրող ոյժը — թթուածինը յափշտակում է արիւնի մուգ ծածկոցը և դրա փոխարէն տալիս է նրան վարդագոյն զգեստ. այդ բոպէին սեղմում են թոքերի բշտիկները և օդը արագապէս դուրս թռչելով միևնոյն ճանապարհով՝ տանում է իւր հետ արեան անպէտք մասը — ածխային թթուն: Արեան մաքուր վարդագոյն կաթիլները, թողնելով թոքերը, նորից վերագառնում են դէպի սիրտը, բայց այժմ մտնում են նրա ձախակողմեան մասը — նախ վերին բաժանմունքը, ապա ստորին և այնտեղից դուրս գալով՝ դարձեալ սկսում են իրանց վաղեմի ճանապարհորդութիւնը: Այդպիսով նրանք տալիս են Արշաւիրին կեանք, ոյժ և առողջութիւն:

Արշաւիրն ուսումնարանում աշխատում էր առանց իմանալու, թէ ինչ բաներ են կատարւում իւր ներսը. նա մինչև անգամ մոռացել էր, թէ ինքը հաց ու կաթն է կերել:

48. Հ Ե Տ Ա Ք Ր Ք Ի Ր

«Բարի եկար, հագար բարի, բարեկամ,
Ո՛ւր էիր՝ տեսնամ»:

— Թանգարանիցն է գալլա.

Չորս ժամ եղաւ մանգալրա:

Ամենայն կողմ պարտեցի, պըրպըտացի,

Բոլորը տեսայ, ոչինչ չըթողի:

Աշխարհումս ինչէր են եղել,

Իրաւ խելքից, մըտքից վեր.

Ո՛ր կողմ նայես՝ արմանք-գարմանք, հրաշալիք.

Ո՛րն էլ գիտես՝ մէկը միւսից գեղեցիկ.

Ի՛նչ գազաններ, ի՛նչ թռչուններ,

Թիթեռնիկներ, բըզէզներ,

Ի՛նչ գատիկներ, ի՛նչ կերպ ճանճեր,

Որքան ոսկի եղնակներ՝

Ո՛րը կանաչ՝ գմբուխտի պէս,

Ո՛րը կարմիր՝ բուստի պէս.

Հապա մանրիկ բոտոտները, հաւատոս,

Գընդասեղի գլխիցն էլ շատ փոքր կայ:

«Հապա փըղին ի՛նչ ասիր,

Ի՛նչ ահագին վիթխարի,

Հարկաւ մտքով կարծեցիր,

Թէ մի լեռ է սոսկալի»:

— Միթէ փիղը այնտեղ էր:

«Այնտեղ էր. ի՛նչ, չըտեսամ»:

— Ափսոս, ինչ ասեմ, աղպէր,

Փիղն աչքովս չի ընկել:

49. Հ Ր Ա Շ Ա Լ Ի Տ Ն Ա Կ

Ես մի հրաշալի տուն եմ ճանաչում, որի մէջ ամեն
բան կարգաւորուած է և չունի ոչինչ պակասութիւն: Նա
ունի կանոնաւոր ազօրիք, ունի խոհանոց, ուր գիշեր-
ցերեկ տաք կերակուր է պատրաստուում: Տունը շատ մուտ-
քեր և անցքեր ունի, որոնցով արիաջան ծառաները կրում
են տաք կերակուր դէպի նրա ամենայն անկիւնները:
Տունը մի հմուտ տնտես ունի. նա այնքան աշխատասէր է,
որ գիշեր ու ցերեկ մի բոպէ չի հանգստանում. անգաղար
թը խկ-թը խկացնելով՝ նա իւր առոյգ և արագաշարժ ծա-
ռաներին մղում է այլևայլ կողմեր, ուր որ հարկաւոր է
լինում կամ կերակուր, կամ ըմպելիք, կամ ջերմութիւն
և կամ որևէ անկիւնը նորոգելու համար նոր նիւթ: Տունն
ունի ընդարձակ դահլիճ, ուր մաքուր օդը ազատ ներս է
մտնում. ունի նոյնպէս երկու պայծառ լուսամուտներ
շարժական փեղկերով: Գիշերն այդ փեղկերը փակուում են,
խկ ցերեկը բացուում: Տան մէջ ապրում է անտեսանելի
տանտիկինը: Թէև նրան չի կարելի տեսնել, բայց նա
ամեն բան զիտէ և ամենին բարեկարգօղը և կենդանա-
ցնողը նա է: Նրա համար է հոգում տնտեսը, նրա համար
են գործում փոքրիկ ծառաները. նա ինքն է նայում պայ-
ծառ լուսամուտներից. նա է բանում և փակում նրանց:
Գիշեր և ցերեկ քնել չգիտէ նա. նրա աչքերը — միտքը
շատ հեռու են տեսնում: Եթէ տանտիկինը դուրս է գնում
տանից, այնուհետև ամբողջ տունը խոր քնով ծածկուում,
թուլանում ու լոււմ է. տնտեսը դադարում է գործելուց,
ծառանները կաշկանդուում են անցքերում և ամբողջ տունը
խոր լուութեան մէջ մտնելով՝ սառչում է և քայքայուում:
Բայց ուր է գնում տանտիկինը: Նա գնում է այնտեղ,
որտեղից եկած էր. նա գնում է երկինքը: Երկրի վրայ նա

ժամանակաւոր հիւր էր. հեռացաւ հիւրը և նրա բնակարանը— մարմինը դրեցին մի այնպիսի արկղի մէջ, ուր ոչ կարելի է կանգնել. ոչ շարժուել և ոչ ուտել: Արկղն էլ ամփոփեցին հողի մէջ և տունը քայքայուելով հող դարձաւ:

50. Ե Ր Գ Ի Չ Ն Ե Ր

Երեք երգիչ շնորհեց երկինք մեր երկրին,
Որ վշտերի և հիացման տաղերով
Նոքա այրեն և բորբոքեն մեր հողին,
Մեր սըրտերը յուղեն խօսուն լարերով:

Մէկը մատղաշ պատանի էր սիրավառ.
Նա մտահոգ թափառում էր դաշտերում.
Նա երգում էր՝ սիրոյն ձօնած իւր քրնար,
Մեզ ցընորքի վառ եզեմն էր նըկարում:

Միւսը առոյգ, հասուն այր-մարդ, քաջի պէս,
Իր քաջ երգերն ամբոխին էր նա երգում.
Շուկաներում միշտ բաց առած մեծ հանդէս,
Նա ամբոխին նոր կեանքի էր պատրաստում:

Իսկ երրորդը — ալեորած մի ծերուկ.
Ջերմ հաւատով սուրբ տաճարն էր յաճախում.
Այնտեղ, ուր միշտ ջերմ ծխում են խունկ, կընդրուկ,
Նա իր երգով մեր սըրտերն էր ըսփոփում:

Եւ վէճ բացուեց, անվերջ մի վէճ մարդկանցում,
Թէ երեքից ո՞րն է, իրաւ, մեծ տաղանդ,
Վիճում էին՝ արդե՞օք նոցա երգերում
Չի՞ զգացում անհաւասար ոյժ ու խանդ...

Օ՛, ոչ... նոքա երգիչներ են համադօր,
Երեքն էլ մեծ, հանճարաւոր ընտրեալներ,
Միայն ունին երեք ուրոյն ձիրք ու շնորհ՝
Դիւթե՛լ, կըրթե՛լ և ըսփոփել մեր սըրտեր...

51. ԿԱՊԻԿԻ ԵՂԲԱՅԻՐԸ

Փոքրիկ կապիկի մայրը վախճանուեցաւ և նա բոլորովին որբ մնաց: Տխրադէմ նստած էր նա ծառի վրայ և իւր սև օրն էր լալիս: Կապիկը գեղեցիկ չէր. նրա դէմքը փոքր էր և կնճռոտ, բունը վտիտ և ունէր չորս երկար ձեռներ: Նա դեռ ևս չէր կարողանում մէկ ծառից միւսը ցատկել և նրանց վրայ բարձր ու ցածր անել՝ կերակուր ձարելու համար... Ինչպէս երևում է, նրան վիճակուած էր քաղցածութիւնից մեռնել, ինչպէս կըմեռնէր մի փոքրիկ մանուկ, եթէ մօր մահից յետոյ բոլորովին անտէրունչ մնար: Ուրեմն ո՞վ պիտի հոգար մեր կապիկի համար: Նրա ցեղակիցներն ապրում էին խմբերով, որոնց մէջ էր և նրա մեծ եղբայրը. սա ամբողջ խմբի մէջ ամենաճարպիկ խեղճ կատակներից մէկն էր և միքանի տարի շարունակ արդէն շատ աւերուսներ էր անում անտառում: Եթէ մի տեղ կուի պատահէր, պէտք է հաստատ իմանայիք, որ կուղաներից մինը նա էր: Եթէ կապիկները ժողովուէին արշաւելու և կործանելու գիւղացիների սիմինդրի արտերը կամ ասպատակելու նրանց այգիները, անպատճառ մեր կապիկի եղբայրն այս արշաւողներից առաջինը կըլինէր: Այդ խեղճ կատակը տեսաւ իւր եղբօրը և բարձրացաւ դէպի նա: Կարելի էր կարծել, թէ կամենում է փորձանք բերել նրա գլխին, կամենում է ցնցել ու վայր գլորել նրան ծառից: Բայց ոչ: Նա նստեց եղբօր կողքին և քնքաբար բռնեց նրա ձեռքից: Մանուկն սկսեց փարիլ նրանով և իւր առա-

Ղին ձեռներով փաթաթուեց նրա պարանոցով, իսկ յետին ձեռները պատ տուեց մէջքին. նա մեծ կապիկի հետ վարուում էր ինչպէս իւր մօր հետ, իսկ վերջինս խնամում էր նրան իբրև ծնող. իւր կենդանի բեռը գրկած՝ նա թռչում էր մի ծառից միւսը, միջատներ էր որսում և կերակրում նրան. շոկում էր նրա համար ամենահիւստալի պտուղները. նրա հետ և յատկապէս նրա համար որոնում էր թռչունների բներ և հանում էր նրանց միջի ձուաները:

Երբ փոքրիկ կապիկը սակաւ ինչ մեծացաւ և ուժեղացաւ, այն ժամանակ նրան դատարարակը ցոյց տուեց, թէ ինչպէս պէտք է ցատկել և վեր ելնել ծառը. սա սովորեցրեց նրան այն ամեն ճարպիկութիւնները, որ պիտի իմանայ իւրաքանչիւր կապիկ, եթէ կամենում է կուշտ լինել և չընկնել փորձանքի մէջ:

Մի անգամ փոքրիկ կապիկը ծարաւեց և եղբայրը տարաւ նրան սառն աղբիւրի մօտ: Յանկարծ թփերի տակից բարձրածայն հաշելով դուրս վազեց որսի շունը: Բոլոր կապիկները, որոնք այնտեղ ներկայ էին, շուտափոյթ փախան այլևայլ կողմեր և թռչունների պէս թագ կացան ծառերի վրայ: Միայն փոքրիկ կապիկը չկարողացաւ վեր բարձրանալ ծառը: Երկիւղի առաջին րոպէին՝ նա ցատկեց մի բարձր քարի գլուխ և ամբողջ մարմնով դողում էր. իսկ չար շունը քարի մօտից կատաղաբար հաջում էր նրա վրայ: Ահա հեռուից երևաց և որսորդը: Խեղճ կապիկն անշուշտ կրկորչէր, եթէ եղբայրը նրան չփրկէր: Երբ սա նկատեց, որ իւր սանիկը փտանգի մէջ է, իսկոյն յետ դարձաւ և համարձակ ընթացաւ դէպի քարը. յետոյ գայրացած նայեց շանը և այնպէս սպառնազին կրճատացրեց ատամները, որ նա չհամարձակուեց յարձակուել կապիկի վրայ: Այսպիսով նա հասաւ իւր որդեգրին, գրկեց նրան և բարձրացաւ ծառը: Որսորդը, զթաշարժուած նրա անձնանուր-

րութիւնից, չարձակեց հրացանը և այսպիսով փոքրիկ կապիկը մահից ազատուեցաւ:

52. Կ Ա Պ Ի Կ Ն Ե Ր

Ուրիշներից թէ խելքով առնես քեզ մի օրինակ,
Ձարմանք չէ որ մեծ օգուտ շահիս ամեն ժամանակ.

Բայց թէ հետևիս մէկին կուրօրէն,
Վայ ու թուք ու մուր լսիր ամենէն.
Այս բանիս հաստատութիւն
Ա՛ռ քեզ ահա նոր պատմութիւն:

Ով որ կապիկ տեսած ունի՝ նա գիտէ,
Թէ այս վտիտ կենդանին
Ուրիշներին տընազ տալ շատ կըսիրէ,
Կ'ուզէ նմանն անել ամեն տեսածին:

Աֆրիկէի մէջ կապիկը խիստ շատուր է ու ցեղ-ցեղ,
Մի օր մի մեծ ծառի վըրայ ժողովեցան միատեղ.

Ո՛րը վերևից, ս՛րը ներքևից,
Ո՛րն էլ ճղների տակից ու գլխից
Ծըկրակում էր աչքը տնկած ու նայում,
Թէ որսորդի մէկն ի՞նչ կերպով
Գեանի երեսին մի ցանց փըռելով,
Ինքը նորա մէջն էր գլորում
Տակըն էր մտնում, վերև բարձրանում:

Ամեն կապիկ մօտինին հըրում, նըշան էր տալիս,
Եւ ասես թէ աղանջին այսպէս լինէր ասելիս.
«Սըրան նայիր եղբայրիկ, ինչ է անում ժամերով,
Ի՞նչպէս ելնում-մտնում է ծովը ու ելով, յողմելով,

Մերթ պառկում է, երկարում և մերթ կրծիկ է դառնում,
Այնպէս որ ոչ ոտքերը և ոչ ձեռքն է երևում.

Մենք դըրանից, եղբայր, ինչո՞վ ենք պակաս,

Այդ արհեստը չունինք, սակայն ի՞նչ վընաս.

Եկէք, մենք էլ փորձ փորձենք,

Գուցէ իրանից անցնենք.

Նա հերիք խաղաց իւր ուղածին պէս,

Տեսնենք՝ երբ կ'երթայ—հեռացածին պէս...»:

Մէկէլ տեսնես իրօք ելաւ, մէկ կողմ գընաց որսորդը,

Այնտեղ թողեց իւր ցանցերով թակարդը:

«Շուտ անենք, ասին կապիկը իրարու.

Բոպէն չըկորցնենք, երթանք փորձելու»:

Իսկոյն ծառից վայր թափուեցան խնկերը,

Յանցի վըրայ շարուեցան նոր հիւրերը՝

Տակը մըտան, վըրան ելան,

Կըծկըւեցան, գըլորուեցան:

Կապիկները կանչ ու ձիչը աշխարհ բռնեց խնդալուց,
Բայց ի՞նչ փորձանք՝ թակարդի մէջ բըռնըւել են շատ վաղուց.

Ձեն խմանում, ի՞նչպէս ազատուին՝

Տակից դուրս գալու հընարը չունին:

Որսորդն էլ այդ էր կամենում.

Շուտով պարկեր է վեր առնում,

Գալիս՝ հիւրերին մօտենում:

Ո՞ւր փախչէին, ի՞նչ անէին,

Նըրա ձեռին գերի էին:

Բըռնեց ամենքին,

Ծախեց թանկագին:

Ոչխարը մի հանդարտ և անվրդով կենդանի է: Բնու-
թիւնը նրան պաշտպանուելու գէնք չի տուել, այս պատ-
ճառով նա մի թեթեւ երս է իւր բոլոր թշնամիների համար:
Ընտանի ոչխարներն իրանց վայրենի ցեղակիցների ճար-
պիկութեան և անվեհերութեան հետքն անգամ չեն պահել:
Ոչխարը մարդուս հետ միասին տարուել է աշխարհիս
ամենայն մասերը, բայց սառը կամ տաք երկիրներ տանելը
նրան ոչինչ օգուտ չի տուել: Այսպիսով թէև բաւականա-
չափ փոխուել է ոչխարի արտաքին տեսքը, բայց ամենայն
տեղ նա մնացել է նոյն անբաղդ ոչխարը:

Ոչխարի արտաքինը գեղեցկութիւնից զուրկ չէ. մարմ-
նի և անդամների մեծութիւնը համապատասխան են. գլու-
խը տգեղ չէ, իսկ բարակ ոտները կոկ են և սիրուն:
Բայց ոչխարի կերպարանքը չունի արտայայտութիւն. աչ-
քերն անիմաստ և անորոշ են նայում. ամենայն վտանգ
նրան շփոթութեան, անգիտակցութեան և կաշկանդման
մէջ է գցում, և ոչխարը կամ անմտաբար իւր տեղը կանգ-
նած է մնում, կամ առանց մտածելու առաջ է վազում:
Նա փախչում և միամտաբար, գլուխը վեր բարձրացրած,
առանց չորս կողմը դիտելու, առանց յետ նայելու. իսկ
սա վատ նշան է թէ կենդանիների և թէ մարդկանց հա-
մար: Հրդեհը, հրացանաձգութիւնը, որոտում ու կայծակը
բոլորովին շփոթում են նրան:

Ոչխարը սեփական կամք չունի. նա կատարելապէս
ենթարկւում է առաջնորդողին՝ արու ոչխարին, հօտը
պաշտպանող շանը, երկարամազ այծին և հովուի սընգին:
Եթէ ոչխարների առաջնորդողը փարախից դուրս գայ և
ցատկէ մի տեղով, միւս բոլոր ոչխարները, անգիտակցա-
բար նրան հետևելով, կըցատկեն. եթէ նա նեղ շաւղից

ջուրը գլորուի, շատերը՝ նրան հետևելով, կըզլորուեն նոյն ջրի մէջ, նրանք այդ ժամանակ ոչինչ չեն կամենում, բայց հետևում են իրանց առաջնորդողին, որովհետև սեփական կամք չունեն:

Ոչխարների մայրերը համարեա միաձև է և անմիտ: Ձին խրխնչում է համարձակ, ուժեղ և խելացի. նոյն եռանդով բառաչում է և եզը. իսկ ոչխարը մայում է անվատահ, երկչոտ, համարեա երեխայաբար: Բայց չնայելով այս բանին, մայրը ճանաչում է իւր գառան ձայնը, իսկ գառը որոշում է իւր մօր մայրերը հազարաւոր ձայների մէջ և երկուսն էլ անխափան գտնում եմ միմեանց: Թըշնամու ձեռքն ընկնելով՝ ոչխարն անմոռունչ տանում է ամենատեսակ տանջանքներ. նա հազիւ է ընդդիմանում, երբ մսագործը դաշոյնը նրա կոկորդն է կոխում: — Ոչխարին բարկացնելն էլ դժուար է. արու ոչխարն է միայն մի աննշան բարկութիւն արտայայտում: Մինչև անգամ մայրական սէրը նրա սառնասրտութիւնը չի վրդովում. բոլոր կենդանիների մէջ միայն ոչխարն է, որ թողնում է յափշտակել-տանել իւր մայող գառը, առանց արտայայտելու ո՛չ զրկանք ու ցաւ, ո՛չ տխրութիւն ու խռովութիւն:

Բայց չնայելով այս անմեղ կենդանու բոլոր մտաւոր անընդունակութիւններին, նա է, համարեա, ամենաօգտակարը բոլոր ընտանի կենդանիներից: Ոչխարը ամբողջովին մարդուս օգտին է ծառայում: Նրա երկար և փափուկ բրդից պատրաստում են թէ՛ նուրբ և թէ՛ հաստ մահուզներ, որ մարդու ամենալաւ հագուստն է: Նրա մորթուց տաք մուշտակներ են կարում. նրա ճարպից պատրաստած մոմերը մենք վառում ենք. դմակը իւրի տեղ ենք գործածում: Նրա կաշուից կօշիկների համար պատուական ապրանք է պատրաստում. միսը համեղ կերակուր է. կաթնից շինում են իւղ և պանիր:

Ձին խելացի կենդանի է: Մարդս նրանից շատ օգուտներ է ստանում: Դուք նրան ամենայն տեղ կըտեսնէք՝ դաշտերում, երբ նա քաշում է արօրը.— ճանապարհներում, երբ նա ամենայն ջանք գործ է դնում, որ գառի վայրի տակից վերև հանէ բեռնած սայլը.— ախորում, երբ նա ախորժակով ուտում է գարին.— արօտատեղերում, երբ ազատ արածում է ջուրի մէջ: Բարի, չարքաշ, գեղեցիկ կենդանի է ձին: Այս մտաբերեցէք, թէ ի՛նչ առանձնուկութիւններ էք նկատել նրանում: — Նրա գլուխը երկայն է, թիւններ էք նկատել նրանում: — Նրա գլուխը երկայն է, բայց գեղեցիկ. դնչի ծայրը դուրս ցցուած է, ականջները մանր են և դէպի վեր են նայում. երբ մի օտարոտի ձայն է լսում, կամ երբ քայլերից կամ ձայնից ճանաչում է իւր է լսում, կամ երբ քայլերից կամ ձայնից ճանաչում է իւր տիրոջը, նա խլըշում— վեր է ցցում ականջները: Ճակատի վրայ ձին մի մագէ փունջ ունի. իսկ նրա գեղեցիկ ու խոշոր աչքերը սրբան իմացականութիւն են արտայայտում:

Ուշադրութեամբ դիտեցէք և ձիու ատամները. առաջից նա ունի թիականման կարողներ, որոնք վեց-վեց են իւրաքանչիւր ծնօտի վրայ. սրանցով է նա կծում-կտրում խոտը. իսկ յետին կողմումը նա ունի վեց-վեց հաստ ատամներ վերևից և ներքևից, որոնք ձիու սեղանատամներն են և այնպէս լայն են ու խորդուբորդ, որ կ'ասես աղօրիք լինին: Եւ իսկ որ՝ ձին սրանցով աղում-մանրացնում է խոտը, դարմանը, գարին, որ յետոյ ստամոքսի համար դժուար չլինի նրանց մարսելը:

Ձիու պարանոցը կորանում է ինչպէս կարապինը. պարանոցի վրայ նա երկար բաշ ունի: Նրա կուրծքը լայն է ու դուրս ընկած, իսկ ամբողջ մարմինը կոլորաւուն, երկարաձև. մէջքին նստելու տեղը տափակ է: Եւ ի՛նչպիսի վսեմ, գեղեցկատեսիլ ձիանք են լինում. նրանք արշաւում

են այնպիսի թեթևութեամբ, որ շատ անգամ մարդ չի նկատում, թէ ինչպէս են փոխում իրանց բարակ ու երկար ոտները: Ձիու յետին ոտներն աւելի ուժեղ են. ում որ նա քացի է տալիս, շատ անգամ հէնց տեղն և տեղը անշնչանում է. գայլերն էլ են վախենում ձիու այդ հարուածից: Ձին ամեն մի ոտի վրայ սմբակ ունի. սա մեկնոյն է, ինչ որ մեր եղունգը, այնպէս որ եթէ կտրես նրա ծայրերից, ամենևին ցաւ չի զգալ: Էլ հարկաւոր չէ յիշել ձիու գեղեցիկ երկայնամազ պոչը, որով նա զանազանում է միւս միասմբակ կենդանիներից:

55. Է Շ Ն Ո Ի Ս Ո Խ Ա Կ Ը

Բացուել էր դարուն, սար ու ձոր ծաղկել,
Անուշ հոտն ու հովն ամեն տեղ բռնել.
Ամեն աշխարհից, հեռու տեղերից
Փախած թռչուններն իրանց բըներից
Նկան ողջունել զայլուստը գարնան,
Մայր ու ձագ նստած թըփերի վրան:

Պարկեշտ սոխակն էլ իւր այրուած սրտի,
Իւր սիրուն վարդի սէրն ու իւր մաքի
Կարօտն ու աշխոյժ բերան բերելով՝
Խոր ձորում նստած, վըշտերը լալով,
Նայում էր ջրին, իւր վարդի թփին,
Սպասում էր որ՝ բացուի սիրելին:
Բայց վարդն անիրաւ մընացել էր փակ.
Սոխակի սիրտը դարձել էր կըրակ:
Այս դառն ըոպէին սատանի քամին
Որտեղից հանեց մեր կորած իշին.
Քունըն էր հատել, թէ կերը պակսել,
Գայլն էր յետ ածել, թէ տէրը դընքսել,

Ականջներն խլըշած,
Սարն-իվէր ընկած,
Վազեց ու հասաւ, դունչը վրայ բերեց,
Անմեղ վարդի թուփն ու կոկոնն բռնեց,
Փշրեց ու ջարդեց, արաւ կտոր-կտոր
Ու ինքն վայր-իձոր
Գլուխն առաւ զնաց:

Սոխակն այս բանը որ տեսաւ՝
Նկաւ

Վարդի վրայ կանգնեց,
Իւր սուգն սկսեց.

«Աննման իմ վարդ, ցանկալի հոգոյս,
Սրտիս բերկրանքի ապաւէն ու յոյս,
Ինչի՞ դառն օրհաս հանեց քեզ աշխարհ,
Երբ ոչ-ոք գինըդ պէտք է չիմանար.
Երկինքն է տեղըդ, ինչի՞ ես մնում
Իշի կերակուր այս փըշի միջում.
Քանի փուշ ու էշ երկրից չեն պակաս,
Մտածում եմ որ՝ անտէր կըմնաս.
Կամ այրիբ դու ինձ, որ մի օր պըծնեմ,
Կամ թև՝ առ, թռչենք, երեսիդ մեռնեմ»:

— Իմ սիրուն սոխակ, մի այդքան ցաւիր,
Կնց մեր միջումը, քո վարդը գովիր.
Էշն աղբի մէջ է առել իւր ծնունդ,
Նըրա հոտովն էլ առնում է սնունդ,
Քեզ ծառ ու ծաղիկ, քեզ վարդ, մանուշակ
Պարզուել է Տէրն, իմ ագնիւ սոխակ:

56. Փ Ի Ղ

Փիղը ցամաքային կենդանիներից ամենամեծը և ամենաուժեղն է և հեշտ է ընտելանում: Նա 4—5 արշին բարձրութիւն և 6—8 արշին երկարութիւն ունի. մարմնի ծանրութիւնը 160 փթից աւելի է: Փղի կաշին այնքան հաստ և կարծր է, որ հրացանի գնդակով անգամ դժուար է ծակել: Նրա գլուխը մեծ է և փոքր ինչ երկայն. աչքերը մանր են և իմաստալի, ականջները լայն և կախ ընկած: Փիղը վերին ծնօտի վրայ միայն երկու առաջնատամներ ունի. սեղանատամների թիւը զանազան է՝ մէկից մինչև երեք իւրաքանչիւր ծնօտի վրայ: Ժանիքը երկու են, որոնցից իւրաքանչիւրը մինչև մէկ սաժէն երկայնութիւն է ունենում: Բայց սրանք իսկապէս ժանիք չեն, այլ արու փղի երկարացած ատամները, որոնք շատ թանգ են և վաճառուում են փղոսկր անուէնով: Իսկական ժանիքներ փղերը չունին, որպէս և միւս խոտաճարակ կենդանիները, և սրանով նրանք զանազանուում են իրանց ցեղակից ամենակեր խոզից: Փղի ոտները հաստ են և իւրաքանչիւրի վրայ կայ հինգ կճղակ: Սակայն նրա մարմնի ամենահետաքրքրական մասը կնճիթն է, որ նրա քթի շարունակութիւնն է և չափազանց շարժական: Կնճիթը մի սաժէնից աւելի երկարութիւն ունի և ընդունակ է սեղմուելու, կարճանալու, երբ ինքը կամենայ: Կնճիթը նրա համար մի այնպիսի գործածական և կարևոր անգամ է, ինչպէս մեզ համար մեր ձեռքը: Նրանով փիղը կարող է վերցնել գետնիցը թէ ամենամեծ և թէ ամենափոքր բաներ. փիղը իւր կերակուրը նրանով է տանում բերանը՝ նրանով կարող է պարանի կապը լուծել, փակած դուռը բանալ և կրկին փակել, շիշերի խցանները դուրս հանել և այլն: Բացի այդ հատկութիւններից, կնճիթը սաստիկ

ուժեղ է և նրա մի հարուածով փիղը հեշտութեամբ կարող է մարդ սպանել: Նրանով մինչև հինգ փութ ծանրութիւն բարձրացնում է գետնիցը. իսկ իւր մէջքի վրայ 50—100 փութ ծանրութիւն կարող է տանել: Փիղը վեց ձիու ոյժ ունի: Երբ փիղը գնում է սովորական ընթացքով, ձին սրընթաց միայն կարողանում է նրա յետեից հասնել. բայց փղերը կարող են նաև արշաւել և լաւ են լողում: Փղերը բնակուում են մեծամեծ խմբերով, երբեմն մինչև 400 հատ միասին: Նրանք տաք կլիմայի կենդանիներ են: Փղերը չափազանց երկարակեաց են և ապրում են մինչև 200 տարի: Նրանք կերակրուում են բոյսերով, ուստի շատ անգամ մեծ վնասներ են տալիս այն դաշտերին, ուր բրինձ է լինում ցանած: Ընտանի փղերի պահելը մեծ ծախս է պահանջում. միջին թուով նրան օրական փութ ու կէս բրինձ են տալիս և այդքան էլ խոտ կամ տերև:

Ընտանեցրած փղերին մարդիկ գործ են դնում գանազան բաների համար, օրինակ՝ բեռն են կրում, նրանցով որսի են գնում. իսկ Հնդկաստանում նրանց վրայ բարձում, ման են ածում գորքի թնթանօթները: Հին ժամանակ փղերին պատերազմների ժամանակ ևս գործ էին ածում: Փղերին սայլերում չեն լծում, այլ առհասարակ նրանց մէջքի վրայ փոքրիկ տուն են շինում մէջը նրստած՝ ճանապարհորդում են: Նրանց քշելու համար գլխին նստում է փղապանը և սուր մուրճով գլխին խփում է, որ երթայ: Փղապանի բոլոր իրաւացի պահանջները փիղը խոնարհաբար կատարում է և առանց բարկութեան կրում է արժանի պատիժը, բայց անիրաւացի և խիստ վարմունքի համար սաստիկ վրէժխնդիր է լինում: Մի ճանապարհորդ պատմում է, թէ մի անգամ փղապանը՝ փղի վրայ նստած, կոկոսի պինդ ընկոյզները իւր հաճոյքի համար կտարում էր և ուտում: Կենդանին համբերութեամբ տանում էր սաս-

տիկ ցաւը, բայց միեւնոյն օրը փողոցից անցնելիս, փիղը կանգնում է կոկոսի ընկոյզի կոյտի մօտ, կնճիթով վեր է առնում նրանցից մինը և այնպէս դարկում է նրանով իւր քշողի գլխին, որ նա մեռած վայր է ընկնում:

57. ԱՌԻԻԾ ԵՒ ՎԱԳՐ

Առիւծը, որին իւր վսեմ տեսքի, սաստիկ ոյժի և զարհուրելի ձայնի համար գազանները թագաւոր են կոչում, սովորապէս մութ դեղին գոյն ունի. նրա մարմնի երկարութիւնը մօտ երեք արշին է, իսկ բարձրութիւնը — արշինուկէս: Նրա ձէտը երկար է, ծայրը փնջամազ. պարանոցի վրայ ունի երկար, թաւամազ բաշ: Էգ առիւծը բաշ չունի: Առիւծը բնակւում է Աֆրիկայում և հարաւային Ասիայում: Ամենամեծ առիւծները Պարսկաստանումն են լինում: Առիւծը միեւնոյն ժամանակ վեհանձն է. նա, ինչպէս ասում են, միայն քաղցած և բարկացած ժամանակն է մարդու վրայ յարձակւում. իսկ միւս կենդանիները վրայ յարձակւում է ոչ միայն քաղցած, այլև կուշտ ժամանակը: Առիւծի ոյժը ցոյց տալու համար բաւական է ասել, որ թաթի մի հարուածով նա կարող է ձիու ողնաշարը կոտրել և եզանը գրկած փախցնել, ինչպէս գայլը փախցնում է գառանը: Նա առաջ է գալիս մեծապանծ և իւր որսի վրայ յարձակուելիս՝ չորս սաժէնաչափ ցատկումներ է անում: Ահա թէ ինչ է պատճառը, որ երբ անապատի մէջ, կէս գիշերին, առիւծի մռնչիւնը ամպի նման որոտում է, բոլոր կենդանիները, նաև վագրը, շտապում են թաքնուել:

Վագրը կենդանիներից ամենազարհուրելին և ամենաչարն է: Նա ունի դեղնակարմիր գոյն, սև շերտերով: Վագրը առիւծից քիչ փոքր է, բայց չափազանց ճարպիկ

է և արագաշարժ. նա ահագին ցատկումներ է անում և յարձակւում է ամենատեսակ կենդանիների վրայ, առանց զանազանելու և մարդուն, ոչ միայն իւր քաղցած, այլև կուշտ ժամանակը: Ուժի կողմից վագրը պակաս է առիւծից, բայց յանդգնութեան կողմից նրանից գերազանց է:

58. ԿԵՆԴԱՆԻՆԵՐԻ ԼԵԶՈՒՆ

Շունը հաջում է. գայլը ոռնում է. էջը զուում է. ձին խրխընջում է. ոչխարը մայում է. կովը քառաչում է. փիղը գոչում է. խոզը խոնջում է. արջը մ'ըրթմ'ըրթում է. առիւծը մ'ոնչում է. եղնիկը խորդում է. աղուէսը ողանջում է. վագրը խոնջում է. կատուն մշաւում է. գորսը կոնջում է. ագռաւը կուսում է. արծիւը կառաչում է. աքաղաղը երգում է. սիրամարգը ծշում է. հաւը կարկաչում է. սալը ռնգում է. օձը սուլում է. աղաւնին մնչում է. տատրակը գուրգուրում է. թութակը խօսում է. ճրնճղուկը ճոռոռում է. բուն աղաղակում է. սոխակը ռայլայլում է. ճանճը քզզում է. միայն մարդն է, որ իր միտքը յատնում է խօսքերով:

59. Թ Ռ Չ Ռ Ի Ն Ն Ե Ր

Ա.

Կենդանածինները մի անգամ են ծնւում, իսկ թռչունների համար կարելի է ասել, որ ծնւում են երկու անգամ՝ առաջ — իբրև ձու, իսկ յետոյ — ձուից: Օրինակ՝ հաւը ձու է ածում. եթէ ձուերը թողնենք և վեր չարնենք, նա նրանց վրայ թուխս կընստի ամբողջ երեք շաբաթ և ձագեր կընանի: Հաւի բնական ջերմութիւնից ձուի դեղնուցի մէջ

զարգանում է սաղմը, կերակրում է դեղնուցով և սպիտակուցով, միայն այս կերակուրը ոչ թէ բեռանովն է մտնում մարմնի մէջ, այլ այն շիւղովը, որ դեղնուցից ձգւում է դէպի նրա փորը. յետոյ մեծանալով նա ներսից կտորում է ձուի կեղեւը և դուրս գալիս իբրև դեղնագոյն, փափկափետուր վառիկ և դուրս գալուն պէս սկսում վազվզել և իւր համար կերակուր որոնել: Ձուի կեղևը կազմւում է այն կրային մասերից, որ կուլ է տալիս թուշունը մանրիկ քարերի, սերմահատերի և այլ կերակուրների հետ: Այդ կեղեւն առժամանակ պահպանում է քնքուշ սաղմը, իւր մէջ եղած ծակոտներով օդ է մատակարարում նրան, և նա շունչ է առնում: Փորձի համար մտնով պատիր ձուն այնպէս, որ ծակոտները լցուեն, ծածկուեն, և սաղմը կրսատկի, կ'ոչնչանայ:

Հաւը չորքոտանիների նման թողքերով է շունչ առնում նա ևս նրանց պէս ստամոքս ունի, ուր մտնում է կերակուրը, միայն թէ ատամ չունի: Նրա փոքրիկ գլուխն ունի եղջերային կտուց, որի վերին մասը խողովակի նմանութիւն ունի: Կտուցով նա հողը քրքրում է — քշուշ է անում, կտցահարում է սերմէր, որդեր, ծառերի պտուղներ... բայց չէ ծամում. Ուրեմն նա ինչպէս է մարսում ամենայն ամուր կերակուր.

Հաւի ստամոքսը սաստիկ ուժեղ է, այնպէս որ նա անվնաս կուլ է տալիս մինչև անգամ մանր քարեր: Բայց դրանից կերակուրը ստամոքսը մտնելուց առաջ փափկում է քարձիկի (կտնարքի) մէջ: Հաւի ուռնագները կտուցի կողքերումն են, իսկ աչքերը ոչ թէ ճակատի վրայ, այլ գլխի այս ու այն կողմումը, այնպէս որ նա երկու աչքով միանգամից միևնոյն առարկան չի կարող տեսնել. նրանք փոքր են և իւրաքանչիւրի անկիւնում մի տեսակ կոպկայ — թոթափողական թաղանթ, որ ցանկացած ժամանակ

առաջ է գալիս և ծածկում է աչքը: Ականջը ծածկուած է գլխի մէջ (ականջի արտաքին մասը չունի): Գլխի վրայ նա ունի կարմիր կատար (աքաղաղինը առաւել մեծ), իսկ ներքից, կտուցի տակը, երկու կարմիր մտաթերթիկ: Հաւի պարանոցը երկար է և փետրապատ, մարմինը կոնաձև, որպէս իւր ձուն — կրծքի կողմը հաստ, իսկ պոչի կողմը բարակ:

Բ.

ԸՆՏԱՆԻ ԹՈՉՈՒՆՆԵՐԻՆ պատկանում են՝ հաւերը, սաղեւը, բադերը, աղաւնիները, հնդկահաւերը: Բայց կան և վայրի հաւեր, սագեր, բադեր, աղաւնիներ: Օրինակ՝ միևնոյն հաւի տեսակներն են դշխոյահաւը, փայտմորիկը, կաքաւը, լորամարդը, որոնք ազատ ապրում են անտառներում ու սարերում: Մարդս շատ վաղուց ընտելացրել, բազմացրել է ընտանի թուշունները միևնոյն վայրի թըռչուններից: Սովորապէս տանը ապրելով և իրանց համար պատրաստի կերակուր ունենալով, նրանք, կարծես, մոռացել են թռչելը:

Թուշուններն ընդհանրապէս թուշում են իրանց համար կերակուր որոնելու. այս նպատակով վայրի թուշունները երբեմն ճանապարհորդում են հազարաւոր մղոններ: Այդպիսի թուշունների կրծոսկրը ամուր է և ունի ուժեղ մրկնակներ, որոնցով նրանք շարժում են իրանց թևերը: Այդ թևերն ամուր են ու երկար. մարմնի ոսկորներից շատերը դատարկ են՝ այսինքն ոսկրուղեղ չունին: Այս բոլորն օգնում է թուշունին հեշտութեամբ թռչելու: Առհասարակ թըռչունները մեզանից արագ են շունչ առնում և առաւելապէս շատ օդ են ներշնչում. այդ է պատճառը որ նրանցից ամենափոքրերն անգամ այնպիսի ուժեղ ձայն ունին. այդ է պատճառը նմանապէս, որ նրանք կարողանում են թռչել հողմի դէմ և շնչատպառ չեն լինում:

Կաթնասուն կենդանիներին միմեանցից զանազանում են ատամներին և թաթերին նայելով, իսկ թռչունները զանազանում են կտուցի և ոտների կազմութեամբ: Օրինակ՝ բաղին նայելով. իսկոյն երևում է, որ նա ջրային թռչուն է. նրա ամբողջ մարմինը տափակ դիրք ունի, իսկ կուրծքը դուրս է ընկած. ոտները պոչին աւելի մօտ են. այդ ամենն այնպէս է յարմարեցրած, որ նա կարողանայ աւելի ազատ լողալ: Նայեցէք նրա ոտներին և դուք կը տեսնէք, որ մատները միացած են իրար հետ լողացողական թաղանթով. ջրի մէջ իւր ոտները դէպի առաջ շարժելիս, նա սեղմում է մատները, որ հեշտութեամբ կտրէ ջուրը, իսկ յետ վարելիս — բաց է անում, տարածում իբրև լայն թիակներ: Նրա կտուցը, որի եզերքին փշանման եղջրատամներ են շարուած, շրջապատուած է զգայուն շօշափողական մաշկով, այդ պատճառով որսը չէ ազատում նրանից, եթէ նոյնիսկ ջուրը պղտոր է լինում. Երբ նա դուրս է գալիս, ջրի կաթիլները նրա վրայից սկսում են սահել, որովհետև նա իւր փետուրները իւզոտում է: Իւզը նրա պոչի մօտ եղած մի առանձին պարկի մէջ է գըտընւում: Սազը և կարապը նոյնպէս ջրային թռչուններ են:

Կտցարը, կռունկը, արագիլը բնակւում են ճահիճների վրայ: Իբրև սկզբնապատկեր ճահճային թռչունների՝ վեր առնենք ձկնկուլը: Ձկնկուլը, որ մի արշինից աւելի բարձրութիւն ունի, արտաքուստ այնպէս ծիծաղաշարժ է, կարծես սապատաւոր պառաւ լինի. հանգիստ կանգնած է նա մէկ ոտքի վրայ որևիցէ ճահճի մօտ, գլուխը մի կողմը թաղցրած: Բայց անս յանկարծ նա մեկնում է իւր ծիճ պարանոցը և իւր երկար, սուր կտուցով արագապէս բըռնում է մի գորտ, ողջամբ կուլ է տալիս ու նորից կանգ-

նում նոյն հանգստութեամբ, կարծես թէ ոչինչ չէ պատահել: Նրա ոտները շատ երկայն են և ունին մեծ-մեծ մատներ, սուր-սուր, երկար եղունգներով, իսկ միջին մատն աւելի լայն է և ատամնաւորուած: Ձկնկուլի մերկ ոտներն այնպէս են կազմուած, որ նա կարողանայ ման գալ ճահիճներում և դուրս քաշել նրա միջից ամեն տեսակ ճիճուներ, խխուռջներ, գորտեր... Երկար ոտներ ունենալուց յետոյ, հարկաւ պէտք էր և երկար պարանոց: Ճահճային թռչունները թշնամի են օձերին, որոնց սպանում ու կլանում են պատահածին պէս:

Փայտփորը *) , ընդհակառակն, մազլցող թռչուն է: Նա ունի կարճ ոտներ՝ դէպի դուրս հակուած պճղակներով, որոնց վրայի չորս մատներից երկուսը դէպի առաջ է ուղղուած, իսկ երկուսը դէպի յետ: Մատների վրայ կան ծուռ-ծուռ, սուռ եղունգներ: Սյդպիսի ոտների օգնութեամբ նա մազլցում է ծառերի բնափայտի վրայով և արագ-արագ պտոյտ է գալիս նրա շուրջը: Մէկէլ են տեսնում՝ նա կանգնում է, ամուր կաշում ոտներով, պոչն էլ ցածից դիսհար տալիս և սկսում է եռանդապին ծակել ծառի կեղևը իւր քառանկիւնաձև ամուր կտուցով: Սյսպիսով փայտփորը հալածում, դուրս է անում այն վնասակար որդերը, որոնք բուն դրած են լինում փայտի մէջ: Միմեանց յետևից յաջորդող հարուածից վախենալով՝ որդերը դուրս են սողում կեղևի տակից և թռչունը, որ արագ-արագ պտոյտ էր կազմում բնափայտի շուրջը, ուտում է նրանց: Երբեմն պատահում է, որ որդերը վախենալով՝ աւելի խորն են մտնում. այն ժամանակ փայտափորը իւր երկար և սուր լեզուն

*) Ծառածակի, ծառակուտիւտ:

ներս է տանում կեղևի տակ և նրանց դուրս հանում այն-
տեղից: Փայտփորներն անտառներին վնաս չեն. նրանք
միայն փտած և չորացած ծառերն են ծակում: Ընդհակա-
ռակն նրանք օգտակար են և պահպանում են ծառերը վնաս-
ակար միջատներից: Շատ տեսակ փայտփորներ կան:

Գուռ ամենքդ էլ լաւ էք ճանաչում ճնճողուկներին
(ծառեր), որոնք ունին կլոր գլուխ և հաստ կտուց. դիտէք
որ նրանք հաւերի պէս չեն կարող քայլել գետնի վրայ,
այլ ոստոստում են և ծլվլլալով ցատկոտում: Նրանք մարդ-
կային բնակարանների մօտ են իրանց համար բնակութեան
տեղ ընտրում. խոտից բուն են շինում և նրանց մէջը
փափկացնում են փետուրներով և աղուամազով: Նրանք
դաշտերում ուտում են շատ ցորեն, գարի և այլ հացահա-
տիկներ, այդ պատճառով մարդիկ մի անգամ մտածեցին
բոլորովին ջնջել նրանց, բայց տեսան որ՝ ուր չկան ծառեր,
այնտեղ շատ անգամ որդերից փչանում է բոլոր հունձը:

Ճնճողուկների տեսակին են պատկանում արտուտները,
սարեակները, ղեղձանիկները, քնարիկները, սոխակները,
և ուրիշ երգող թռչուններ: Սրանց թւում պէտք է համարել
նաև ծիծեռնակը, որ իւր բարակ և թոյլ ոտներով հազիւ
է կարողանում ման գալ, բայց, դրա փոխարէն, թռչելով
շատ վարպետ է: Նայեցէք, թէ նա որպիսի երկար սրա-
ծայր թևեր և եղանաձև պոչ ունի:

Ծիծեռնակը գարնան է մեզ մօտ գալիս տաք երկրնե-
րից և մի որևէ ծածկոցի տակ իւր համար կաւից բուն է
հիւսում. այդ բնի մէջ ձու է ածում, ձագեր է հանում ու
մեծացնում: Այդ ժամանակ նա կտորում է անհամար

միջատներ, որ իւր ձագերին կերակրէ: Այս կողմից ծիծեռ-
նակը ամենաօգտակար թռչունն է մեզ համար:

Փոքրիկ թռչուններից շատ բարձր, օդի մէջ, թռչում
են մեծամեծ յափշտակողները — շահէնը, բազէն և արծիւը:
Իրանք ամենքն էլ ունին սուր-սուր կտուցներ, ուժեղ թևեր,
սրատես աչքեր, որոնցով նկատում են սուարկան անազին
հեռաւորութիւնից, և պինդ, մանգաղաձև եղունգներ (ճան-
կեր, ճիրաններ): Բազէները և արծիւները մրդկի նման
նետում են իրանց որսի վրայ, ճանկերով պատառոտում
են և ուտում ոսկորների ու փետուրների հետ միասին,
կերածի ամուր մասերն էլ, որոնք չեն մարսւում ստամոք-
սում, բերանից դուրս են սրծկում: Բազէն գեռ այնչափ մեծ
չէ, իսկ արծիւը, երբ իւր թևերը տարածում է, մի սաժէն
լայնութիւն և մի արշինից աւելի երկարութիւն է ունենում:

Բազէն իւր գեղեցիկ թռիչքով ամենին գերազանցում
է. նա սլաքի նման վեր է բարձրանում և այնտեղ, իւր
թևերը տարածած, օդային ովկիանոսում ազատ լողում է:
Թռչելիս նա արագապէս յափշտակում է վայրի աղաւ-
նիներ, բազեր, կաքաններ, բայց երբ նրանք խմբով են
լինում, սովորապէս չէ յարձակում: Բազէները փոքրուց
բռնուելով՝ ընտելանում են իրանց տիրոջը և վարժում
են որսորդութեան: Արծիւը, բացի թռչուններից, որսում
է նոյնպէս գառներ, ուլեր, ձագարներ, նապաստակներ,
կատուներ... բայց, բարեբաղդաբար, մարդկային բնակու-
թեան շատ հազիւ է մօտենում: Գիւղացիների համար հափըշ-
տակող թռչուններից ամենափաստակարը ցինն է (ուրուրը):

ականջներով — քիմ ուխտներով, որոնք գտնուում են գլխի երկու կողմերում, ականջափակի տակը. բարձրացրէք այդ ականջափակերը և դուք կրնկատէք նրա տակը կամարածև ոսկրներ, որոնց վրայ տարածուած են կարմիր, լորձիւնոտ արիւնաբեր երակներ, որոնք փոցխի նման ատամնաւորւում են նրանց վրայ: Կամարածև ոսկրները չորս-չորս են իւրաքանչիւր կողմում: Զուրը մտնում է ձկան բերանը, անցնում է այդ ոսկրային ծալքերի միջից և իւր մէջ եղած օդը նրան մատակարարելով մաքրում է այնտեղ ժողոված անմաքուր արիւնը, իսկ ինքը դուրս է գալիս ականջափակի տակից. շնչառութեան ժամանակ ականջափակերը շարունակ բաց ու խուփ են անում: Զուկն էլ, գորտի նման, սառն արիւն ունի: Եթէ նրա փորը ճղէք, դուք այնտեղ կըգտնէք ստամոքս, աղիքներ, լողացողական փամփուշտ, իսկ մարիները փորում — մեծաքանակ ձկնկիթ: Լողացողական փամփուշտն օգնում է ձկանը բարձր ուցածը անելիս. օդով լցնելով նրան, գեղարքունին թեթևանում է և իւր զոյգ լողնիկների օգնութեամբ բարձրանում է. իսկ օդը դուրս մղելով՝ նա ծանրանում է և խորասուզւում:

Ձկները ձկնկիթներով են բազմանում: Մարին այդ ձկնկիթները մեծ թուով քարի և բոյսերի վրայ կափուցանելուց յետոյ, այլևս չէ հոգում նրանց մասին: Այս ձուերի մեծ մասը կերակուր է լինում միւս մեծամեծ ձկներին, իսկ մնացած մասից ձկնածագեր են գոյանում, որոնք իրանց մանկական հասակում նոյնպէս ազատ չեն մեծամեծ ձկների հետամտութիւնից: Եթէ ձկների բազմանալն այսպիսի նշանաւոր վտանգների ենթարկուած չլինէր, նրանք անչափ կըշատանային, որովհետև մի ձուկը հազարաւոր ձկնկիթ կարող է ածել մի տարումը:

Հայաստանի ջրերը շատ գովական և քաղցրահամ ձկներ

ունին, որոնցից միքանիսը յիշենք: Գեղամայ լիճը լի է ազգի-ազգի ձկներով՝ իշխանը, պախտակը, գեղարքունին, կողակը Արարատեան նահանգի իւրաքանչիւր հային ծանօթ են. նրանցից իշխանը, որ իւր մէջքին կարմրագոյն բծեր ունի, ամենագովականն է. նրա միսը նոյնպէս կարմրագոյն է և անչափ համեղ, որի համար և արժանապէս կրում է իշխան անունը: Հայաստանի մի ուրիշ լիճ հուշակուած է մի տեսակ մանր, կաթնահամ ձկներով, որոնք տառնիս են կոչւում և որոնց աղ դրած ծախում են թէ՛ Վասպուրահանի և թէ՛ այլ նահանգներում:

61. Հ Օ Տ

Ոչխարների հօտ, ձիաների ջուկ, եգների անդեայ, խոզերի երամակ, այծերի հորան, գայլերի ու շների վոհմակ, թռչունների պար կամ երամ, ագռաւների ջուլիք, կռունկների տարմ, ձկների վտառ, աստղերի հոյլ, ծաղիկների բոյլ, խոտերի դէզ, յարզի և կրակի շեղջ:

62. ԽԵՑԵՄՈՐԹԸ ԵՒ ԱՐԾԻԻԸ

Ստորջրեայ ժայռի վրայ, ծովեզերքի մօտ, նստած էր մի հսկայական խեցեմորթ: Նրա երկու փեղկերը մեծութեամբ հաւասար են մի-մի լուացուելու կոնքի, իսկ երբեմն աւելի ևս մեծ են: Նա այնպէս ծանր է, որ մինչև անգամ չափահաս մարդը կըդժուարանայ տանել նրան գոնէ մի փոքր տարածութիւն: Չնայելով իւր անաղին մեծութեանը, այս խեցեմորթը, ըստ երևոյթին, ամենախաղաղ արարածն է աշխարհիս երեսին: Նա անշարժ ու հանգիստ նստած է ժայռի վրայ. ժամանակ-առժամանակ բաց ու խուփ է անում իւր փեղկերը և ջուր է խմում. իսկ ջրի հետ նա

կուլ է տալիս բազմաթիւ մանր, հազիւ նշմարելի, ջրային կենդանիներ. սա է նրա մշտական կերակուրը:

Ծովի ջուրն ամենայն օր յետ է քաշուում—տեղի է տալիս (տեղատուութիւն): Խեցեմորթն այն ժամանակ մնում է իւր նախկին տեղը, ժայռի վրայ և նրա հետ միասին դուրս է երևում ջրի տակից: Խեցեմորթի մէջ խխունջ է ապրում: Նա փակում է փեղկերը և համբերութեամբ սպասում է այն ժամին, երբ ջուրը վեց ժամից յետոյ նորից կըծածկէ իրան:

Նոյն ծովի մօտ ապրում էր և մի արծիւ: Նա իրան համար բուն էր շինել ծովեզերեայ ժայռի վրայ: Շատ անգամ արծիւը ևս ամբողջ ժամերով նստում էր այնտեղ. նա անհամբերութեամբ սպասում էր, թէ չի՞ երևալ արդեօք որևէ ձուկը կամ ուրիշ ծովային կենդանի ջրի մակերևոյթի վրայ, ճարպիկաբար բռնում էր որսը իւր երկար ճանկերով, պատառ-պատառ գիշատում էր և ուտում:

Մի անգամ այս արծիւը նստել էր նոյն տեղի հանդէպ, ուր պառկած էր հսկայական խեցեմորթը: Սա բաց էր արել իւր փեղկերը, ինչպէս աշակերտը իւր գիրքը: Տեղատուութեան ժամանակը մօտեցաւ, ջուրն սկսեց յետ քաշուիլ: Խեցեմորթի փեղկերի վերին կողերը երևացին ջրի տակից և նա արդէն կամենում էր ծածկել իւր խուփերը, երբ յանկարծ քողցած արծիւը նկատեց նրան: Կայծակի արագութեամբ ցած նետուեց նա և իւր երկար ճանկերը կռիւց բացուած փեղկերի մէջ, որ դուրս քաշի նրանց միջի պարարտ կենդանուն: Բայց խեցեմորթը, երբ զգաց կոպիտ ու անկոչ հիւրի ներկայութիւնը, իսկոյն սաստկութեամբ փակեց իւր ծանր փեղկերը և սեղմեց նրանց մէջ արծուի ճանկերը: Արծիւը շատ ուշ հասկացաւ սխալը. հսկայամարմին խեցեմորթը նրա համար շատ ծանր էր. նա չկարողացաւ վեր բարձրացնել նրան: Խեցեմորթը նրանից ուժեղ հան-

դիսացաւ, այնպէս որ արծիւը մինչև անգամ իւր թաթերը չկարողացաւ հանել հուպ տուած փեղկերի միջից: Իզուր էր ճշում նա և թևերը թափէթափ տալիս. խեցեմորթը նրա ոտները պինդ էր բռնել: Վեց ժամից յետոյ ջուրը նորից բարձրացաւ (մակընթացութիւն) և խեղդեց յափըշտակողին: Միայն այն ժամանակ, երբ արծիւը դադատակողին: Միայն այն ժամանակ, երբ արծիւը դադատակողին էր շարժուելուց, խեցեմորթն արձակեց յափշտակողի ոտները:

Հ Ա Տ Ո Ւ Ա Ծ Չ Ո Ր Ր Ո Ր Գ

ՀԱՅԿԱԿԱՆ ԿԵԱՆՔՈՑ ԵՎ ԱՌԱՆԳՈՒԹՅՈՒՆՆԵՐՈՑ

63. Ը Ն Տ Ա Ն Ի Ք

I.

Իմ մանկութիւնից շատ փոքր բան կարող եմ գրել որովհետեւ նա անցաւ այնքան շուտ և այնքան դարտակ կերպով, որ շատը ես ինքս չեմ յիշում:

Բայց երբ մտաբերում եմ անցեալը, իմ տխուր և յիմարութիւններով լի անցեալը, կրկին զարթնում եմ վաղեմի յիշողութիւնները, և որպէս մի՞թէն խաւարի միջից՝ նկարում է իմ առջև մանկութիւնը իր անմեղ-երեսայազկան կերպարանքով:

Ահա մինը միւսի ետևից երևան են գալիս ծանօթ պատկերները:

Ես տեսնում եմ հայրենի տնակը իր հին, ժամանակի աւերմունքից մաշուած պարիսպներով: Դեռ նոյն տերևախիտ ծառերը հովանաւորում են նրան իրանց հսկայական ճիւղերով, դեռ նոյն ճնճղիկները երգում են ոստերի վրայ ինձ թւում է, որպէս թէ ծանօթ լինէին նրանց խորամանկ երեսիկները:

Կարծես, շատ ժամանակ չէ անցել, կարծես, հէնց երէկ լինէր այդ, — ես տեսնում եմ իմ պառաւ տատին, նստած իր սովորական տեղում, մեր խրճիթի դռան հանգէպ: Դարձեալ նոյն ընկուզենին պատասպարում է ալևոր գլուխը

ամառնային արեգակի կրակոտ ճառագայթներէց: Նա նստած է, որպէս միշտ, լուռ և մտախոն կերպով: Նրա ծնկները վրայ մրափում է իր մտերիմը՝ անագին մազոտ կատուն, երկի, քաղցր երազներ է տեսնում:

Սիրելի տատ, և այս բոպէիս քո երեսի մոյգ-գեղնագոյն խորշոմների մէջ ես տեսնում եմ նոյն բարութիւնը, որպէս առաջ, և այժմ քո լի գթով աչքերը նայում են իմ վրայ վաղեմի սիրով: Ինձ թւում է, որպէս թէ դեռ լսում եմ քո իմաստալից խրատները. — Ֆարհատ, որդի, բաց գլխով մութի մէջ ման չգաս, չարքերը կըզարկեն գլխիդ... յօրանջելու ժամանակ երեսիդ խաչ հան, որ սատանան չմտնէ փորդ... գիշերը մաւտաք չծամես, մեռելները կընեղանան... — Այսպիսի շատ խրատներ տալիս էիր դու ինձ. զգուշացնում էիր, որ աւերակների մէջ չմտնեմ... զգուշացնում էիր, որ գերեզմանատան մօտից մենակ չանցնեմ... ու սև կատուի հետ չխաղամ...

Տատս կոչում էր Շուշան: Նա ժառանգել էր իր մօր անունը: Թէ քանի տարեկան էր, — ես հիմայ էլ չգիտեմ: Բայց նա ակնատես էր եղած այնպիսի անցքերի, որոնց վրայից դարեր էին սահել: Այսուամենայնիւ, նա բոլորովին չէր կորցրել իր ժրութիւնը: Կըտեսնէիր, մի անվատակելի մեքենայի պէս, առաւօտից մինչև երեկոյ, անդադար շարժման մէջ էր: Նրա ամենատես աչքերը ամեն բանի վրայ կընայէին և ամեն բան կըդիտէին: Նրա անհանգիստ լեզուն ամեն բանի մասին հարցմունքներ կ'անէր և անվերջ հաշիւ ու համարներ կըպահանջէր: Մինչև մահ նա չթողէր ձեռքից իր կառավարութեան գաւազանը՝ — անագին փայտեայ շերեփը, որով նա ընթրիքի և ճաշի ժամանակ կերակուր էր բաժանում: Մինչև նրա մահը մեր տան թէ մեծը և թէ փոքրը ամենայն խոնարհութեամբ հպատակում էին նրա հեղինակութեանը:

Տատս շատ աշխատասէր կին էր: Ես դեռ յիշում եմ, թէ որպէս գիշերի մեծ մասը, նստած այծի մորթի վրայ, դնում էր իր առջև մանելու մեքենան, և ոսկրացած ձեռքով, պտոյտ տալով ճախարակի թևքը, բամբակից թել էր պատրաստում: Ինձ թւում է, թէ դեռ զարկում է իմ ականջներին պառաւի դողդոջուն մեղեդին իր տխուր մեղամաղձական հնչիւններով: Ինձ թւում է, թէ դեռ լսում եմ նրա նահապետական մեքենայի խուլ ճռճուոցը:

Մեր գիւղում տատս համարվում էր խելացի պառաւներից մէկը, իսկ իր տան մէջ նրա իմաստութիւնը հասնում էր անսխալականութեան: Ճշմարիտն ասաց, ես էլ փոքր ժամանակս հիացած էի նրա իմաստութիւնով: Նա ամեն բան գիտէր: Նա գիտէր, թէ ինչ նշանակութիւն ունի այս և այն երազները: Նա գիտէր, թէ ինչ խորհուրդ ունին, երբ մարդու մարմնի այս և այն մասերը «խաղում են»: Նա հասկանում էր կաշաղակի լեզուն, և բացատրում էր, թէ ինչ լաւ խաբարներ է բերում նա, երբ մեր պատի վրայ նստած, կըչկըչում է: Նա լսել չէր կարող բուռի շարագուշակ ձայնը, և պատուիրում էր ինձ՝ քարով սպանել նրան, երբ կը նստէր մեր պատի վրայ:

Այն, տատս շատ բան էր իմանում: Նա պատմում էր ինձ, թէ ինչպէս կըհասնի աշխարհի վերջը. կամ երբ կը յայտնվի նեոը: Նա ասում էր, թէ անիծեալ նեոը կըգայ մի անագին էշի վրայ նստած, թէ նրա աւանակի ականջները այնքան երկար կըլինեն, որ մի ականջին ծայրը կը հասնի մինչև արևմուտքը, իսկ միւսինը մինչև արևելք: Նա ասում էր, թէ այնժամանակ կըյայտնվին «աջուջ-մաջուջները», թէ դրանք այնքան փոքրիկ թզուկներ են, որ իմ կօշիկները կարող էին նրանց համար բնակարաններ լինել:

Բայց ես աւելի սիրում էի տաախս հէքիաթները: Ես դեռ յիշում եմ մի քանի հէքիաթներ, որ գիշեր

ները պատմում էր նա: Երբեմն, մի անգամ սկսած հէքիաթը վերջացնում էր մի ամբողջ շաբաթուայ ընթացքում: Ախ, ինչպէս լաւ պատմում էր նա: Ես բոլորը հասկանում էի և միշտ ուրախութեամբ էի լսում: Բայց երբ պատմում էր դեերի, սատանաների, կրողների և դժոխքի մասին, — ես սարսափում էի, և աւելի շատ էի վախենում, երբ խօսում էր մեռելների մասին:

Իսկ երբ տատս մեռաւ, նրանից չէի վախենում: Նա խիստ հանգիստ կերպով պառկած էր դագաղի մէջ, կարծես քնած լինէր: Նրա դէմքը էլի այնպէս բարի էր, որպէս առաջ: Ես մտածում էի, թէ նա հրէշտակների մօտ կըգնայ, նրա համար որ, ինձ երբէք չէր ծեծում: Երբ նրան թաղեցին, ես շատ լաց եղայ: Մայրս ասում էր, թէ նա մի օր գերեզմանից կըվերկենայ. ես ուրախանում էի:

II.

Իմ մօրը կոչում էին Նիգար: Դուք տեսել էք դեռ նոր բացված մի ծաղիկ, որ թառամել էր իր կոկոնի մէջ, — այդ իմ մայրն էր: Խեղճ կնիկ, ես երբէք չեմ կարող մոռանալ քո միշտ տխուր և գունաթափ դէմքը: Ինչո՞ւ դու ուրախ լինել կարող չէիր... Ինչո՞ւ այնպէս սպանված էին քո գեղեցիկ աչքերը, որոնցից արտասուքը շատ քիչ էր պակասում...

Մայրս մի բարձրահասակ կին էր, նիհար և թոյլ կազմուածքով: Ոտքի վրայ նա միշտ հիւանդ էր, բայց երբէք չէր պառկում: «Ո՞վ պիտի պահէ իմ երեխաներին», պատասխանում էր նա, երբ նրան ասում էին, թէ պէտք է փոքր ինչ հանգստանալ, թէ պէտք է փոքր ինչ կազդուրել սպառված ուժերը: Ամբողջ օրը դագարում չունէր. նա էր թխում մեր տան հացը, նա էր եփում կերակուր-

ները, նա էր լուանում մեր շորերը, նա էր կարում և կարկանդակում մեր հագուստը: Բայց անայլին հոգսերը չէին, որ մաշում էին նրան.—նրա ցաւը սրտիցն էր... Ես այն ժամանակ չէի հասկանում, բայց հիմայ հասկանում եմ...

Մեր գիւղում գովասանված էր մօրս վարպետութիւնը կարելու և ձեւելու մէջ. բայց շատ քիչ էին վճարում նրա աշխատութիւնների համար: Շաբաթական մի քանի շահի հազիւ էր աշխատում և նրանցով ապրում էինք: Տատիս մեռնելէն յետոյ տան հոգսը բոլորովին մնաց մօրս վրայ: Քոյրերս, Մարիամը և Մազթաղը, դեր փոքրիկներ էին. դրանք աւելի խանգարում էին մօրս, քան թէ օգնում էին:

Մարիամը և Մազթաղը երկուորեակներ էին, այնքան նման միմեանց, որ ես շատ անգամ սխալվում էի մինը միւսից որոշել: Մայրս նրանց ճանաչելու համար կարել էր զանազան գոյներով գզակներ, Մարիամինը կանաչ գոյնով, իսկ Մազթաղինը կարմիր: Ես դեռ յիշում եմ այն անմեղ կռիւները, որ ծագում էին այդ երկու հրեշտակները մէջ իրանց գզակների մասին: Պատճառները շատ ծիծաղելի էին. օրինակ, երբ Մարիամին սիրում էին, Մազթաղը խլում էր նրա գզակը, դնում էր իր գլխին, որ ինքն էլ Մարիամ դառնայ և նրան էլ սիրեն:

Ես շատ անհանգիստ երեխայ էի, բայց դարձեալ մայրս ինձ չէր ծեծում, որովհետև նրա մի հատիկ աղան էի: Մօրս սէրը հասնում էր մինչև այն թուլութեանը, որ շատ անգամ ներում էր իմ անկարգութիւնները: Կըպատահէր՝ վաղ-առաւօտեան, ամենևին երեսս չլուացած ու մազերս չսանդրած, առնից դուրս կըգայի, և ամբողջ օրը կըխաղայի, կըթափառէի դատարկաշըջիկ երեխաների հետ: Մայրս մատամբ դոճ էր լինում, երբ ես տանը չէի գտնվում, նրա համար որ, եթէ տանը մնայի՝ անպատճառ կամ մի բան կըկտորէի, կամ մի բան կը

վիթէի, և եթէ ոչինչ չլինէր, կըսկսէի քոյրերիս ծեծել: Խեղճ երեխաներ, ինչպէս համբերում էին շար եղբօր կոպտութիւններին: Կարծես, նրանք զգում էին, թէ իրանք աղջիկներ էին, իսկ ես—տղայ. կարծես մտածում էին, թէ ես շատ բանով բարձր էի նրանցից, ուրեմն, իրաւունք ունէի տանջելու: Եւ այսպէս, մանկութիւնից պատրաստվում էին լինել տղամարդի ստրուկներ... Ո՞վ մտքեց նրանց մէջ այդ զգացմունքը:

III.

Իմ հօրս յիշում եմ որպէս մի երագ: Այսքանը միտքս է գալիս, որ նա մի չոր ու ցամաք մարդ էր, մօրս նման բարձր հասակով, և դէպի ցած կռացած մէջքով: Նրա դուխը պատած էր, տարաժամ արևորած, սպիտակ մազերով: Երեսուն և վեց տարեկան տղամարդ էր նա, բայց վաղահաս ծերութիւնը բոլորովին փոխել էր նրա երիտասարդական դէմքը:

Մեր տանը խիստ սակաւ էի տեսնում հօրս: Նա, որպէս սովորաբար ասում են, դաշտի մարդ էր. տարուայ երեք եղանակներում—գարուն, ամառ և աշուն—նա մշակում էր իր հողերը և փոքրիկ այգին, իսկ ձմեռը իր ջուրհակի հորի մէջ կտաւ էր գործում: Բայց դարձեալ մնում էր միշտ աղքատ: Հայրս շուայլ մարդ չէր. ոչ արագ էր խմում, ոչ ծխում էր և ոչ էլ լաւ ուտում կամ հագնվում էր: Ես դեռ չեմ մոռացել նրա բազմամեայ հողաթափները, որոնք ստէպ կարկատվելուց այնքան ծանրացել էին, որ հազիւ կարելի էր շարժել: Նրա մորթէ գզակը բոլորովին կորցրել էր իր մազերը: Էլ ինչո՞վ պէտք էր բացատրել այդ խնայող և աշխատաւոր մարդու դառն աղքատութեան պատճառները:

Լինում էր, շատ անգամ տանը հաց չունէինք ուտելու. քոյրերս լաց էին լինում սովից: Եւ անա, գիշերային տարածամ պահուն յայտնվում էին հարկապահանջները: Սկսում էին գուռը զարկել: Կըկտորէին, եթէ իսկոյն չըբաց անէինք: Ներս էին թափվում մի խումբ կատաղի Ֆէրրաշներ: Բոլորովին դժոխք էր դառնում այն ժամանակ մեր տունը: Ամենքս սարսափում էինք: Հայրս մեռելի գոյն էր ստանում, իսկ մայրս երկիւղից սկսում էր դողալ: Ես և քոյրերս փախչում էինք ու մտնում մեր քնաշորերի մէջ: Թէև երբէք քնել կարող չէինք, բայց սուս էինք կենում:

Ֆէրրաշները հօրս բռնում էին ու կապում մեր խրճիթի սեան վրայ, այնքան պինդ, որ շարժվել կարող չէր, կարծես ամբողջ մարմնով մեխած լինէր սեան հետ: Նրա մօտ գիւղվում էր մի անագին խուրճ գալար ճիւղատների. սկսում էին ծեծել հօրս: Նա մորմոքում էր, աղաղակում էր՝ աղաչանք էր անում, — բայց ո՞վ էր նրա ձայնը լսողը...

Ֆէրրաշները հարկ էին պահանջում: Եւ եթէ մի փոքր ուշանում էր, սկսում էին հօրս մերկ ոտների տակ կրակ լցնել. այդ բաւական չէր, նրա մարմինը այրում էին տաքացրած շամփուրներով: Այդ սոսկալի տանջանքների ժամանակ, ինչ որ իմ մօր դրուժիւնն էր, Աստուած ազատէ: Ես անկարող եմ նկարագրել: Նա բոլորովին գժվում էր: Նա կարում էր իր պլիսի և պառանոցի զարդերից ամենաթանկագինը և տալիս էր Ֆէրրաշներին: Նա աղաչում էր՝ պաղատում էր, որ չծեծեն հօրս, որ չսպանեն նրան, որ սպասեն մինչև առաւօտ, մինչև լոյսը ծագի, որ հայրս կարողանայ մի տեղից պարտք անել և պահանջած հարկը վճարել:

Այս բոլորէիս էլ իմ մարմնի վրայ դող է ընկնում, երբ մտաբերում եմ այն սարսափելի գիշերները... Ֆէրրաշները գալիս էին միշտ գիշերով, ինչպէս չար երեխաները միշտ

գիշերային մթութեան ժամանակն են քանդում խեղճ ծախ բոյնը, և գիշերով են բռնում նրան, որովհետև պիտեն, որ ողորմելի թռչունը այն ժամանակ մի ուրիշ պատասպարան չունի բացի իր օթեանը:

Չարհուրելի գիշերներ... Ո՛րքան արտասուքի և սրբան տանջանքների պատճառ էին դառնում նրանք մօրս... Նա գիշերային այն մթին խաւարի մէջ, մենակ գուրս էր գալիս տունից, առնում էր իր հետ մի պղինձ, կամ մի ուրիշ բան, և տանում էր գինետուն, որ գրաւ դնէ և նրանց համար ըմպելիքներ բերէ: Նա մորթում էր մեր հաւերը և նրանց համար կերակուրներ էր պատրաստում. բայց անողորմ հիւրերի ուտելուն և խմելուն չկար:

Այսպիսի դէպքեր պատահում էին համարեա միշտ, որովհետև հարկերը վերջ ու սահման չունէին: Ամեն բանի համար պահանջվում էր՝ թէ ցանքի համար, թէ անասունների համար և թէ մեր ընտանիքը կազմող հոգիների համար: Հաշիւ չկար, հաշիւը կախված էր պահանջողի կամքից միայն: Վերջապէս հարկերը կարող էին ծագել հազարումէկ հանգամանքներից, և այնքան զանազան միմեանցից, որ շատերի անունները մոռացել եմ: Ո՞րտեղից պէտք էր վճարել: — Պէտք էր տունից մի բան ծախել, մի բան գրաւ դնել: Բայց մեր տանը ոչինչ չէր մնացել. մեր տունը նմանում էր մերկ գերեզմանի: Այդ կարող էր հասկանալ Ֆէրրաշը: Նա ինքն էր ծախել տալիս մեր կովը, մեր եզը և մեր գոմէշը, ամենևին չմտածելով, թէ վաղը մեր արօրը կըբաղարի գործելուց և մի ամբողջ ընտանիք կըզրկվի միջոցներից:

Հայրս վերջին ժամանակներում բոլորովին թողեց իր հողերի մշակութիւնը, որովհետև ստացած արդիւնքը մինչև անգամ չէր լրացնում հարկերի վճարը: Բայց այսպիսով

նա դարձեալ չազատուեցաւ Ֆէրրաշներից, նրանց այցելութիւնները դարձեալ շարունակվում էին:

Ինչո՞վ պէտք էր ապրել:—Մնում էր մի բան, որ սոված չմեռնենք՝—միշտ պահապանք և պահապանք անել... Բայց որքան ծանր էին տոկոսները... Մեր վաշխառուն գրել-կարդալ չէր իմանում և ոչ տուած փողերի համար պարտամուրհակ էր պահանջում: Նրա պարտամուրհակը իր խղճմտանքն էր, իսկ ամսաթիւը կամ տարեթիւը հաշուում էր եղանակների փոփոխութեան վրայ: Նա մի տոպրակի մէջ իր հետ ման էր ածում փայտի զանազան կտորներ, երկայն և կարճ, բարակ ձողերի նման, որոնց վրայ նշաններ էին արած գոյնզգոյն դերձաններով,—գրանք նրա հաշուամատեաններն էին: Չողերի վրայ կային շատ և փոքր թւով խաղեր, որ նշանակում էին գումարների որքանութիւնը, իսկ գոյնզգոյն դերձանները պարտականների անուններն էին որոշում:

Ես դեռ յիշում եմ անգութ վաշխառուի խօսքերը՝ երբ նա տոկոսները առնելու համար մեր տունն էր գալիս:—«Մհակ, ասում էր նա հօրը,—գիտե՞ս սրբան է անցել տես, այս ծառը դեռ նոր էր տերև բացել (նա ցոյց էր տալիս մեր բակի ընկուզենին). հիմայ կըկին կանաչել է նա, ուրեմն, անցել է մի բոլորակ տարի: Թէ գուրեքը չե՞ս կարող տալ, գոնէ կաթը (տոկոս) տուր, թէ չէ...»:

Ահա այսպէս էին անցնում մեր սև օրերը:

Հայրս, չկարողանալով հայրենի երկրում իր ընտանիքը պահել, ստիպվեցաւ դիմել դէպի պանդխտութիւն, օտար աշխարհներում բախտ որոնելու: Մենք տարանք նրան մինչև գիւղից դուրս ճանապարհ գցելու: Ես և քոյրերս շատ ուրախ էինք, երբ նա դնում էր, կարծում էինք, թէ բազարն է դնում, որ մեզ համար չամիչ կամ խուրմայ բերէ: Բայց մայրս լաց էլ լինում: Տխուր էր և

հայրս, մահուան չափ տխուր էր նա: Ես մինչև այսօր չեմ մոռացել այն խօսքերը, որ բաժանման րոպէին ասաց նա մօրս.—«Ամանաթ քեզ որդիքս, Նիգար: Եթէ կենդանի կըմնամ, թող չեմ տայ, որ նրանք սոված մնան...» — «Շուտ եկ, շուտ, հայրիկ, կանչում էինք ես և քոյրերս նրա ետևից,—մեզ համար չամիչ և փշատ բեր:»

Բայց նա դնաց, էլ չվերադարձաւ...

Տարի չանցած՝ հօրս մահուան լուրը մեզ հասաւ: Այդ ցաւալի մահը ամենասաստիկ ներգործութիւն ունեցաւ մեր դժբախտութեան վրայ: Այն ժամանակ յայտնվեցաւ Հաջի-Բաբան (մեր վաշխառուն), տիրեց մեր բոլոր կայքերին և մեզ մերկ ու սաբօբիկ դուրս արեց հայրենական տնակից: Մայրս, բռնելով իմ և քոյրերիս ձեռքից, գնաց թեռուս տունը, այնտեղ ապրելու: Միակ ժառանգութիւնը, որ մնաց մեր հօր հարստութիւնից, էին՝ Մըրօն—մեր անագին շունը և Նազլուն—տատիս մտերիմ կատուն. դրանք չբաժանվեցան մեզանից.

ԲԱՅՅԻ

64. Հ Ա Յ Ր Ե Ն Ի Փ

Պարսկաստանի Ատրպատական կոչված նահանգի ամենահարուստ գաւառներից մէկն է Սալմաստը: Նա բռնում է Ուրմիոյ ծովակի արևմտեան ափերը և, շրջապատած լեռների ալիքաւոր բարձրութեամբ, կազմում է մի գեղեցիկ, բոլորակ հովիտ, որ ոռոգվում է Սօլայ գետով: Այդ գետը Սալմաստայ Նեղոսն է, որի բազմաթիւ ճիւղերի վրայ, մինը միւսի մօտ, շարված են մեծ և փոքրիկ գիւղերը, որոնց գեղեցիկ երևոյթը ամենևին չէ համապատասխանում աղքատ բնակիչների անմխիթար վիճակին:

Սալմաստը որպէս հին ժամանակներում եղել է Հայաս-

տանի բազմամարդ գաւառներէից մէկը, և այժմ նրա բնակիչները մեծ մասը բաղկացած էին հայերէից: Մնացեալ ազգաբնակչութիւններին պատկանում էին թուրքերը, հրէաները, ասորիները և քրդերը. — այդ բոլորը միասին վեր առած, հազիւ թէ հայերի կէս մասին էին հաւասարուում:

Ամեն դար, սկսեալ խորին հեթանոսական ժամանակներից, թողել էր այդ գաւառում իր տիրապետութեան հետքերը: Այստեղ դեռ տեսնուում էին հին Չարեհաւանի հետքերը: Այստեղ ահագին մոխրաբլուրներ դեռ յիշեցնում էին մոզական ատրուշանները և սրբազան կրակի հազարաւոր տարիներով լափած նիւթերը: Այստեղ բարձր մինարէթներ իրանց գեղեցիկ մզալիկներով ցոյց էին տալիս արաբացոյ տիրապետութիւնը և յիշատակը այն ազգի որը ուր և իշխում էր, տարածում էր արհեստ, գիտութիւն և արիւն: Այստեղ դեռ մնացել էին բեկորները այն ամրոցի, ուր մեծ Հուլաւունը պահում էր իր դանձերը: Այստեղ զանազան լեռների և բլուրների բարձրաւանդակի վրայ դեռ մնում էին վլատակները մեծամեծ բերդերի որպէս փշրանք աւատական իշխանների խորտակված փառքի, որոնք իրանց բռնակալութեան ներքոյ ճնշում և խեղճում էին ամեն կենդանի գորութիւն: — Իսկ այդ բոլոր հնութիւնների մէջ իմ ուշադրութիւնը զբաւում էր մէկը՝ դա Փիրշաուշ լեռան ժայռերէից մէկի վրայ քանդակած պատմական մի անցքի տխուր նկարագիրն էր: Պարսպաձև ժայռի հարթած մակերևոյթի վրայ դուրս էին բերված մի քանի ձիաւորներ հնագորեան հագուստով և նոյնպէս նախնական զէնքերով: Մէկին գերի էին տանում: Նա թագաւոր էր: Ոչ մի արձանագրութիւն չէր ցոյց տալիս զրանց ունի և ինչ ժամանակի մարդիկ լինելը: Միայն հայ ժողովրդի մէջ պահուած էր մի ցաւալի աւանդութիւն. գերին Արշակունեաց վերջին թագաւոր Արտաշէսն էր, որից յետոյ

Հայաստանը ընկաւ պարսիկների իշխանութեան ներքոյ և կորցրեց իր թագաւորներին: Կարծես, այդ պատկերը, որպէս մշտական նախատիք, իր քարաժայռի բարձրութիւնից յանդիմանում լինէր հայերին, ասելով. «Ահա, ինձ նման միշտ գերի և ստրուկ կըմնաք դուք, որովհետև ձեր թագաւորին գերութեան մատնեցիք...»:

Եւ իրաւ, հայ մարդու գերութիւնը և ստրկութիւնը իսկոյն նկատվում է այդ երկրում, երբ մարդ փոքր ինչ խորին կերպով ծանօթանում է ժողովրդի կենցաղավարութեան հետ: Երկրի արտաքին կերպարանքը խաբուսիկ է, կարող է մինչև անգամ սխալանքի մէջ ձգել անփորձ հետազօտողին: Երբ ջերմ, ամառնային օրերում մարդ հեռուից նայում է Սալմաստայ պայծառ՝ արեգակի ճառագայթներով լուսաւորված հովտին, տեսնում է՝ դաշտերը, մշակված աշխատասէր ձեռքով, խոտտանում են առատ հունձք. — տեսնում է՝ ցորենը, դարին, բրինձը, բամբակը և ընդհանրապէս ամեն տեսակները, իրանց բեղմնաւորութեամբ, ներկայացնում են խիստ գոհացուցիչ առատութիւն. — տեսնում է՝ մրգաբեր այգիները լիացած են պտուղների ամենաազնիւ տեսակներով. — տեսնում է խոտաւէտ արօտամարգերի վրայ արածում են տաւարների նախիրներ և ոչխարների հօտեր, — մի խօսքով, նա տեսնում է, որ բնութիւնը անխնայ առատութեամբ թափել է այստեղ իր հարստութիւնները: Նա սկսում է մտածել. «որքան բախտաւոր ապրում են այստեղ մարդիկ...» Իսկ այդ ճիշտութիւնները, բնութեան այդ պարզները չեն պատկանում այն բիւրաւոր աշխատող ձեռքերին, որոնք դաշտերի վրայ, արևի կրակոտ բոցերի մէջ, քրտինք են թափում:

Ահա գիւղերում այստեղ և այնտեղ բարձրանում են ամրոցներ, որոնք իրանց հպարտ աշտարակներով և ասամաւոր պարիսպներով իշխում են շրջակայքի վրայ. նրանց

մէջ բնակվում են «աղաները» իրանց ախտերով և մոլութիւններով,—ահա նրանցն է պատկանում երկրի բոլոր բեղմնաւորութիւնը, նրանք են շոայլում մշակ մարդու աշխատաւոր ձեռքի վաստակը:

Երեխայութեանս ժամանակ, երբ ես որևիցէ անկարգութիւն էի անում, տատս և մայրս ամեն մէկն իր առանձին եղանակն ունէր ինձ սաստելու, որ վախենամ և հանգիստ կենամ: Տատս ասում էր. «Մսւս, սսւս, մարդագէլը եկաւ, քեզ կրտամ, կուտի»:—Մայրս ասում էր. «Ձէնդ կտրի, թէ չէ, ֆէրրաշին կըկանչեմ...»: Թէ առաջին և թէ վերջին սպառնալիքը իմ վրայ միօրինակ ազդեցութիւն էին գործում. ես ֆէրրաշից նոյնքան էի վախենում, որքան գայլից: Բայց երբ փոքր ինչ մեծացայ, «մարդագայլից» այլ ևս չէի վախենում, որովհետև հասկանում էի, թէ մարդը գայլ չի դառնայ, բայց ֆէրրաշի երկիւղը երբէք դուրս չեկաւ իմ սրտից... Ինձ թւում է, որ այս ըսպէիս էլ լսում եմ նրա մտրակի ձայնը, ինձ թւում է, թէ իմ ականջին զարկում են զիւղացու ցաւալի հառաչանքները, և ես տեսնում եմ նրան թուլացած, ուշաթափ եղած հարկապահանջի անդուծ գանահարութիւնից:

Քեռուս տունը, ուր տեղափոխուեցանք մենք մեզ հասած գժբախտութիւնից յետոյ, գտնվում էր Քեօհնայ-Շահարում: Քեօհնայ-Շահար նշանակում է հին քաղաք. այսպէս կոչում էին նրան Սալմաստայ նոր քաղաքից որոշելու համար, որի անունը Դիլիման էր: Հին քաղաքը կորցրել էր իր անունը: Շատ հաւանական է, որ դա լինէր մեր Զարեհաւանը կամ Զարեհանդը, որի անունով մի ժամանակ կոչվում էր ամբողջ գաւառը:

Այս քաղաքում բնակվում էին չորս ազգութիւններ՝ հայ, թուրք, ասորի և հրէայ. իւրաքանչիւր ազգութիւն գետեղուած էր առանձին թաղերում: Հայերը ունէին երկու-

եկեղեցի, իսկ ասորիները՝ մէկ: Հին քաղաքը արժանի էր իր կոչմանը. այստեղ, կարծես, միքանի քաղաքներ շինված էին մինը միւսի վրայ: Նոր շէնք կառուցանելու համար նիւթեր պէտք չէին. քանդում էին գետինը և հողի տակից դուրս էին բերում ահագին քանակութեամբ աղիւս, կոփածոյ քարեր, և շատ անգամ բացվում էր մի ընդարձակ, ստորերկրեայ բնակարան: Ո՛րքան փորձանքներ, որքան յեղափոխութիւններ պէտք է կրած լինէր այդ քաղաքը. որքան ազգեր այնտեղ բնակվել և անհետացել էին. իսկ հայը, նրա նախկին բնակիչը, դեռ մնում էր: Արաբներից մնացել էր մի լայնատարած գերեզմանատուն միայն, գեղեցիկ զարդարած տապանաքարերով:

Քաղաքի մի անկիւնում էր գտնվում քեռուս տունը, մեծ հեղեղատի ափի մօտ: Այդ հեղեղատը դարնան անձրևների ժամանակ յորդանում էր, և քանդելով աւերակները, բերում էր իր հետ գանազան հնութիւններ: Ես շատ ուրախ էի լինում, երբ հեղեղը փոքրանում էր, որովհետև մեր դրացի երեխաների հետ գնում էինք գետի ափերի մօտ և աւազների միջից գտնում էինք հին դրամներ, կանանց զարդեր, և վաճառելով հրէայ ոսկերիչներին, փող էինք ստանում:

Հայերի տները թէև փոքրիկներ էին, բայց հովանաւորված պարտէզներով և ծառերով, գեղեցիկ տեսք ունէին: Բնակարանը, ասում են, խիստ խորին կապ ունի մարդու կեանքի և բնաւորութեան հետ: Այս մտքով, հայերի տների ձևը և նրանց ներքին ու արտաքին դիրքը, ոչ միայն մեծ նշանակութիւն ունէին բնակիչների ձաշակի մասին, այլ առաւելապէս արտայայտում էին նրանց վիճակը և հասարակական դրութիւնը: Տները շատ սերտ և անմիջական կերպով կցած էին մինը միւսի հետ, այնպէս որ, տանիքների վրայով կարելի էր հայոց թաղի մի ծայրից մինչև

միւսը գնալ: Բոլոր տները ունէին գաղտնի հաղորդակցութիւն: Այդ հաղորդակցութիւնը պահպանվում էր զանազան ծակերի միջոցով, որ բացված էին մի տանից միւսի մէջ: Ծակերը բացված էին աննկատելի տեղերում. նրանցից շատերը այնքան նեղ էին, որ մի ձեռք միայն կարելի էր անցկացնել և ծառայում էին աւելի բանաւոր հաղորդակցութեան համար: Երբ պատահում էր մի անսովոր դէպք, մի քանի բոլորի մէջ թաղի միւս ծայրում արդէն գիտէին: Ամեն մի լուր, ամեն մի խօսք, ծակերի միջով, կայծակի արագութեամբ տարածվում էր ամբողջ թաղի մէջ, առանց մի մարդ իր տանից դուրս գալու: Ծակերից շատերը այնքան մեծ էին, որ կարելի էր, մանաւանդ վտանգի ժամանակ, մի տան կայքը թագցնել կամ տեղափոխել միւսի մէջ, և կամ հարևանի մօտ ապաստան գտնել: Թագստի համար իւրաքանչիւր տան մէջ կային ստորերկրեայ մանաններ, որոնց գաղտնի մուտքը միայն տան տիրոջն էր յայտնի:

ԲԱՖՖԻ *)

*) Բաֆֆին (որի ուղղագրութիւնը մեզ գրադեցնող խնդրի վերաբերութեամբ պահպանել ենք), որպէս և նրան ժամանակակից գրողները, կրաւորական ձևերի մէջ և տառը չեն գործածում. նրանց համոզմունքով վ հնչիւնի իսկական նշանագիրը վ տառն է և ոչ չ, որի գործածութիւնը պայմանական է, այսինքն և երբեմն ձայնաւոր է, երբեմն բաղաձայն: Միւս կողմից պէտք է նկատել, որ և նշանագիրը որպէս բաղաձայն վ երբէք գործածութիւն չի ունեցել հին հայերէնի մէջ: Այն պատճառաբանութիւնը, որպէս թէ ու տառի մի բաղադրիչ մասը՝ ո-ն բառերի մէջ դուրս է ընկնում, բոլորովին հիմք չունի, որովհետև ու որպէս պարզ հնչիւն, կարող է ածանցուիլ, բայց ոչ զրկուիլ այն մասից, որ նա չունի: Այլ խնդիր է, թէ ածանցուելիս՝ ւ և վ տառերից որը պիտի փոխարինէ ու-ին:

Բաֆֆին գործ է ածում՝ «կըվերկենայ», «չբաց անէինք», փոխանակ՝ «վեր կըկենայ», «բաց չանէինք»...

65. ՎԻՊԱՍԱՆԻ ՄՐՄՈՒՆՁԸ 1)

Կրեսոս թագաւորն Լիդացոց 2)՝ երբ Կիւրոսը 3) բոլոր աշխարհքի տիրեց, նրա երկիրն էլ առաւ, կուռումբ դօնշուն 4), սիրելի, բարեկամ, զօրապետ՝ նրան թողեց 5) ու էն անգին մարգարտի ու ջաւահրէ ամարաթներում 6) մե-

1) «Վէրք Հայաստանի»-ի հեղինակը իւր յառաջաբանի մէջ, որ մենք քաղուածօրէն առաջ ենք բերում, պատկերացնում է այն հոգեկան տանջանքները, որին նա ենթակայ է եղել իւր վէպը գրելու նախօրեակին: Սրտառուչ և յուզիչ բառերով նկարագրում է նա այն ներքին պատերազմը, որ առաջ են բերել նրա մէջ մի կողմից գրաբար լեզուի դարևոր գերիշխանութիւնը, իսկ միւս կողմից աշխարհաբարի անբռնաբարելի պահանջները: Աշխարհաբարի ու գրաբարի այս անողոր մրցութիւնը Սաչատուր Աբովեանի համար անհամեմատ աւելի զգալի պիտի լինէր. նա հմուտ գրաբարագէտ էր. կլասիկ լեզուի ճոխութիւնները գրաւում, ոգևորում էին նորան: Միւս կողմից՝ օժտուած լինելով եւրոպական կրթութեամբ, մնում լինելով կենդանի մայրենի լեզուով, նա աշխարայ կերպով զգում էր, որ իւր մէջ պատերազմ առաջացնող մրցակիցներին մինը, թէև հարուստ ու ճոխ, դառամեալ է, իսկ միւսը, թէև աղքատ ու անպաճոյճ, բայց ունի անբռնաբարելի երիտասարդական թարմութիւն, աճելու ամենատեսակ ունակութիւններ և որ՝ ապագան նորան է պատկանում: Այդ բոլորից մրցութեան հետևանքը հեղինակի համար ամենայն տարակուսանքից դուրս վնեւելով, իրաւունք է տալիս նորան բանալ իւր լեզուն (ինչպէս բացուեց Կրեսոսի համբ զաւակինը), հայ գրականութիւնը գրաբարի կապանքներից ազատելու համար: Եւ ժամանակակից նոր սերունդը յաւիտենական երախտապարտութիւն ունի դէպի մայրենի լեզուի նոր-Մեսրոպըրը, դէպի մեր ժողովրդական վիպասանութեան նահապետը—Սաչատուր Աբովեանը:

2) Գրաբար ոճ է. փոխանակ՝ Լիդացոց Կրեսոս թագաւորը: 3) Կիւրոս պարսից թագաւորը, ժամանակակից և դաշնակից հայոց Տիգրան Երուանդեանի: 4) Զօրք: 5) Թողեցին: 6) Պալատներում:

ծացած Կրեստսը, որ իրանից բախտաւոր աշխարհի երեսին էլ մարդ չէր համարոււմ, ընկած մէկ պարսիկ զօրականի առաջ, շունչը բերնին հասած, փախչում էր, որ իր գլուխն էլայ 1) պրծացնի. պարսիկը ետևիցը հասաւ. սուրը գլխին պսպղաց. աչքերը սևացաւ. դեռ գլուխը չըտված, հէնց իմացաւ թէ մահն էնայ 2) հողին առաւ. հէնց ուղում էր, որ իր թուրը իր սիրտը կոխի, որ թշնամին չսպանի, զօրականը որ թուրը չբարձրացրէց, թագաւորի միամօր որդին, որ հօրը մահը չտեսաւ առաջին, քսան տարուայ փակ լեզուն իսկոյն կապը կտրեց, բաց էլաւ, ու քսան տարուայ լուռ սիրտը իր առաջին ձէնը 3) տվեց. «Անօրէն, էդ ո՞ւմ ես սպանում, քաշիր թուրդ. եդ, չէս տեսնում, որ առաջիդ Կրեստսն է, աշխարհի տէրն է»: Զօրականի ձեռները թուլացան. թագաւորն իր գլուխն ազատեց. քսան տարեկան լալ 4) որդին իր հօրը պրծացրեց: Էսքան տարի ողորմելի թագաւորագնը իր կեանքն անց էր կացրել, ոչ ծնողաց էնքան սէրը, էնքան գուժն ու փափագը, որ նրա ձէնը մի լսեն, մի սիրտները հովանայ, ոչ էն փառքն ու մեծութիւնը, ոչ էն դանձն ու թուչնոց անուշ եղանակը՝ էնքան վախտ նրա սրտին էն ներգործութիւնը չէին տվել, որ մէկ ծպտայ էլայ, ու 5) իր հօր, իր ազիզ հօր մահը որ առաջին տեսաւ, սիրտն էլ ի՞նչ խուփը յետ գցեց, պապանձած լիզուն էլ իր կապը կտրեց, փակ բերանը իր կակիծը յայտնեց, կարօտ՝վերջին թե՛ն ընկաց հէրը 6) իր որդու ձէնը լսեց: Որդիական սէրն էր, որ բնութեան դրած գնջիլը 7) էսպէս ջարդեց ու փշրեց:

II

Ո՛չ 8) քսան-երեսուն տարուց աւելի է, իմ ազիզ

1) Գոնէ: 2) Այն է: 3) Զայնը: 4) Համր: 5) Բայց: 6) Հայրը՝ 7) Շղթան: 8) ոչ ապաբէն, չէ՞ որ:

հէր, իմ սիրելի ազգ, որ սիրտս կրակ է ընկել, էրվում, փոթոթվում է, գիշեր, ցերեկ լացն ու սուքը իմ աչքիցս, անն ու սխը իմ բերնիցս չի պակսում, այ իմ արիւնակից բարեկամք, որ մէկ միտքս ու մուրագս 1) ձեզ պատմէի ու յետոյ հողը մտնէի: Ամէն օր գերեզմանս առաջիս տեսնում էի, ամէն սնաթ մահուան հրեղէն սուրը գլխիս պտտում էր, ամէն ըոպէի ձեր սիրտն ու դարդը 2) հողիս էրում, մաշում էր. լսում էի ձեր քաղցը ձէնը, տեսնում էի ձեր սիրուն երեսը, իմանում էի ձեր ազնիւ միտքն ու կամքը, վայելում էի ձեր ազիզ սէրն ու բարեկամութիւնը, մտածում էի ձեր կորցրած փառքն ու մեծութիւնը, մեր առաջի՝ էն հիանալի թագաւորաց, իշխանաց գործքն ու կեանքը, մեր Հայրենաց, մեր սուրբ աշխարհի առաջուան սքանչելիքն ու հրաշքը, մեր ընտիր ազգի աննման բնութիւնն ու արած քաջութիւնները: Մասիս առաջիս էր կանգնած միշտ, որ մատով ցոյց էր տալիս, թէ ինչ աշխարհի ծնունդ եմ, զրախտը մտքումս էր կենդանի, որ ինձ, երագում թէ լուրջ, միշտ մեր երկրի անունն ու պատուականութիւնը իմ առաջս էր բերում. Հայկ, Վարդան, Տրդատ, Լուսաւորիչ... քնած տեղս էլ ինձ ասում էին, որ ես իրանց որդին եմ. Եւրոպայ թէ Ասիայ ինձ անդադար ձէն էին տալիս, թէ Հայկայ զաւակն եմ ես, Նոյեան թոռը, էջմիածնայ 3) որդին, դրախտի բնակիչը. դաշտում թէ ժամում 4), չորում 5) թէ տանը՝ էն քարերն էլ ուզում էին, որ սիրտս պոկեն, հանեն-տանեն՝ որտեղ որ իմ ազգի սոր կոխել է ու էսօր էլ կոխում է. շատ անգամ մէկ Հայ տեսնելիս, ուղում էի էլած շունչս էլ հանեմ նրան տամ: Բայց ան, լեզուս փակ էր, աչքս բաց, բերանս բռնած,

1) Փափագս: 2) Հոգսը: 3) Հայկայ, Նոյեան, էջմիածնայ— փոխանակ Հայկի, Նոյի, էջմիածնի: 4) Եկեղեցում: 5) Դուրսը, վայրի տեղերում:

սիրտս խոր, ձեռս պակաս. գանձ չունէի, որ գործով ցոյց տայի ուղածս, անունս մեծ չէր, որ ասածս տեղ հասնէր. մեր գրքերն էլ զրարար, մեր նոր լեզուն էլ անպատիւ որ սրտիս հասրաթը¹⁾ խօսքով յայտնէի. հրամայել չէի կարող, խնդրէի, աղաչէի, լեզուս մարդ չէր իմանալ չունքի²⁾ ես էլ էի ուզում, որ ինձ վրայ չծիծաղեն, չասեն՝ կոպիտ է, յիմար է, քերականութիւն, ճարտասանութիւն, տրամաբանութիւն չգիտէ. ես էլ էի ուզում որ ասեն. «Օհ, էնպէս խորը, խրթին շարագրել գիտէ, որ սատանէն էլ միջիցը մէկ բառ չի կարող հասկանալ»: Ով մէկ լեզու գիտէ, ես մի քանիսը գիտեմ. ինչ գիրք ասես որ չեմ սկսել թարգմանել ու կիսատ թողել. ոտանաւոր շարագրութիւն հօ էնքամ եմ գրաբար գլխիցս դուրս տուել որ մէկ գիրք էլ էն կրգանայ: Այս միջոցին Աստուած ինձ մէկքանի երեխայք էլ հասցրեց, որ պէտք է կարգացնէի: Սիրտս ուզում էր պատուի, որ էս երեխանց ձեռքը ինչ գիրք տալիս էի, չէին հասկանում: Ռուսի, Նեմեցի, Ֆրանցուզի լեզուով ինչ բան որ կարգում էին, նրանց անմեղ հոգուն էլ էին այդպիսի բաները դուր դալիս: Ուզում էի շատ անգամ մաղերս պոկեմ, որ էս օտար լեզուքը աւելի էին սիրում, քան մերը: Բայց պատճառը շատ բնական էր. էն լեզուներում նրանք կարգում էին երևելի մարդկանց գործքերը, նրանց արածներն ու ասածները, — կարգում էին էն բաները, որ մարդի սիրտ կարող է գրաւել, չունքի սրտի բաներ էին: Ով չի ուզիլ լսել թէ սէրը, բարեկամութիւնը, հայրենասիրութիւնը, ծնողը, զաւակը, մահը, կռիւը ինչ բան են. բայց մեր լեզուում թէ այսպիսի բաներ լինին, թող աչքս հանեն: էլ ինչո՞վ երեխային քո լեզուն սիրել տաս...

1) Կարօտը: 2) Որովհետև:

Թող լսողը չհաւատայ, ամա էս ցաւն էնպէս էր սիրտս առել, որ շատ անգամ զժուածի պէս ընկնում էի ար ու ձոր, մահն էի գալիս, մտածում, էլի սիրտս լիքը տուն գալիս... Բանը հէնց էս էր, որ ասում էի մտքումս՝ թէ նստեմ, ինչքան խելքս կրբերի, մեր ազգին գովեմ, մեր երևելի մարդկանց արած քաջութիւնները պատմեմ. էլի մտածում էի, թէ ո՞ւմ համար գրեմ, երբ ազգը լեզուս չի հասկանում... Ախր որ ազգը էն լեզուովը չի խօսում, էն լեզուն չի հասկանում, սաքի¹⁾ հէնց բերնիցդ էլ ոսկի վէր ածա. ո՞ւմ պէտք է տես: Ամեն մարդ իր սրտի խարջ բան կուզի: Ում հետ էլ խօսում էի, էն էին թանխայ²⁾ տալիս, թէ մեր ազգը ուսումնասէր չէ, կարգալը նրա համար գին չունի, բայց տեսնում էի, որ էս մեր կարգալ չսիրող ազգը Բօբենսօնի պատմութիւնը, Պղնձէ քաղաքի միմար գիրքը ձեռնէ-ձեռ ման էր ածում: Այսպէս մտքիս հետ ընկած, շատ անգամ որ դօնաղ էի գնում կամ քաղաքովը անց էի կենում, ուշ ու միտքս հաւաքում էի, թէ տեսնեմ՝ խալիբ խօսելիս, քէփ անելիս, ինչ բանից է աւելի հազ³⁾ անում: Շատ անգամ տեսնում էի, որ մէյդանում⁴⁾, փողոցում, մէկ քոռ աշղի⁵⁾ այնպէս էին հայիլ-մայիլ⁶⁾ մնացել ու ահանջ դնում, փող բախշում, որ բերանների ջուրը գնում էր: Մէջլիս⁷⁾ ու հարսանիք հօ առանց սազանդարի⁸⁾ երբ հաց կուլ կ'երթար: Միտք արի, միտք արի, մէկ օր էլ ասեցի ինձ ու ինձ. արի քո քերականութիւն, ճարտասանութիւն, տրամաբանութիւն ծալիբ, զրաղ դիր⁹⁾ ու մէկ աշղդ էլ դու դառ, ինչ կրինի, կրլինի. խանչալիդ քարը հօ վէր չի ընկնիլ...

1) Դիցուք: 2) Թանխայ—հիւնք: 3) Համակրութիւն: 4) Հրապարակ: 5) Ժողովրդական երգիչ, գուսան: 6) Հայիլ-մայիլ—զմայրուած: 7) Խնձոյք: 8) Նուագող: 9) Մի կողմ դիր:

III

Մէկ բարիկենդանի, աշակերաններս որ բաց թողի, սկսեցի, ինչ որ երեխայութիւնիցս լսած կամ տեսած բան գիտէի, տակ ու գլուխ անել: Վերջը իմ ջիւան ¹⁾ Աղասին միտս ընկաւ. նրա հետ հարիւր քաջ հայի տղերք էլ իրանց գլուխը բարձրացրին ու ամենքն էլ ուզում էին, որ իրանց ոտը գնամ: Միւսները մեծամեծ մարդիկ էին. շատերը գեռ կենդանի. Աղասին աղքատ ու մեռած, նրա սուրբ գերեզմանին զուրբան ²⁾: Ասեցի՝ կեղծաւորութիւն չանեմ, նրան ընտրեցի: Միրտս եկել էր, բերնիս հասել Տեսնում էի, որ էլ հայի գիրք ձեռն առնող, հայի լեզուն խօսող քիչ է գտնւում: Մէկ ազգի պահողն էլ լեզուն է ու հաստը. թէ սրանց էլ կորցնենք, վայն եկել է մեր օրին: Հայոց լեզուն առաջիս փախչում էր կրեստի նման. երեսուն տարուայ փակ բերանս Աղասին բաց արեց... էլ հաց, կերակուր միտքս չեկան: Չանձը առաջովս անց կենալիս, ուզում էի սպանեմ, էնպէս էի վառվել: Հայաստանը հրեշտակի պէս առաջիս կանգնել, ինձ թե էր տալիս: Ծնող, տուն, երեխայութիւն, ասած-լսած բաներ էնպէս էին կենդանացել, որ էլ աշխարհ միտքս չէր գալիս: Ինչ կորած-մոլորած մտքեր ունէի, բոլորը բացվել, եղ էին եկել: Նոր էի իմանում, որ գրաբար և ուրիշ լեզուները միտքս փակել, բխովել ³⁾ էին: Ինչ որ ասում էի կամ գրում էի մինչև էդ ժամանակը, գողացած կամ հնարած բաներ էին. էնդուր համար՝ հէնց մէկ երես գրում էի թէ չէ, կամ քունս էր տանում, կամ ձեռներս էին բեզարում: Գիշերուան մինչև սահաթի հինգը ոչ հացի մտիկ արի, ոչ չայի. չիբուխն էր իմ կերակուրը, գրիւն—իմ հացը: Տանը ցոնց խնդրելուն, նեղանալուն, խռովելուն չէի մտիկ

1) Մատղաշ: 2) Մատաղ: 3) Եղթայել, կապել:

անում: Երեսուն թաբախէն ¹⁾ էն է լցվելով էր, որ բնութիւնը իր պարտքը պահանջեց, աչքերս գնաց: Սաղ գիշերը ինձ էնպէս էր երևում, թէ նստած գրում եմ: Երանի կլլին էր ինձ, թէ էն մտքերը ցերեկն էին միտս ընկել:

Թող ինձ այսուհետև ազէտ կանչեն. լեզուս բաց է եղել, իմ ընտիր, իմ սրտիս սիրեկան ազգ. թող տրամաբանութիւնը գիտեցողը իր համբեարի ²⁾ համար գրի. ես, քո կորած շվարած որդին՝ քեզ համար... Քանի բերնումս լեզու կայ, փորումս սիրտ, ես լեղապատառ ձայն կըտամ. «էդ ձեռ վրայ էք թուր հանել, Հայոց մեծ ազգին չէք ձանաչում»: Թաք լինի ³⁾ դու, իմ պատուական ազգ, քո որդու խակ լեզուն սիրես, ընդունես, ինչպէս հայրը իւր մանուկի կրմկըմալը, որ աշխարհի հետ չի փոխիլ: Երբ-որ կըմեծանամ, խրթին լեզուով էլ կըխօսանք: Աղասին քո որդին է. սրանից աւելի մեծ, աւելի անուանիքը շատ ունիս. ինձ մի սիրտ տուր, արևիդ մատաղ գնամ, տես՝ թէ ի՞նչ ձևով եմ գնում, նրանց բերում, առաջիդ կանգնացնում, որ դու էլ զարմանաս, թէ էնպէս որդիք ունեցողը էլ ի՞նչ դարդ կանի, երեսս ոտիդ տակը: Տուր էդ սուրբ ձեռք էլ մի համբուրեմ, որ ինձ ներես, ու գնանք մեր սիրուն Աղասու մօտ:

66. ՄԱՅՐԵՆԻ ԼԵԶՈՒ

է՛ս սիրտը, էս հաւատը, էս հողին, էս սէրն ունէր Հայ ազգը, որ թշնամու, գազանի ձեռի՝ երկիր, աշխարհ, ազատութիւն, թագաւորութիւն, իշխանութիւն, մեծութիւն, բոլորը, բոլորը կորցրեց, իր հաւատին մատաղ տուեց սղքատութիւն, նոքարութիւն ⁴⁾, գերութիւն, դարիբու-

1) Թերթ: 2) Համայնք: 3) Միայն թէ: 4) Նոքար—ծառայ:

թիւն ¹⁾, տանջանք, չարչարանք, սով, մահ յանձն առաւ որ իր սուրբ եկեղեցին, իր լիս ²⁾, լուսաւորչադաւան օրէնքը ամուր, հաստատ ու անխախտ պահի: Է՛ս է հսկայութիւն, սրտապնդութիւն, մեծահոգութիւն, քաջութիւն, կամաց հաստատութիւն, հոգու կարողութիւն ու գորութիւն, որ աշխարհքիս վրայ ջրհեղեղիցը դէսը մէկ ազգ էլայ ³⁾ մինչև էս օր չի կարացել ու չի էլ կարող ցոյց տալ: Սար լինէր՝ փուլ կըզար, երկաթ լինէր՝ կըհալէր, կըմաշուէր՝ ծով լինէր՝ կըպակսէր, կըցամաքէր. բայց աստուածասէր Հայ ազգը մինչև էսօր գերօրինակ հսկայութեամբ տարաբոլորը ու իր անունը պահեց:

Էսքան բաները լսեցիր, սիրելի կարգացող, բաս ի՞նչ պէս չի սիրտդ վառուիլ որ դու էն ազգի որդին ես, որ էսքան տանջանք քեզ համար քաշեց, ինքը նահատակուեց՝ քո կաթո՞ղ ու արիւնդ ուրիշ ազգի հետ չխառնեց: Էնպէս կարծում ես, քի՞չ բան է, հաղար տարով էս օրը քաշիլ էլի ազգ պահիլ, որդի մեծացնիլ, անուն, լեզու, հաւատ ունենալ: Ա՛խ, էս միտք անողը, էլ ի՞նչ սիրտ պէտք է ունենայ, որ իր լեզուն, իր ազգը չսիրի: Ասենք բլբլիլ լեզուն քաղցր է. վէրու հաւին ⁴⁾, սիրամարգին՝ Աստուած գեղեցիկ գոյն, սիրուն թևեր ու բմբուլ է տուել. ասենք վարդը շատ գովելի է, բաս ընչի՞ չի մանիշակը իր ռանգը իր հոտը նրան տալիս: Մի՞թէ վարդին տեսնողը, մանիշակը կին չի սիրիլ: Սարի անհոտ ծաղիկն էլ իրան տեղը, իրան փառքը վարդի հետ չի փոխիլ: Մի՞թէ բլբլիլ լսող՝ գեղձանիկին ⁵⁾ էլ չպէտք է պահի: Ամեն բան իր գինն ունի. շաքարեղէնը քաղցր է, ամա հացի տեղը երբ կըբռնիլ՝ շամպանակի գինին անուշ է, ամա ի՞նչ անես, որ մեղ

1) Դարիբութիւն — օտարութիւն: 2) Լիս — լոյս: 3) Էլայ — գոնէ: 4) Վէրու հաւ — վայրի հաւ, կաքաւ: 5) Դեղձանիկ — կանարեյկաւ:

երկրումը չի գուրս գալիս, մեզ թանգ է նստում: Ասենք ջաւահիրը, արմազը շատ ջուհար ունի, շատ մեծ գին, ի՞նչ անես, որ նրանով տուն շինել չի կարելի, ամեն մարդի ձեռք չի ընկնում: Ասենք հարևանդ հարուստ է, օրը տասը տեսակ կերակուր է ուտում, ձեռք որ չի հասնի, պէտք է քո հացն էլ դէն գցես:

Ա՛խ, լեզուն, լեզուն... լեզուն որ չլինի, մարդ ինչի՞ նման կըլինի: Մէկ ազգի պահողը, իրար հետ միացնողը լեզուն է ու հաւատը: Լեզուդ փոխեցիր, հաւատդ ուրացար. էլ ընչո՞վ կարես ասիլ, թէ ո՞ր ազգիցն ես: Ի՞նչ քաղցր, պատուական կերակուր էլ տաս երեխին, էլի իր մօր կաթը նրա համար շաքարից էլ է անուշ, մեղրից էլ: Մեր կաթն էլ որ ծախենք, առնող չի լինիլ: Մեր աչքը որ հանենք, ուրիշին տանք, ուրիշը կարելի է դնել տեղը: Մեր օրօրոցի վրայ մեր լեզուով մեզ նանիկ ասեցին. էն էլա մեր միտքը չի՞ պէտք է ընկնի: Ասենք նոր ապրանք շատ ես առել, հինը պէտք է դէ՞ն ածած: Էն վայրենի ազգերն էլ իրանց սողո՞ւ ¹⁾ լեզուն աշխարհի հետ չեն փոխիլ: Էնպէս մարդ կայ, տասը-տասնըհինգ լեզու գիտի, ամա նա իր լեզուն միշտ ամենիցը լաւ աշի ²⁾, իր ազգի հետ խօսալիս, ամօթ է համարում կամ ուրիշ լեզուով իր միտքն ասի, կամ ուրիշ բառ հետը խառնի:

Չեզ եմ ասում, ձեզ, Հայոց նորահարս երիտասարդք, ձեր անումին մննիմ, ձեր արեւին դուրքան ³⁾. տասը լեզու սովորեցէք, ձեր լեզուն, ձեր հաստը դայիմ ⁴⁾ ըռնեցէք: Մէկ դարդակ լեզուն ի՞նչ է, որ մարդ չկարենայ սովորել: Բաս չէ՞ք ուզել, որ դուք էլ գրքեր գրէք, ազգի միջումն անուն թողաք, ձեր գրքերն էլ օտար ազգեր թարգմանեն,

1) Սողո — կողիտ: 2) Լաւ աշի — լաւ է համարում: 3) Դուրբան — մատաղ: 4) Դայիմ — պինդ:

ձեր անունը յաւիտեանս յաւիտենից մնայ անմահ: Ինչ կուզէ ֆրանցուզերէն, նեմեցերէն զիտենանք, մենք չենք կարող էնպէս բան գրել, որ նրանց միջումն անում ունենայ, չունքի¹⁾ նրանց միտքն, նրանց սիրան ուրիշ է, մերն ուրիշ. մէկ էլ որ նրանց միջումն էնքան գրող կան, որ ոչ թիւ կայ, ոչ հէսաբ²⁾: Բաս ձեր սիրտը չի՞ ուզիլ, որ գուք էլ ստանաւոր գրէք, ձեր միտքը, ձեր խորհուրդը յայտնէք, որ այլազգը³⁾ իմանան, թէ մեր միջումն էլ է էլել երեւելի գրող ու մեր լեզուն էլ աւելի սիրեն:

67 * * *

Վայ էն ազգին՝ որ աշխարհումս անտէր է,
 Վայ էն երկրին՝ որ թշնամու գերի է,
 Վայ էն խալխին՝ որ ինքն իր կեանքն, աշխարհքը
 Զի պահպանիլ ու հարամու⁴⁾ ձեռ կըտայ:

Ո՛վ որ սարեր կ'երթայ, իրան հորսն անի,
 Ո՛վ որ կ'ուզի, տեղը նստած մուլք գատի,
 Անտէր ազգին նրա գիւլէն կըդիպչի,
 Անտէր գլուխն նրա քիսէն կըլցնի:

Հաւատ, օրէնք, տուն, ընտանիք, սրբութիւն,
 Հողի, քարի հետ կըքովին կըփշանան,
 Թէ մէկ ազգ իր ջիւաւն⁵⁾, եախէն⁶⁾ թշնամուն
 Իրան իրան կըտայ, կըմնայ անվաթան⁷⁾:

1) Չունքի—որովհետև: 2) Հէսաբ—հաշիւ: 3) Այլազգ—օտարազգերը (այս և սրա նման գրաբար ոճեր հեղինակը շատ է գործածում): 4) Հարամի—աւագակ, գազան: 5) Ջիւաւ—սանձ: 6) Եախայ—օձիք: 7) Անվաթան—անհայրենիք:

Կատաղած ծովն ի՞նչ կըհարցնի լաց, շիվան¹⁾.
 Նրա ֆըրթնէն²⁾ ոչ սիրտ ունի, ոչ հոգի:
 Թէ ճար ունիս, մի՞ տար նաւիդ գլուխն իրան.
 Աչքդ թեքեցիր, ծովի տակին կըբացվի:

Դառած³⁾ արջը փնչացնելով դուրս պըրծաւ,
 Սարեր, ձորեր սասանում են ձէնիցը,
 Անմեղ գարը, ուր ես կանգնել դու անցաւ,
 Քեզ կըքըքրի, փախիր նրա ձեռիցը:

Դաշտ ու գետին զըմբղըմբում են, զըղըղում.
 Ամալի գոռոցն աշխարհքն իրար գլխով տալիս.
 Անցւորական, ի՞նչ ես ճամփիդ միսկտում,
 Գնա՛ էլա մէկ քարի տակ, որ պըրծնիս:

Ա՛խ, անգղակ, բարի հրեշտակ, մէր մտի,
 Ի՛նչ ես կանգնել, սիրուն աչքերդ բաց արել.
 Հայի համար որ դուս էլ չգաս դու՛ իսկի
 Դարդ չի՛ անիլ, վաղուց է նրա աստղը թեքուել:

Թախթ, ապարանք, գէնք, զարգարանք փըչացան.
 Թագաւորներ, իշխանք, քաղաքք հող մտան:
 Էլ ո՞վ նրանց էթիմներին⁴⁾ խեղճ կըգայ.
 Մէկ թշնամու սրտումն մըգեամ⁵⁾ Աստուած կայ:

Խ. ԱՌՈՎԵԱՆՅ

1) Շիվան—սուգ: 2) Ֆրթնայ—ալիք, փոթորիկ: 3) Դառած—կատաղած: 4) Եթիմ—որդ: 5) Մըգեամ—արդեօք. միթէ:

I

Յուրա էր, ձմեռ, բուք-բորան. գիշերն էլ այնքան խաւար էր, այնպէս սարսափելի, որ լեռնային Օ... գիւղում մարդիկ այն ժամին էլ չէին յիշում, թէ իրենք երբ և իցէ օր ու արև, լոյս ու ջերմութիւն, պարզ երկինք տեսել են, թէ ոչ: Քամի էլ կար, բայց ինչ քամի, ասես թէ մահու աշխարհից էր փչում, որ իր վըզվըզոցի մէջ ինչ որ սարսուռ ազդող, չարագուշակ բան ունէր. ձիւնի հետ խաղում էր, և այդ խաղը դիւական էր. լիզում էր առարկաները, և իր շունչը մահացու էր: Խօս մենակ մարդիկ չէին, որ մրսում էին, այլ ամբողջ Օ... գիւղը ասես իր բոլոր խրճիթներով, իր խօտի դէզերով, իր աթառի կոյտերով դողում, սրբթարթում էր այդ թանձր խաւարի մէջ այդ դժոխային քամու առաջ. և դժուար էր գիտենալ թէ այդ դողը միայն ցրտի, թէ նաև երկիւղի դող էր: Ախր գիւղը վախենում է բնութիւնից, և ինչպէս է վախենում, նա սարսափում է. ամպրոպն ու կայծակը, քամին ու փոթորիկը նրա համար խօս բնութեան անմիտ, անխորհուրդ խաղեր չեն, հապա նրանք գալիս են որոշ գարհուրելի նպատակներով. այդ գիտէ գիւղացին, ինչպէս չգողայ: Դեռ լաւ որ կայծակի դէմ խաչի նշանը կայ. խալ բուք-բորանի դէմ, տաք գոմը կայ, սաքուն կայ:

Վճւ, վճւ, վճւ, — ունում էր քամին և ամեն անգամ այդ զարհուրելի կաղկանձոցի հետ Մէլիք-Շահէնի սաքունի երկու կողմի բազմականները դադարում էին խօսելուց, ցած էին առնում բերաններից չիբուխները, իրար երես էին նայում և նոյն իսկ մի ներքին պահանջ զգում իրար աւելի մօտ գալու, աւելի կուշ գալու:

— Ա՛հ, դժոխք է դուրսը, ասաց նստողներից մէկը խօսած լինելու համար. դուշմանս հիմա սարում չլինի:

— Սարսում, պատասխանեց մի ուրիշը հեգնութեամբ. սաքի թէ դու ջան կ'անես հիմա մինչև մեր այգիները գնալ, որ սարերից ես խօսում. չէ՞ս լսում ձայները... երկինք-գետինք իրար են դիպել էէ...

Կրկին լուռութիւն տիրեց, խօսել չէր լինում, մտածելու շատ բան կար:

Գոմի դուռը հանդարտ ճռռաց. ամենքը դէպի այն կողմը նայեցին. կիսախաւարի մէջ գծագրուեց մի մարդու հասակ, որ ետփունջու մէջ կոլոլուած ներկայացնում էր մի ձիւնակոյտ. պարզ էր, որ մարդը երկար ժամանակ էր տակ էր մնացել:

— Բարի երեկոյ, ասաց նորեկը, թափ տալով ետփունջու վրայից ձեան հաստ շերտը:

— Աստծոյ բարին. վայ խեղճ Խայ, արի, արի, առաջ անցիր, տնաչէն, փէտացար— ձայն տուին այս ու այն կողմից նստողները սրտացաւ եղանակով— Խային տեղ տուէք, թող նստի:

— Հա, վայլահ փէտացայ, ասաց նորեկն առաջանալով, էլ դուրսը մնալու ճար չկայ, ասես թէ երկինքը փուլ է գալիս, գիւղի մէջ էլ մարդ խեղդում է. ձիւն ու քամի. յ, ինչ բուք. ասացի՛ մտնեմ սաքուն տաքանամ, դուրս ելնեմ:

Մարդը նստեց:

Գիւղի պահապանն էր նա, վարձուած գիշերապահը: «Խայ»-եր շատ կային Ք... գիւղում, գնացին. այս մէկը մնաց ուշացած կռունկի պէս. մուրալ չուզեց, պահապան եղաւ. տեղացիք անունը լաւ չգիտէին, Նախօ կանչելու տեղ ոմանք Մխօ կանչեցին, ոմանք էլ Մկօ ասեցին, բայց վերջ-ի վերջոյ՝ խօսքերը կարծես մէկ արած՝ սկսեցին պար-

գապէս «Սայ» կանչել: Այսպէս լաւ էր, հեշտ էր, համ էլ իրաւ որ նա «խայ» էր, որովհետեւ Հայաստանցի էր, Ողմ գիւղացի: Ահա այս «Սայ»-ն էր, որ մի անկիւնում պատկ տակ տեղ գրաւեց, կծկուեց, տազ արեց. սաքուն տաք էր:

Բուքը շարունակուում էր, կատաղի քամին վիրաւոր գազանի պէս մոնչում, ոռնում էր:

— Էսպիտի գիշերուայ է ոսստ եկել խեղճ ողորմելին հն—ասաց ոէս Գէվօն—էլ ինչ հողը տար գլխին:

Սօսքը մի գիւղացու մասին էր, որ մի քանի օր առաջ լեռներում բքի բռնուելով՝ խեղդուել էր:

— Քանի ասինք մի գնար, էս ձիւն ու ձմրանը չօլերը մի ընկնիր, կնիկ, երեխայի տէր ես,—վրայ բերեց միւսը:

— Է՛, ինչ էս անգէտ անգէտ խօսում, մարդի ճա կատին էն էր գրուած, ասաց Մէլիքը. նա պիտի գնար: նա պիտի խեղդուէր. ճակատագրից սվ կարող է փախչել:

— Իրաւ է, իրաւ, Մէլիք, ասացին մի քանի հոգի ճակատի գրածը չի ջնջուի:

Ճակատագիր, ամենագոր ճակատագիր... Գիշերուայ այս գարնուրելի ժամին, կիսախաւար, գետնափոր սաքուում, քամու այս անձոռնի գոռոցի տակ դժուար էր խօսակցութեան աւելի յարմար նիւթ գտնել: Իւրաքանչիւրն իր դիտողութիւններն արեց այդ մասին. ամենքն էլ հասան այն եզրակացութեան, որ մարդը խաղալիք է ճակատագրի քմահաճոյքին, որ նրա առաջ անգոր են մարդկային բոլոր հնարքները, նրա բոլոր խելքը, եռանդը, աշխատանքը:

— Ես ճակատագրին չեմ հաւատում, ասաց մի ձայն սաքուի մի անկիւնից:

Ամենքի հայեացքները դարձան դէպի այն կողմը... Զարմանքն ընդհանուր էր:

— Ո՞վ է այդ «աժդահան», ասաց Մէլիքը հեզնուութեամբ:

— Ծառանդ եմ, ես եմ, Մէլիք. ես ճակատագրին չեմ հաւատում, կրկնեց նոյն ձայնը յամառութեամբ:

Մարդիկ չգիտէին ծիծաղէն, թէ զայրանան. ճակատագրի ամենակարող ուժին չհաւատացողը ողորմելի «Սայն» էր:

— «Էծերի քոստը կըկատաղի», սուտ չէ ասած, միմուաց Մէլիքը կէս հեզնութեամբ, կէս բարկացած:

Իսկապէս ամենքն էլ զայրացած էին: Եւ ինչպէս չզայրանային. Մէլիքը, հարուստ, զօրեղ Մէլիքը՝ հաւատում էր ճակատագրին, վախենում էր նրանից. ոէս Գէվօն, որի ճիպտաի առաջ բոլորը դողում էին ինչպէս ուռի տերևներ, սարսափում էր ճակատագրից. տէրտէրը խօ՛ ինչ քարոզէր, վերջը ճակատագիրն էր. ամենքն էլ ընկճուած էին այդ աներևոյթ զօրութեան առաջ, ամենքն էլ սոսկում էին նրանից. մենակ այս ողորմելի Սայը ճակատագրին չէր հաւատում, չէր վախենում նրանից:

— Այո՛, ես չեմ հաւատում այդ ձեր ճակատագրին, կրկնեց Սայը.—այս անգամ աւելի յանդուգն ձայնով, երբ տեսաւ իր վրայ ուղղուած արհամարհական հայացքները: Եւ ես ձեզ հէնց այս բոպէիս կարող էի ցոյց տալ, որ իրաւունք ունիմ, բայց ափսոս, որ պիտի դուրս գամ գիւղը շրջելու: Եւ նա վեր կացաւ, պատրաստուելով դուրս գալ:

— Մնա՛, մնա՛, Սայ, գոռացին մի քանի ձայներ հետաքրքրուած. ոէս, ասա՛ թո՛ղ մնայ. հիմա գիւղը չթալանեցին:

Ռէսի ցանկութեամբ Սայը կրկին նստեց իր տեղը: Ամենքի հայեացքները դէպի նա դարձան, ամենքը սպասում էին, թէ ինչ պիտի պատմի այս մարդը, որ այդպէս յանդուգն յամառութեամբ արհամարհում է ճակատագիրը:

II

— Էն տարին — այսպէս սկսեց Սայը — տասը հոգի էինք,

տասը գժեր, տասը բոց ու կրակ ունէինք կրծքերիս տակ, միատեսակ կրակ, միևնոյն կայծից բուրնկուած, որ վառում, փոթոթում էր մեզ: Միատեսակ անվախ սիրտ ունէինք, բայց ի՞նչ սիրտ... ծնվ էր, վշտերով ալէկոծ ու ամօթից կապտած, խարոյկ էր՝ վրէժով վառուած... Ամիսներ էր ինչ թափառում էինք չօլից՝ չօլ, սարից՝ սար, ձորից՝ ձոր. օձերի հետ էինք շուր խմում, քարէ անկողնի մէջ ընդհանրով հանգիստ առնում: Դէ, ի՞նչ անէինք. շատ երկար կու տուինք մեր անարգանքը. համբերութիւններս ահագին էր, բայց մեր դուշմանի անաստուածութիւնը, նրա անսիրտ անամօթութիւնը անսահման էր. էլ ապրել չէր լինում. հաց չկար, եղածն էլ կու չէր գնում, թոյն ու լեղի էր դարձել: Մենք էլ ամեն բան թողինք, տուն ու ընտանիք, մալ ու միւլք և մեր պատուի թուք ու մուրը սրբելու համար մի մի հրացան առանք, սարերն ընկանք: Այսպէս լաւ էր... ազատ էինք...

Քիւրդերն ու թիւրքերը մեզ ասում էին «Ֆէդայի», իսկ հայերն ասում էին «վրիժառու ոզի»: Մեր առջևից սարսափն էր գնում, մեր յետևում մահն էր փուռում: Սարերի միակ տէրը մնացինք մենք ու արծիւները. մի քիչ նման էլ էինք իրար. միատեսակ էինք յարձակում մեր որսերի վրայ: Շատ անգամ մեզ փնդրում էին, բայց մենք դարձել էինք աներևոյթ դևեր, ամեն տեղ էինք և ոչ մի տեղ. Ֆէդայիին գանելը հեշտ չէր, հանդիպելն էլ դարհուրելի: Այսպէս էինք մենք, և սպասում էինք մեր ճակատադրին. մենք հաւատում էինք նրան:

Մի օր Սիմ լեռան կատարին էինք, որ մեր պաշարը վերջացաւ: Ինձ վիճակուեց պաշարի գնալ: Ես գիւղերը ճանաչում էի. բայց շէն էին, թէ՛ աւերակ, բնակիչները կոյն, թէ՛ գաղթել էին,—այդ էս չգիտէի. ինչ և լինէր՝ պիտի գնայի, ինչպէս և լինէր, պիտի պաշար ճարէի: Ես

ցած իջայ մեր որջից օրը ցերեկով, առանց գէնքի, առանց նոյն իսկ ձեռնափայտի. մտածում էի, թէ թշնամու չեմ պատահի, եթէ պատահեմ էլ, անզէն լինելս գուցէ ինձ վրկի. իսկ եթէ չեմ փրկուի, երևի ճակատագիրս այդպէս է: Եւ այսպէս էս գնում էի... Բաւական ժամանակ շուրջս մեռելութիւն էր, ոչ ոք չկար. առջևս մի սար էր, պէտք էր բարձրանալ և ապա վայր իջնել յաջորդ ձորը: Բարձրացայ. հէնց կատարին առջևս ցցուեց մի քիւրդ, մի համիդիէ, ոտից գլուխ գինուած:

— Բարև քիրվա, ասացի ես անհոգ եղանակով:

— Բարև Ֆլա, պատասխանեց քիւրդը, բայց չանցաւ, կանգ առաւ՝ նայեց ինձ:

Ես կանգ չառայ, այլ առաջ անցայ, շարունակեցի ճանապարհս. բայց զգում էի, որ քիւրդը տակաւին կանգնած հետևում է ինձ հայացքով: Ես չէի շտապում կասկածի առիթ չտալու համար:

— Հէյ Ֆլա, կաց, լսեցի յանկարծ քիւրդի ձայնը, յետ նայեցի, կանգ առայ: Ճակատագիրս է, մտածեցի ես. և ճիշտ որ ճակատագիրը հէնց այս քիւրդի կերպարանքը կարող էր ունենալ. հրացանն ուսին, կեռ թուրը կողքին, սպիտակ փոսկրէ կոթով մի դաշոյն գօտիկը խրած, դէմքը զլուելի, աչքերը կատաղի, իսկ և իսկ քաղցած գայլի աչքեր: Նա մօտեցաւ ինձ:

— Էս օրերում, էս տեղերում ոչ մի Ֆլա սիրտ չէր անի երևալ, ասաց քիւրդը. դու բարի պտուղ չես երևում. ո՞վ ես, ո՞ւր ես գնում:

— Քիւրդ, ասացի, ժամանակները վատացել են, բայց մի մոռացիր, որ մենք հարևաններ ենք. քեզ իբր հարևանի ասում եմ, որ ես խուժեցի եմ, մեր կողմերում սով է, այդ խօս գիտես. Դերժան եմ գնում երեխաներիս համար մի քիչ հաց ճարեմ. թող ինձ հանդիստ անցնեմ, գնամ:

— Չէ, Ֆլա, խափել չես կարող ինձ, դու բարի պը-
տուղ չես:

— Քիւրդ, Աստուած ունիս, ինչպէս տեսնում ես՝
վրաս գէնք չունեմ, գրպանումս դանակ չկայ. թէ գազան
էլ դառնամ, երկու ձեռով ինչ կարող եմ անել. աղաչում
եմ քեզ, թող անցնեմ գնամ:

— Առանջ անցիր, քեզ գայմագամին պիտի տանեմ:

Գայմագամին... Այս արգէն սարսափելի էր, որովհե-
տև մեզ վաղուց փնտրում էին:

— Քիւրդ, գայմագամին մի տար ինձ. թէև դրանից իմ
անձին փնաս չկայ, բայց կ'ուշանամ, երեխաներս մեղք են,
սովից կըմեռնեն. Աստուծու սիրուն, քիւրդ, բրա *), թող
ինձ երթամ:

Քիւրդն անողոր մնաց: Ճակատագիրս է, մտածեցի՛
ես, և գլուխս քաշ արած, առաջ անցայ: Ի՞նչ կարող էի
անել, ուժը նրանն էր, հրացանը նրա ուսին էր, գաշոյնը՝
նրա գօտկուսն էր, թուրը՝ նրա կողքին. ի՞նչ անէի երկու
ձեռքով: Ճակատագիրս էր:

Գնացինք:

III

Շուրջս ամեն բան գեղեցիկ էր. արևը պայծառ, եր-
կինքը պարզ, լեռները կանաչ, ծաղիկներն անուշահոտ,
օդը թռչուններով լի, ամեն կողմ կեանք, խնդութիւն:
Վերև, շատ վերև՝ օդի մէջ ճախրում էր մի արագիլ՝
ազատ, համարձակ: Ես, չգիտեմ ինչո՞ւ, իմ վիճակի բոլոր՝
սարսափը մոռացած, նայում էի այդ թռչունին անթարթ,
երկամբ: Նախանձով էի արգետք, թէ ուրիշ մի բան կար՝

*) «Բրա» — եղբայր:

որ գրաւում էր ինձ, ես այդ չգիտէի, բայց նայում էի:
Երկար ճախրում էր արագիլ՝ մէկ էլ յանկարծ սկսեց
պտոյաներ անելով գէպի վար իջնել և շեշտակի թափով
ձգեց իրեն մեզանից շատ մօտիկ մի բլրի վրայ: Ես հետե-
ւում էի. այնտեղ մի մեծ օձ կար, ուրեմն նշմարել էր
արագիլը: Թռչնի թևերի շփշփոցից սողունը կծկուեց, գլու-
խը թագցրեց մարմնի օղակների տակ: Սկսուեց մի սարսա-
փելի կռիւ: Մենք երկսով էլ կանգ առանք:

— Տեսնում ես, ասաց քիւրդը, Ֆլան որ կայ՝ օձ է,
այսպէս պէտք է ջախջախել նրան:

Ես պատասխան չունէի. ես դիտում էի: Արագիլն
իջնում էր, կտցով հարւածում օձին և վրայից անցնում.
այդ ժամանակից օգտուելով՝ օձն աշխատում էր փախչել,
բայց հազիւ մի քանի օղակ արած, սարսափելի թշնամին
սաւառնում էր նրա գլխին, օձը կրկին կծկւում էր, կրկին
ծածկում իր գլուխը: Իրաւունք ունէր քիւրդը, իմ և օձի
վիճակի մէջ մեծ նմանութիւն կար: Օձի էլ ճակատագիրը
հասել է, էլ փրկութիւն չունի, մտածեցի ես: Այս միտքը
նոյնիսկ ինձ մի փոքր մխիթարում էր: Կամաց-կամաց արա-
գիլն աւելի յանդըգնեցաւ, հարուածներն աւելի յաճախ և
մահացու դարձան. վերջ-իվերջոյ օձին արգէն բաւական
թուլացած համարելով՝ նա ցած իջաւ. նրա կողքին և ար-
գէն շուրջը քայլելով՝ երկար կտցով վերջին հարուածներն
էր տալիս: Օձը շարունակում էր գլուխը թագցրած պահել,
շարունակում էր ըստ երևոյթին թոյլ-թոյլ պաշտպանուել:
Արագիլը խիստ մօտ էր նրան այժմ: Մէկ էլ յանկարծ մի
զարմանալի բան պատահեց: Այդ կիսամեռ սողունը վերջի
ձիգերը հաւաքեց, դուրս հանեց գլուխը, բացեց իր օղակ-
ները, պոչի վրայ ցցուեց, ձգուեց ինչպէս մի խարազան
և մահացու օղակներով արագիլի երկար վզին փաթա-
թուեց: Իզուր անցան արագիլի բոլոր ջանքերը դուրս կոր-

գելու իր վիզը այդ մահաբեր օղակներից. նա թևերը
թափիթափ էր տալիս, կտուցը գետնին քսում, յետ-յետ
էր քաշուում, առաջ անցնում, գետնին թառալուում, փոր-
ձում էր վեր բարձրանալ, թռչել փախչել, — ապարդիւն
ջանքեր... Օձի յուսահատ կատաղութիւնը զարհուրելի էր.
նրա օղակները սղմուում էին ու սղմուում, և վերջ-ի վերջոյ
թռչունը փռուեց բլրի կրճքին անկենդան... Օձը քաշուեց,
անյայտացաւ:

IV

Քիւրդը լուռ էր այժմ: Նա ինձ նայեց, մեր աչքերն
իրար հանգիպեցին և մի քանի վայրկեան մենք անկարող
եղանք հեռացնել իրարից մեր հայեացքները: Մեզանից
իւրաքանչիւրն աշխատում էր հասկանալ, թէ ի՞նչ է մտա-
ծում իր հակառակորդը այդ ըոպէին: Ոչ մի կասկած չկար,
որ երկսիս գանգերի մէջ եռացող մտքերն էլ միմեանց
վերաբերմամբ անաւոր էին: Այդ մենք հասկանում էինք,
կարգում էինք իրար աչքերում փոխադարձաբար. չէ՞ որ
աչքերը մտքի ակամայ դաւաճաններն են: Ես հասկացայ,
որ այդ գազանը օձի անակնկալ յաղթանակով կատաղած,
որոշել է ինձ սպանել: Այդ ես շատ լաւ կարգացի նրա
աչքերում, որոնց արտայայտութիւնը այժմ աւելի չարա-
գուշակ էր. օ, ես ճանաչում էի քիւրդի աչքերը: Բայց
ես էլ էի մտածում: Օձի և արագիլի կռիւը իմ մէջ էլ մի
փոփոխութիւն առաջ բերեց: Ես դեռ երբէք չէի լսել, թէ
օձը արագիլին կարող է խեղդել. յայտնի է, որ արագիլն
է օձի մահաբեր թշնամին, նրա մարմնացած ճակատագիրը.
այդ ի՞նչպէս պատահեց, որ այսօր այդ ճակատագիրը սխալ
դուրս եկաւ: Աստուած, որ չի թոյլ տալիս օձի նման
զգուելի սողունն անդամ անարդար գոհ դառնայ արագիլին,

նոյն Աստուածը մի՞թէ պիտի թոյլ տայ, որ այս քիւրդը,
օձից տասն անգամ զգուելի այս արարածը, իմ ճակատա-
գիրը տնօրինէ: Չէ, ճակատագիրը սխալ է, մտածեցի ես...
պիտի ճար տեսնել:

Եւ ես սկսեցի մտածել երկար, երկար... Հնարք էի
փնտրում. բայց ի՞նչ հնարք. մի դանակ էլ չունէի: Այդ
ըոպէին աչքս ընկաւ քիւրդի այն սիրուն դաշոյնին, որ
լըրել էր իր գօտին... — Ախ, գոնէ այն իմ ձեռքում լինէր,
միայն այն:

— Գնա, որոտաց քիւրդը. ի՞նչ ես կանգնել:

Ես շարժուեցի, մենք մտանք մի ձոր, խուլ, ամայի ձոր:
Քիւրդն սկսեց իր շուրջը նայել. նրա շարժումները ան-
հանգիստ էին. երևի շարագործն էլ իր անմեղ գոհի առաջ
վճռական ըոպէին գէթ մի փոքր դողալ գիտէ: Նա յաճա-
խակի ցած էր առնում հրացանն ուսից, կրկին ուսն էր
ձգում: Ես զգացի, որ մօտ է վախճանս, բայց այլևս չէի
ուզում մեռնել. երբ օձն ապրելու իրաւունք ունի, մարդը,
այն էլ հայ-քրիստոնեան, չի կարող այդ իրաւունքից զրկուած
լինել: Ես կամաց-կամաց քայլերս նուազեցրի: Ես անելիք
ունէի. ինձ համար անհրաժեշտ էր, որ քիւրդի առջևը չլի-
նեմ. դա վտանգաւոր էր:

— Ծնւա, շնւա գնա, շտապեցնում էր քիւրդը: Նա
աշխատում էր անդադար, որ ես իր առջևը լինեմ. այդ
ես գիտէի. իսկ ես աշխատում էի նրա հետ հաւասար գծով
լինթանալ:

Կարծես թէ մենք հասկանում էինք իրար. մենք լուռ
կուում էինք, կեանքի ու մահու կռիւ, որ անաւոր էր
մանաւանդ իր դաւաճան խորհրդաւորութեամբ...

Ես կանգ առայ յանկարծ. պէտք էր տրեխիս թելը
պնդացնել: Քիւրդը հասաւ ինձ, նոյնպէս կանգ առաւ:
Ես առանց գլուխս բարձրացնելու վարից դիտեցի նրա

դիրքը. նա իմ աջ կողմն էր ցցուած. դաշոյնի սպիտակ կոթը երևում էր գօտկի միջից:

— Շնուտ արա, պրծի, Ֆլա, կոչեց նա զայրացած, տեսնելով իմ դանդաղութիւնը:

Ես յանկարծ գլուխս բարձրացրի, քրդի գօտկից վայրկենապէս դուրս քաշեցի դաշոյնը, և մինչև որ նա ապշած ու սարսափած պաշտպանուելու որ և է փորձ կ'անէր, փայլուն դաշոյնը մինչև կոթը անագին թափով նրա կուրծքը մխեցի: Վայրենին ոռնաց և գետին գլորուեց... Ես փրկուած էի: Ահա այն փրկարար դաշոյնը...

Խայր դուրս քաշեց իր գօտուց մի փոքուկէ կոթով դաշոյն ու դրեց բազմականներէ առաջ: Ճրագի առաջ փայլուն պողպատը պաղ-պաղ փայլ էր արձակուամ: Ամենքը ծնկներէ վրայ ընկած, լուռ դիտում էին այդ անաւոր գործիքը, որ մարդկային անգօր ձեռներում լուծել էր ճակատագրի բարդ հանգոյցը: Փոքրիկ, կորած, ողորմելի Խայր հսկայ դարձաւ ամենքի աչքին. նա «աժդահայ» էր. նա իշխում էր իր ճակատագրի վրայ, ծաղրում էր իր բախտը: Նա իրաւունք ունէր:

— Ես ճակատագրին չեմ հաւատում, կրկնեց վերստին Խայր վեհ յամառութեամբ. բայց այդ բառերն այս անգամ ծիծաղ ու զայրոյթ չառաջացրին, այլ պատկառանք ու մտքեր, մտքեր, փրկարար մտքեր, ազատիչ մտքեր, սրբազան խորհուրդներ:

Խայր վերցրեց իր դաշոյնը, գօտիկը խրեց, դուրս գնաց գոմի գոնից. բազմականները մնացին լուռ...

Ա. Հ. Ա. Ր. ՈՆ. Ե. Ա. Ն.

Շինքն արևատ, քրտինքն երեսին, բեռը շալակած, Նարիբ մըշեցին մայգանի ¹⁾ միջին կանգ առաւ յողնած.

Կոշտացած ձեռքը երեսին տարաւ, քրտինքը սըրբեց, Բայց երբ-որ աչքը չորս կուման դարձուց՝ ծանրը ան քաշեց:

Տեսաւ նա շքեղ մեծ-մեծ դարբասներ, դոյնըզոյն ներկած, Պատշգամբի վըրայ գողալ ²⁾ Հայ կանայք շար-իշար նստած.

Ղուամշ հովհարով մարմառ թըշերին հով ու գով տալիս, Փըրփուր շորերը թեթև քամիէն փըրփըռան գալիս:

Ջուխտակ արտասունք ջուհար ակի ³⁾ պէս աչքին ցուացին. «Մըշակ չիլի՞ թէ միտքըդ բերիւր քո կարօտած եարին ⁴⁾»:

Մըշակը լուռ էր, նա ինձ չի տըւեց ոչինչ պատասխան, Դարբասը թողած՝ աչքերը դարձուց նա դէպի մայգան.

Երկուծ կառքի մէջ տեսաւ թեք ընկած մէկ նիհար տըղայ, Չաշմակը ⁵⁾ աչքին, բերնին նարգիլէ ⁶⁾՝ զինչ թուրքի աղա.

Մըշակի շըրթին անշմարելի մէկ ժըպիտ խաղաց: «Մըշակ, այդ ի՞նչ էր, որ սիրտըդ խօսեց՝ ծանղըր, թէ՞ նախանձ»:

Մըշակը ինձի պատասխան չի տուեց, ասեա թէ լալ ⁷⁾ էր. Բայց հոգեբանը իսկոյն կ'իմանար՝ հոգին ի՞նչ հալն ⁸⁾ էր:

Մայգանը թողած նա աչքը դարձուց լայն մեծ փողոցին, Ոչ-որ չիմանալ թէ այն բոպէին ի՞նչ խօսեց հոգին.

Գունդ-գունդ գալիս էր ձիով ու հետի սպառազէն լաշքեար ⁹⁾, Առջիւ առած հարիւր ու հազար թըմըկահար, փողհար.

¹⁾ Մայգան—հրապարակ ²⁾ Գողալ—գեղեցիկ: ³⁾ Ջուհար ակ—թանկագին բար: ⁴⁾ Եար—սիրունի, ամուսին: ⁵⁾ Չեշմակ—ակնոց: ⁶⁾ Նարգիլէ—ծխախոտ ⁷⁾ Լալ—մունջ, համր: ⁸⁾ Հալ—դուրբիւն: ⁹⁾ Լաշքեար—գօրախումբ:

Յընծալիր երգով զօրքը տօնում էր իր յաղթութիւնը.
Վայ քեզ, խեղճ... քանդել էր քու ազգի տունը...

Մըշակը լուռ-մունջ մէկ դի քաշուեցաւ, դողդոջուն սաքով
իր ճամփան զընաց՝ ծանրը տընքալով, կամաց երգելով.

Բահարն ¹⁾ էկաւ՝ ծառը ծիլ-ծիլ ծաղկեցաւ,
Ձիւնը փախաւ, երբ արևը ծագեցաւ.
Երնէկ արևն կամ բահարը մեր Հային
Խելք, միտք, նոր բարք, եաքի նոր վարք շնորհէին:

Հայ, բաց աչքդ, քու կորուստը մօտիկ է,
Ձիմանաս, որ տըրին-տարին ²⁾ դատիկ է,
Եալփագանը, դումաշ շորը քու եարին
Ձանդուկներէդ շատ հազարներ դուս տարին:

Աս ի՛նչ տեսնամ,—սէլաւ կուգայ հիւսիսէն...
Հայ մարդ, թէզով ժողովէ քու փաս ու փուսէն,
Ա՛ն գըլուխըդ, քոչէ դէպի քու աշխարհ,
Քանի օրէն ունըդ բունըդ չես ճանչնար:

70. ԱՐԱՔՍԻ ԱՐՏԱՍՈՒՔԸ

Մայր-Արաքսի ափերով քայլամուրը գընում եմ, հին-
հին դարուց յիշատակ ալեաց մէջը պըտարում եմ:

Բայց նոքա միշտ յեղեղուկ, պըղտոր ջրով եգերքին՝
դարիւ-դարիւ խփելով փախչում էին լալագին:

— Արաքս, ինչո՞ւ ձկանց հետ պար չես բռնում ման-
կական, դու դեռ ծովը չի հասած սըգաւոր ես ինձ նման:

¹⁾ Բահար—գարուն: ²⁾ Տըրին-տարին—ամբողջ տարին:

Ինչո՞ւ արցունք ցայտում են քու սէգ, հըպարտ աչե-
րից, ինչո՞ւ արագ փախչում ես այդ հարազատ ափերից:

Մի պըղտորիլ յատակըդ, հանդարտ հոսէ խայտալով.
մանկութիւնը քու կարճ է, շուտ կըհասնիս դէպի ծով:

Վարդի-թըփեր թո՞ղ բըսնին քու հիւրընկալ ափի մօտ,
սոխակները նոցա մէջ երգեն մինչև առաւօտ:

Մշտագալար ուռիներ սառ ծոցի մէջ քու ջըրին
ձկուն սստն ու տերև թո՞ղ թաց անեն տապ օրին:

Ափերիդ մօտ երգելու հովիւք թո՞ղ գան համարձակ,
գառն ու ուլը քու վըճիտ ջուրը մըտնին միշտ արձակ:—

Մէջքը ուռցուց Արաքսը, փըփուր հանեց իր տակից,
ամպի նըման գոռալով էսպէս խօսեց յատակից.

«Խիզախ, անմիտ պատանի, նիրհըս ինչո՞ւ դարևոր
վըղովում ես, նորոգում իմ ցաւերը բիւրաւոր»:

«Միրելիի մահից յետ ե՞րբ ես տեսել, որ այրին ու-
քից գըլուխ պըճնուի իր դարդերով թանկագին»:

«Որի՞ համար դարդարուիմ, որի՞ աչքը հըպուրեմ,—
շատերն ինձ են ատելի, շատերին ես օտար եմ»...

«Կար ժամանակ, որ ես էլ՝ ջըքեղազարդ հարսի պէս
հազար ու բիւր պըջըտնքով փախչում էի ափերէս»:

«Յատակս պարզ ու վըճիտ, կոհակներս ոլորուն, լու-
սաբերը մինչև այդ ջըրիս միջին էր լողում»:

«Ի՞նչըս մընաց էն օրից, ո՞ր ջըրամօտ գեղերըս, ո՞րը
իմ շէն քաղաքից, ո՞ր բերկըալի տեղերըս»:

«Տուրքը ջրըի ամեն օր իբ սուրբ ծոցէն Արարատ մայրախրնամ ինձ անունդ պարգևում է լիառատ»:

«Բայց ես այն սուրբ ջրերով Սուրբ Ակոբի աղբիւրին պիտի ցօղեմ արտորայքն իմ ատելի օտարին»:

«Կամ՝ կենսատու իմ ջրով, ափերիս մօտ կըկգած, իւր նամանգը կատարէ թուրքը կամ պարսիկ հոտած»:

«Մինչ իմ որդիք, — ո՛վ դիտէ — ծարաւ, նօթի, անտէրունչ օտար աշխարհ յածում են թոյլ ոտքերով կիսաշունչ»:

«Հեռու, հեռու քըշեցին բընիկ ազգըն իմ հայկեան, նորա տեղը ինձ տուին ազգ անկըրօն, մոլեկան»:

«Իոցան համար դարդարեմ իմ հիւրընկալ ափերը, կամ դոցան հրապուրեմ ճըպոտ, պըլշած աչերը»:

«Քանի որ իմ զաւակունք այսպէս կումընան պանդուխտ, ինձ միշտ սըգուր կըտեսնէք, այս է անխաբի սուրբ ուխտ»...

Էլ չի խօսեց Արաքսը, յորձանք տուեց անագին, օղակօղակ օձի պէս առաջ սողաց մոլեգին:

71. ԲԱԺԱԿ ՓՐԿՈՒԹԵԱՆ

Ահա մթնեց արևմուտքը Հրէաստանի աշխարհին, Պայծառ օրը տեղի տըւեց երեկոյեան խաւարին. Արեգական վերջին լուսով դէմ կըփայլէր վառ-իվառ Գրկած պատած այգիներով Ելէօնին սուրբ կատար:

Երուսաղէմ — փառք հնութեան՝ լերանց վերայ հանգչում էր, կարկաչելով Յորդանանը ափերի մէջ թագչում էր, Մեռեալ ծովը բընաթաթախ աչերն ի վեր ամբարձած, Համարում էր անթիւ աստղեր՝ երկնից տեսքին ըզմայլած:

Մութը իջաւ... տարածուեցաւ գերեզմանի լըռութիւն. Ծագեց լուսինն ու լոյս տըւեց Գեթսեմանի այգիուն, Ձիթենիի ծառերի տակ՝ հողի վերայ տարածուած, Երեք հողի խոր քնել են՝ դարդն ու հողսը մոռացած:

Բայց ուրիշ քուն կաշկանգել էր համայն աղքը մարդկութեան, Խըրուած, թաղուած մինչի կոկորդ ճահիճի մէջ մոլութեան. Միայն Միւի սուրբ աչերից քունը հեռի էր փախչում, Ո՛չ խայթ խըղճի, ո՛չ աշխարանք նորա հողին էր տանջում:

Նա անմեղ էր. մոլութենին նա միշտ մընաց անհաղորդ, Լուկ մարդկութեան համար թափեց այնօր արցունք աչքից յորդ. Մահագուշակ սառսուռ ընկաւ նորա տղկար մարմինին, Երբ փրկութեան մարդկան ազգի բաժակ տեսաւ առաջին:

«Հայր, գոչեց նա, վիշտը հողին իմ ճընշում է չարաչար, «Քանի որ գամ, պըսակ ու փուշ աչքէս անցնում են շար-շար. «Կուգայ ժամը, ես այդ գիտեմ, գառը կ'լինի ողջակէդ, «Ձի տրտնջալ իւր վիճակէն, կըխոնարհէ գլուխը հեզ:

«Միակ որդիդ պիտի մեռնի, որ ազգ մարդկան ազատէ, «Անգոհ մարդը նորա գլխին հայհոյանքներ կըթափէ. «Հայր, Հայր, ինձնից թող հեռանայ այս բաժակը դառնութեան, «Որոց համար ես պիտ' մեռնիմ՝ բընաւ չ'արժեն փըրկութան. «Բայց թէ Որդուդ դառըն մահը աղգիդ կուտայ նոր մի կեանք, «Նոցա անթիւ մեղաց համար լիցի արիւնն իմ փրկանք»:

Ռ. ՊԱՏԿԱՆԵԱՆ

72. ՎԱՅՐ ԸՆԿՆՈՂ ԱՍՏՂԵՐ

«Հայրիկ, ասաց դուստրը հօրը, կապոյտ երկնքի վերայ սրբան աստղեր փայլում են վառ, ասես համար, թիւ չըկայ»

Ասում են, որ ամենայն մարդ աստղիկ ունի երկընթոււմ ճշմարիտ է ասան, հայրիկ, իմը սրտեղ է փայլում»:

— Այո, դատրիկ, այդ աստղերը ունին հաշիւ ու համար, և մեզանից իւրաքանչիւրն մի աստղ ունի իւր համար:

«Հայրիկ, տես, տես, աստղը թըռաւ, հետքից պայծառ գիծ թողեց, աստղիկն ընկաւ երկնքիցը, միւս անգամ այլ չերևեց»:

— Ո՛վ իմ դատրիկ, հանգիստ կացիր, դա մեծատան մի աստղ էր, որ իւր օրում, իւր կեանքումը խիղճ ասածը չըգիտէր. աղքատները նըրա դռնից գիշեր-ցերեկ հալածուած, մի մարդ չըկար նըրան ծանօթ, որ չըլինէր վըշտացած:

«Հայրիկ, տես, տես, աստղը թըռաւ, հետքից պայծառ գիծ թողեց, աստղիկն ընկաւ երկնքիցը, միւս անգամ այլ չերևեց»:

— Ո՛վ իմ զաւակ, մի վըդովուէր, դա աղջկայ մի աստղ էր, որ խրատը իւր հօր ու մօր իւր կեանքումը յարգած չէր. նա փախել էր իրանց տնից... մուր էր քըսել տան վըրայ... իւր ծնողքը լացացրել, ինքը վատնել անխընայ:

«Հայրիկ, դարձեալ թըռաւ մի աստղ, վայր ընկաւ նա երկնքից. հայրիկ, սրի աստղն էր արգօք, որ զըկուեցաւ իւր տեղից»:

— Ո՛հ, դատրիկ, հանգիստ կացիր, կեղծաւորի դա աստղ էր, որ իւր օրում ուղիղ մի խօսք մարդու երբէք ասած չէր: Փարիսական իւր ձևերով աշխարհ խաբեց, զարմացրեց, այդ պատճառով Աստուած նըրա աստղի լոյսը խաւարցրեց:

«Հայրիկ, տես, տես, մի աստղ թըռաւ և գիծ անգամ չըթողեց, աստղիկն ընկաւ երկնքիցը, միւս անգամ այլ չերևեց»:

— Ո՛հ, սիրական, խաղանկ մնայ, բռնակալի դա աստղ էր, որ աշխարհը իրան գերի ծնած օրից կարծել էր: Շատ հալածանք, շատ նեղութիւն պատճառեց նա իւր կեանքում. շատ տուն քանդեց, շատ մարդ զըկեց, գութ չունեցաւ իւր սրտում:

«Ապա այն ի՞նչ աստղ է, հայրիկ, որ այնպէս պարզ վառում է, նըրա մաքուր պայծառ լոյսը չօրս կողմը բակ բռնել է»:

— Ո՛հ, իմ դատրիկ, աղօթք արա, դա ծերունու մի աստղ է, որ իւր կեանքում երբէք մարդու ոչինչ վընաստուած չէ: Այն լուսաւոր բակն է նըրա առաքինի գործերը. աղօթք արա, որ երկարին նըրա կեանքի թելերը:

73. ԱԶԱՏՆ ԱՍՏՈՒԱԾ

Ազատն Աստուած այն օրից,
Երբ հաճեցաւ շունչ փչել,
Իմ հողանիւթ շինուածքին
Կենդանութիւն պարգևել:

Ես անբարբառ մի մանուկ
 Երկու ձեռքս պարզեցի
 Եւ իմ անզօր թևերով
 Ազատութիւնն գրկեցի:

Մինչ զիշերը անհանգիստ
 Օրօրոցում կապկապած
 Լալիս էի անդադար,
 Մօրս քունը խանգարած,
 Խնդրում էի նորանից
 Բազուկներս արձակել.
 Ես այն օրից ուխտեցի
 Ազատութիւնը սիրել:

Թոթով լեզուիս մինչ կապեր
 Արձակվեցան, բացվեցան,
 Մինչ ծնողքս իմ ձայնից
 Խնդացին ու բերկրեցան,
 Նախկին խօսքն, որ ասացի,
 Չէր հայր, կամ մայր, կամ այլ ինչ.
 «Ազատութիւն» դուրս թռաւ
 Իմ մանկական բերանից:

«Ազատութիւն», ինձ կրկնեց
 Ճակատագիրը վերևից.
 «Ազատութեան դու զինուոր
 Կամիս գրվիլ այս օրից:
 Ո՛հ, փշոտ է ճանապարհ,
 Քեզ շատ փորձանք կըսպասէ.
 Ազատութիւն սիրողին,
 Այս աշխարհը խիստ նեղ է»:

Ազատութիւն,— զոչեցի,—
 Թող որոտայ իմ գլխին՝
 Փայլակ, կայծակ, հուր, երկաթ,
 Թ՛ող դաւ զնէ թշնամին,
 Ես մինչ ի մահ, կախադան,
 Մինչև անարգ մահու սիւն,
 Պիտի գոռամ, պիտ՝ կրկնեմ
 Անդադար՝ Ազատութիւն:

ԴԷ. ԻՏԱԼԱՅԻ ԱՂԶԿԱՅ ԵՐԳԸ

«Մեր հայրենիք, թշուառ, անտէր,
 Մեր թշնամուց ոտնակոխ,
 Իւր որդիքը արդ կանչում է,
 Հանել իւր վրէժ, քէն ու ոխ»:

«Մեր հայրենիք շղթաներով
 Այսքան տարի կապկապած,
 Իւր քաջ որդոց սուրբ արիւնով
 Պիտի լինի ազատված»:

«Ահա, եղբայր, քեզ մի դրօշ,
 Որ իմ ձեռքով գործեցի,
 Գիշերները ես քուն չեղայ,
 Արտասուքով լուացի»:

«Նայիր նորան, երեք գունով,
 Նըւիրական մեր նշան,
 Թ՛ող փողփողի թշնամու դէմ,
 Թ՛ող կործանվի Աւստրիան»:

«Ինչքան կին մարդ, մի թոյլ էակ,
 Պատերազմի գործերում
 Կարէ օգնել իւր եղբօրը
 Չանց չարեցի քո սիրուն»:

«Ահա իմ գործ, ահա դրօշ,
Շուտ ձի հեծիր քաջի պէս,
Գնա փրկել մեր հայրենիք,
Պատերազմի վառ հանդէս»:

«Ամենայն տեղ մահը մի է,
Մարդ մի անգամ պիտ' մեռնէ.
Բայց երանի՛ր, որ իւր ազգի
Ազատութեան կը զոհվի»:

«Գնա, եղբայր, Աստուած քեզ յոյս,
Ազգի սէրը քաջալեր,
Գնա, թէև չեմ կարող գալ, —
Բայց իմ հոգին քեզ ընկեր»:

«Գնա մեռիր դու քաջի պէս,
Թող չտեսնէ թշնամին
Քո թիկունքը, թող նա չասէ
Թէ վատ է Իտալացին»:

Ասաց, տուեց օրիորդը
Իւր եղբօրը մի դրօշ,
Մետաքսից էր, ազնիւ գործած,
Ուր երեք գոյն կան որոշ:

Եղբայրն առաւ և ողջունեց
Իւր սիրական քնքուշ քոյր,
Առաւ դէնքը, սուր, հրացան,
Հեծաւ իւր ձին սեւթոյլ:

—Քուրբիկ,—կանչեց քաջ պատանին,—
Մնաս բարեաւ, սիրական,
Այս դրօշակին պիտի նայի
Ամբողջ բանակ իտալեան:

Նա սուրբ է ինձ, երբ մկրտված
Արտասուքով ու կնքած,
Դու յանձնեցիր ինձ յիշատակ,
Հայրենիքի նուիրված:

Թէ մեռանիմ, դու մի սգար,
Իմացիր որ տարեցի
Դէպի մահու արքայութիւն,
Իմ հետ քանի թշնամի:

Ասաց, վազեց դէպի հանդէս
Աւստրիացոց յանդիման,
Իւր արիւնով գնել յաւէժ,
Ազատութիւն իտալեան:

Մ. ՆԱԼԲԱՆԴԵԱՆ

75. ԳԻՒՂԱԿԱՆ ՆՇԱՆԱԴՐՈՒԹԻՒՆ

—Աչքներդ լոյս լինի, սանահէր Բարեկէն, ասաց Գարեգինը.
Ախպէր, լաւ թաքուն-թաքուն բաներ ունիս:
«Դէ, քաւոր ջան, մէկէլ չուզեցի քեզ նեղութիւն տամ», պա-
տասխանեց Բարեկէնը:

—Շատ ուրախ եմ, ասաց Գարեգինը. շատ լաւ էք արել: Ո՞ւմ
աղջիկն է:

«Մանդակունենց Արմենակի»:

—Ես ու իմ Աստուածը արժան է, ասաց Գարեգինը. Աստուած
շնորհաւոր անի. դէ բերէք նշանը տեսնենք:

Այն բոպէին մէջտեղ բերին մի մատուցարան, լիքը քաղցրե-
ղէնով՝ չորացրած մրգեղէն, չորս գլուխ Իսպահանու շաքար, մի-
բանի հատ լաւ նուռը, մի կարմիր չաղրաթ¹⁾, մի դեղին Բաղդադի
աղլուխ, ոսկի մատանին տըտնումը կապած, տասներկու հատ էլ
պաճախլու²⁾:

—Աստուած շնորհաւոր անի, մօտ քաշելով ասաց Գարեգինը.
Ինտոյ աղլուխները ձեռն առնելով, աւելացրեց. սանահէր Բարեկէն,
երկու աղլուխն էլ նճր ծէս է:

¹⁾ Չաղրաթ—մետաքսէ մեծ թաշկինակ, հարսի գլխին դրուու: ²⁾ Պա-
ճախլու—պարսկական ոսկէ դրամ:

«Չէ, քաւոր ջան, ասաց Բարկէնը. էդ նորա համար եմ դրել որ հրամանքդ ինչպէս կարգադրես, էնպէս անենք. եթէ երեսը կալ պիտի պսակենք, չաղրաթը տանենք, իսկ եթէ բաց՝ Բաղդադի աղլուխը. ես միքիչ ուզում եմ, որ մեր հին օրէնքովն երթամ, բայց սանամէրդ համաձայն չի. երբ-որ տեսաւ թէ իրան խօսքին սկանջ չեմ անում, ասաց՝ թող քաւորիս կամքովը լինի»:

— Հեռացրէք չաղրաթը, ասաց Գարեգինը. Աստուած պատկեր է տուել, որ երևայ, երես ծածկելը ոչ մի երկրում չկայ. ինչո՞ւ պէտք է հէնց մեր հայերիս մէջ լինի. դա թուրքից մնացած սովորութիւն է:

Չաղրաթը յետ դրին: Այնուհետև մի ջահէլ տղայ մատուցաբանը դրեց գլխին, գաւը ձեռն առաւ և գնացին նոր խնամոնց տունը:

Նրանք էլ իրանց բարեկամներին հաւաքած սրանց էին սպասում:

— Բարի իրիկուն ձեզ, ներս մտնելով ասացին սրանք:

«Ա՛յ, Աստուածու բարին ձեզ. դուք բարի, հաղար բարի՛ վերև համեցէք», առջ գալով ասաց աղջկայ հայրը:

Յետոյ բարեկամները նստոտեցին ընդունուած կարգով. պատուաւոր տեղը բռնեցին տղայի բարեկամները. նրանցից յետոյ՝ նստեցին աղջկայ բարեկամները. քաւոր Գարեգինը բազմեց ամենքից վերևը դռնակի վրայ, իսկ երկու նոր խնամիքը ամենքից ներքև տեղ բռնեցին:

— Արմենակ ապէր, ձայն տուեց Գարեգինը. մենք ուզում ենք՝ որ իրար հետ բարեկամութիւն հաստատենք, դու ի՞նչպէս ես կա՞մենում:

«Ես իմ կամենալուցը պրծել եմ, պատասխանեց Արմենակը:

— Բաս որ այդպէս է, Աստուած շնորհաւոր անի, ասաց Գարեգինը ու մատուցարանի երեսը բաց արեց:

— Աստուած շնորհաւոր անի, ձայն տուին ամենքը:

— Մեր ազաթումը ¹⁾ չկայ, որ բերենք հարսնացուին էլ հարցնենք ու այնպէս նշանը մատը դնենք, ասաց Գարեգինը. մե՛ր աղջիկները ուրիշների պէս չեն, իրանց հօրն ու մօրը հնազանդ են. սրա համար էլ միտք անել պէտք չի՝ թէ աղջկայ սիրտը ինչպէս է: Այ լսեցէք՝ մեր նշանը սա է. մի ոսկէ մատանիք (ասաց)

¹⁾ Ազաթ—սովորոյթ:

վեր կալաւ, ցոյց տուեց ու վեր դրեց). մի Բաղդադի աղլուխ, տասներկու էլ ոսկի. Աստուած շնորհաւոր անի:

Յետոյ իրանց բերած գինուցը մի թաս ձեռն առաւ ու ասաց. «Սանահէր Բարկէն, աչքդ լոյս լինի, Աստուած քեզ բաշխի, իրար հետ ալեորին, իրար հետ պառաւին, մի բարձի ծերանան, հնազանդ լինին, սէր-միտքան ապրին, հող են՝ ոսկի դառնան: Սանահէր Արմենակ, քո աչքդ էլ լոյս, Աստուած փեսիդ էլ, աղջկանդ էլ քեզ բաշխի: Բարեկամներ, ողջ լինիք. Աստուած այս ուրախութիւնն ամեն մարդի տան էլ հանդիպեցնի»... Ասաց ու խմեց:

— Անուշ, անուշ, քաւոր Գարեգին. քու աչքն էլ լոյս. այս ուրախութիւնը քոնն է. կարմիրդ կապենք. մի օր այս ուխտը քո դռանն էլ չոքի, ձայն տուին այստեղից, այնտեղից:

Յետոյ ամենքն էլ մի-մի թաս գինի խմեցին ու աչքալոյս խօսեցին:

Նշանից յետոյ հացը քաշեցին ¹⁾. լաւ պատրաստութիւն էին տեսել խնամիքը: Ամեն թասի վրայ բացի աչքալուսից ու բարեմաղթութիւններից ուրիշ բան չկար:

Հացից յետոյ Գարեգինը հարցրեց Արմենակին. երբ էք կամենում որ գանք, բարկ ²⁾ բարիշենք:

— Երբ ուզում էք եկէք, պատասխանեց Արմենակը:

Լաւ, ասացին, էգուց իրիկուն կըզանք բարկը կըվերջացնենք:

Միւս առաւօտ, լուսաբացին, սանահօր տանիցն եկան Գարեգին կանչեցին, որ գնան, աղջկայ տիրոջ դռանը աչքալոյս խմեն: Վեր առան մի քիչ մաղայ ³⁾, մի շիշ արաղ ու գնացին, աղջկայ հօր շէմքումը մի-մի թաս աչքալոյս խմեցին:

Երեկոյին Գարեգինը միքանի բարեկամների ու տղայի հօր հետ գնացին խնամոնց տուն:

— Սանահէր Արմենակ, սա մեր պապերից մնացած կարգ է և դուք, ինչ որ կամենաք, պէտք է պահանջէք մեզանից. ի՞նչ էք ուզում. մի վախենաք, փառք Աստուծու, տեղը լիքն է. ողջ լինի սանահէրս, այնքան աշխատել է, որ ձեզ էլ է բաւական, մեզ էլ:

¹⁾ Հացը քաշել—սուփրա գցել, սեղան պատրաստել: ²⁾ Բարկ—այն դրամը, որ փեսայի հայրը տալիս է հարսի հօրը բաժինքի պատրաստութիւնները հոգալու համար: ³⁾ Մաղայ—օղու հետ բերուող չոր միրգ, շաքարեղէն, բաղքաւենիք:

— Ձեր ողջութիւնն եմ ուզում, պատասխանեց Արմենակը: Ես իմ փոխարէն հաւատարմատար եմ նշանակում մեր Ներսէհին: Եւ ինչ կարգադրութիւն անի, ինձ ընդունելի է:

— Որ այդպէս է, ասաց Գարեգինը, Ներսէհ եղբայր, հրամայիր, տեսնենք. բանը ըեզ վրայ մնաց. մենք ուզում ենք էգուց բազար գնալ, որ տակի շաբթին ¹⁾, թէ Աստուած յաջողի, հարսանիք անենք. ի՞նչ ես կամենում:

— Քաւոր Գարեգին, պատասխանեց Ներսէհը. շատ լաւ ես հրամայում, քեզանից կ'ուզեմ քսան մանէթ փող, մի ծիրանի դահաւուզ ²⁾, մօրը կաթնագին, մի մահութ չուխացու՝ հօրը, տասը լիտր միս, հինգ լիտր բրինձ, մի լիտր իւղ, մէկ էլ ձեր սաղութիւնը. եթէ հարսանիքը պասի նստացնէք՝ հինգ լիտր միս, երեք լիտր ոսպ:

— Շատ լաւ, ասաց Գարեգինը. փողն աչքներիս վրայ, կը տանք, խալաթներն էլ հետը. բայց մնացած բաները չենք տալ. հիմի գրանք վերացել են. մեզ համար ամօթ է, որ զուռնաչին ածելով ընկնի գեղի մէջը, թէ ես բախու ³⁾ եմ տանում, եթէ կամենաք քսանըհինգ մանէթ փող կըտանք. իսկ այդ բաները չէ:

— Թող քո ասածը լինի, համաձայնուեց Ներսէհը, և բաժակը լցնելով, ասաց. Աստուած շնորհաւոր անի, ու խմեց: Ամենքն էլ նրան հետևելով, մի-մի բաժակ գինի խմեցին: Բարեկէնը հանեց քսանուհինգ մանէթը և տուեց Արմենակին:

Միւս օրը խնամին ու քաւորը գնացին Երևան ճոթն առան և ինչ որ հարկաւորն էր՝ բերին. հարսանիքի շորերն էլ տուին այնտեղ կարելու:

9. ՊՌՕՇԵԱՆ

¹⁾ Տակի շաբթին—եկող շաբթին: ²⁾ Ղանաւուզ—մետաքսէ կտորի մի տեսակը: ³⁾ Բախու—փեսայի հօր կողմից հարսի հօրը տուած հարսանիքի ուտելիքը:

76. ԳԻՒՂԱԿԱՆ ՀԱՐՍԱՆԻՔ

I

Տակի շաբթի չորեքշաբթի օրը սանահէր Բարեկէնը իմաց տուեց քաւոր Գարեգինին, որ էգուց իրիկուն հարսանիքի տաշտադրէք ¹⁾ է, պատրաստ լինի, որ խաչեղբայր գայ:

— Շատ բարի, ասաց Գարեգինը. մենք խաչից փախչող չենք, միամիտ լինէք:

Միւս օրը տղի բարեկամները Գարեգնի ու նրա եղբօր հետ գնացին տաշտադրէքի: Հէնց որ նրանք ներս մտան, տէրտէրը համեցէք արեց, իրա կշտին նստացրեց ու հացը քաշիլ տուեց: Բողբաշի վրայ տէրտէրը մի թաս գէնի առաւ ձեռը ու ասաց. «Օրհնեալ լինիք, Աստուած շնորհաւոր արացէ. պարոն Բարեկէն, աչքդ լոյս եղիցի. բարեկամներ, ձեր աչքն էլ լոյս եղեցի. գիտէք ինչ կայ, սրբիք. ձեր բարի սովորութիւնն է, որ այս երեկոյ տաշտադրէք էք անում, այսինքն թէ կամենում էք իմաց անել, որ էգուց իրիկուն հարսանիք է: Ի հարկէ պարոն Բարեկէնի գլուխը որ խառնուած կըլինի, չի կարող մեզ կառավարել. մի ձեռը ծափ չի տալ. պէտք է որ միքանի բարեկամներ օգնական լինիք նորան և մեզ էլ այս քանի օրս կառավարէք: Պարոն Բարեկէն, սուսն ես ուզում, որ կառավարիչ նշանակենք»:

Բարեկէնը ցոյց տուեց կառավարիչի համար իւր փեսայ Գուրգէնին, նրան օգնական իւր հօրեղբօր տղայ Վաղարշին. մուճուր (անտես) ընտրեցին Արամին և նրան տուին երկու օգնական. բացի սորանից նշանակեցին և մարդ հրաւիրողներ: Յետոյ տէրտէրը վեր առաւ բաժակն ու ասաց. «Էս մէկ թասը խմենք պատէրը վեր առաւ բաժակն ու ասաց. «Էս մէկ թասը խմենք պարոն Գուրգէնի կենացը՝ բարով կառավարի»: Յետոյ կարգով խմեցին մուճուրի ու օգնականների կենացը և հացը վեր քաղեցին:

Միւս օրը, արեւը որ միքիչ բարձրացաւ, հարսանիքի տանից եկան խաչեղբօրը կանչեցին, որ գայ մասցուն մորթելիս ներկայ լինի: Երբոր եկաւ, մէջտեղ բերին մի մեծ եզը, վայր գցեցին և

¹⁾ Տաշտադրէք ասում են այն երեկոյին, որի միւս օրը հարսանիքը պէտք է սկսի. որովհետեւ այսօր են թխում հարսանիքի հացը, որի ալիւրը մաղելու՝ հօթը տանից աղապ աղջիկ են կանչում, որ նրանք ամենքը մի-միւս մաղ մաղեն տաշտի մէջ: Մրա համար ասում են այս երեկոյին տաշտադրէք: Այս երեկոյին ընտրում են հարսանեաց բոլոր կառավարողներին և ծառայողներին իրանց մերձաւոր բարեկամաց խորհրդատուութեամբ: Ծան. հեղին.

զուսնաչուն հրամայեցին, որ մորթելու եղանակն ասի: (Արիւնը գալիս՝ Գարեգինը մի բաց կողպէք թաթախ արեց մէջը, կողպեց, բանալիքը ջէրը դրեց ¹⁾) ու վերադարձաւ տուն):

Իրիկնապահին, արևը որ միքիչ կախ ընկաւ, փեսան միքանի ազապներէ հետ, ձի նստած, եկաւ խաչեղբօր տունը, դափ ու զուսնէն առաջին օձերով: Այդտեղ պատրաստած էր տաք ջուր լողանալու համար: Լողանալուց յետոյ՝ հագաւ թագաւորական զգեստը և Գարեգնի ու միւս ազապների հետ ձի նստեցին, դափ ու զուսնէն առաջներին օձիլ տալով, գնացին Մողնի ուխտ անելու: Զուսնաչիքը սրբատեղից հեռու մնացին, իսկ նրանք գնացին վանքը, համբուրեցին և այնտեղ նստող հայր-սուրբին համեցէք արին հարսանիքին. նա էլ շնորհակալութիւն արեց, օրհնեց և ասաց, որ իր բաժինը իրանք քէֆ անեն:

Վերադարձին տղայքը, հէնց որ Աշտարակին մօտեցան, գիւղի գլխին, մի տափարակ տեղ սկսեցին ձի խաղացնել, իրանց շնորքը ցոյց տալ. յետոյ եկան, Գարեգնեանց դռանը վէր իջան: Եկան, նստեցին, խաղն ու տաղը չաղ արին:

Դեռ հացը չքաշած, դալլաքն եկաւ՝ փեսայի ու մնացած ազապների երեսը վէր արեց: Յետոյ հացը քաշեցին: Դէ արի հիմիկ ու տես թէ մեր ազապներն ինչ քէֆի են. մեծ մարդ չկայ մէջները, բոլորը հասակակից տղայք են, ոչ-ոքից չեն ամաչում. այնպէս են իրար բերնից խաղն ու տաղը առնում ու երգում, այնպէս են լեազդի և ուրիշ զանազան պարեր պարում, որ կասե՛ս թէ այս տղայքը միշտ պարապ ու հանգիստ են եղած, յոգնածութիւն չեն տեսած:

Հացից յետոյ մեղրամօմը բաժանեցին ազապներին. բոլորը ոտի կանգնեցին, մոմերը վառեցին, զուսնաչին օձեց: Գարեգնի քոյր Անուշը մի Բողդաղի աղլուխ ձեռին դուրս եկաւ, պարեց, յետոյ մօտեցաւ փեսային, գլուխ տուեց, երկու անգամ կրծքին խաչմերուկ քաշեց և աղլուխը կապեց փեսայի պարանոցը. աղլուխի մի տուտը ամբացրեց աջ ուսի վրայ, միւս տուտը ձախ՝ դօտկատակին:

Սա եղաւ փեսի առաջին ուսակապը (յուսբանդը), որ է նշան նորափեսայութեան:

¹⁾ Այս կողպէքը խաչեղբայրը բաց է անում նարօտը յետ անելու ժամին:

Յետոյ փեսան խնդրեց Սօսին, որ այս երեք օրը նեղութիւն կրի, իրան փեսեղբայր լինի: Նա էլ յանձն առաւ ու թուրը կապեց մէջքը, մի գաւ գինի, մի թէփշով չոր մրգեղէն ձեռն առաւ ու դուրս գնացին: Առաջից գնում էին ազապները՝ տաղ ասելով և թմբուկ օձելով. նրանց յետևից—փեսեղբայրը. յետոյ խաչեղբայրը, ապա փեսան. սա էր ընդունուած կարգը: Գնում էին եկեղեցի: ճանապարհին որքան ազապ ընկերներ էին պատահում, փեսայի հետ պոռոտի էին անում և ասում. վաճառքը շնորհաւոր լինի, և միանում էին գնացողների հետ: Եկեղեցու դռանը դափ ու զուսնէն կտրեցին, ներս մտան, ուխտ արին, նորափեսէն պարզերսութիւն խնդրեցին: Վերադարձին գնացին գիւղի ազաների և իրանց հիւանդ բարեկամների տները. նրանց էլ հարսանիք հրաւիրեցին: Նրանցից շատերը մի-մին յուսբանդ էին կապում փեսայի շնքին:

Հարսանիքը այս երեկոյ նստեց (սկսուեց): Փեսեղբայրը խաչեղբօրն ու փեսային ներս տարաւ մեծ տունը, նրանց համար առանձնապէս պատրաստած պատուաւոր թախտի վրայ կանգնացրեց: Տունը լիքն էր հիւրերով: Մեծ տուն էր. կըտանէր մինչև երկուհարիւր հոգի: Մի կորմը կարգին նստած էին տղամարդիկը. միւս կողմը խոնուած էին կանայք իրանց երեխաներով: Աղմուկը քանի գնում՝ սաստկանում էր: Խեղճ տէրտէրը ճարահատուած ձայն տուեց. «պարտն կառավարիչ, Գուրգէն եղբայր, հնց բերէք»: — Տէրտէր ջան, աջի՛դ մեռնիմ, միքիչ համբերի՛ր, պատասխանում է Գուրգէնը:

Վերջապէս հացը քաշեցին: Տէրտէրը սեղանն օրհնեց և ամենքը սկսեցին վայելել: Նորափեսան իրան երկու ընկերներով բարձի վրայ կանգնած է. մինչև հացկերոյթը չվերջանայ, մեծամարդը դուրս չգնայ, նրանց նստել չկայ:

Ուրախութիւնը քանի գնաց՝ սաստկացաւ: Փլաւը մատուցանելիս խաչեղբօր տանից խոնչայ եկաւ դափ ու զուսնով, խոնչի հետ էլ խաչեղբոր ընտանիքը. մի պողնոց լիքը քաղցրեղէն էր, մի թղթով հինայ, հարսի ու փեսի ձեռները ներկելու համար, մի թղթով հինայ, հարսի ու փեսի ձեռները ներկելու համար, մի թղթով չորս անկիւնում երկու գլուխ շաքար, մի գաւ էլ գինի. պողնոցի չորս անկիւնում կենայ մեր խաչեղբայրը», ասաց տէրտէրը: Երկու փոքրիկ ափսէի վրայ քաղցրեղէն օձեց, բաժակը մէջը դրեց, խաչեղբօր գինուցը

լցրեց և դորանով խմեց նորափեսի ու խաչեղբոր կենացը: Հիւրերը հետեցին տէրտէրի օրինակին: Գարեգինը փեսայի կողմից շնորհակալութիւն արեց: Հացկերոյթը վերջացաւ. զուռնաչին ածեց դուրս գնալու եղանակը և մարդիկ ցրուեցան իրանց տները:

Մարդկանցից յետոյ կանայք հացի նստեցին: Թող սրանք էստեղ հաց ուտեն, մենք գնանք հարսի տունը:

III

Հարսի հայրն էլ իւր բարեկամներին էր կանչել: Մի մեծ հացկերոյթ էլ նա էր պատրաստել: Հէնց որ զուռնէն եկեղեցուց փեսային իրանց տուն հասցրեց, գնաց հարսի քեռու տունը: Հարսնացուն, ըստ սովորութեան, այդ երեկոյ պէտք է իրանց տանը չլինի. բարեկամի տանից հանդիսաւոր կերպով նրան պէտք է իրանց տուն հասցնեն. զուռնէն հասաւ թէ չէ, քեռու աղջիկը բերեց մի գլխաշոր, մի-քանի քսակ, մի տուլի լաչաք, դրեց հարսի առաջ իբրև ընծայ. յետոյ ինքը մնացած աղջիկներէ հետ, դափ ու զուռնէն ածելով, գնացին հարսի հօրանց տուն: Յետոյ զուռնէն ուղարկեցին փեսանց տուն, որ խաչեղբոր խոնչան բերի: Այնուհետև զուռնէն ամբողջ երեկոյ պէտք է մնալ հարսի հօրանց տանը: Փեսի տանը եղած ազատ տղաներից շատերն էլ զուռնի հետ հարսնատուն գնացին: Ուրախութիւնը երկու տան մէջ էլ քանի գնում՝ սաստկանում էր: Այնտեղ հարս ու աղջիկ զուռնի տակ տեսակ տեսակ պարեր էին պարում. այստեղ տղայք ու աղջկերք, կուռ կուռն տուած, «լէ-լէ» կանչելով, եալլի էին տալիս. ամեն կնիկ իւր աղջկանը հրապարակ էր հանում: Եալլիբաշի Սօսը «լէ-լէ» կանչելով, մի ձեռով հարեանի կուռը բռնած, միւս ձեռին մի մետաքսէ աղուխ պտոյտ տալով, երբեմն-երբեմն էլ որ մտիկ չէր տալիս եալլու մէջ մտած Վարդէիթերին, էշխիցը խելացնոր էր դառնում: Վարդէիթերն էլ, ճշմարիտ է, պարի մէջն էր, բայց միայն ոտներն էր ժաժ տալիս՝ աչքն ու միտքը Սօսի վրայ էր: Ուրախութիւնը շարունակուեց մինչև կէս գիշեր: Աքաղազները երեք բերան կանչել էին, սրանք գեռ աղջիկ էին խաղացնում: Վերջապէս կառավարիչը ձայն տուեց, որ հինէն բերեն: Նոյն ժամին մի ազատ տղայ գնաց հինի տեփուրը գլխին դրեց և խաղալով բերեց փեսայի առաջը: Տեփուրի միջին խաչածև փոստ

էր երկու լաւաշ. լաւաշների վրայ դրած էր մի աման հինայ, մի աման էլ մաթ (բաքմաղ): Այդ բոպէին բոլոր պսակուած մարդիկ հեռացան, իսկ ազատները հաւաքուեցին, փեսի առաջին չորեցին: Սօսը մօտ եկաւ, թեքը յետ ծալեց և փեսի երկու մատը բռնեց: Համեցէք, ձայն տուեց նա, նորափեսան ինչքան բարեկամներ ունի, բոլորդ եկէք՝ հինէն գնում ենք:

Առաջ եկաւ փեսի պառաւ տատը, կանգնեց, օրհնեց. սրբի, Սիմոն ձերուռնի դառնաս այս տանը, հայր Աբրահամի օրհնանքը թեղ վրայ լինի. քո գործին արի լինիս. իմ տարսը հասնիս. հող բռնես՝ ոսկի դառնայ, լեռ գնաս՝ կանաչի. ճամբիդ փուռջ մանիշակ բանի. էտոցդ սուր լինի. բահդ սարքին լինի. շատ դատես՝ էլ շատ ուտես:

Պառաւը գնաց. յետոյ եկաւ հայրը, հօրեղբարքը... օրհնեցին ու գնացին:

Օրհնանքը որ պրծաւ, Սօսը պինդ հուպ տուեց փեսի երկու մատը ու ասեց. խաչեղբայր, ցնծայ. այս ազատները քո պարտականը չեն, որ փեսի առաջին ծառայութիւն են անում:

Գարեգինն էլ, ինչպէս իրանց սովորութիւնն էր, պատասխանեց. բարիկենդանին մի լաւ ոչխար կ'առնեմ, փեսի հետ միասին կ'երթանք, քէֆ կ'անենք:—Շէն կենայ խաչեղբայրը, ձայն տուեց Սօսը. յետոյ մատը թաթախ արեց հինի մէջ, փեսի աջու ձեռը հինայ դրեց. իսկ ձախ ձեռը թողեց. հարսի ձեռները հինայ դնելուց յետոյ, այդ ձեռն էլ հինայ կը դնեն:

Նորափեսի մի ձեռը որ հինայ դրին, վեր կալան ու դափ ու զուռնով գնացին հարսի ձեռն էլ հինայ դնելու: Գնացողների հետ էին փեսի քոյրը, խաչեղբօր քոյրը, մէկ էլ միքանի բարեկամ տղայք: Հարսանքատունը դատարկուեց: Այդ ժամանակ միայն թերին, փեսի ու խաչեղբօր առաջը հաց դրին: Սրանց համար լաւ-լաւ բաներ էին պատրաստել՝ գաթայ, հալուայ, հաւի միս, խորոված սուկի ու անուշեղէններ...

IV

Միւս օրը, լուսաբացին, կառավարիչն եկաւ հարսանքատուն և տեսաւ, որ իրան հրամանի համեմատ բոլոր կերակուրների պատրաստութիւնը տեսնուած է: Ինքն էլ իւր կողմից սկսեց նոր

կարգադրութիւններ անել. պատուիրեց զարթեցնել փեսին ու խաչեղբօրը. տղայք ուղարկեց որ գնան հիւրերին հարսանքաճաշի հրաւիրեն. գուռնաչուն էլ հրամայեց սհարի ածել, այսինքն առաւօտեան եղանակը, որ ամենքն իմանան թէ այդ տանը հարսանիք կայ. ինքն էլ Բարկէնի հետ մտաւ մառանը, զինու կարասներէ ծէփերը պոկեց, համերը տեսաւ՝ թէ ո՞րն է լաւը. տէրտէրին էլ ապսպրեց, որ գնայ հարսի տունը. ինքն էլ մտի լաւ-լաւ տեղերիցը միքանի թիքայ խորովիլ տուեց, Բարկէնի հետ նհար (նախաճաշիկ) արին. դրանից յետոյ հաց ուտելու ժամանակ չէին գտնիլ:

Արեւ քիչ-քիչ սկսեց բարձրանալ. պատուելի հիւրերը հաւաքուեցան. մէջ բերին քթէթը (հալաւը, հանդերձը), երեսի շորը յետ քաշեցին, մտիկ տուին, մաշիկների մէջ չամիչ լցնիլ տուին, մին-մին թաս արաղ խմեցին ու վեր կացան դէպի խնամոնց տունը: Ամենից առաջ գնում էր դափ ու գուռնէն. յետոյ մի տղայ քթէթը գլխին գնում էր պար գալով. դրա յետեից փեսեղբայրը խաչեղբօր ու փեսի հետ՝ փեսեղբօր ձեռքին մի սինու վրայ երկու հաստ մեղրամոմ կանաչ ու կարմիր նարօտով փաթաթած, իսկ դրանց յետեից մնացած հիւրերը:

Հարսի հօրանց տանը սիրով ընդունեցին նոր բարեկամներին, վերև նստացրին և տէրտէրը հալաւն օրհնեց:

Զուռնէն ածեցին. մինչև որ հարսը կը հագնուէր, սկսեցին աղկերանց պար ածել: Յետոյ բերին փեսի համար նշանակուած ընծաները: Տեփուրի մէջ դրած էր երեք շուխտ նախշուն գուլպայ՝ փեսին, խաչեղբօրը ու փեսեղբօրը, երկու կարմիր ֆաս՝ փեսին ու խաչեղբօրը, երկու էլ երեսսրբիչ:

Կանանց շոր հագնիլը ինչքան շուտ լինի, մի ժամ կը քաշի՝ ուր մնաց որ հիմի պատիկ հարսին են զարգարում... Երկու ժամից յետոյ միայն եկան, խաչեղբօրը կանչեցին, որ գնայ, հարսի գօտիկը կապի: Գարեգինը գնաց, հագցնողներին սովորական տուրքը վճարեց. յետոյ առաւ գօտիկը ու, պինդ կապ տալով հարսի մէջքին, ասեց. նշանածիդ հետ այսպէս պինդ սէր ունենաս:

Հարսի ծնողքն եկան, վերջին օրհնանքը տուին. յետոյ նրան կանգնացրին երգիլի տակը ալ լաչաքը երեսը քաշած: Տէրտէրը մօտ եկաւ հարս ու փեսին ձեռ-ձեռի տուեց և ճանապարհ ընկան դէպի եկեղեցի: Տարանին (եղանակը) ածեցին. բարեկամների սիրտը փուլ եկաւ. մի կողմը տղայի տէրերը ծափ են տալիս, ուրախա-

նում, միւս կողմը աղջկայ տէրերը, թաշկինակները աչքներին, հառաչում են ու հեծում: Տարանք, ձայն են տալիս տղատէրերը ու աղջիկատիրոջը ծաղրում: Շէմքից դուրս տանելիս գուռնաչին ռալը դէմ արեց ու ամենայն ուժով տարանին զլեց: Հարսի հայրը մի շուխտ գուլպայ բերեց, կոխեց գուռնաչու ջէբը, որից յետոյ նա փոխեց ածելու եղանակը ու առաջ գնաց: Եկեղեցու մօտ գուռնաչին սուս կացաւ: Այստեղ էլ ժամհարն է կատաղել. ժամի դուռը բաց չի անում: Գարեգինը միքանի սև փող տուեց նրան ու ներս մտան:

Պսակը վերջացնելուց յետոյ, տէրտէրը բերանացի էլ օրհնեց նրանց, վառեց մոմերը, մինը թագաւորին տուեց, մինն էլ խաչեղբօրը, խաչն էլ դրեց թագաւորի գդակածալը:

Ժամի դռնից դուրս գալիս, փեսեղբայրը թուրը հանեց, դռան զլխին բռնեց, նորապսակներն անցկացան. միենոյն բանը նա պիտի անէր ամենայն անգամ, երբ նորապսակները ներս մտնելու լինէին որևէ դռնից: Զուռնաչին ածեց «արեգական արդարութեան» շարականի եղանակով և ամենքը զիմեցին դէպի թագաւորի տունը: Հանդիսաւոր գնացքի ժամանակ ում դռնով անց էին կենում, տանտէրը դուրս էր բերում մի աման ձուածեղ ու մի գաւ զինի, ժամաւորին բաժանում, մի-մին պատառ էլ խաչեղբօրն ու թագաւորին ուտացնում: Բայց խաչեղբայրն ու թագաւորը իրարից շատ մօտիկ պէտք է գնային, որ արանքներից մարդ չանցկենայ. եթէ, Աստուած մի արասցէ, ոքմին անցկացաւ, էլ երեխայ չի լինիլ նրանց:

Այսպէս քէֆեր անելով եկան-հասան թագաւորի հօր տուն: Փեսայի հայրը, հօրեղբայրը, բարեկամ մարդիկ առաջ եկան, համբուրեցին ու պարելով ներս տարան բակը. պարում էին նմանապէս այդտեղ եղած բոլոր ազապ տղայքը: Այստեղ էլ մօտ բերին աւանդական ձուածեղը. տեփուրի վրայ դրած էր մի ամանով կրակ, որի մէջ ծխում էր անուշահոտ խունկը. մուճուրը երեք անգամ պտտացրեց նորապսակների գլխովը ու ներս տարաւ տուն: Յետոյ առաջ եկան բարեկամ կանայք, համբուրեցին նորապսակներին, մի-մի կտոր շաքար դրին բռները, իրանց խալաթը գցեցին հարսի զլխին ու մէջտեղ անցան պար գալու: Թագաւորի հայրն ու մայրն էլ կուռ-կուռի տուած պարեցին, խնդացին, պաշպչորեցին իրար: Աւերախութիւնը ընհանուր կերպարանք ստացաւ:

Վերջապէս ներս տարան թագաւորին ու թագուհուն, որ թախտի վրայ կանգնացնեն. բայց այստեղ էլ մի կրակ ու պատիժ կար. մի ութ տարեկան սիրուն տղայ նստել է բարձի վրայ ու վեր չի կենում: Քիչ բան չկարծէք. երեխան նստել է որ նորապսակները աչքը առաջին անգամ տղայ տեսնի, նրանց առջընեկը տղայ լինի: Խաչեղբայրը հանեց մի-երկու սև փող դրեց երեխայի բուռը ու վերկացրեց: Զուռնէն կտրեցին: Տէրտէրը վերջացրեց պահպանիչը: Թագաւորի մեծ քոյրը մի խումբ շահէլ աղջիկներին հետ պարելով մօտեցաւ նորահարսին, կուռը բռնեց ու ներս տարաւ նրա համար պատրաստած սենեակը՝ թախտի վրայ կանգնացնելու: Մի փոքրիկ սիրուն աղջիկ էլ այստեղ էր նստել հարսի բարձի վրայ: Սա էլ ուզում է ասել, թէ ամենքն էլ որ տղայ բերեն, ուր կըհասնի. առաջ տղայ տեսար, թող առջընեկդ տղայ լինի, ինձ էլ տես, որ աղջիկ էլ ունենաս: Հարսնեղբայրը ջէրիցը մի քսակ հանեց, տուեց երեխային, վերկացրեց ու հարսին կանգնացրեց իրան տեղը. ինքն էլ նստեց նրա կողքին. մինչև հարսանիքի վերջանալը նա պէտք է մնայ աղջկերանց մէջ:

Հարսին թախտի վրայ կանգնացնելուց յետոյ, մօտիկ ազգական կանայք եկան, մի-մի ընծայ տուին և առաջարկեցին նստել. առաջ եկաւ քաւորամէրը, հարսի ձեռք մի փարայ դրեց ու առաջարկեց նստել: Յետոյ եկաւ սկեսուրը. ուրդի ջան, ասեց, տունս քոնն է, տեղս քոնն է, քունճ ու պուճախս քոնն է, դու իմն ես, ես էլ քոնն եմ. մի ամաչիլ, նստի՛ր, ասեց ու մի ջուխտ արծաթէ քորոց դրեց բուռը, — թուշը պահեց յետ դռան: Յետոյ եկան միւս կանայք, համբուրեցին, մի-մի բան ընծայեցին ու իրաւունք տուին, որ նստի. նա էլ նստեց:

V

Հարսանիքի պսակաճաշն է. բարեկամներէից զատ, գիւղումն ինչքան լաւ մարդիկ կան՝ կանչուած են: Տունը մինչև գուռը երեք շարք նստոտած են: Վերի գլխին նստած է Ստեփան տղան. նրա խօսքը թրի պէս կտրուկ է, ինքն էլ մարդի սիրտ բաց անող ուրախութիւն սիրող: Բնբկէն, շնորքդ կտրուի, ժողովրդին նստացրել ես այստեղ մասլահաթի. շուտ արա, հնց բեր: Կանաւ վարիչ, քու կառավարութիւնդ գլխովդ գիւլչի, որ այդպէս պէտք է

ուշացնէիր, ընչու չէիր մեզ ասում, որ առաջ մեր տներումը հաց ուտենք, յետոյ գանք:

— Աման, աղայ ջան, միքիչ էլ համբերիր. խնամիքը դեռ չեն եկել, ասում է կառավարիչը. այ տղայ, մին էլ վազեցէք:

Միքանի բոպէյից յետոյ հարսի հայրը իւր մօտիկ բարեկամների հետ ներս են մտնում և բռնում են իրանց համար պատրաստած տեղը:

— Դէ, քու քրդի կողքդ քեզ խո՛ով, ասում է Ստեփան աղէն Արմենակին. ըսկի ամաչում էլ ես. թագաւորը թախտին, խաչը գլխին կանգնած է, էս բոպէյս էլ քո փեսէդ է. խանչալիդ քարը վէր կընկնէ՞ր, որ գլուխ տայիր. դէ, վեր կաց, գլուխ տուր էս սահաթիս, շուտ:

Խեղճ Արմենակը ամաչելով տեղիցը վեր կացաւ, գլուխ տուեց ու նստեց:

— Դէ, պրծէք, հացը քաշեցէք, ձայն տուեց աղէն:

— Այ, ջանիդ մատաղ, աղայ. դու որ չլինիս, մենք կըկոտորուինք. ոչ պակսիս մեր գլխիցը. հաստատ լինիս էս գիւղումը. քո շուտքը մեր վրիցը անպակաս լինի, ձայն տուին ամեն կողմից խալխը:

Կանգնաւորները հացը քաշեցին. ամեն մի բան բերելիս «Աստուած շնորհաւոր անի» խօսքը հետն էր: Տէրտէրը հացն օրհնեց ու սուս կացաւ: Ստեփան աղէն ներկայ էր. որտեղ նա լինի, տէրտէր չէ, շահն էլ համարձակութիւն՝ ունի բերան բանալու:

— Աստուած շնորհաւոր անի, ձայն տուեց այս պատուելի մարդը. Բնբկէն, աչքդ լոյս, մէկէլ տղերանցդ պսակն էլ տեսնես. բարեկամաց աչքը լոյս լինի: Հնց կերէք, ուրախութիւն արէք, խմեցէք, փչացրէք. պարոն Արշակ, էդ քո շարքի մարդկանց ուրախութիւնը քեզ եմ յանձնում. թէ լաւ չես քէֆ անիլ, ինձնից պրծնիլ չես. պարոն Տիգրան, քու շարքինն էլ քեզ եմ տալիս. պարոն Սահակ, դու էլ այդտեղ կառավարիր. մի լաւ, մի լաւ ուրախութիւն անենք, Բարկէնի գետը քանդենք:

— Աչքներիս վրայ, աղայ, ձայն տուին այս մարդիկը. գլխներին վրայ, քո հրամանը կըկատարենք: Յետոյ ամենքը գարձան իրանց կարգի նստածներին. «աղէն հրամանք արեց, քէփ արէք, տղայք ջան, մի լաւ ուրախութիւն արէք»:

Սորովածի վրայ Ստեփան աղան թասն առաւ ձեռն ու ասաց.

«Օրհնենա խոհր. այս մի թասը խմենք նոր խնամիրների կենացը: նրանց սիրտը սրանով շահենք. խաբեցիրնք, աղջիկը ձեռներըցը խլեցիրնք. Արմենակ, քու կենացը՝ քու բոլոր բարեկամներով. Աստուած ձեր բարեկամութիւնը հաստատ պահի»: Ասաց ու խմեց: «Արշակ, դիմեց նա իւր օգնականին. լսեցիր՝ ինչ որ ասի, թէ ականջներդ բուրդ էր մտել. աստուածատուր, քո շարքի մարդէ կանցը խմացրու»:

Արշակը պատասխանեց. «վայելիր և տուր. աչքիս վրայ աղայ»: Յետոյ դարձաւ իւր շարքի մարդկանցը. «աղէն հրամայել է, որ նոր խնամիրների կենացը խմենք»: Ինքն էլ աստուածատուր գնաց Տիգրանի մօտ, նա էլ՝ Սահակի, և ամենքը խմեցին:

Միքանի թասից յետոյ աղան դիմեց կառավարչին. «հաստատ գլուխ Գուրգէն, միայն լեզուիդ էս զոռ տալիս, էլ չես մտածում, թէ այսքան խալի լցրել եմ տուն ու ճոռ (վատ) գիրնին փորները կապել. դէհ, անշնորք. հասարակութիւն, հաւան էք այս գիրնուն»:

—Չէ, աղայ ջան, գլխիդ մատաղ, շատ վատ գիրնի է:

—Այս բոպէիս, սղայ, ձայն տուեց կառավարիչը. դէ, պէտք է դու հրամանք անես, որ մենք էլ գլխներիս վրայ կատարենք: Փառք Աստուծու, մառանը լիքը գիրնի է. մի մարդ ուղարկի՛ր՝ ում որ ուզում ես, գայ, որը կըհաւանի, նրանցից բերենք:

—Ես քեզ իմ փոխանակ հաւատարմատար եմ նշանակում, ասաց աղէն. դու՛ քու մարդկութիւնը:

—Գաւերը վեր կալէք, ձայն տուեց կառավարիչը կանգնածաւորներին ու գնաց մառանը:

Նոր բերած գիրնին առաջուանից լաւն էր. խմեցին մինչև փլաւի գալը:

Տօլմի վրայ թագաւորի հօրն ու մօր կենացը խմեցին: Շնորհակալութիւնի ժամանակ աղայ Ստեփանը հրամայեց, որ Բաբելէնը ու իր կնիկը մէջտեղը գան, անձամբ շնորհակալութիւն անեն: Բաբելէնն ընդդիմացաւ. թագաւորի մայրը չէր կարող մարդկանց առաջը դուրս գալ՝ քաւորները ներկայ էին:

Երկար չարչարանքից յետոյ խեղձ կնիկը, քափ ու քրտինք կոխած, գլուխը քաշ գցած, պինչը քթկալի տակովը խոր կալած, խուշուրը մինչև աչքերը ներքև բերած, եկաւ, գլուխ տուեց առաջ քաւորներին, յետոյ հասարակութեանը ու, աչքերը գետին գցած, կանգնեց:

Ստեփան աղէն մտիկ տուեց թագաւորմօրն ու ասաց. այս հասարակութիւնը մարդիդ ու քո կենացը խմել է. պէտք է շնորհակալութիւն անես. առ այդ թասը, մարդիդ հետ պօռտի արա ու խմիր:

Կնիկը բացասաբար շարժեց գլուխը:

—Է՛հ, որ այդպէս է, ընդունում ես որ մարդդ քո տեղակ շնորհակալութիւն անի:

Կինը գլխով արեց:

Բաբելէնը շնորհակալութիւն արեց:

Տօլմից յետոյ եկաւ փլաւը: Այդ ժամին աղէն թասը բարձրացրեց ու ասեց. հասարակութիւն, ականջ արէք. այս ուրախութիւնը որ վայելում ենք թագաւորի, թագուհու, միքիչ էլ խաչեղբօր պատճառով է. մենք պէտք է նրանց կենացն էլ անուշ անենք. թագաւոր, դարձաւ նա դէպի նորապսակը. քու և թագուհու կենացը, Աստուած ձեզ մի բարձի տիրացնի, ալևորիք, ծերանաք, թոռան, ծոռան տէր լինիք. խաչեղբայր, խաչի զօրութիւնը քու բանին, գործին յաջողութիւն տայ, բարով էս օրիս դու էլ արժանանաս՝ քու հարսանիքին էլ քէֆ անենք: Ամա գու մի մղդսի մարդ ես՝ վախում եմ ուշացնես: Արշակ, աստուածատուր:

Ամենքը բարձրացրին իրանց թասերը և խմեցին նորապսակների ու խաչեղբօր կենացը:

Գարեգինը, փառք Աստուծու, գիտենք, թէ ինչ շնորքի տէր է. բերանը բաց արեց ու շատ քաղաքավարի կերպով շնորհակալութիւն արեց երեքի փոխարէն: Զուռնաչին ծուանին զեց. բազմութիւնը, ձեռները բարձրացրած, երեք անգամ կեցցէ ձայն տուեց ու սուս կացաւ:

Կառավարչի ու ծնողների հրամանով թագաւորը, որ մինչև այդ ժամին կանգնած էր, նստեց հաց ուտելու, բայց չկերաւ:

—Գու ուզում ես առանց բերան-բացուկի հաց ուտացնել, ասաց աղէն Արմենակին. մեր գիւղի սովորոյթքը գիտես ո՞չ:

—Հաց կեր, որդի, ասաց Արմենակը ծիծաղելով. ծակ քարափիցը վերև ինչքան մացառուտներ կան՝ քեզ: Դադի դուզը, վարդանաբակի աւերակները, բարակոյտները, մեր մեծ այգու խիարդանակի ձուրթը, շուտ հասնուկ խաղողի թուփը, լօդ դեղձի ձուրթ, մեր քուրսու վերի կողքը, մեր եղի բողբոջ, մաթի պուլիկը, մածնի սերը, սերթ-սերթ ձուերը, անուշ պատառները—բոլորը

քեզ (դիմի որ սուտ լինի, այս վերջինները հօ զօրքանչդ թագուն
քեզ ուտացրած կըլինի). հերիք չի, որդի, էլ ի՞նչ ես ուզում, դե՛
հաց կեր, հողիս հօ հանելու չեմ:

Թագաւորի առաջը բերին այն ձուածեղը, որ բակը մտնելիս
գլխովը պտոյտ էին տուել: Նա էլ մի պատառ վեր կալաւ, բերանը
դրեց. մի երկու պատառ էլ խաչեղբայրն ու փեսեղբայրը վերկա-
լան. մնացածն էլ գինի խմողները անուշ արին:

Սուսերի վերջում տէրտէրը վեր կալաւ, հացն օրհնեց, բարե-
մաղթութիւններ արեց ու վերկացաւ: Վերկացան և մնացած
հիւրերը:

Տղամարդկանց հեռանալուց յետոյ՝ հացի նստեցին կանայք՝
նրանց հետ նաև թագաւորը իւր երկու ընկերներով, և իրանց
կարգին լաւ ուրախութիւն արին:

Հացից յետոյ թագաւորը միքանի մակառներով գնաց գերեզ-
մանատուն, մօտիկ ազգականների գերեզմանը օրհնիլ տուեց ու
հետ դարձաւ իրանց կառըը հորս անելու*):

ՊՈՕՇԵԱՆՑ

77. Փ Ն Ջ Ի Կ

Հայկակ, Սուրէն, Արամ, Յուլակ,
Եկէք, երթանք դաշտ ու ձորակ,
Քաղենք ծաղիկ տեսակ-տեսակ,
Համեստ շուշան, վարդ, մանուշակ.

Անցնենք հովիտ, պոկենք նարգիզ,
Խնկածաղիկ¹⁾ տեսքով աղիզ,
Սուռոյտ և ուրց ու պախրախոտ²⁾
Մետաքսաթել՝ որպէս նարօտ:

Անտառ մտնենք մենք հովասուն,
Մանգանք, պըտրենք անդ օրն-իբուն
«Օխտը աղբօր մի պուտ արիւն»³⁾,
Որ բերում է մեզ նոր գարուն:

Գանք, ծաղկանոց մրանենք կանուխ,
Քաղենք յափրուկ, վարդ, անանուխ,
Յասմիկ, կակաչ, ռեհան, մելսակ
Եւ այլ ծաղկունք բազմատեսակ...

Քաղենք, ժողովենք մենք միատեղ,
Նըստենք, հիւսենք խրճիկ⁴⁾ շքեղ,
Հիւսենք խրճիկ, փնջենք բարդ-բարդ
Մեր վարպետին ճակատի գարդ:

*) Այդ երեկոյ, հացից հետոյ, սկսում է աղջկապարը, որ
գրաւում է մեծ բազմութիւն ազապ տղաների ու աղջիկների: Պարի
ժամանակ երիտասարդները բացարձակ կերպով ցոյց են տալիս
իրանց համակրութիւնը և սէրը ազապ աղջիկներին շաբաշի պատ-
րուակով: Մայրերը մեծ իրարացման մէջ են լինում. ամեն մէկը
հանդէս է բերում իւր աղջկայ առաւելութիւնները պարի միջոցով:
Գիւղական փակ կեանքի մէջ, ուր աղջիկները տարեկան երկու-
երեք անգամ միայն համախմբուած եկեղեցի գնալու արտօնութիւն
ունին, հարսանիքի վերջին երեկոն հասարակական սկուճրի և
պարահանդէսի դեր է կատարում:

1) Խնկածաղիկ—անթառամ ծաղիկ, դեղին փնջապլսով, նուրբ
և անուշ հոտով: 2) Պախրախոտ—КОВЫЛЬ (տես 91 յօդուածը):
3) «Օխտը աղբօր մի պուտ արիւն»—եօթը եղբօր մի կաթիլ արիւն,
ДОНИСЬ կոչուած ծաղիկը: Մեր յարգելի բուսաբան պ. Քիշմի-
շեանը այս ծաղիկն «աղբրաց արիւն» է անուանում և թարգմա-
նում է՝ «КРОВЬ РУЧЕЙКОВЪ»: Հայր Սրուանձտեանն անուանում է
աղբրանց արիւն, որ նոյնպէս եղբայրների արիւն է նշանակում:
4) Խրճիկ—ծաղիկներից, խոտերից և հացարոյտերից հիւսած փունջ:

78. Ծ Ա Ղ Կ Ա Ք Ա Ղ

Համբարձման նախընթաց օրն էր: Փոքրիկ գիւղը անսովոր կենդանութիւն էր ստացել. հին, կիսախարխու մատուռի շուրջը հաւաքուել էին գիւղի հարսներն ու աղջիկները. նրանք մեծ իրարանցման մէջ էին. սովորականից աւելի համարձակ խօսակցութիւն, ծիծաղ, խնդութիւն տիրում էր նրանց մէջ: Տղամարդիկ չկային. բացակայում էին և հասակաւոր կանայք:

Ահա գալիս է դէպի այդ խումբը մի բարձրահասակ կին, նուրբ կազմուածքով, ցամաք տեսքով: Ամենքը վազում, շրջապատում են նրան: Եթար նանն է, — միակ կինը գիւղի մէջ, որի հետ բոլոր հարսները խօսում են: Անխօսութիւնը Եթար նանի համար գոյութիւն չունի: Գիւղի կանայք դժգոհ են այդ բանից, բամբասում են Եթարին, բայց բացարձակ բողոքել չեն համարձակուում. ամենքն ակնածում և մինչև անգամ վախենում են նրանից, որովհետև նա համարձակ է նոյնիսկ տղամարդկանց առաջ, որոնց բռնութեան դէմ շատ անգամ բողոքում է: — Մի երջանիկ բացառութիւն է Եթար նանը բռնութեան տակ ճնշուած կանանց հասարակութեան մէջ, եղակի բացառութիւն:

Եթար նանը խօսում է. նա կարգադրութիւններ է անում, հրամաններ է տալիս: Եւ ահա աղջիկներն ու հարսները խումբերի են բաժանուում և ուրախ-ուրախ վազում են դէպի ձորերը, այգիները, արտերն ու արօտատեղերը: Հրաշալի տեսարան. գիւղի շրջակայքը մի առանձին կենդանութիւն է ստացել. գարնանային ծաղիկների վրայ ոստոստող մեղուներին նոր ախոյեաններ են դուրս եկել — մի նոր տեսակ մեղուներ, որոնք իրանց աւանդական փեթակներից — գիւղական խրճի ներսում շրջապատից —

դուրս սողալով՝ կարծես նոր կեանք, նոր ոգի են առել՝ խնդում են, երգում, թռչկոտում... ծաղիկ են քաղում...

Ժամեր են անցնում, երջանիկ ժամեր, որոնք երանի թէ երբէք վերջ չունենային: Հարս ու աղջիկները գոգնոցները պլուում են ծաղիկներով: Ահա նրանցից մէկը ձայն տուեց. գանազան կողմից արձագանք տուին այդ ձայնին: Ահա մեր փափկասունները — ան, որքան չի յարմարուում այս քնքուշ ածականը մեր գեղջուկ շարքաշներին — կամաց-կամաց ժողովում են, խումբեր են կազմում և գիմում են դէպի մատուռը, ուր Եթար նանը միքանի հարսների հետ սպասում է նրանց: Գալիս են, հաւաքուում և Եթար նանի շուրջը այնքան ծաղիկ են թափում, որ, կարծես, ուզում են նրան ծաղիկ մէջ թաղել:

Իսկոյն Եթար նանը կարգադրում է, որ միքանի շնորհալի օրիորդներ նստեն, ծաղկամէրը հիւսեն. մնացած ծաղիկներից միւս մասնակցողները պէտք է փոքրիկ փնջիկներ կապեն, տնէ-տուն բաժանելու համար: Ծաղկամէրը մի մեծ խաչաձև խրճիկ է, հմտութեամբ հիւսած փոքրիկ փնջիկներից. նա պէտք է սաստիկ խնամքով պահուի, որ ազասպողաները չգողանան և ծաղկաքաղի հանդէսը հարամ չանեն: Ծաղկամէրը փնջելիս Եթար նանը բաց է անում «Չան-գիւլումի» համերգը հետևեալ չորս սողով.

Իմ գիւլումը քաղած ա (խումբը՝ Չան գիւլում, Չան, Չան).
Բարձր սարին կեաղած ¹⁾ ա (խումբը՝ Չան ծաղիկ, Չան, Չան).
Ով որ սըրա տեղն ասի, Չան գիւլում, Չան, Չան,
Հէրն-աղպէրը թաղած ա, Չան գիւլում, Չան, Չան:

Յետոյ փնջող խմբերը փոխ առ փոխ սկսում են երգել.

1 խումբ. Համբարձումին մտնենք պար, Չան գիւլում, Չան, Չան,
Ես քեզ, դու ինձ ասենք եար, Չան ծաղիկ, Չան, Չան,
Ես Չան ասեմ, դու գիւլում, Չան գիւլում, Չան, Չան,
Ուրախանանք միալար, Չան ծաղիկ, Չան, Չան:

¹⁾ Կեաղած — թաղցրած.

2 խումբ. Համբարձում օրն ա գալում,
Աղպէրըս մընաց սարում.
Եւր-Չան, նըշան կըզնենք
Այս համբարձման սուրբ օրում:

1 խումբ. Նստել ես պատիկ-պատիկ,
Աչքերդ նուան հատիկ.
Ամեն քեզի տեսնելիս,
Համ համբարձում, համ գատիկ:

2 խումբ. Այ օրօն-օրօն ծաղիկ,
Կարմիր ու տորոն ծաղիկ.
Տարէնը մի հետ կըգաս,
Կամ քեզ օրօն, այ ծաղիկ:

1 խումբ. Բլբուլ, արի մեր բազը,
Ասան ընկերիս խազը.
Սաղի միջով բարես
Հասցրու եարիս թազը:

2 խումբ. Այ տղայ, սև չուխաւոր,
Սաղմոսը ծոցիդ սաւոր,
Էրնակ կըտամ էն օրին,
Մեր տունը գաս թազաւոր:

1 խումբ. Կիւրակի էլ պաս կըլնի՞,
Արծաթից լաւ թաս կըլնի՞:
Որդիդ մեռնի, վարդապետ,
Սիրածը չըհաս կըլնի՞:

2 խումբ. Տանըս տակը շըլորի,
Ճղները ես ոլորի.
Էրնէկ կըտամ էն քըւոր՝
Օխտն աղբօր թագ ոլորի:

Ամենքը. Ծաղիկ ունիմ նարընջի,
Այ տղայ, վէր արի, փընջի.
Իմ մէր քեզ աղջիկ չի տալ,
Քանի սիրաւը մըմընջի:

Ծաղկամէրը գովելուց յետոյ՝ Եթար նանը մի կողմ է կանչում միքանի օրիորդներ, որոնց աչալըջութեան վրայ ինքը վստահ է և նրանց առանձին պատուէր է տալիս. դրանք պէտք է գնան նշանակած տունը և ամբողջ գիշեր ծաղկամէրը պահեն իրանց աչքի լուսի պէս: Ապա նա ջուրում է միքանի ջահէլներ և հրամայում է, որ փոքրիկ ծաղկափնջերը դարսեն խոնչաների վրայ ու ման ածեն դիւղում. ամեն մի տան պիտի տան մի փնջիկ և ծաղկամօր փայն ուղեն՝ բրինձ, կաթ, իւղ, ձու, հաց, պանիր... որ միւս օրը հացկերոյթ սարքեն:

Յետոյ Եթար նանը հրամայում է, որ մօտ բերեն դիւղումի բոլորը: Սա մի նախշուն հողէ քիւլայ էր, որի մէջ Եթար նանը գցեց միքանի փոքրիկ ծաղկափնջեր, մանրիկ քարեր, աւազ, և առաջարկեց, ով որ կամենում է՝ իր կողմից մի նշան գցի նրա մէջ: Ազապ աղջիկները անձամբ կամ իրանց հարսների ձեռքով երկիւղածութեամբ մօտեցան բոլորին և մի-մի նշան գցեցին մէջը՝ մատանիք, օղեր, ակնահոլուկներ, մատնոց, դրամ, դանակ և այլն: Այդ բոլորն էլ գգութեամբ պիտի պահէին մի առանձին տեղ, մինչև միւս օրը:

Այս բոլոր կարգադրութիւններն անելուց յետոյ՝ Եթար նանը ամենքին արձակում է իրանց տները, պատուիրելով, որ նշանակած ժամին հաւաքուեն այնտեղ, ուր պիտի կատարուի Չանգիւղումի հանդէսը:

Նոյն օրուայ երեկոյին, երբ գիւղը բաւականին խաղաղում է, երբ ծերերն ու պառաւներն անկողին են մտնում, գիւղի երիտասարդութիւնը, աղջիկ ու տղայ, հաւաքուում են մի ընդարձակ սրահ, ուր առաջուց բերած են լինում ծաղկամէրը, և կատարում են Չան-գիւղումի հանդէսը: Աղջիկ ու տղայ խումբ-խումբ նստոտում են սրահի այս ու այն կողմը, իսկ Եթար նանը բաց է անում հանդէսը, աղջկանց խմբի ձայնակցութեամբ:

Խնձոր ունեմ կծած ա, (խումբը՝ ջան, գիւլում, ջան, ջան):
Չորեք կողմն արծաթած ա, (ջան ծաղիկ, ջան, ջան):

Աղպերս ուզեց, տըւի ոչ:

Ասի՛ եարիս զրկած ա:

Յետոյ աղջիկների կողմից սկսում են երգել, և աղայոյ կողմից պատասխանել.

Աղջ. Այ աղայ, դու հմւր ես, մմւր ես.

Ես ծարաւ եմ, դու ջուր ես.

Իմ աղւորիկ թռչնակըս,

Համբարձում գիշերն ուր ես:

Տղ. Քորոցդ լիքը-լիքը,

Աղջիկ, առայ քու միտքը.

Ձեռով կանեմ, արի, տես,

Ոսկէ մատնիք բերեմ քեզ:

Աղջ. Կանգնել ես, կանչում էլ չես,

Բոյիցդ ամանչում էլ չես.

Եկայ, կշտովդ անց կացայ,

Տէր ես, ճանանչում էլ չես:

Տղ. Շատ մի անիլ վեր ու ցած,

Ես քեզ վաղուց եմ տեսած.

Մենք իրարու նման ենք—

Մէկ խնձոր՝ երկու կիսած:

Աղջ. Ամպեր, միքիչ հով արէք,

Անձրև թափէք, ծով արէք.

Վատ մարդու օրն ու կեանքը

Սև հողի տակով արէք:

Տղ. Վրադ եօրդան ես քաշել,

Միրաս, հողիս ես մաշել.

Աստուած անէ՛ լաւանաս,

Մեր տան պստիկ հարս դառնաս:

Աղջ. Քեաքիւլիդ կալին մեռնեմ,

Երեսիդ խալին մեռնեմ,

Լսել եմ՝ կարդացող ես,

Գրքերիդ ծալին մեռնեմ:

Տղ. Սիպտակ ձին նալն ի՞նչ կանի,

Միրունը խալն ի՞նչ կանի,

Քեզ տեսնող կարիչ տղան

Աշխարքի մալն ի՞նչ կանի:

Աղջ. Ծառիս տակը մանուշակ,

Իմ ընկեր քանց քեզ շիշակ.

Ութ թումանից անց կենամ,

Քեզ կանեմ նըրան մշակ:

Տղ. Աղջի, նըստել ես կարի,

Ալ արխալուլս մի կարի.

Ընկերիդ սալդաթ տարան,

Պիտ՝ սպասես չորս տարի:

Աղջ. Մեր տուն, ձեր տուն մին պիտէր,

Միջի պատը չըպիտէր.

Միջի պատը ի՞նչ անի,

Պառաւ տատը չըպիտէր:

Տղ. Սաղ տարին ծում ու պաս եմ,

Քեզ համար ոսկէ թաս եմ.

Սըտիս միջի դարդերը,

Ծաղկազարդին քեզ կասեմ:

Հանդէսը երկար, շատ երկար շարունակուեց: Գիւղա-
կան թեաւոր ժամացոյցները վաղուց արդէն իմաց էին
արել, որ կէս գիշերն անցել է: Եթար նանը առաջ անցաւ
և փակեց հանդէսը հետեւեալ համերգով.

Կապել էք բիրման գօտիկ, (ըլլորը միասին՝ ջան, գիւլում,
ջան, ջան):

Մարդ չէք թողնում ձեզ մօտիկ, (ըլլ. միաս. ջան, ծաղիկ,
ջան, ջան):

Համ տեսքով էք, համ համով, ջան, գիւլում, ջան, ջան.

Քանըդ ծաղիկ խորտտիկ, ջան, ծաղիկ, ջան, ջան:

Միւս առաւօտ գիւղացի աղջիկներն ու նորահարսները ծաղկամէրը տարան մատուռը և, միքանի ջան-գիւլում երգելուց յետոյ, ծաղկափունջը դրին սեղանի վրայ: Այդ միջոցին դրսում ջահէ՛նները կերակուր էին եփում, գլխաւորապէս կաթնեղէն. շատ աներից էլ, որոնց նորահարսները մասնակցում էին հանդէսին, խոնչայ էին ուղարկել՝ կաթնահունց, գաթայ, խաշած ձու, փլաւ, եղուշոր և այլն: Եւ անա մատուռի պատի տակ, կանաչ խոտի վրայ փռում են նահապետական կապոյտ սուփրէն, դարսում են նրա վրայ Աստուծու տուած բարիքը և հարս ու աղջիկ շարուում են նրա շուրջը: Եթար նանը կառավարում է սեղանը. տղամարդ չկայ. բացակայում են նաև սկեսուրները. բոլորը խօսում են ազատ, ուրախ, սրտանց... Եւ ճաշակերոյթը ձգւում է երկար, շատ երկար: «Ախ, երանի թէ նա երբէք վերջ չունենար»... Անկասկած այսպէս էին մտածում այն մատղաշ արարածները, որոնք դեռ տասնեւչորսը չլրացած ամուսին էին դարձել և, որպէս ստրուկ աւանդական սովորութիւնների, փականք էին դրել իրանց լեզուին: Բայց երբ է կատարուել ճնշուածների ու հարըստահարուածների ցանկութիւնը, որ այս անգամ կատարուէր: Ահա լսում է Եթար նանի այրական ձայնը և մատղաշ հարսները ցնցւում են. «աղջիկներ, հարսներ, դէ՛ բաւական է, ինչքան կերաք-խմեցիք, ինչքան խօսեցիք՝ ծիծաղեցիք. վեր կացէք, գնացէք ձեռ տանին-տեղին մտիկ արէք. հիմի ձեր սկեսուրները բարկացել, մսերս ուտում են» թէ ինչն է եմ էսքան ձեզ ուշացնում. գնացէք, Եթար նանը ձեզ մատաղ, գնացէք, հնազանդ ու խոնարհ կացէք ձեր մեծին, փոքրին, զգաստ՝ ձեր բանին, գործին... իրիկունն էլ, երբ բանից կը պրծնէք, ձեր մեծերի հետ եկէք, որ վիճակի ջան-գիւլումը քաղենք»:

Նախընթաց գիշերը, դեռ երգող խումբերը չարձակած, Եթար նանը երկու աղջիկ ծածուկ ուղարկել էր աղբիւրը, որոնք անխօս գնացել էին, ջուր բերել և ածել գիւլումի բղուղի մէջ. յետոյ այդ բղուղը տարել, պահ էին տուել մի այնպիսի տան, որտեղ տարուայ ընթացքում ոչինչ ձախորդութիւն չէր պատահել:

Այսօր, երեկոյին, անային գործերը վերջացնելուց յետոյ, գիւղի աղջիկները իրանց մօր կամ մեծ հարսի առաջնորդութեամբ հաւաքւում են այդ տունը, վիճակահանութեան հանդէսը կատարելու: Եթար նանը բերում, նստացնում է մի մատղաշ աղջիկ, ծածկում է նրան թանձր քոզով, բղուղը դնում է նրա առջ և յայտարարում է հանդէսը բաց արած: Ըստ սովորականին հանդէսը բացւում է ջան-գիւլումով. երգում են մի տուն «ջան-գիւլում», որից յետոյ փոքրիկ աղջիկը ձեռքը տանում է բղուղը և հանում է այնտեղ գտնուած նշաններից մինը, որ՝ նայելով գիւլումի բովանդակութեանն ու իմաստին, նշանի տիրոջն ու բարեկամներին ուրախացնում կամ արամեցնում է: Հաւատը դէպի գիւլումի գուշակութիւնը այնքան մեծ է, որ շատ անգամ, նշանի տիրոջ վիշտը թեթեացնելու համար, ստիպուած են լինում միևնոյն նշանը երկու-երեք անգամ գցել բղուղը և նրա բաղը նորից ու նորից փորձի ենթարկել, և եթէ երկրորդ ու երրորդ անգամ էլ բաղը դաւաճանում է «խեղճ աղջկան», ապա նա արտասուքն աչքերին հեռանում է հանդէսից...:

Այս գիշեր ամենից անբաղբը Ջաւահիրն էր, այն երկու աղջիկներից մինը, որոնք մէջ գիշերին գնացել էին աղբիւրը՝ ջուր բերելու: Ահա նրա համար դուրս եկած գիւլումները.

Քանաքեռ բարձր գեղ ա,
 Զուրը հիւանդին գեղ ա,
 Սիրածը սիրածին չեն տալ,
 էս ինչ անիրաւ գեղ ա:

Հընձողներին հաց տարայ,
 Եարիս տեսայ, ետ դառայ.
 էս ի՞նչ անբաղդ աղջիկ եմ՝
 Խընձոր տըւեց, ես չառայ:

Կեանքիս խաղաղ օրերը
 Ընկել եմ խոր ձորերը.
 Սիրտըս, հոգիս վըրդովուած
 Ման եմ գալիս չոլերը...

Վերջին տունը երգելիս՝ Զաւահիրը քաշուեց տան պո-
 ճախը և աչքերը լցրեց: Մի քանի ջահէլ հարսներ շրջա-
 պատեցին և սկսեցին մխիթարել նրան:—«Հողեմ գիւլում
 հնարողի գլուխը, ասաց նրանցից մինը. անցեալ տարի էլ
 ինձ համար այդպէս անյաշող դուրս եկաւ. պակաս բաղ-
 դաւորուեցի. իմ Կարօի թայը չկայ մեր շէնումը»: Բայց
 հարսիկը դիտմամբ ստում էր. Կարօն գիւղի ամենաանպէսք
 ու անշընորք երիտասարդներից մինն էր:

Այդ միջոցին աղջիկները շարունակում էին երգել.

Ես մի աննըման դուռ եմ,
 Թայերիս մէջ նմուռ եմ.
 Ինչ հարս, աղջիկ որ տեսնես,
 Ես բոլորից անուռ եմ:

Չեաներդ ծափ ես տալիս,
 Մազերդ թափ ես տալիս.
 Էսօր-էգուց գցելով
 Ամեն օր խաբ ես տալի:

Դու ինձ համար լուսնեակ ես,
 Գոհարից անգին ակ ես.

Աստու պատուհասին դաս,
 Թէ դուռը դէմս փակես:

Կանգնել ես, կազ կըմանես,
 Արեգակի նըման ես.
 Վեր կաց, այստեղից գընա,
 Շատ մարդ գըլխից կըհանես:

Ճնխարակ մանի, մանի,
 Քունըս անուռ կըտանի.
 Աղբերս սարում, քօլում,
 Իմ քունը հնց կըտանի:

Ես աղջիկ եմ, հէր չունեմ,
 Մի սըրտացաւ տէր չունեմ.
 Հօրից ու մօրից գրկուած,
 Աշխատող աղբէր չունեմ:

Եթար նանը հէնց որ նկատեց, թէ «գիւլումը» տխուր
 է անց կենում, մօտ կանչեց մի քանի գիտակ աղջիկներ
 և պատուիրեց, որ աւելի ուրախ գիւլումներ ասեն: Աղ-
 ջիկները երգեցին.

Պարտէզ ունեմ, դրախտ ա,
 Ծաղիկ-ծաղկունքի վախտ ա.
 Գէշ աղջիկ, սիրուն տղայ,
 Ես էլ մի ուրիշ բախտ ա:

Ծաղկազարդը գալիս ա,
 Ծաղիկս ցընձալիս ա.
 Ծաղկի պէս սիրուն տըղայ,
 Զայնդ ծըլվլալիս ա:

Գետ ա գալիս լափ տալէն,
 Զուխտ խընձորին ծափ տալէն.
 Հրէս եկաւ իմ աղբէր՝
 Սև ձին տակին խաղալէն:

Այ տղայ, դու բաղի միջին,
Ոտներդ շաղի միջին.
Երգէ, երգելուդ մեռնեմ,
Ես եմ քո հաղի միջին:

Երբ որ բոլոր վիճակները հանուած պրծած էին,
Եթար նանը տեղիցը կանգնեց, երգիչներին իւր շուրջը
առաւ և խմբովին երգեց.

Արազը հեշտացել ա, ջան, գիւլում, ջան, ջան,
Ճամպէքը կոշտացել ա, ջան, ծաղիկ, ջան, ջան.
Սաբար տարէք իմ նանին, ջան, գիւլում, ջան, ջան,
Մուշտարիս շատացել ա, ջան, ծաղիկ, ջան, ջան:

Այսօր վիճակ հանեցինք, ջան, գիւլում, ջան, ջան,
Լաւ-լաւ գիւլում բաղեցինք, ջան, ծաղիկ, ջան, ջան.
Հազար ու մի ցանկութիւն, ջան, գիւլում, ջան, ջան,
Գիւլումներով յայտնեցինք, ջան, ծաղիկ, ջան, ջան:

Դէ, իմ փոքրիկ ընկերներ, ջան, գիւլում, ջան, ջան,
Ելէք երթանք մեր տներ, ջան, ծաղիկ, ջան, ջան.
Մինչ ծաղկազարդ միւս տարին, ջան, գիւլում, ջան, ջան,
Բարով հասնենք այս օրին, ջան, ծաղիկ, ջան, ջան:

Ն. Տ.-Ղ.

79. Պ Ա Խ Ր Ա Խ Ո Տ

(Աւանդութիւն)

Երիտասարդ իշխանի պալատը շինած էր ընդարձակ սարահարթի վրայ, որտեղից երևում էին նրա լայնածաւալ կալուածքի բոլոր սահմանները: Սա մի հոյակապ շինութիւն էր, բաղկացած բազմաթիւ բաժանմունքներից, որոնցից իւրաքանչիւրը ունէր իւր բացառիկ պաշտօնը: Շինութեան կենդրոնական մասը բաղկացած էր երկյարկանի տնից, որի ներքին մասը իշխանի բնակարանն էր, իսկ վերին յարկը յատկացրած էր այն բազմաթիւ հիւրերի համար, որոնք ամառային ամիսներին անպակաս երթեկում էին նրա մօտ: Պալատը, որ արտաքուստ արքայավայել տեսք ունէր, ներքուստ կահաւորած էր տարբեր կերպով. վերին յարկի դռն ու դարձարանները, կահ-կարասիների ճոխութիւնն ու բազմազանութիւնը ապացոյց էին տանտիրոջ ճաշակի նրբութեան և ձեւական փառասիրութեան. սենեակները բարձր ու ընդարձակ, պատերը իւղաներկ, գահոյքները արքայավայել՝ ընկողմարանները, բազմոցները, գահաւորակները, բազմաթոռները... բոլորը գունաւոր թաւիշով ծածկած. մահճակալների պարագաները՝ ներքնակներն ու վերմակները կարած էին մետաքսաթել գործուածքներից, բարձերը լցրած մաքուր աղուամազով: Մի խօսքով՝ երիտասարդ տանուէրը այնպիսի խնամքով կահաւորել էր հիւրասենեակները, որ կարող էր բաւականութիւն տալ իւր պայազատ հիւրերի ամենանուրբ փափկասիրութեանը:

Բայց որքան ճոխ էին ու դարձարուն հիւրերի սենեակները, այնքան պարզ ու անշուք էր իշխանի իրան կացարանը: Շինութեան ստորին յարկում նա վերցրած ունէր երկու ընդարձակ սենեակներ՝ մինը որպէս ննջարան, միւսը—առանձնարան. ննջարանի մէջ դրած էր մի մահճակալ կաղնէ փայտից, որի վրայ տարածած անկողինը և սպիտակեղէնը կարած էին մաքուր, բայց հասարակ կտորներից. մնացած կահ-կարասիքը, մի սեղան և մի բանի աթոռներ, նոյնպէս կաղնի փայտից էին. մահճակալի վերեւ, պատի վրայ, առաստաղից մինչև յատակը՝ կախած էր մի թանկագին գորգ, որ ամբողջապէս ծածկուած էր զէնքերով: Իշխանի առանձնարանը աւելի ևս անշուք էր. ընդարձակ սենեակի մէջ դրուած էր մի խոշոր սեղան և մի տասնեակ աթոռներ ընկուղի

անագին ծառայումբեր կազմում էին այդ ընդարձակ ծառաստանի մասերը: Մակաւ չէին և խառն անտառները, ուր պտղատու ու անպտուղ ծառեր, թփեր ու մացառներ մձձուում էին միմեանց հետ և անհնարին դարձնում մարդկային անցողարձը:

Անտառապահների մի ամբողջ լէգէոն աշալուրջ պահպանում էր բնութեան այս ճոխ գարդարանքը, կողմնակի մարդկանց շահատակութիւններէից. առանց իշխանի հրամանի ոչ ոք իրաւունք չուներ մտնել այդ անտառները, ոչ ոք չէր կարող մի ճիպտ անգամ կտրել այդտեղից:

IV

Բայց անտառների մասին ունեցած հոգացողութիւնը պէտք չէր վերագրել իշխանի սիրոյն գէպի բուսականութիւնը: Նա չէր կարող հասկանալ նմանապէս, թէ ինչ հրաշալի դեր է կատարում անտառը բնութեան մէջ, որքան բարեխառնում և նպաստում է նա օդի մաքրութեանը, որպիսի անփոխարինելի ծառայութիւն է մատուցանում այն գետերի ստորերկրեայ ջրամբարներին, որոնք անցնում և կենդանութիւն էին տալիս նրա ամբողջ կալուածքին: Ոչ. անտառի մասին նա հոգում էր բոլորովին ուրիշ տեսակէտից. անտառը նրա որսերի բնակարանն էր, նրա որսորդութեան հրապարակը: Եւ ինչպէս որ նա հոգս էր քաշում իւր երիվարները մասին, որպէսզի նրանցով պարծենայ իւր բազմաթիւ հիւրերը առաջ, նոյնքան և աւելի ևս հոգացողութիւն էր անում այն վայրենի կենդանիների վերաբերութեամբ, որոնք բաւարարութիւն էին տալիս նորա որսորդական ձգտումներին: Իւր անտառապահները շարքում նա ուներ հմուտ նետընկեցներ, որոնց պարտականութիւնն էր կտորել վնասակար գազաններին, որպէսզի նրանք արգելք չլինին միւս կենդանիների բազմանալուն: Վնասակար գազաններն էին՝ գայլը և բորենին (քաւթաւը): Առջը և յովազը (փալանգը) վնասակար կենդանիների շարքը չէին մտած նախ այն պատճառով, որովհետև այդ գազանները սիրում են ապրել առանձնացած, աւելի խիտ և անանցանելի ծմակներում, ուր միւս խոտաճարակ վայրենիները այնքան էլ մուտք չունին և երկրորդինքը իշխանը հիւրերի ուղեկցութեամբ կամ լուի իւր զինակիրների հետ սիրում էր որսի գնալ իւր անտառների այդ ամենա-

վտանգաւոր բնակիչները դէմ: Օ՛, այդ ժամանակ պէտք էր տեսնել երիտասարդ իշխանին. նա, ոտից գլուխ զրահաւորուած, մի քանի ծառաների ուղեկցութեամբ, որոնց պարտականութիւնն էր նիւթ մատակարարել նրա լախալիճ աղեղին, նետում էր իրան ամենավտանգաւոր տեղերը և շատ անգամ մի կողմը ձգելով աղեղը, սուրը մերկացրած, արշաւում էր կատաղած գազանի վրայ: Նրա երիտասարդ որսակիցները այդպիսի վտանգաւոր ըսպէսներին, կանգնած մէկուսի, սպասում էին, թէ ինչով կըվերջանայ մրցութիւնը գայրացած գազանի և գազանացած մարդու մէջ: Եւ դեռ ղէպը չէր եղել, որ ընկերները ստիպուած լինէին օգնութեան գնալ իրանց անվեհեր առաջնորդին. ամեն անգամ պարտութիւնը գազանների կողմն էր մնում: Իսկ դուք պիտի գիտենաք, որ վերաւորուած արջը և կինճը (վարազը) ամենակատաղի և ամենավտանգաւոր հակառակորդներ են, ուր մնաց յովազը, որ արիւնարբու վագրի հարագատ եղբայրն է:

V

Որսորդութեան փառաւոր հանդէսը սկսուած էր արդէն: Մայն հազուադէպ հանդէսնցերից մինն էր, երբ իշխանի հրաւերով մասնակցում էին նրան հարեան երկիրների բոլոր կալուածատէրերը: Հանդէսի նախօրեակին իշխանը իւր հմուտ վերակացուների խորհրդակցութեամբ, որոնց ծանօթ էին նրա ընդարձակ անտառների բոլոր ել ու մուտը, կազմել էր որսորդութեան մանրամասն ծրագիրը: Հանդիսականները բաժանուած էին խմբերի և ամեն ծրագիրը: Հանդիսականները բաժանուած էին խմբերի և ամեն մի խմբի տեղն ու անելիքը որոշուած էր: Խմբապետները պէտք է բռնէին որոշ դիրքեր. նրանց օգնականները պատրաստ պիտի լինէին երկրորդական դիրքերում՝ թէ խմբապետներին օգնութիւն հասցնելու և թէ որսի ճանապարհը կտրելու համար, եթէ նա ենթադրած ուղղութիւնից շեղուելու լինէր: Ամեն մի խումբ ունէր իւր որսարարը, որ անտառ պիտի մտնէր նշանակաց տեղից և վարժեցրած շների օգնութեամբ դուրս պիտի քշէր որսը գէպի չարաբաստիկ դիրքերը:

Հանդէսը սկսուել էր լուսաբացին, երբ ազամայ մութը նոր էր յետ գցել իւր թանձր վարագոյրը երկրի երեսից: Հանդիսապետի փողը հնչելուն պէս՝ շներն ու որսարարները սկսել էին

իրանց գործը: Միքանի բոլե ևս՝ և բոլոր անտառը գղրղման ու իրարանցման մէջ էր: Անտառի չորքոտանի բնակիչները, այս անակնկալ արշաւանքից շղկուած, սլանում էին դէս ու դէն- շների կլանչոցը, մարդկանց աղաղակը, վիրաւոր անասուններէ գոռոցն ու բառաչիւնը գղրղացնում էին ամբողջ անտառը... Իշ- խանը գտնվում էր ամենավտանգաւոր վայրերից մինում. նա, մի- քանի թեթև արկածներից յետոյ, կանգնած էր մի դժուարին և անբացատրելի հանելուկի դիմաց: Նրա հաւատարիմ շները, Չան- գին ու Ջրանգին, կանգ էին առել մի թանձր մացառուտի առաջ և կամենում էին դուրս մղել այնտեղից անտեսանելի որսը: Խիտ էր մացառուտը, շները ներս մտնելու ճանապարհ չունէին, իսկ որսը ուշք չէր դարձնում նրանց հաշոցի: Երիտասարդ իշխանի յուզմունքը բոլե առ բոլե սաստկանում էր. նա պատրաստ էր անձամբ նետուել մացառուտի մէջ. բայց փշերն այնպէս մճճուած էին, որ անհնար էր կատարումն տալ այդ յանդուգն ցանկութեան: Իշխանը խորհրդաւոր հայեացք գցեց իւր զինակիրներէ վրայ: Այս հայեացքի մէջ նկատուում էր բարկութիւն, անհամբերութիւն ու կատաղի վճռականութիւն. պարզ երևում էր, որ նա ճամբայ պի- տի բանայ դէպի մացառուտի խորքը, առանց իմանալու, թէ սի է իւր հակառակորդը: «Պտըտիր, Չանգի, և գտիր, թէ որտեղից է մտել գաղանը մացառուտի մէջ. մտիր և դուրս հանիր որսը» գոռաց որսարարը: Շունը մի երկու պտոյտ արեց և, մի ճեղք գտնելով, ներս սողաց: Ամենքը վազեցին այն կողմը: Մի բոլեից յետոյ շունը կլանչեց և դուրս սողաց նոյն ճեղքից: Նրա ետևից երևեցաւ վիթխարի վարաղի փրփրապատ դունչը: Նոյն վայրկեա- նին իշխանի նետը սլացաւ դէպի անոնի կենդանին: Կինճը յու- սահատական ճռինչ արձակեց և մի պտոյտ արեց դէպի յետ: Հա- մարեա միաժամանակ մացառուտի միջից լսուեցաւ մի ուրիշ գա- ղանի որոտաղին մոնչոցը և ամենայն ինչ լռեց: Մի բոլե իշխանը և նրա զինակիրները չկարողացան հասկանալ, թէ ինչ է կատար- ւում իրանց շուրջը: Չանգին արիւնաթաթախ ընկած էր իշխանի ոտների առաջ. վարաղի կատաղի հարուածը ճղել- թափել էր նորա փորտիքը. խեղճ կենդանին մի անգամ էլ բացեց աչքերը, լիզեց իւր տիրոջ ոտները և շունչը փչեց: Իշխանի դաժան դէմքը աւելի ևս մռայլուեցաւ. նա հրամայեց, որ հեռացնեն շանը, իսկ ինքը ուղղեց իւր բայլերը դէպի մացառուտի խորքը: Ծառաները, սրերը

հանած, կտրատում էին մացառները և ճանապարհ էին պատրաս- տում իրանց տիրոջ համար: Եւ ահա նրանց առաջ բացուեցաւ մի անակնկալ տեսարան. մացառուտի խորքում ընկած էր վայրենի վարաղը, իշխանի նետը կոնատակին մեխուած. նրա կողքին վայր էր ընկած մի արջ՝ անագին մեծութեան: Երկուսն էլ արդէն ան- շնչացած էին: Այս անսպասելի երևոյթը բացատրուում էր հետե- ւեալ կերպով. անկասկած արջը և կինճը, անտառային իրարան- ցումից փախչելով, մացառուտի մէջ ճակատ առ ճակատ հանդիպել էին միմեանց և, չկամենալով կամ չկարողանալով ճանապարհ տալ մէկ - մէկու, պատրաստուել էին կուռելու: Հարկաւ գաղանները մի- մեանց դէմ կանգնած բոլեին ներս է սողացել Չանգին և, անկարող լինելով թռչել վառաղի մէջքը, որ նա կանէր, եթէ մացառները չխանգարէին, բռնել է նորա յետին ազդրից: Կինճը դարձել է դէպի շունը և ածելու նման սուր ժանիքով ճղել է նորա փորը: Նոյն բոլեին իշխանի նետը ցցուել է նորա կոնատակը: Չայրա- ցած կենդանին կարծել է, թէ հարուածը եկաւ արջի կոմից, պտոյտ է արել և ամենայն թափով դարկել է արջին... Եւ այս- պէս անտառային դրամայի չորքոտանի մասնակցողները երեքն էլ մահացած ընկել են որսորդների հաճոյքի համար...

VI

Որսորդութիւնը վերջացել էր. հանդիսապետի փողը փչել էր սովորական ազդանշանը... Իշխանը դանդաղ ու մտախոհ բարձրա- նում էր ձորամիջից: Ջրանգին տխուր ու գլխակախ հետևում էր իւր տիրոջը: Տխուր էր իշխանը, շատ տխուր էր, այսօրուայ որ- սորդութիւնը նրա փառասիրութեանը գոհացումն չէր տուել: Ճըշ- մարիտ է կինճը և արջը ամենախոշոր տեսակներից էին, բայց նա զգում էր, որ նրանց մահացնելում ինքը քիչ դեր է խաղացել. նա կըցանկանար, որ ամենի վարաղը, փոխանակ յետո դիմելու, յար- ձակուէր իւր վրայ, վէրք տար, վէրք առնէր. նա դժգոհ էր մա- նաւանդ որ արջը, որի նմանը հազիւ թէ միւս անգամ պատահէր, մահացել էր առանց իւր մասնակցութեան. ձեռնակուիւր մի այդ- պիտի խոշոր գաղանի հետ իշխանին մեծ հաճոյք կըպատճառէր. բացի այս՝ չկար և Չանգին, իւր հաւատարիմ շունը, որին չէր փոխիլ կէս թագաւորութեան հետ: Մռայլ ու մտախոհ առաջ էր

գնում նա նեղ շաւիղն ի վեր... Յանկարծ Ջրանգին մի երկու աս-
տիւն արեց, անցաւ իւր տիրոջ առաջը և, ականջները խլըշած,
ետի ոտը ձգեց-կանգնեց: Իշխանը հասկացաւ որ շունը որսի հոտ
է առել, բայց իւր հրամանին է սպասում: «Ի՞նչ կայ, Ջրանգի,
ասաց նա. դէ՛հ գնա, գնա՛րս հանի՛ր որսը»: Շունը առաջ վազեց.
զինակիրները պատրաստեցին զէնքերը. իսկ իշխանը կանգնեց և
անտարբեր սպասում էր: Այդ բոպէին խիտ ծառատունկի ետևից
նշմարուեցաւ մի խոշոր կենդանու ուրուապատկերը: «Դու՛րս մղիր,
Ջրանգի», հրամայեց իշխանը սառնութեամբ: Շունը միքանի
քայլ էլ առաջ վազեց հաջելով: Բայց նա հաջում էր անտարբեր.
զազանային զայրոյթի ոչ մի նշոյլ չէր երևում նրա վրայ:
Իշխանը հասկացաւ, որ շունը մի անվտանգ կենդանու հետ գործ
ունի: Այդ ժամին որսը ամբողջապէս դուրս երևեցաւ ծառերի
ետևից: Սա մի փառահեղ եղջերու էր, որ փոխանակ փախչելու,
ինչպէս պէտք էր սպասել, միքանի քայլ արեց դէպի շունը. կար-
ծես նա այդ բոպէին արհամարհում էր թէ՛ շանը և թէ՛ հեռուից
երևեցող որսորդներին: Իշխանի մէջ զարթեց բոպէապէս մարած
որսորդական կրակը. նա առաւ նետը և ուղղեց կենդանու բար-
կութիւնից օրօրուող ճակատին: Նետը վրիպեց. նա անցաւ կեն-
դանու եղջիւրների միջով և միայն կոտրեց նրա ճղներից միւրը.
եղջերուն տեղից չշարժուեցաւ. նա թափահարեց գլուխը և դունչը
ցածրացնելով, դուրս ցցեց իւր ծառանման եղջիւրները. կարծես
պատրաստում էր մի ուրիշ կենդանու հետ զարնուելու: Մի վայր-
կեան իշխանը զարմացած էր եղջերուի անսովոր համարձակու-
թիւնից: Ջրանգին ևս զգաց, որ կենդանին կատակ չի անում. նա
ծկլթաց և ցատկեց դէպի եղջերուի ուսամէջը. բայց վերջինս
բարձրացրեց գլուխը և շանը առնելով իւր եղջիւրների ծայրը,
դէն շարժեց դէպի ձորը: Միաժամանակ իշխանի երկրորդ նետը
խրուեցաւ խեղճ կենդանու կուրծքը և նա մահացած վայր ընկաւ...
Վիթխարի ցուլի կանգնած տեղը երևեցաւ նրա ընկերուհին՝ մի
քնքուշ եղնիկ, որ ամբողջ մարմնով գողում էր: Քարասիրտ մարդը
նկատեց այդ և փոխանակ մեղքանալու, մի նետ էլ ուղղեց դէպի
խղճուկ կենդանին: Նա էլ վայր ընկաւ... Իշխանը մօտ վազեց և
լինջ տեսաւ. անհնչացած մօր առջևը չոքած են երկու նորածին
հորթուկներ և ծծում են նրա արնաշաղագ ծծերը... Իշխանը
ծածկեց աչքերը... Այդ բոպէին լուեցաւ լեռնային ոգու որոտա-

զին ձայնը. «Դու սպանեցիր հօրը, երբ նա պաշտպանում էր իւր
ընկերին ծննդաբերութեան ժամին. դու մահացրիր մօրը, երբ նա
խնամում էր իւր նորածին հորթուկներին. թո՛ղ արդարադատ
երկինքը արժանաւոր հատուցումն տայ քո արարմունքին»...
Լեռնոգին լուեց: Սաստիկ փոթորիկը արձագանք տուեց նրա ձայ-
նին: Բարձրացաւ «սատանի ըամին», պտըտեց վիշապի պէս,
աւելի ու աւելի փոքրացրեց իւր շրջանը, մի վիթխարի օդային
ձագառ կազմեց և իւր մէջն առնելով մեղապարտ որսորդին, երկինք
բարձրացրեց և այնտեղից պատառ-պատառ ցած թափեց... Փո-
թորիկն անցաւ: Աստուծոյ հրամանով հողը բուսցրեց մի տեսակ
կակուղ մետաքսանման խոտ նորածին հորթուկների համար, որով
նրանք կերակրուեցան իրանց մօր կաթի փոխանակ: Այդ օրից
խոտը կոչուեցաւ պախրախոտ, իսկ ձորակը—պախրածոր:

Ն. Տ.-Ղ.

80. ՍԱՍՈՒՆՅԻ ԴԱԻԻԹԸ

(Դիւցազնական աւխարհ)

Ա. Շատ դարեր առաջ Սասուն քաղաքում ապրում
էր մի մարդ, անունը Մհեր. նա չէր հասարակ մի խեղճ
հպատակ, այլ երկրի տէրը, իշխան անվեհեր: Ինչպէս
առիւծը մեծ է անտառում, ինչպէս արծիւը տիրող վերե-
րում, այնպէս էր Մհեր բոլոր պետերի, իշխանների մէջ:
Ոչ-ոք չէր կարող դէմ կանգնել նրան՝ ոչ միայն մարդիկ,
այլև դև, գազան... Դեռ նա մանուկ էր տասը տարե-
կան, երբ Սասուն տանող լեռնուղու վրան՝ առիւծ երևաց.
— գազան մարդակեր, որ ճամպէն կտրած կ'ուտէր, կըլա-
փէր, ով կըյանդոգնէր Սասուն ներս մտնել, կամ ում
Սասունից դուրս գալ պէտք լինէր:— Մանուկ Մհերը իւր
հօրից ծածուկ գնում է անտառ, վիշապի վրայ: Քաղցած

գազանը նրան տեսնելով, սաստիկ գոռում է, վեր կենում տեղից: Ինչպիսիք են իրար: Գազանի բաշից Մհերը բռնում, կատաղի թափով գետին է զարկում և, շունչ չտալով անեղ կենդանուն, ձախով բռնում է ներքի ծնօտը, աջով վերինը քաշում, պատառում, երկու կէս անում:

Բ. Երկար տարիներ Սասուն, իւր տանը, թագաւորում էր Մհերի իշխանը: Հարևան երկրի պետեր ու տէրեր, այրերում ապրող անուշիկ գեներ նրա անունից սարսափում էին: Խաղաղ էր Սասուն. հպատակները հանգիստ, երջանիկ. միայն Մհերը իւր վիճակիցը անգոհ էր սաստիկ. նա ժառանգ չունէր: Մհերն աղօթքով Աստուծուն զիմեց, որ մի որդի տայ: Տիրոջ հրեշտակը երազում ասեց. գաւակ կ'ունենաս դու մի քաջ, հըսկայ. բայց երբ նա ծընուի՝ նրա ծընողաց կեանքը պիտ' կարճուի: Մանուկը ծընուեց: Հայրը շտապով նրան մըկըրտեց: Նրա անունն Դաւիթ դրեցին... Խեղճ ծնողներն էլ երկար չապրեցին: — Մի տարօրինակ տըղայ էր Դաւիթ. մանուկ հասակում նա ծիծ չկերաւ. մեղրով ու կաթնով սնուեց, զօրացաւ. ով կըմեծանար ամսով ու տարով, նա մեծանում էր ժամով ու օրով:

Գ. Մանուկ օրերին Դաւիթն ապրում էր Մսուր քաղաքի մեկիքի տանը: Սա Դաւիթի հօրը, Մհեր իշխանին՝ մօտ ազգական էր, թէև կռապաշտ: Ձէնով-Օհանը, մեռնող Մհերի կամքին հնազանդ, Դաւիթ մանուկին տարաւ նրա տուն, Իսլիմ խանումի խնամքին յանձնեց: Խանումը նրան հարազատ որդուց չէր զանազանում. բայց հոգէորդու գերբնական ոյժը շատ փորձանքներ էր խեղճ կընկան բերում: Միրում էր Դաւիթ կատակներ անել, բայց ոչ մի կատակ աժան չէր նստում միւս մանուկներին, խաղակիցներին. մէկի կընական էր ծուռում, դուրս ընկնում, միւսի

տաները տեղահան լինում, մէկը կաղ ոտով, միւսը թևաղուրկ տուն վերադառնում:

Մի օր խանումը մանկանը փակեց իւր սենեակի մէջ — տանից դուրս գնաց: Դաւիթը ելաւ, դուռը կտորատեց, դուրս վազեց փողոց, տղայոց կանչեց, պարտէզ ժողովեց: Այստեղ մեր քաջը ձեռքը մեկնում է, մի բարդի ծառի թընիցը բռնում, ցած կըռացնում. «դէհ, ընկերներս, եկէք ծառ հեծնենք, ձիախաղի տանք»: Տղայքը վազում, հեծնում են ծառը: Դաւիթը դարձեալ կատակ է անում՝ ծառը բաց թողնում: Ծառը ուժգնապէս վերև է ձգում և մանուկներին դէս ու դէն գցում. որը մեռնում է, որն էլ կիսամեռ գետին է ընկնում:

Դ. Այս դէպքից յետոյ Մսրամելիքը մարդիկ է վարձում և պատուիրում է, որ Դաւիթին տանեն ու ճանապարհին, գետից անցնելիս, կամրջից ներքև գցեն, սպանեն: Երբ նա տեսնում է Դաւիթին ու գնում, իբրև թէ Սասուն, հօր տունն են տանում: Բայց երբ հասնում են Մուրաղչայ գետին, կամրջի կիսին, երկու քաջերը, մինը առաջից, միւսը յետևից, Դաւիթին բռնում են, որ գետը գցեն: Բայց մեր մանուկը երկու քաջերին իբրև հաւի ճուտ տակըն է կոխում, դաշոյնը հանում, վզներին դնում: «Ես ձեզ կաւորող եմ մորթել իբրև ուլ, կամ գետը ձգել որպէս մի փետուր, բայց Իսլիմ մօրս բարի խնամքին բաշխում եմ ես ձեզ ձեր կեանքը չնչին»: Ասում է Դաւիթ, նրանց արձակում ու ինքը Սասուն հէրբօր մօտ գնում:

Ե. Մհերի մահից յետոյ նրա երկիրը կառավարում էր նրա եղբայր Ձէնով-Օհանը: Սա բարի մարդ էր, բայց իւր հանգուցեալ եղբօր չափ քաջ չէր: Սորա փոխարէն Օհանը շատ զօրեղ ձայն էր, այնքան զօրեղ, որ ամպի գոռոցին կամ կայծակի ձայնի-

նին էր նմանում: Երբ որ Օհանը կամենում էր ձայն տալ—կանչել նրան փաթաթում էին եօթը գոմշի կաշուի միջ, որ, կանչելիս, ինքը չճաքի, չպատառուի:

2. Երբ որ Օհանը տեսաւ տըղային փարթամ, գարգացած, շատ ուրախացաւ: «Մհերի որդին քիչ էլ մեծանայ, իւր հօր երկիրը կըկառավարի. այժմ թնոյ մի քիչ հորթերը գնայ, տաւարը պահի, մտածում էր նա. թնոյ դեռ սովորի հպատակ լինել, որ երբ տէր դառնայ, հպատակները ցաւը հասկանայ»: Բերաւ պողպատէ սօլեր հագցըրեց, ձեռքին պողպատէ գաւազան դրեց, տաւարն ուղարկեց: Բայց տաւարածը մեր քաջ Դաւիթն էր՝ իւր կատակները դարձեալ միտ բերեց. մի օր սարերում ինչ որ գազան կար՝ արջ, առիւծ, վագրեր, վարազներ ու գայլ, մի տեղ ժողովեց, նախրի հետ արեց ու քաղաք բերեց: Քաղաքացիքը սաստիկ վախեցան, դռներ, երդիկներ ամուր կողպեցին, տանը թագկացան: Դաւիթը կանչեց. «Բարերար Աստուած, թնոյ իմ տաւարը անվընաս մընան, իսկ գազանները սարերը գընան»:

է. Տաւար պահելիս՝ Դաւիթը ունէր մի համեստ ընկեր, որ միշտ բերում էր խառնում տաւարը Դաւիթի նախրի հետ ու կշարն մընում: Դաւիթն էլ հանգիստ իւր համար քընում: Մի օր Դաւիթը քնից վեր կացաւ և իւր ընկերից վատ լուր իմացաւ. քառասուն վիշապ, ամենի դեեր, վրայ են տուել, քառասուն տաւար վեր առել, տարել:

Դեերի հետքը Դաւիթը բռնեց, սրանեղած գնաց, մի քարայր գտաւ: Դեերի տունն էր գետնի տակ փորած, դռան առջևն էլ մի ժայռ գլորած: Քարայրի դռան աներկիւղ տղան կանգնեց ու կանչեց. «է՛յ, դուք, ամարդի, կանացի՛ քաջեր, քնած ժամանակ էրը էք իմացել, որ տղամարդը՛ յարձակում անի, միւսի տաւարը առնի ու տանի: Դուք քառասուն էք, իսկ ես միայնակ, ձեռքիս էլ ունիմ մի փայտէ

մահակ. թէ տղամարդ էք, այրից դուրս եկէք. դռանը կանգնած ձեզ եմ սպասում»:— Դեերի մեծն էլ, քըմծիծաղ տալով, ներսից է կանչում. «Քաջասիրտ տղայ, փոքր ինչ սպասիր, շատ մի գայրանալ ու մեզ մի պատօիր. իսկոյն դուրս կըգանք, քեզ յարգանք կըտանք և քո տաւարի փոխը լեռ կըտանք»: Ասում է, հրում, ժայռը գլորում, այրից դուրս ելնում: Բայց դուրս գալուն պէս Դաւիթի հարուածը իջնում է ուժգին: Ահեղ վիշապը փչում է հողին: Նրա յետևից միւսն է դուրս գալիս. Դաւիթի հարուածից հողին է տալիս: Այսպէս նա կարգով ամենքին զարկում ու նորանց վէշը ձորն է գլորում: Յետոյ մտնում է քարայրէ բունը, անթիւ գանձ գտնում, բերում իւր տունը: Բայց գանձը ոչինչ՝ այրի խորքումը կապած կար մի ձի, մի քուռակ սիրուն, սև—ինչպէս սաթը, ուժեղ, գնացկան, ինչպէս Ղըռ-աթը^{*)}): «Հօրեղբայր Օհան, այս քուռակն ինձի, իսկ այն գանձերը վեր առ, քեզ լինի»:

Ը. Լուրջ էր Դաւիթը, կատակ չէր անում. տղայութիւնը մի կողմ էր դրել. ուրիշ մտածմունք, նորանոր հոգսեր ըսկսել էին նրան պաշարել. Մարամելիքը հօր մահից յետոյ զօրով եկել էր, Սև սարին տիրել, — Մհերի սարին, ուր առիւծ հսկան որսի էր գնում, որը Սասունի մի մասն էր կազմում:

Դաւիթը գնաց Ձէնով-Օհանին՝ «հօրեղբայր, ասաց, թէ Աստուած սիրես, մի ասա՛, տեսնեմ. ինչպէս է եղել, որ հօրս սարը Մարամելիքի ձեռքըն է ընկել»:

«Ո՛րդի, երբ հայրդ գեռ կենգանի էր, այդ սարը ամբողջ մեզ կըպատկանէր: Նրա չորս կողմը պարիսպ էր

*) Ղըռ-աթը այն առասպելական ձին է, որի վրայ Քեոս-Օզլի անունով մի ժողովրդական հերոս բազմաթիւ քաջագործութիւններ է կատարել:

քաջած, վերան Մարութայ սուրբ վանքը շինած: Բայց երբ որ մեռաւ քո հայրդ, Մհեր, Մարամելիքը տիրեց այդ սարին, պարիսպը քանդեց, վանքը աւերեց. այդ օրից սարը մնաց իւր ձեռին»:

— «Ես պիտի երթամ, սարը գրաւեմ, վանքը նորոգեմ, իմ հողին տիրեմ. թող թէ մելիքը քաջասիրտ մարդ է, գորով այնտեղից ինձ դուրս վուրնդէ: Եւ դու ինձ, հէրբար, այս բանում պիտի օգնական լինես. ինչ որ ինձ պէտք գայ՝ վարպետ, նիւթեղէն, ոսկի, աղնեղէն — ամենը պիտի տաս, բան չըխնայես»: Ասաց Դաւիթը ու սարը ելաւ, հին վանքը գտաւ, նրան կարկատեց, նոր ու փառահեղ մի վանք էլ շինեց, Մարամելիքի անունը իսպառ այնտեղից ջրնջեց:

Թ. Լուրը տարածուեց. համբաւը հասաւ Մսուր քաղաքը. Մելիքն իմացաւ Դաւիթի արարքը... Գոռոզ իշխանը սաստիկ բարկացաւ. սաստիկ բարկացաւ, փրրփրեց, ասաւ. «Կուիւ պիտ՝ գնամ Մասունի վրան, Մասունի վրան. այն լիտի մանկան պիտի խողխողեմ, Մասունն աւերեմ, աւերեմ, գերեմ, ինչ որ կայ-չկայ կոխ տամ, արորեմ...»:

«Թող ժողովուին հարիւր հազար արդայք նորատիք.

«Թող ժողովուին հարիւր հազար բեղով պատանիք.

«Թող ժողովուին հարիւր հազար թուխ-մօրուս մարդիկ.

«Թող ժողովուին հարիւր հազար կայտառ ձերունիք»:

Ժ. Դաւիթն էլ երբ որ այս բանն իմացաւ, գնաց հէրբօր մօտ, այսպէս խօսեցաւ. «Տուր ինձ, հօր-եղբայր՝ իմ հօր զրահը, տուր որ պահպանեմ ես նրա սուրբ գահը՝ տուր նոյնպէս կապեմ մէջքիս այն սուրը — կայծակից զօդած իմ հօրս թուրը. խաչը զօրաւոր աջ թևիս կամիլը՝ Ջալալ քուռակը ինձ համար թամբիր. Սև լեռան գլխին շինած սուրբ վանքը, աղաչիր՝ պահի իմ մանուկ կեանքը»:

Տասը տարեկան հերոս մանուկին Չէնով-Օհանը ուզածը տրւեց: Մանուկը հեծաւ Ջալալ քուռակը և շուրջը կանգնած մարդկանցը դիմեց.

«Ո՛վ քոյրեր, մընաք բարով, ինձ քոյրութիւն էք արել.

Ո՛վ մայրեր, մընաք բարով, ինձ մայրութիւն էք արել.

Ե՛ղբայրներ, մընաք բարով, մընաք բարով, մէ՛ծ ու փոքրով»:

Ասաց Դաւիթը և իւր ձին քրչեց, կաթնաղբիւրի մօտ նրան կերակրեց, բայց երբ Մելիքի բանակին հասաւ, անթիւ, անհամար վրաններ տեսաւ: «Ի՞նչ անեմ, Աստուած. թէ գաղտուկ գնամ, կ'ասեն՝ Դաւիթը գողի պէս եկաւ. թէ պրծակ գնամ, այդքան զօրքերին ես ո՞նց դիմանամ»:

Միայն մի բոսկէ տատանուեց քաջը, աջ ձեռքին եղած լիշեց սուրբ խաչը, առաջ արշաւեց, բարձրաձայն կանչեց.

«Է՛յ, ո՛վ քրնած էք, շուտով զարթեցէք,

Իսկ ո՛վ զարթուն էք, տեղից վեր կացէք.

Ո՛վ որ կանգնած է, զրահը կապէ,

Ո՛վ որ կապել է, թող իր ձին թամբէ,

Ո՛վ որ թամբել է, թող շուտով հեծնէ:

Դէ՛հ պատրաստ կացէք,

Ձեզ պահպանեցէք,

Որ յետոյ չասէք՝ մեր քնած ժամին

Դողի պէս եկաւ Դաւիթ պատանին»:

Ասաց ու քչեց, զօրքի մէջ մտաւ, մէկ կողմից տրւեց, միւս կողմից ելաւ. կայծակի թուրը կրակ էր թափում. թրից պրծածը ձին էր կոխտուում:

ԺԱ. Տրտունջ բարձրացաւ Մարամելիքի բանակի միջից. ձայներ լսուեցան ամենայն կողմից. «Անվեհեր աղայ, դու մեղք մի գործիր. գրտիր թշնամիդ, նրա հետ կըռուիր»:

Զօրքի արտունջը Դաւիթը յարգեց, Մարամելիքի վրանը դիմեց... Եւ երբ իշխանի դռանը հասաւ, պահա-

պաններին բարձրաձայն ասաւ. «Ո՛վ թիկնապահներ գո-
ոոզ Մելիքի, մտէք, յայտնեցէք իսկոյն ձեր տիրոջ, որ
միակ որդին Մհեր իշխանի՝ զօրքըդ շարդելով, գուռըդ է
եկել. մեն-մենակ քեզ հետ կամք ունի կուռել... Մարդիկը
մեղք են, ինչի՞ կոտորենք. մենք, իշխաններս, եկ միմեանց
զարկենք»:

Մտածելիքը նոյնպէս հսկայ էր, հսկայի նման գիտէր
քաջ կուռել. Դաւթի հրաւէրը սիրով ընդունեց և գոռո-
զաբար նըրան հարց տուեց. «Կուրը զօրսով, թէ հերթով
անենք... եթէ հերթով է ընդունուած կարգը, ապա գու-
փոքրն ես՝ առաջ ես պիտի ըսկսեմ զարկը: Ուրեմն գնա՛,
մէջտեղը կանգնիր և իմ մահաբեր զարկին սպասիր: Պայ-
մանը սա է՝ ես երեք անգամ կերթամ ու կըզամ և երեք
անգամ քեզ հարուած կըտամ. եթէ հարուածիս գու լաւ
դիմանաս, կամ թէ հրաշքով կենդանի մնաս, ապա ես պիտի
մէջտեղը կանգնեմ և քեզից նոյնքան հարուած ընդունեմ»:

— Ես համաձայն եմ, Դաւիթը ձայնեց. անցաւ հրա-
պարակ, մէջտեղը կանգնեց: Մտածելիքն էլ այդ էր ցան-
կանում. գնաց ու եկաւ, իւր գուռը զարկեց. զարձեալ
հեռացաւ, նորից յարձակուեց և առաջուանից սաստիկ
զարկ տուեց... Դաւիթն անվրդով զարկերն ընդունեց և
երեք զարկն էլ անվնաս կրեց. ապա յետ զարձաւ, մելիքին
ասաւ. «Մտուր քաղաքի գու իշխան հօր, բոլոր զօրքերիդ
առջևը այսօր սուրբ պայման արինք. խօսքըդ կատարիլը,
եկ, մէջտեղ կանգիր: Իմ իրաւունքս է երեք հարուած
տալ. բայց ես առաջին հարուածը մօրս— Իսլիմ խանուսին
պիտի նըւիրեմ. երկրորդ հարուածը-- անուշ քրոջս, որի
հետ սիրով քո տանն ապրել եմ. քեզ համար, ուրեմն, մի
հատն է մնում. եթէ այս մինին գու լաւ դիմանաս, կամ
զարկից յետոյ կենդանի մնաս, ապա Սև լեռը քեզ է պատ-
կանում»: Ասաց, յետ ու յետ գնաց մեր քաջը, յիշեց աջ

կուան հրաշագործ խաչը, ապա յառաջեց և սաստիկ թափով
կայծակի սրով մելիքին զարկեց, երկու կէս արեց:

Բոլոր զօրքերը «կեցցէ» կանչեցին, Դաւթին Մտուրի
տէր ճանաչեցին:

ԺԲ. Մասունից հեռու, մի ուրիշ երկրում, Կապուտ-
կող կոչուած մի մեծ քաղաքում, Խանդուզ անունով մի
Թագուհի կար, մի գեղեցկուհի, հօրը մինուճար: Շաս-
պահլաւաններ, շատ հսկայ մարդիկ ցանկանում էին նրան
կլին առնել: Բայց նա գոռոզ էր, մեծամիտ, հպարտ, ամ-
սով ու տարով նրանց տանջում էր, իւր դըռան պահում,
չարչարում անպարտ:

Դաւթի քաջութեան համբաւը ելաւ, Խանդուզ խա-
նումի աղանջին հասաւ: Եւ գեղեցկուհին ինքն իրան
ասաւ. «Կամ ես Դաւիթին պիտի կլին լինեմ, կամ առանց
նորան զերեզման մտնեմ»: Վարձեց աշուղներ, ուղարկեց
Մասուն, խիստ պատուէր տուեց իւր հօրից թաքուն.
«Գտէք Մասունի հրօկայ իշխանին, քաջերից էլ քաջ Դաւիթ
պատանին, իմ գովքը արէք, սիրտը շահեցէք և, կախարդե-
լով, Կապուտկող բերէք»:

Վարձուած աշուղներն զալիս են Մասուն, գտնում են
Դաւթին, Օհանից թաքուն, իրանց տիրուհուն գովում են
երգով և նըրա սիրտը վառում, բորբոքում.

«Նա ըսպիտակ է, որպէս ձիւն զարնան.
Գեղեցիկ՝ որպէս վարդը մայիսուան.
Ունքերը կամար, վըրձինով քաշած.
Աչքերը խումար, սևուկ, ամօթխած.
Ճակատը լայն է, զանգուրներով պատ.
Մազերը շքեղ, ծամերով առատ.
Իրանը ձկուն, որպէս կիպարիս.
Կազմուածքը փարթամ իբր հայոց Մասիս:

Ամբողջ աշխարհից կտրիչ իշխաններ
Նըրա դռանն են կանգնած օր-գիշեր.
Բայց նա ոչ ոքի ուշք չի դարձնում:
Դաւթին է սիրում, Դաւթին ըսպասում»:

Դաւիթը պատասխանում է.

«Երբ ձեր տիրուհին այգպէս սիրուն է,
Երբ որ նա այդքան արժանիք ունէ,
Սասունի տէրը, Մըհերի որդին,
Յօժար է գալու, ասէք, իւր կոչին»:

ԺԳ. Մի քանի ժամանակից յետոյ Դաւիթը ճանապարհ է
ընկնում դէպի Կապուտկող: Գնում է, գնում, շատ ու քիչն Աս-
տուած գիտէ, տեսնում է, որ գութանաւորը վար են անում:
«Տղայք, ճանապարհորդ մարդ եմ, քիչ հաց տուէք», — ասում է:
Մաճկալը պատասխանում է. «Մենք վեց օրուայ պաշար ունինք.
Նստիր, կեր, ինչքան սիրտդ ուզում է»: Դաւիթը նստում, միան-
գամից բոլոր պաշարն ուտում է: «Տօ, տնաւեր, ասում է մաճկալը.
Դու մի բոպէում մեր վեց օրուայ հացը կերար. մենք սոված ի՞նչ
պէս պիտի վար անենք»: Դաւիթն ասում է. «Եզն ու գոմէշ բաց
թողէք և գութանի շղթան ինձ տուէք»: Ասում է, հեծնում քու-
ռակը և մի ժամում վեց օրուայ վարը վարում, վերջացնում:

ԺԴ. Դաւիթը անփորձ հասաւ Կապուտկող: Եւ ճանա-
պարհին ով էլ պատահեց՝ վիշապ, պահլաւան, աւազակ
թէ գող, ամենքին շարդեց. պալատի առաջ ձին քշեց,
կանգնեց... Իշխանի դռան, թոփուզը ուսին, մի պահապան
կար, որի հայեացքը ժանգոտ էր ու չար: Ոչ մի եկողի նա
չէր բարևում և ոչ մի մարդուց բարև չէր առնում: Դաւ-
թին որ տեսաւ, ոչ առանց անի դէպ՝ նրան հայեց: Նա
էլ երկիւղով սրան բարևեց. «Անունդ ի՞նչ է, եղբայր»,
հարցրեց:

— Ուզում ես, կ'ասեմ քեզ իմ անունը, քեզ՝ որ

եկել ես իմ տիրոջ տունը. ինձ այստեղ մարդիկ Համդօլ
են կոչում: Իսկ դու, ինձ ասա, ո՞վ ես կամ ինչո՞ւ եկել
ես այստեղ աշխարհից հեռու... Եթէ եկած ես որպէս
փեսացու, տիրուհուս ուզիլ, ապա լաւ կ'անես, որ ձիդ ես
շուռ տաս և եկած տեղըդ սուս ու փուս երթաս: Մեղը
ես, պատանի, այս սրբանի մէջ ոչինչ լաւ բանի դու չես
պատահիլ. ուրիշ աւելի հսկայ փեսացուք քեզ հում-հում
կուտեն, մօտ էլ չեն թողնիլ, որ դու խանութի երեսը
տեսնես, կամ ձայնը լսես:

«Կատակ ես անում, Համդօլ բարեկամ, բայց ես
կատակը վաղուց եմ թողել. Սանդուգ խանութի յատուկ
հրաւէրով հեռու աշխարհից այստեղ եմ եկել. բաց արա
դուռը, ձիս էլ գոմը տար. հիւրասիրութեան պարտքդ
կատարիր. քանի կոնիս է խաչը փրկարար՝ ոչ մարդ, ոչ
հրէշ, վիշապ, պահլաւան ինձ վընաս չեն տալ. Դաւթի
անունը հարկաւ չես լսել. նրան յաղթողը մօրից չի ծնուել»:

Երբ իւր անունը Դաւիթը տըւաւ, նստած տեղիցը
Համդօլ վեր թռաւ. կանչեց ծառաներ, նրա ձին առան և
գոմը տարան: Ինքն էլ սրանի դռները բացեց և ախա-
ծելով Դաւթին ներս կանչեց: Եւ երբ Դաւիթը մտնում էր
շէմքից, մի կարմիր խնձոր ձգեցին բարձրից, որ նա վեր
առաւ, հայեց, համբուրեց, — ծոցումը դրեց: Սրահում նըս-
տած բոլոր հսկայքը, երբ Դաւթին տըւած տեսան յար-
դանքը՝ խանութի կողմից, սաստիկ բարկացան, նորեկ պա-
տանուն խեթիւ հայեցին և իրանց մտքում հաստատ վըձ-
ուեցին, որ նրան մորթեն, — խանութին պատժեն:

Կէս օր էր արդէն: Մէջտեղ փրուած էր ճաշի լիք
սուփրէն: Բոլոր հարսնախօսք սուփրի շուրջ նստած, բո-
լոր փեսացուք բարձերին կոնած: Դաւիթն էլ եկաւ, մի
կողմը նստեց, սուփրի մի ծայրից կամացուկ բըռնեց —
դէպ իրան քաշեց, ինչ որ կար-չկար լաւ մաքրազարդեց:

Յետոյ վեր կալաւ գինով լիք կուժը և մի շնչումը խմեց, դատարկեց. «Համդօլ բարեկամ, դու դուռը պահիր. ես այս ճուտերին պիտ' մէկ-մէկ մորթեմ, Խանդուղ խանութին խընձորի տեղակ սրանց գլուխներն ընծայ ուղարկեմ»: Բայց մեր փեսացուք իրանց հաշիւը շուտով վեր առան՝ դեռ խօսքը կիսատ՝ միմեանց յետևից պուկ-արլին, կորան:

ԺԵ. Միւս օրը Կապուտկողի թագաւորի մօտ գալիս են Համդայ պահաւանի խնամախօսները. «Մեր տէրը մեզ ուղարկել է ասում են. կամ պէտք է աղջիկդ տաս, տանենք, կամ դուրս գաս, նրա հետ կուր անես»:—«Համդօլ, ասում է թագաւորը, յայտնի՞ր այն քաջերին, որոնք զանազան երկիրներից եկել են խանութին ու գելու. ով որ կըզնայ և Համդայի գլուխը կըբերի, աղջիկս նրան կըտամ»:

«Ոչ մի պահաւան չի մնացել, բոլորը փախել են. մնացել է Սասունցի Դաւիթը. տեսնենք նա ինչ կասի», պատասխանում է Համդօլը: Կանչում են Դաւիթին:

Թագաւորը հարցնում է. «Դ՞ու ես Դաւիթը»:

—Ես եմ:

«Կարող ես Համդայ պահաւանի գլուխը բերել»:

—Հաց և գինի, Տէր կենդանի. կըբերեմ:

«Եթէ Համդայի գլուխը բերես, Խանդուղ խանութը քեզ կըտամ», վճռում է թագաւորը:

ԺԶ. Խանդուղ խանութը իւր նաժիշտներով սրահից ելաւ, դռանը կանգնեց. երբ որ Դաւիթը ճամպայ էր ընկնում, նրան ողջունեց. «Դաւիթ, քեզ պահիր. Համդայ հրէշից դու զգոյշ կացիր. մինչև այս օրս դեռ ոչ մի կարիչ նրան չի յաղթել և ոչ մի կուռոզ—նրանից փրկուել»: Ասաց, արտասուեց: Դաւիթը անխօս խոր գլուխ տուեց և իւր ձին քշեց: Քշեց ու գնաց. քիչ թէ շատ գնաց, այժմ զիտէ Աստուած. վերջապէս հասաւ Համդայի տունը, ներս նայեց, տեսաւ՝ հրէշը նստած ապուր է ուտում. մէկ շար-

խի կաթսայ առաջը դրած, ահագին շերեփ իւր ձեռին բռնած. երբ որ շերեփը բերանն էր տանում, կարծես մի ձորի ըռելս էր բացում: Ինքն էլ սոված էր. ձիուց վէր եկաւ, դռանը կապեց, յետոյ անխօսիլ վրանը մտաւ, Համդայ հսկային բարև շտուած, կաթսան վեր առաւ ու գլխին թաշեց, մի շնչում դարտկեց:

—Է՛յ, դու ի՞նչ մարդ ես, Համդան հարցըրեց:

«Խանդուղ խանութի կողմից եմ եկած, որ քո անուկէց մի նշան տանեմ»:

—Լաւ, սո՞ւ մատանիս:

«Սյդ չնչին քարը ես կըկորցնեմ: Աւելի մեծ բան, քո գիւի նման, որ տաս, լաւ կանես»:

—Է՛յ, լակոտ, ո՞վ ես: Բայց ով էլ լինես, փառք տուր Աստուծուն, որ ներս ես մտել իմ վրանի տակ. մենք մեր տներու՞ մարդկանց չենք պատժում. զնա՞ հրապարակ:

Դաւիթը ելաւ: Համդան կատաղած նոյնպէս դուրս եկաւ: Միմեանց բռնեցին: Որպէս երկու զօշ՝ գնում են գալիս, և միմեանց սաստիկ հարուած են տալիս. կամ որպէս երկու կենդանի լեռներ, ուղում են միմեանց փըշըրել, կլանել: Մինչև երեկոյ այսպէս կռուեցին: Իրիկնապահին Դաւիթը կանչեց. «Ով հաց ու գինի և Տէր կենդանի»: Կայծալի թուրը մէկ էլ պսպղաց, աշխարհը թընդաց: Համդայլ լէշը գլորուեց, ընկաւ: Օրը մթնեցաւ:

ԺԷ. Կապուտկողումը տօն էր կատարում. ամբողջ քաղաքը շոժուում էր, խնդում: Բոլոր աշխարհից հաւաքուած հիօեր քէֆ էին անում եօթն օր, եօթ գիշեր: Դաւիթի պտիչն էր՝ պսակ, հարսանիք, ճաշկերոյթ, ընթրիք. քառասուն աջեր զանազան երկրից մակառ են եկել. քառասուն կուսներ, մէկը միւսից լաւ, հարսնաքոյր շոկուել. Խանդուղի այրը փեսայի պատուին մըրգի փոխանակ ոսկի

է բաժնու՞մ. Ձէնով-Օհանը իւր հարսի գլխին մարգարիս ցանու՞մ: Անձրե՛կ էր, անձրե կ ոչ թէ պարգև, որ ամբողջ շաբաթ թափու՞մ էր առաս:

Եօթն օրից յետոյ հարսանքաւորը Սասուն գնացին. այնտեղ նոյն կարգով եօթն օր, եօթ գիշեր խնջոյք արեցին, կերան խմեցին և ամեն մինը մի պարգև առած, իւր տունը գրնաց:

ԺԸ. Մի տարի անցաւ: Խանդուղ խանու՞մին Դաւիթը ասաւ. «Ես պիտի գնամ, մի պրտոյտ անեմ, երկիրքեր տեսնեմ: Դու այդ միջոցին զաւակ կ'ունենաս. թէ սղա՞յ լինի, ապարանջանս թե՛ կը կապես. թէ աղջիկ լինի դու այն կը ծախես և աղջըկանըդ զար ու զարդ կ'առնես: Տղայ կը լինի հսկայ, զօրաւոր. աղջիկդ սիրուն, շքեղ, փաւաւոր: Տըղայ որ լինի, Մհեր կանուանես, իմ հօր անուը նրան կը դնես. թէ աղջիկ լինի, ինչ սիրտդ ուզի, այն անունը տուր՝ Անահիտ, Աստղիկ, Անոյշ, Շուշանիկ, Լուսիկ, Արուսեակ, Նազիկ, Վարսենիկ»:

Ասաց ու գնաց:

Խանդուղ խանու՞մը մենակ չմնաց, մի մսից յետոյ մի մանուկ ծնեց, պապի անունը թոռանը դրեց, ապարանջանը կռնիցը կապեց:

Մհերը աճեց, աճեց, զօրացաւ և մի վիթխարի մանկամարդ դարձաւ:

ԺԹ. Օտարութեան մէջ շատ երկար մնացմեր Դաւիթ հսկան. գնաց Գիւրջիստան, Պարսից աշխրհը, նաև Զինաստան: Եւ ամենայն տեղ նոյն բանն էր ատ՞մ՝ հաւաքում շուրջը տեղացի քաջեր, թոյլերին օգնւմ, չարերին պատժում: Բայց ամենից շատ Դաւիթ բարկացաւ Աղբբէջանու՞մ... Դաւիթը մենակ քաղաք է մտում. ամբ

բողջ քաղաքը ոտի է կանգնում, գէնք, զրահ առնում, Դաւիթին կալմէջում. ուզում են բռնել, սաղ-սաղ խորովել: «Ով հաց ու գինի և Տէր կենդանի», կանչում է քաջը և թուրը հանում, բոլոր քաղաքը քանդում, կործանում:

Վերջը մի աղջիկ, սիրուն ու չքնաղ, Դաւիթի առաջն է գալի, աղաչում է ու խնդրում, որ միւսներին խնայի: «Աղբբէջանի տիրոջ՝ ես աղջիկն եմ մինու՞ճար. հայրս ընկաւ քո սրից. ինձ էլ վեր առ, հետդ տար»:

Ի. Դաւիթ է Դաւիթ, աղջիկը թարքին և ինքն իրան խօսում առանձին: «Եօթը տարի է, որ ես Սասունից հեռու եմ ապրում. այս եօթը տարում ինչ է պատահել արդեօք իմ երկրում. Ձէնով-Օհանը գուցէ ծերացած. Խանդուղ խանու՞մը տխուր մընացած. արդեօք ինչ ունիմ ես ինձ յիշատակ. արդեօք ապրում է իմ միակ զաւակը»: Այսպէս տխրադէմ Դաւիթ իշխանը առաջ էր գնում. Ձալալ քուռակն էլ հայրենի հողը հանդարտ կոխտաւում... Յանկարծ մի մանուկ դէմն է դուրս գալիս և մեր ճամբորդին խրոխտ ձայն տալիս: «Է՛յ, օտարական, ո՞վ ես, ո՞ր երկրից և ո՞ւր ես գնում, կամ այդ աղջիկը ինչի՞ ես տանում. դու երևում ես ինձ կասկածելի. մեր հողով անցնել քեզ թոյլ չե՞մ տալի»:

Դաւիթը ապշեց... Ոչ մի հողածին դեռ չէր յանդգնել նրա երեսին համարձակ նայել, ուր մնաց նըրա առաջը կտրել... Մի սարսուռ անցաւ նրա ողջ մարմնով: Դշխոյ աղջկան կամաց ցած դրեց և մանկան վրայ թափով յարձակուեց: Խիզախ մանուկը ժայռի պէս կանգնեց: Միմեանց զարկեցին: Սկզբում Դաւիթ մրցում էր յաջող. բայց երբ կռիւը սաստիկ երկարեց, ծերունին յոգնեց. մինչդեռ մանուկը, քանի գընում էր, ոյժ էր ստանում. նըրա արիւնը նոր էր տաքանում: Վերջապէս Մհեր հօրը տապալեց:

Գաւիթը ձայնեց. «Զգոյշ կաց, արդայ, եթէ որ որդիս այդ բանն իմանայ, քեզ տասնապատիկ խիստ պատիժ կըտայ»:

«Ո՞վ է քո որդին»:

—Մըհեր պատանին:

«Որեւէ նշան»:

—Մի ապարանջան աջ թևի վերան:

«Ա՛խ, հայր իմ, ներիր», Մհերը ձայնեց, հօր առաջ մեղմով նա ծունկ խոնարհեց. «Մհերը ես եմ. ներումն եմ խընդրում, որ անպատուեցի ես քո ծերութիւն»:

—Ես պարծենում եմ, որ ինձ յաղթեցիր, դրանով՝ որդեակ, հօրդ պատուեցիր: Եւ ես գիտէի, որ իմ ժառանգը, Մհերի թուր, Գաւթի զաւակը, հօրից պիտ' անցնի՝ անյաղթ պիտ' լինի:

Ադրբէջանի գշտոյին Մհերի հետ պսակեցին և Հայրենիք ուղարկեցին: Գաւթն ասաց. «Երբ որ քո հայրդ սաստիկ ծերանայ, երբ որ մեր երկրին մի փորձութիւն գայ, հէրբար Օհանը ուժգին ձայն կըտայ: Զայնը կըլսես՝ Սասուն կըհասնես և հայրենիքիդ տէրութիւն կանես»:

Ն. Տ.-Ղ.

79. Մ Ե Լ Ի Ք - Ի Ի Ս Ո Ի Փ

(Պոստական պոէմ 1728—1750)

I

Քաջ Մելիք-Աբով¹⁾ իր մահաւն օրը կանչեց հարազատ թամբազ եղբօրը, Յանձնելով նորան ղեկը վարչութեան՝ Պետ նըշանակեց իր մելիքութեան: Կըտակեց, որ նա խնամատար լինի, Գիւլիստան աշխարհն անփորձ պահպանի. Միշտ հովիւ լինի սուրբ հայրենիքին Ու իշխանական որբ ընտանիքին, Մինչև որ Իւսուփ որդին մեծանայ, Հօրը յաջորդի ու մելիք դառնայ:

Իսկ իր պատանի միակ զաւակին Աբով համբուրեց ջերմ ու կաթոգին, Նըւիրեց նրան՝ օղերն արծաթի. Մի սիրուն հրացան, կոթը սաղափի. «Ահա սա այն է, որով Կադ-Աբով²⁾ Պահեց Գիւլիստան ազատ, ապահով. Սա այն սուրբ զէնքն է՝ անեղ, մահաբեր, Որից սոսկացին մեր թշնամիներ, Որով պաշտպանեց մեր եկեղեցին, Որով հայերը փառք վաստակեցին:

«Շունչըդ բերանիդ եթէ այս զէնքը³⁾ Գցես գարշելի թշնամու ձեռքը, Օ՛, այն ժամանակ հողը կըճեղքեմ, Շիրմիս խորքերից անէծք կըթափեմ

1) Դեռ 1701 թւին Ղարաբաղի մելիքները ղիմել էին Պետրոս Մեծին և խընդ-
ուել նրա հովանաւորութիւնը, որ կարողանային ապահով պատերազմելու թուր-
քերի դէմ: 2) Մելիք-Աբով իւր նշանը «Կադ» մականունը. այդպէս էր կոչուում, որով-
հետև նրա մի որդի գնդակի հարւածից կադ էր: 3) Մելիք-Աբովի այդ հրացանը,
որ Մելիք-Բէգլարեանների ժառանգները հազար ուղրով ծախեցին գեներալ
Նըմուրովին, այժմ գտնուում է Պետերբուրգի Արուսէյնի պալատում: Ծ. Հ.

Ստո՛ր, անարժան ժառանգիս զլիւին.
 Անէճքըս ահեղ՝ համնելով երկին,
 Կըրակ կըթափի բարձունքից անհուն,
 Շանթամահ կանի իմ անարգ որդուն...»
 Եւ Մելիք-Աբով հառաչեց ուժգին,
 Աչքերը փակեց, աւանդեց հոգին...

II

Մելիք-Թամարազը գեղ ապարանքում,
 Բազմած սիւնազարդ շքեղ պալատում,
 Իր նախաճաշիկն արգէն վայելած՝
 Ղալեան էր ծխում. իսկ հեռու կանդնած,
 Գօտկի մէջ խրած ոսկէ ունելիք,
 Ձեռները խաչած՝ կար մի մանկլաւիկ.
 Ղալեանը հէնց որ հանգչում էր, մարում,
 Նա հեզիկ գնում, կրակ էր բերում.
 Եւ ոլոր-մոլոր կապոյտ քուլաներ
 Նորից բարձրանում, գնում էին վեր:

Տրամութեան մուսյլ ամպը ճակատին՝
 Նայում էր անթարթ Թամարազը գեանին,
 Նայում էր, տանջւում դաժան մըտքերից,
 Անհանգիստ լինում ծանր հոգսերից.
 Իր եղբօր մահն էր նա մտաբերում
 Ու ինքըն իրան մորմոքւում, տխրում.
 Թէ՛ մի բօթաբեր լուր էր տխրագին
 Վրդովում նըրան, ջլատում հոգին.
 Գուցէ վառնգ էր ազգին ըսպանում,
 Իշխանի սիրտը վեր ու վայր հանում:

Ո՛չ... Այդ Իւսո՛ւփն էր, Իւսո՛ւփն ահաւոր,
 Որ վրդովում էր, տանջում հօրեղբօր.
 Իւսուփն աճո՛ւմ էր, Իւսուփ մեծանում—
 Ժամը հասնում էր, ժամը մօտենում,

Երբ՝ Թամրազ պիտի յանձնէր ժառանգին
 Վարչութեան ղեկը, իսկ ինքը նախկին
 Իր փառքից զրկէր, զրկէր անունից
 Ու հրաժարէր իշխանութիւնից...
 Ա՛խ, ինչո՛ւ, ինչո՛ւ Թամրազը յաւէտ
 Չըմնայ մելիք, ինքնիշխան ու պետ...

Պէտք է վերջ դնի Թամրազ այդ կեանքին.
 Պէտք է չքացնի՛ր Թամրազ ժառանգին.
 Նա մի յարմար օր՝ սարում կամ դաշտում,
 Կամ թէ գիշերով Գիւլիստան բերդում,
 Մարդկանցից ծածուկ՝ կըսպանի որբին
 Ու գին կըձգի անգունդը մթին...
 Կամ թէ կը խաբի, կըտանի ձորը
 Ու իր կեռ թուրը կըխըրի փորը...
 Գաղտնիքն ահաւոր կըմնայ գաղտնիք,
 Թամրազն էլ առ միշտ կըմնայ մելիք...

Բայց Ղամար-Սօլթան՝ հովւի պէս արթուն՝
 Գիշեր ու ցերեկ հսկում էր որդուն.
 Անգութ Թամրազի սիրտը նենգաւոր
 Կարդում էր հեռից այրին սգաւոր,
 Կարդում էր հեռից—սոսկում, սարսափում,
 Մըռայլ մտքերից տանջւում, կեղեքւում...
 Իւսուփն էր միայն մօր վերջին յոյսը,
 Հանգած օջաղի ապագայ լոյսը.
 Իր մօր աչքերից նա պիտի սրբէր
 Դառնագին, ազի ու ջերմ արցունքներ...

III

Բարձր, սեպացած ժայռի գագաթին,
 Սըընթաց ու յորդ Ինջայի ափին,
 Կանգնած էր տխուր, սակայն ահաւոր,
 Գիւլիստան երկրի բերդը սգաւոր:

Իսկ այնտեղ հեռու՝ պալատի միջուկ՝
 Խրախճանքի ուրախ ազմուկ էր հնչում.
 Թմբուկ ու փողեր, երգ ու կատակներ
 Թնդացնում էին շրջակայ լեռներ...
 Լսում էր հեռուից ամբոխը յուզւած,
 Թամրազի վըրայ տրանջում՝ զզւած:

Թամրազը շքեղ հանդէս էր սարքել—
 Թուրք հարկահան էր նըրա մօտ եկել.
 Գիւլիստան երբէք դեռ մինչև այսօր
 Հարկ չէր վճարել թուրքին նենդաւոր.
 Արձակ-համարձակ, սուրը միշտ ձեռքին,
 Ջարդել էր, վանել հայ ազգը թուրքին.
 Դեռ Կազ-Աբովի աշխարհում երբէք
 Ոտքը չէր դրել հարկահան ոչ մէկ.
 Ազատ ու անկախ իր հայրենիքը
 Պահպանել էր միշտ հզօր մելիքը:

Իսկ այսօր... Այսօր Թամրազը դաժան՝
 Հայրենի հողի իշխանն անարժան,
 Եղբօր յիշատակն ոտնատակ տըւած,
 Թուրքի առաջին դուռը բաց արած,
 Նորան ընդունել, սարքել է հանդէս,
 Ոտների տակին սողում որդնի պէս.
 Ազգի քրտինքով վաստակած ոսկին
 Տալիս է այսօր թշնամի պարսկին,
 Հայի անունը ծաղրում, ծանակում,
 Անարգում նըրան արար-աշխարհքում:

«Թամրազ խոստացաւ մինչև իր մահը
 Մբբութեամբ պաշտել Պարսկական գահը,
 Շահին միշտ լինել հընազանդ, հըլու
 Ու հաւատարիմ խոնարհ հարկատու:
 Եւ կամենալով հիւրին նենդաւոր
 Նըւիրել ընծայ մի արժանաւոր
 Մեկէքը լպիւրջ, ստոր, շողքորթ,
 Ազգի անարժան որդին թուլամորթ,

Չար, դժոխային ժպիտը բերնին,
 Քծնելով՝ սասնց թուրք հարկահանին.

«Մեռնելուց առաջ՝ իմ եղբայր Աբով,
 Որ ատում էր ձեզ իր բոլոր հոգով,
 Յանձնեց իր որդուն մի Դրիմի հրացան,
 Հալւագիւտ մի զէնք, չըտեսւած մի բան:
 Կոթը սագափից, զարդարւած սիրուն,
 Մէջը շողողո՞ւն, յղկած, ոլորուն.
 Խողովակն ամուր, կարծր պողպատից,
 Օղերը փայլուն, մարտը արծաթից.
 Չարկում է գնդակն իր նպատակին,
 Ծակում է լեռը, սլանում երկին...»

«Սակայն ափսոս որ այդ անգին զէնքը
 Տըւել են անմիտ պատանու ձեռքը.
 Նա լաւ կըսազի Պարսից արքային
 Կամ նըրա գերարգ, ազնիւ ծառային...
 Թէ բարեհաճես, կարող ես կանչել,
 Չեռքիցը խլել կամ թէ պահանջել...
 Թէ ընդգիմանայ, հակառակ խօսի—
 Այնպէս ապտակիր, որ արիւն հոսի.
 Նա էլ իր հօր պէս գոռոզ է, յամառ,
 Միշտ վըտանդաւոր թուրքերիդ համար...»

Արդէն կատարեց... Յափշտակեցին...
 Ձէնքը սըբազան արդէն խլեցին.
 Հայրական անգին աւանդը անրիծ
 Խլեց թշնամին ժառանգի ձեռքից.
 Խլեց թշնամին առանց յաղթութեան,
 Առանց արիւնի, առանց քաջութեան:
 Իւսուփի օրը սկացան գլխին,
 Խաւարեց աշխարհ, մռայլեց երկին:
 Իւսուփ ողբաձայն լալիս է, գոչում,
 Ջահէլ վազրի պէս կատղած մորնչում:

Զրկեց հայրական նա սուրբ աւանդից,
 Զրկեց իր սիրած, փայփայած զէնքից.
 Ամեն օր նըրան սրբում, խընամում,
 Միշտ իւղ էր քսում, մաքրում, պահպանում,
 Որ երբ մեծանայ, երբ մեղիք դառնայ —
 Զնչի Թամրազին, երկրին տիրանայ,
 Իր սրբանըէր զէնքով հայրենի
 Պահի իր ազգը, հողը մայրենի...
 Այժմ ի՞նչ անի Իւսուփ անպաշտպան,
 Ո՞ւմ մօտ նա գտնի արդար դատաստան:

Եւ յուսակըտուր, մտայլ ու տրտում,
 Արտասուքն աչքին, կակիծը սրտում՝
 Եկաւ Գիւլիստան բերդը սգաւոր,
 Նետեց խանդավառ զերկը նա իր մօր,
 Որ առնի հանգիստ մայրական կրծքին,
 Տայ թեթևութիւն իր սրտի վէրքին.
 Որ իր սիրառատ ծընողը բարի
 Ամռքի նըրան ու մխիթարի.
 Որ մայրը դիւթիչ խօսքով իր հօր
 Ըստփփի, սիրա տայ իր որդուն անպօր:

Բայց Ղամար-Սօլթան խիստ ու զայրագին՝
 Գոչեց կատաղած, հրեց զաւակին.
 «Հեռու ինձանից, հեռու, դու ըստո՞ր,
 Վախկոտ, անարժան որդի դու քաջ հօր...
 Լաւ էր, որ եթէ բերէին ինձ մօտ
 Անպգայ, անշունչ քո զին արիւնոտ
 Ու ինձ ասէին՝ մեռաւ քո որդին,
 Հօր նըւիրական աւանդը ձեռքին...
 Գնա՛, հեռացի՛ր, դարշելի՛ էակ.
 Էլ այսուհետեւ ես չունիմ զաւակ...»:

Եւ ահա Իւսուփ արտասուքն աչքին,
 Եկաւ մայրենի ամրոցը կրկին.
 «Մայրիկ, Իւսուփը բնաւ չի խնդրում
 Յանցանքի համար քեզանից ներում.

Նա արժանի չէ որդիդ կոչելու,
 Իրաւունք չունի ներում խնդրելու:
 Եկել եմ այստեղ, իբրև մի զինուոր,
 Ու աղաչում քեզ, իբրև ազգի մօր,
 Որ տաս դու ինձ զէնք, գնամ, մաքրտեմ,
 Իմ հօր կորուսած փառքը յետ բերեմ...»:

Եւ մօր ծանրացած սրտից ցաւագար
 Կարծես՝ զլորեց, ընկաւ մի մեծ քար.
 Յուսոյ առաջին նշոյլը փայլեց.
 Այրին յուզեցաւ, սիրտը այլայլեց...
 Էլ նըրա առաջ նախկին թոյլ, անզօր
 Իւսուփ չէր կանգնած, այլ մի քաջագօր,
 Կատաղի կորիւն, որի աչքերում
 Առիւծ-Աբովի հուրն էր բորբոքում.
 Իբրև մարմնացած անվեհերութիւն՝
 Նա զէնք էր խնդրում՝ որ թափէ արիւն:

Բայց Ղամար-Սօլթանն էլ ոչինչ չունէր,
 Որդու համար զէնք ռիտեղից գտնէր.
 Թամրազը խարդախ, ագահ, նենգաւոր
 Խլել էր արդէն բարեքը բոլոր.
 Յափշտակել էր եղբօր կալածներ.
 Կողոպտել խսպառ նըրա տան իրեր.
 Հէգ իշխանուհուն թողել էր կարօտ,
 Ամեն բանից զուրկ ու սիրտը եարօտ:
 Նայեց Իւսուփին Ղամարը թշառ,
 Նայեց սրտատրոփ ու մընաց շըւար...:

Եւ ձեռքը յանկարծ տարաւ դէպի վեր,
 Պոկեց ճակատից իր ոսկէ շարքեր,
 Իր իշխանական զարդը թանկագին՝
 Վեհ ու մեծապանծ՝ շարտեց գետին՝
 «Ա՛յս է մընացել... Տնր իմ սրբ զաւակ,
 Տնր, իմ այս վերջին բարեքը միակ.
 Տնր, զէնքեր գնիր, կուլիր անվեհեր,
 Հօրդ կորուսած աւանդը յետ բեր.

Օջնդիս հանգած ճրագը վառիր,
Քո որդիական պարտքը կատարիր...»:

V

Միև առաւօտեան, երբ որ արևը
Արար-աշխարհին տըլաւ բարևը,
Ոսկով-արծաթով ջորիքը բարձած,
Ապարանքի մօտ, նժոյգը հեծած՝
Կանգնած էր պատրաստ թուրք հարկահանը,
Ուսին Իւսուփից խլած հրացանը:
Թամրագն էլ այնտեղ՝ քաղցր ժպտալով,
Առօք ու փառօք ճանպայ գցելով՝
Երկուտակում էր, դըլուխ վէր բերում,
Թանկագին հիւրին բարի երթ մաղթում:

Եւ երբ մէկմէկու հրաժեշտ տըւին,
Իր նօքարների խումբը յետևին՝
Թուրք հարկահանը՝ ժողւած հարկերով՝
Ճանապարհ ընկաւ լեռան լանջերով:
Հսկայ, սեպացած ժայռի կատարից,
Մռայլ ամրոցի պարըսպի վերից,
Նայում էին լուռ աշտարակները,
Նայում գէպի այն հեռու լեռները,
Ուր անյայտացաւ թշնամին անհետ,
Տանելով հայի պատիւը իր հետ:

Մռայլ, ահավառ ձորի անդընդում
Թարթառն անդադար գոչում է, թնդում.
Հսկայ վիշապի նման կատաղած՝
Առաջ է վազում յուզւած, փրփրած.
Առաջ է վազում նա գալարելով՝
Գետնի ապառաժ կուրծքը ճեղքելով.
Բարձր մունչում, գոչում է ուժգին,
Իր անեղ ձայնով տատանում չորսդին.

Շարժում է տեղից լեռնոտ գետափը:
Ծեծում ու քերում ժեռ ու քարափը:

Նեղւած ափերից դաժան, անողոք՝
Գետը դայրացած բառնում է բողոք.
Բայց այնտեղ ահա ծառերը դալար
Երկու ափերից կազմել են կամար
Ու խոնարհւելով՝ կարգում են յորդոր,
Որ հանգստանայ գետը ահաւոր.
Արևն էլ շողքը կապոյտ երկնքից
Գցել է ներքև ճիւղի արանքից,
Ջուրը փայփայում, հետը խաղ անում...
Սակայն նա դարձեալ աղմուկ է հանում:

Եւ անդնդախոր ձորի եզերքին,
Ուր ամբառնում են ծառերը երկին,
Նեղ օձապտոյտ շաւղի վրայով,
Տես, կարաւան է ընթանում անով:
Ջորը բաց արած անեղ բերանը՝
Ուզում է կուլ տալ ողջ կարաւանը.
Մի թեթև շարժում, անզգոյշ մի քայլ—
Նա կըզլորւի անդունդը մռայլ.
Ջայրագին յուզւած թարթառը այնտեղ
Խեղդամահ կանի իր զոհին անմեղ:

Եւ ահա ձորի բարձր եզերքին,
Կապոյտ երկնքի կամարի տակին,
Իբրև մի արծիւ՝ յանկարծ երևաց
Արովի որդին ըսպառագինւած...
Քաջ ու անվեհեր նա ձայնեց ¹⁾ վերից—
Եւ յանկարծ ահա կանաչ թփերից
Հայոց հրացաններն ուժգին թնդացին,
Ծխի քուլաներն երկինք զրկեցին...

¹⁾ Յարձակման պայմանական նշանաւորան էր «ծկըտ», իսկ դադարմանը «մըկտ»:

Տատանւեց, շարժւեց Թարթառի ափը.
Թշնամին սոսկաց... Տիրեց տագնապը...

Եւ դիակները արնով շաղախւած՝
Գլորւում էին ձորից դէպի ցած,
Զքանում անհետ մռայլ անդընդում,
Որտեղ Թարթառն էր զայրագին թնդում,
Զի ու ջորիներ պաշարւած ահով՝
Վազվզում էին դառիվայրներով.
Ներքեում ջուրն էր մոլեգնած գոռում,
Վերեւում կռիւն էր բորբոքւած եռում.
Գնդակ էր տեղում ամենայն կողմից,
Կածանը ներկւում կարմիր արիւնից:

Հարկահանն ահա դողալով ահից՝
Ուզում է փախչել մտալուտ մահից.
Բայց Իւսուփ ճարպիկ եղնիկի նման՝
Վազում է ահա նըրան յանդիման...
Ժայռի կատարից նա թուրը ձեռքին
Ահա թռաւ ցած ու հասաւ թուրքին.
Թուրը շողշողաց, փայլեց ահաւոր,
Խրեց թշնամու կուրծքը նենգաւոր—
Արիւնը ցայտեց Իւսուփի դէմքին.
Թուրքը մոնչւց, աւանդեց հոգին...

Անցաւ տագնապը: Հօր սրբանըէր
Աւանդը փրկեց որդին անվեհեր:
Զինակիցները եկան, ժողկեցին,
Զահէլ իշխանին շրջապատեցին.
Պագեցին նըրա զէնքը հայրական,
Երգեցին իրանց երգը յաղթական:
Եւ երբ թեքեցաւ արևը պայծառ,
Զորի ետեւում մայր մտաւ իսպառ,
Թշնամուց խլած բարիքներն առան,
Ընկնելով ճանապո՛ Գիւլիստան տարան:

VI

Սև - ջրի ափին՝ հարթ դաշտավայրում,
Ուր միշտ արևը կիզում է, այրում,
Կանգնած էր տխուր, իբրև սգաւոր,
Ղանլու - Զինարի¹⁾ ծառը դարաւոր:
Նըրա հաստ ճիւղին՝ բարձր եթերում՝
Դիակ էր նեխւած ճօճում, օրօրում.
Գարշելի հոտը չորս կողմը սփռում...

Մեռաւ չարանենգ Թամրազը դաժան,
Մեռաւ հայի զեղխ իշխանն անարժան...
Մեռաւ նա ոչ թէ արիւնոտ դաշտում,
Կամ ազգի համար մարանչող վաշտում—
Այլ կախեց սօսի ծառին դարաւոր,
Իբրև մահապարտ, իբրև մեղաւոր.
Կախեց նա ոչ թէ իր խղճի խայթից,
Այլ քաջ Իւսուփի արդար զայրոյթից...

ՅԱՐՈՒԹԻՒՆ ԹՈՒՄԱՆԵԱՆ



¹⁾ Ղանլու-Զինարը (==արիւնոտ չինարի) գտնուում է Գիւլիստանի և Զրա-
ներդի սահմանի վրայ, այժմ մնացել են միայն նրա կոճղները: Սրա մօտ է
գտնուում Աղջաղալա գիւղը, որ կոչւում է նաև Ղարաչինար (==Սև չինարի):
Ծ. 2.

Ն Ի Ի Թ Ե Ր Ի Ց Ա Ն Կ Ը

Այն Արթուր, որոնց հասնեայ հեղինակորի ազգանունը չի դրած, յօրինուած կամ փոխադրուած են աշխարհա- սիրորի ձեռքով:

ՀԱՏՈՒԱԾ ԱՌԱՋԻՆ

1. Տանից գէպի ուսումնարան	3	11. Աւետարան* Գովհաննիսեան	14
2. Թռչնիկներ* Վիկտոր Հիւգօյի (Բաճճի)	5	12. Ազատութեան հայտնողը	15
3. Արմինէ	6	13. Գիւղական և մշակ* Կրիլովից	16
4. Մանկանը* Ծահազիզ	7	14. Հօր խրատը՝ Տօլստօյից	17
5. Ֆրէդրիկոս Թագաւորի սպասա-ւորը. Թ. Ղուկասեան	8	15. Կապիկ և ակնոց* Կրիլովից	18
6. Չարդ տանեմ* Գալօբեան	9	16. Գամին և արևը. Թ. Ղուկաս	19
7. Մի հոգի երկու մարմնի մէջ. Նազարեանց	10	17. Կանաչ տերևով* Գալօբեան	20
8. Հացը. (Փրանսերէնից)	12	18. Նրբամիտ ջուլհակ. Մուան-ձեան	22
9. Հասոյի երգը. Բաճճի	13	19. Նամուսու՞ ու՞ Ղէյրթ* Գալօբեան	24
10. Բարեխիղճ խափշիկը. Թ. Ղուկասեան	14	20. Վեհանձնութիւն. Մ. Խօսք	25
		21. Մարզը և հրէշը (հէքեաթ). Գ. Բարխուդարեան	26

ՀԱՏՈՒԱԾ ԵՐԿՐՈՐԳ

22. Գարնան սկիզբը. Պոօեանց	36	28. Անտառը և նրա օգուտները	41
23. Գարնանամուտ*. Նալբանդ	37	29. Երբ որ ճնշում է բո սիրտը*. Թարգմ. Բարխուդարեանց	42
24. Սար գնալը. Աբովեանց	38	30. Երաշտ. Պոօեանց	43
25. Գարուն*. Պէճիկբաւեան	—	31. Գարնան անձրև*. Ծատուրեանց	45
26. Դաշտումը	39		
27. Վարդի ոստ*. Զալալեան	40		

32. Ամպ. Թարգմ. Բաճճի	46	41. Սառնամանիք*. Աղայեանց	63
33. Ամպեր. Կ. Մելիք-Շահնազարեանց	49	42. Մարդու մարմնի անդամները	66
34. Ամառն Երևանում. Աբովեան	50	43. Կարապոյ, ձուկը և լսեչափարը*. Կրիլովից	67
35. Կարկուտ. Կ. Մելիք-Շահնազարեանց	54	44. Արամ. (արտաքին զգայարանը)	68
36. Աղօթք*. Գովհաննիսեան	56	45. Գարեգինը (զլուխը)	70
37. Այգեկութ. Պոօեանց	57	46. Մանուկին*. Կրասիկնիկեան	72
38. Աշունք. Պոօեանց	58	47. Արշաւիբը (ներքին գործարաններ)	73
39. Զմեռ. Աբովեանց	59	48. Հետաքրքր*. Կրիլովից	76
40. Իմ հարկանները Հրատ	61	49. Հրաշալի տնակ	77

ՀԱՏՈՒԱԾ ԵՐՐՈՐԳ

50. Երգիչներ. Ծատուրեան	78	57. Առիւծն ու վագրը	90
51. Կապիկի եղբայրը	79	58. Կենդանիները լեզուն	91
52. Կապիկները*. Կրիլովից	81	59. Թռչուններ	—
53. Ոչխար	83	60. Գեղաբերունի ձուկը	98
54. Չի	85	61. Հօտ	101
55. Էշն ու սողակը*. Աբովեան	86	62. Խեցեմորթը և Արծիւը	—
56. Փեղ	88		

ՀԱՏՈՒԱԾ ՉՈՐՐՈՐԳ

63. Ընտանիք. Բաֆֆի	104	73. Ազատն Աստուած. Նալբանդեան	147
64. Հայրենիք. »	113	74. Իտալացի աղջ. երգը. Նալբանդեան	149
65. Վիպասանի մրմունջը. Խ. Աբովեան	119	75. Գիւղական նշանադրութիւն Պոօեանց	151
66. Մայրենի լեզու. Խ. Աբովեան	125	76. Գիւղական հարսանիք Պոօեանց	155
67. Վայ էն ազգին. »	128	77. Փնջիկ Ն. Տ.-Ղ.	167
68. Խայը. Ահարօեան	130	78. Ծաղկաբաղ Ն. Տ.-Ղ.	168
69. Մշակ. Պասկանեան	141	79. Պախրախոտ Ն. Տ.-Ղ.	179
70. Արաքսի արտասուքը. Պասկանեան	142	80. Սասունցի Դաւիթը. Ն. Տ.-Ղ.	187
71. Բաժակ փրկութեան. Պասկանեան	144	81. Մեղիք Իւսուփ. Գար. Թուամեան	203
72. Վայը ընկնող աստղեր. Նալբանդեան	146		

10. Երևանի քաղաքի քաղաքապետարանի կողմից
11. Երևանի քաղաքի քաղաքապետարանի կողմից
12. Երևանի քաղաքի քաղաքապետարանի կողմից
13. Երևանի քաղաքի քաղաքապետարանի կողմից
14. Երևանի քաղաքի քաղաքապետարանի կողմից
15. Երևանի քաղաքի քաղաքապետարանի կողմից
16. Երևանի քաղաքի քաղաքապետարանի կողմից
17. Երևանի քաղաքի քաղաքապետարանի կողմից
18. Երևանի քաղաքի քաղաքապետարանի կողմից
19. Երևանի քաղաքի քաղաքապետարանի կողմից
20. Երևանի քաղաքի քաղաքապետարանի կողմից

ՆԱԽԱՐԱԿ

1. Երևանի քաղաքի քաղաքապետարանի կողմից
2. Երևանի քաղաքի քաղաքապետարանի կողմից
3. Երևանի քաղաքի քաղաքապետարանի կողմից
4. Երևանի քաղաքի քաղաքապետարանի կողմից
5. Երևանի քաղաքի քաղաքապետարանի կողմից
6. Երևանի քաղաքի քաղաքապետարանի կողմից
7. Երևանի քաղաքի քաղաքապետարանի կողմից
8. Երևանի քաղաքի քաղաքապետարանի կողմից
9. Երևանի քաղաքի քաղաքապետարանի կողմից
10. Երևանի քաղաքի քաղաքապետարանի կողմից

ՆԱԽԱՐԱԿ

11. Երևանի քաղաքի քաղաքապետարանի կողմից
12. Երևանի քաղաքի քաղաքապետարանի կողմից
13. Երևանի քաղաքի քաղաքապետարանի կողմից
14. Երևանի քաղաքի քաղաքապետարանի կողմից
15. Երևանի քաղաքի քաղաքապետարանի կողմից
16. Երևանի քաղաքի քաղաքապետարանի կողմից
17. Երևանի քաղաքի քաղաքապետարանի կողմից
18. Երևանի քաղաքի քաղաքապետարանի կողմից
19. Երևանի քաղաքի քաղաքապետարանի կողմից
20. Երևանի քաղաքի քաղաքապետարանի կողմից

« Ազգային գրադարան »

NL0243544

9849

ՆԻԿՈՂԱՅՈՍ ՏԷՐ-ՂԵՒՈՆԳԵԱՆԻ

ԱՇԽԱՏՈՒԹԻՒՆՆԵՐԸ ԵՒ ՀՐԱՏԱՐԱԿՈՒԹԻՒՆՆԵՐԸ

1. ՄԱՅՐԵՆԻ ԼԵՁՈՒ, առաջին տարի, այբբենարան և սկզբնական ընթերցարան, բազմաթիւ ընտիր պատկերներով և գրութեան օրինակներով. 35-դ տպագրութիւն. գինն է 20 կ.
2. ՄԱՅՐԵՆԻ ԼԵՁՈՒ, երկրորդ տարի, երկրորդ գիրք ընթերցանութեան այբուբենից յետոյ, պատկերներով, նախապատ. քերականական և ուղղագրական վարժութիւններով. 23-դ տիպ. գինն է. 35 կ.
3. ՄԱՅՐԵՆԻ ԼԵՁՈՒ, երրորդ տարի. երրորդ տարուայ ուսուցման նիւթը ազգային ուսումնարանների համար, ուղղագրական և քերականական գիտելիքներով, 17-դ տպագրութիւն. գինն է . . . 50 կ.
4. ՄԱՅՐԵՆԻ ԼԵՁՈՒ, չորրորդ տարի. չորրորդ տարուայ ուսուցման նիւթը ազգային ուսումնարանների համար. 12-դ փոփոխած և լրացրած տպագրութիւն. գինն է 55 կ.
5. ՄԱՅՐԵՆԻ ԼԵՁՈՒԻ քերականութեան տարերքը, ընդարձակ յառաջաբանով. գինն է 50 կ.
6. ՀԱՅՈՐԴԻՒ ՍՐԲԱՊԱՆ պատմութիւն Հին-Կտակարանի. գինն է 50 կ.
7. ՀԱՅՈՐԴԻՒ ՍՐԲԱՊԱՆ պատմութիւն Նոր-Կտակարանի. գինն է 50 կ.
8. ՀԷՆՁԻԼԻՒ ԲԱՆԱԼՈՐ և գրաւոր հաշուելու խնդիրներ Ս. և Բ. տարի, գինն է 35 կ.
9. ՀԷՆՁԻԼԻՒ ՆՈՅՆԸ, երրորդ տարի. գինն է 50 կ.

«Մայրենի Լեզու»-ի բոլոր մասերը բոլորակաւ են պատշաճաբար իշխանութան կողմից որպէս «Նեոնարի» Հայեւեան լեզուն դաստանդիլու ժամանակ: